





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
391/D Vol. 2





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
391/D Vol. 2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
391/D Vol. 2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
391/D Vol. 2

24332

391

0/5/-

3/18/-

Thomas Stainton


Aug 17 - 1845


29332

FLORES
SERAPHICI.
SIVE
ICONES,
VITAE ET GESTA
VIRORVM ILLVSTRIVM
ORDINIS FRATRVM MINORVM
S. FRANCISCI CAPVCINORVM.
AUCTORE,
R. P. CAROLO de AREMBERGH,
BRUXELLENSI, EIVSDEM ORDINIS
PRÆDICATORE.

15
7/2/10

FLORIS
SERAPHICI
SIVE
ICONES
VITAE ET GESTA
VIRORVM ILLVS TRIVM
ORDINIS TRATVM MINORVM
S. FRANCISCI CARVCIORVM
AVCTORE
R. P. CAROLO DE ARMBERGHI
BRAXELLINSI FIVSDEN ORDINIS
PREDICATORE





Thomas Stainton

Feb 8-1872

D O M

IESV CHRISTO.

DEI VERBO ANTE SÆCVLA GENITO,

ORBIS CONDITORI,

MARIÆ MATRIS SEMPER VIRGINIS SECVNDVM
CARNEM FILIO,

HOMINVM SERVATORI,

CÆLORVM IMPERATORI, REGI REGVM, INVICTISSIMO
DOMINO DOMINANTIVM,

MORTIS, & INFERNI TRIVMPHATORI,

EX HOMINIBVS, VLTRA HOMINES, & SVpra HOMINES
PERFECTO DEO, PERFECTO HOMINI,

DEI, & HOMINVM MEDIATORI,

ANIMARVM

SAPIENTISSIMO MODERATORI,

VIAE INFALLIBILI, VERITATI INCOMPREHENSIBILI,
VITÆ INTERMINABILI,

OMNIVM

PATRI DOMINOque,

QVI EST SVPER OMNIA, & PER OMNIA, & IN
OMNIBVS NOBIS,

IPSI

LAUS, HONOR, & GLORIA IN SÆCVLA,

A M E N.





MARIAE DEI MATRI.

Matri integræ, Virgini fecundæ,

Matri Virgini.

Cuius viscera intacta virum claudunt,

Cuius venter virum nescit,

Cuius vterus, factus Templum Spiritus Sancti,

Peperit Dominum Templi.

Rerum omnium conditarum mensuræ,

Diuini Archetypi descriptæ Imagini,

Diuinitatis Cœlo, Solio, Templo, Throno,

Dei formæ.

Humani Generis Patronæ, Minorum Matri,

Capucinorum, & Matri, & Nutritiæ Parenti,

Peregrinationis nostræ Aduocatæ,

Periclitantium Adiutorio,

Omnium Mediatri.

Vnde captius redemptionem, æger curationem,

Tristis consolationem.

Iustus gratiam, Angelus lætitiā

Gloriam accipiunt Vniuersi.

Misericordiæ cumulo, Cœli repletioni,

Inferni euacuationi

Cœlestis Hierusalem ruinæ

Instaurationi.

Paren-

Parentum reparatrici, Posterorum viuificatrici,
Hominis naturam supra immortales spiritus
exaltanti.

Angelorum regulæ, & mensuræ,
Humanæ curationis consilio,
Omnis creaturæ decori.

Diuinæ Pietatis abyssi clauis,
Stellæ sine sui corruptione lumen emittenti,
Salutis antidotum humano generi
propinanti.

Corporis Christi umbræ obumbratæ,
Gloria Maiestatis vestitæ,
In meridie sempiterno, in secretis Filij sui amplexibus
recubanti.

Austriacorum Tutrici, Passauiensium Protectrici,
Singulari suæ Benefactrici,
Hosce Flores Seraphicos
Vouet, Dedicat, Consecratque

*Humillimus, ac deuotissimus cliens
& seruus*

Fr. C. B. C. I.

ADMO.

ADMODVM REVERENDO

in Christo Patri

P. IOANNI à MONTE CALERIO

TOTIVS ORDINIS FRATRVM MI-
NORVM S. FRANCISCI CAPVCINO-

RVN MINISTRO GENERALI DIGNISSIMO, &c.



B vltimis Germaniæ oris, stylo, & affectu
ad Reuerendam admodum Pat. tuam acce-
do; & quorsum alio ire? nisi eò redire, quò
me filialis animus, & Religionis aspectus re-
ueri iubet; nec longo impulsu opus fuit, vbi
voluntas prona est, res pia; sic enim, & Matri decuit Ordini,
& tibi Patri obsequi. De voluntate. Optima semper est,
& fuit. Quia Filij ad Patrem, subditi ad Prælatum, radij ad
suum Solem, riuuli ad suam originem, membri ad caput;
nec alias pulli, quàm matris, alas nouerunt; nec alia agni v-
bera, quàm, quæ suxerunt. Portum vndè exeo, repeto
cœlesti iubare, Solis iustitiæ radijs fauentibus, Lunæ Dei-
paræ ductu; illi primùm, & super omnia; huic postmo-
dum, ac deuotè, me, & mea consecro. Iam verò, admodum
R. P. ad te ex Horto Capucinorum Seraphico, Seraphicos
Flores profero. Tuus enim, & Hortus, & Flores; nostrum
quidem, sed magis tui. Rara virtus, & magnum munus, id
colere, quod Franciscus plantauit, Maria Virgo rigauit, &
cui Deus incrementum dedit. Nec aliud regimen Numi-
nis est, præsertim in culturâ huiusce Capucinorum Horti;
quàm vt illi primum præficiat, quem clariore quâdam
notâ elegit, tuetur, fouet. Ergò iure te Hortulanum, Mini-
strum Generalem, Patrem fecit. Quem? à naturâ, à doctri-
nâ, ab usu eximium, à vitæ probitate, prudentiâ, benigni-
tate, cæterisque virtutibus conspicuum. Hæc quidem ma-
nifesta sunt, quæ securè depono, quia nihil vanitatis ei

*

metuo,

metuo, quem nihil sibi tribuere, sed omnia Deo reddere,
vnde omne datum optimum, & omne donum perfe-
ctum, iam pridem didici. Hortus est à Deo, Dei Filio fa-
ctus, à Diuâ Deiparâ Orbi datus, à Seraphico Patre institu-
tus, Hortus odoris super omnia aromata, vnde Virorum
doctrinâ, Sanctimonîâ, Miraculis illustrium Flores non
iam morituri, sed immarcescibiles ad omnem vitam viren-
tissimi legantur, & comparentur; Flores sunt, vnde efflo-
rescat, quibus præfides, & quos excolis, Capucinatorum vi-
gor, & Christi bonus odor; vnde diuinus honor, & ani-
marum salus ampliatur, vnde Beatissimæ Virginis fauor
erga nos summus innotescat, & totum Religionis Corpus
sub te Patre, Capite, & Præfide nostro sanum, & sanctum
persistat. Deus Opt. Max. Admodum Reuerendam Pat.
Vestram nobis hic diutissimè seruet, & meritis ditatam,
beatæ Immortalitati in æternum aliquandò redonet.

Ita voueo, oro, & spero.

Adm. Reu. P. V.

Humillimus & obedientissimus
in Christo filius
Fr. Carolus Bruxellensis
cap. ind.

PRÆFA-

PRÆFATIO AD LECTOREM.



Ræclarum apud omnes Historiæ nomen ac dignitatem semper extitisse, antiquorum omnium, atque eorum præsertim vox fuit, qui de Historiâ tam magnifica, ac illustra sensere, ut eam rerum, actionumque humanarum compendium, eâ potissimum ratione appellandam senserint; quod, dum Summorum Virorum, qui nos anteriori ævo præcesserunt, consilia, actiones, rerum exitus prosequitur; velut loquens quædam præteritorum Imago, cunctas orbis ætates ante oculos ponat, ac præteritorum temporum memoriam, quasi manipulo colligat. At, cum rerum gestarum veritas ita Historiæ necessaria sit, ut illius vita, ac fundamentum iure nuncupari debeat; quâ è medio sublatâ, nec venustas, nec rerum memoria, nec legitima narratio, neque Historia ipsa stare queat; ex quo egregie Tullius duas Historiæ leges sancitas esse docet: Prima, ne quid falsi dicere audeat: altera, ne quid veri dicere non audeat: atque id rectè: Historia enim si obscura, si prolixa, si perturbata fuerit, Historia est: at ubi mendax euincitur, non Historia, sed fabula nuncupatur. Nam quemadmodum humanum corpus, simul ac discesserit animus, exanime cadaver efficitur; ita etiam Historia, si à veritate, quæ illius vita, & anima est, deferatur, prorinus vel in commentum, vel in fabulam mutatur. Quapropter hanc mihi ante omnia, in hisce Illustrium Virorum Ordinis Minorum S. Francisci Capucinorum vitis, & gestis ita prosequendam statui; ut vestigijs Annalium Admodum Reuerendi P. Zachariæ Bouerij insistens, non dubiam, non incertam, non suspectam, non vitio aliquo laborantem, sed dilucidam, certam, probatam ac à Prædicto Patre è tenebris erutam, atque in lucem vendicatam, cunctis aspectandam proponerem. Quod planè me assequutum spero, præsertim, cum hic non omnia passim, quæ obuia fierent, sed ea tantummodò, quæ ab antiquis Patribus, qui propius à Religionis vitâ absuerunt, memoriæ tradita, vel à grauiissimis Viris certâ fide, ac Iure iurando confirmata fuere, omnium habito delectu collecta sint.

Id tamen, LECTOR, te admonitum volo, me non omnium clarissimorum Virorum, quorum Capucinorum Religio, à sui ortu, ad hæc usque tempora ferax fuit, gesta, ac virtutes, in hoc opere perstrinxisse. Cum enim prior humillimorum Patrum nostrorum ætas (qui-

PRÆFATIO

bus maior humilitatis ac propriæ despicientiæ sectandæ, quàm ex-
stimationis apud homines captandæ, cura erat) Illustrium Viro-
rum, qui in Religione florebant, facta potius silentio tegere, ac celerè
quàm in publicum proferre curaret, ab hisquæ maximè abhorre-
ret. quæ suorum Virtutes, ac præclarè gesta memoriæ commendare
videbantur. Eo planè accidit, vt innumeri ferè Sanctorum homi-
num actus, Virtutes, & Miracula silentio, ac vetustate deletâ interiê-
rint, quorum vix leuis ac per manus tradita, ad nos memoria perue-
nit. Quo fit, vt eorum duntaxat, hic à nobis gesta, eaquæ compendio-
sè referantur, quæ nos ex Annalibus præfatis, illi verò ex Manuscri-
ptis absolutissima, ac probatissima, ab anno, 1525. vsquæ ad annum,
1580. hauserunt. Hos verò nequæ omnes, nequæ promiscuè, absquæ
delectu, inter Seraphicos Flores nostros sumpsimus. Eos enim, qui
etsi Virtute præstantes nullis à Deo signis, aut visionibus, aut reue-
lationibus probati fuère consultò prætermisimus, ne tanta congeries
in immensum crescens, concepti, ac propositi voluminis metas exce-
deret. Eis ergò tantum delectis, quos Deus Opt. Max. vel diuinis
hisce testimonijs Illustriores esse voluit, vel eorum gloriam post
Mortem declarauit, gesta, ac vitam summâ cum virtute transa-
ctam, Ecclesiæ Sanctæ vestigijs inhærens (quæ laudat post mor-
tem, magnificat post consummationem) conscribendam duximus.

Quamuis autem in legendis floribus nullus ordo plerumquæ ser-
uari soleat sed ex eorum confusâ varietate, maius ornamētum, de-
cussquæ illis accedat; aliter tamen quodlibet scribendi genus postu-
lat, in quo nisi ordo quidam confertam, seu rerum, seu verborum
congeriem, distribuatur, disponatur, atquæ concinnet: legenti non lu-
cem, sed tenebras, non solatium, sed tædium afferat. Cum autem hic
triplex ordo institui possit, vel qui ex annis in quibus Viri hi Illustres
Religioni nomina dedere, computari solet; vel qui ab eo tempore,
quo hanc relinquentes in illam translati sunt Ciuitatem Dei, quæ est
Primogenitorum descriptorum in Coelis; vel deniquæ, qui debi-
tum in subditis retinens Principatum Hierarchicus dicitur. Quan-
doquidem prior ex Annalibus Ordinis haberi non possit, nequæ Hi-
storiæ seriem texere intendamus, ad euitandam confusionem, qui ex
solo secundi prepostero ordine oriri posset, Hierarchicum, quem
Milites in terris tenere, eligimus, ac singulis quem Prælationis
dignitas, vel status conditio ordinem postulat, assignamus: tem-
pus verò non quo in Religionem vocati sunt, sed quo à Religione, in
viuorum, vt speramus, regionem euocati spectantes vnicum Patrem

Mat-

AD LECTOREM.

Matthæum à Bassio si excipias, cui tanquam primo Generali, ac primæui Sancti P. N. Francisci habitus formæ restitutori, primas in hoc volumine merito tribuimus. Ob singularem tamen Deiparæ Virginis in Religionem nostram affectum (cui & præsens opus consecramus) nonnullas apparitiones ac reuelationes ab eadem Illustribus Congregationis nostræ Viris factas præposuimus: inter quas, cum diuersis temporibus, ac diuersis diuersi status, ætatis, dignitatis, contigerint, non alium ordinem statuere, sed eas prout sculpturæ facilitas, & imaginum decor postulabat, visum est exhibere.

Id tamen cunctis maximè exploratum esse volo, me Illustrium Virorum (quorum vitæ in hoc Florum Seraphicorû Tomo, ac posterioribus, si vita comes fuerit, Deo bene adiuuante colligentur) gesta, Miracula, reuelationes; demùm si quæ alia beneficia eorum intercessionem à Deo lata fuerunt, haud ita legentibus credenda proponere, quasi ab Apostolicâ Sede iam examinata, atque approbata, ab eâ fidem, & auctoritatem acceperint: Cum his eam tantùm apud homines fidem mihi conciliare propositum fuerit, quæ cæteris rerum humanarum Historijs communis esse solet, quæque neminem, vel ad Catholicæ, vel ad certæ fidei Canonem perstringat. Demum quæ Apostolico Sacræ Congregationis S. R. & Vniuersalis inquisitionis Decreto (quod per omnia integrum, ac factum tectum seruatum volo) nullatenus aduersetur. Quanquam enim in his tradendis studium omne, ac diligentiam contulerim, & vera duntaxat, & quæ certâ fide, ac famâ probatâ, à præfato Annalium Authore accepta fuere, in medium afferrem: ea tamen, neque ab Ecclesiâ Catholicâ canonicè approbata cense, neque maiori, aut ampliori, quàm humana, ac historicâ fide potiri, certum apud omnes, ac velut sacrum esse volo. Quin etiam, cum sæpenumerò in Virorum Illustrium (qui apud nos vel Miraculis floruerunt, vel Virtutibus excelluerunt) vitæ perfectione explicandâ, Sanctitatis nomine vsus fuerim (quo in sensu illud passim, tum apud Scripturas tum apud Patres vsurpatur) Sanctosque, ac Beatos homines quandoque appellauerim, quos Euangelicâ perfectione insigniores offendi, nequaquam ea Sanctitatis opinio illos moueat, quasi ij iam ab Apostolicâ Sede in Sanctorum album cõscripti fuerint: cunctisque perspicuum sit, nihil in eâ nuncupatione, Canonizationis, seu Beatificationis (quâ Sancti, ac Beati ab Ecclesiâ appellari solent, qui publico cultu ac veneratione apud homines donantur) insinuari: sed eam tantùm Sanctitatem in his à nobis commendari sciant, quæ ex eorum Virtute, & morum excellentiâ proficiscitur; v-

PRÆFATIO

tur, vniuersa demum, quæ cum in hâc, tum in alterâ Florum Sera-
phicorum parte colligentur, ac conscribentur; per omnia S. R. E.
exanimi, ac iudicio subiecta sunt.

Ne autem apud vllum fortè, Auctorum, ac Manuscriptorum
(quæ in hoc opere, velut totius historiæ fontes, ac testes adhibentur)
fides, & autoritas in discrimen, aut suspensionem vocetur, Lecto-
rem admoneo: Nos duo potissimum in hâc compendiosâ Virorum
Illustrium Historiâ tradendâ, Scriptorum, qui apud nos omni exce-
ptione maiores habentur, genera sequutum fuisse. Primum eorum,
qui res ab initio gestas, ac Religionis nostræ primordia, à quibus
propius absuerunt, conscripsere: Porro hi quatuor enumerantur.
Primus, Fr. Marius à Forozarsinio Vir grauissimus, qui anno, 1567.
Generalis electus, res vti viderat, se conscripsisse affirmat; Secundus,
F. Hieronymus à Monte florum, qui anno, 1575. & ipse ad Genera-
latus officium assumptus, nonnulla duntaxat à priscis Patribus præ-
clare gesta è tenebris vindicauit, tum verò Sanctimoniâ, ac Miracu-
lis clarus, è viuis excessit, quemadmodum in sequenti Florum Sera-
phicorum Tomo fusè exarabitur. Tertius, F. Matthias Salodiensis,
Vir præclarus, qui sæpenuerò Diffinitoris Generalis munere fun-
ctus ac multis in Religione dignitatibus cohonestatus, fusius totam
institute Capucinorum Reformationis Historiam vsque ad annum,
1575. duobus voluminibus complexus est. Huius Viri virtus au-
thoritas, fides, ne vlli suspecta esset, à Deo signis post mortem com-
probata fuit, vti suo loco explicabitur. Quartus denique F. Bernardus
à Colle-petratio, eximie Virtutis Concionator qui cum illa pri-
ma Religionis tempora, quæ sub Matthæo à Bassò, ac Bernardino
Astensi defluxere, conspexisset) res ampliori rerum narratione, ac
Volumine prosecutus est, quarum veritatem, vita ab eo in summis
Virtutibus transacta, ac plerisque Miraculis illustrata, sua annorum
serie conscribenda non obscure confirmat. Atq; hi sunt, quos cum tã-
q̃ antesignanos, ac fidelissimos Histo. duces secutus fuerim, eorū quo-
q; testimonio tanquã fidelissimo ligamine flores colligãdos duxerim.

Alt. scriptorum genus huic succedit, ex antiquis Prou. Monumen-
tis, Gene. Min. iussu, & autoritate, summâ fidelitate, ac diligentia, nec
non inetrposito iussu, vndiq; collectū, ac consignatum, quorum fidem
nefas duxerim in discrimen adducere. Ab his amplissimis igitur Hor-
tis cū totus hic Flor. Ser. To. collectus fuerit, minus profectò ille ob-
loquētū calūnijs obnoxius esse potest. Mihi verò id apud equū lecto-
rē fidei cōparatū opto, vt mutuò accepta, tantū à me reddita existimet

APPRO.

APPROBATIONES.



Visu Admodum Reuerendi Patris Ioannis à Montecalerio Ministri Generalis Ordinis nostri Fratrum Minorum Sancti Francisci Capucinatorum, &c.

Ego Frater Benedictus Leodius Rhenanæ Prouinciæ Definitor, Lector, & Guardianus Montinentis, vidi, & accuratè perlegi hunc librum, cui titulus, *Flores Seraphici ex amœnis Annalium Hortis* Adm. R. P. F. Zachariæ Bouerij Ord. FF. Minorum S. Francisci Capucinatorum Definitoris Generalis collecti, siue Icones, vitæ, & gesta Virorum Illustrum (qui ab Anno 1525. vsque ad Annum 1580. in eodem Ordine miraculis, ac vitæ Sanctimoniam claruere) compendiosè descripta Auctore R. P. F. Carolo de Arenberg Bruxellensi, eiusdem Ord. Predicatoris; In quo nihil reperi fidei, vel bonis moribus aduersum; imò omnia doctrinâ, pietate, styli breuitate, rerum Ordine, ac ipsâ quasi viâ per imagines Inclytorum Ordinis Seraphici Capucinatorum re- productione, adeo pulchra, & efficacia, vt Auctorem suum, meritisimo à Natalibus, Virtute, atque ingenio com- mendent, & quemlibet ad Sæculi vanitates spernendas, Christi quæ, & Sanctorum sequenda Vestigia maximè pro- moueant. Quare dignum censeo, vt hi Flores cælestem odorem spirantes, ad Dei gloriam, Seraphici Ordinis nostri fructum, & Christianæ Reipublicæ vtilitatem, in lucem prodeant. Datum Colonia Agrippinæ In Conuentu no- stro Anno 1639. Die 21. Februarij.

Fr. Benedictus Leodius,
qui suprâ.



Flores Seraphicos, siue Icones, vitas, & Gesta virorum Illustrum; qui in Ordine Fratrum Minorum Sancti Francisci Capucinatorum, ab anno 1525. vsque ad annum 1580. virtutibus, signis, miraculis, ac vitæ sanctimoniam claruerunt: à Reuerendo Patre F. Carolo de Arenberg, ex Annalibus nostris, ordine Hiërarchico, concinnatos: de mandato Adm. Reuerendi Patris Ioannis à Monte Calerio Ordinis nostri Generali Ministro, perlegi, & in eis non tantum nihil contra fidem, & bonos mores; sed Illustri viro, dignum opus inueni: quodque in omni loco bonum odorem Christi diffundat, reperi, eoquæ dignissimum censeo, vt imprimatur. Datum Colonia Agrippinæ die 21. Februarij, 1639.

F. Victor Treuirenſis
Predicator Capucinus Ind.

Licentia Adm. R. P. Ministri Generalis.



Nos Fr. Ioannes à Montecalerio Minister Generalis licet immer. totius Ord. Fratrum Minorum Sancti Francisci Capucinatorum tenore præsentium concedimus quatenus liber cui titulus est. *Flores Seraphici ex amœnis Annalium Hortis* A. R. P. Zachariæ Bouerij Ord. Fratrum Minorum Sancti Francisci Capucinatorum Definitoris Generalis collecti, siue Icones, vitæ, & gesta virorum Illustrum (qui ab anno 1525. vsque ad Annum 1530. in eodem ordine miraculis ac vitæ sanctimoniam claruere) compendiosè descripta à R. P. F. Carolo Bruxellensi dicti nostri Ordinis Concionatore compositus, & à Patribus doctis nostræ Religionis, quibus id commissimus, recognitus, & appro- batus, seruatis aliis seruandis, prælo mandari valeat, In quorum fidem has Chirographo nostro, & officij nostri sig- illo munimus. Datum Lugduni 1 septembris 1639.

F. Ioannes Min. G.



X commissione adm. Reuerendi & Eximij P. F. Ioannis Philippi Fr. dt. Ord. Præd. Sacrosanctæ Theo- logiæ Magistri, in alimâ Vniuersitate Colonienſi Professoris publici, & hæreticæ prauitatis Inquisitoris Apostolici, *Flores hosc Seraphicos ex amœnis Annalium hortis* adm. Reuerendi P. F. Zachariæ Bo- uerij Ordinis FF. Minorum S. Francisci Capucinatorum Definitoris Generalis, operâ R. P. F. Carol. de Arenberg accuratissimè collectos, non sine animi oblectatione euolui, & cum nil fidei orthodoxæ seu bonis moribus dissonum redoleant, sed suauissimum præstantissimarum virtutum spirent odorem: & illustrium virorum prodigia mirè exprimant non solum deuotis sacrarum Iconum amatoribus verum etiam singulis, quos San- ctorum Virorum gesta expressa videre delectat, præsens opus vtilissimum, & incundissimum futurum spondeo: vnde & merito typis mandandum censeo, vt Flores appareant in terrâ nostrâ, ex quibus quilibet gratum sibi possit & decerpere, & colligere fasciculum. Datum Colonia in Conuentu S. Crucis Ord. Præd. 17. Aprilis, 1640.

Fr. Rudolphus Rælen.
S. S. Theolog. Baccalaureus
& lector.

Imprimatur

F. Ioannes Philippus Fridt ord. præd. D.
prior & Inquisitor
Generalis.



Ape sis, *Flores hosc Seraphicos* viuus Imaginibus expressos eorumquæ suauissimo odore securus perfrueret; nullas later anguis in herbâ: Collectus enim est, operâ & studio R. P. F. Caroli de Arenberg, Ordinis FF. Minorum S. Francisci Capucinatorum Predicatoris, ex purgatissimis eiusdem Familiæ Viridarijs, Annalibus in- F. Zachariæ Bouerij, dicti Ordinis Definitoris Generalis, supremâ Censurâ Romanâ approbatis; prout ma- nu, relatuquæ eorum didici, quibus peniculatè ventilatus fuit, & accuratè excussus. Colonia sequam R. cundo Octob. 1639.

Henr. Francken Sierstorpius
S. S. Th. D. Regens Laurentianus
librorum Censor ordinarius.



Visio qua erudiuit eos

Mater eorum. Prou. 31

facile videtur ab eis

qui diligunt eam Sap. 6

in quocumque motu suo

Et ad me

Et ego Visionem

Visio in dies. Dan. 10. 14

et multiplicabo Osee 12

Quibus autem apparuerit in visu diligunt eam in visione, et in agnitione magnarum suorum. Eccli. 1. 15

En tibi Deipara Virgo, hosce Illustres Viros
Ordinis nostri Seraphici Primicerios Flores,
quos uultu tuo uiuos recreasti, nunc amoris
mei obsides reduciuios profero, et offero.
Illos premitto, quò coeptis meis annuas,
tibiue eorum qui sequuntur grata
magis, et accepta reddantur spectacula.

offertur



EX INFINITIS PENE APPARITIONI-
BVS, NONNVLLÆ, QVIBVS BEATISSIMA
VIRGO SE RELIGIONIS CAPVCINORVM PARENTEM NEDVM
NVTRITIAM MATREM PROFITETVR, AC VICISSIM QVAM CO-
PIOSE CAPVCINORVM RELIGIO IN IPSIVS VELVT A-
MANTISSIMÆ PARENTIS CVLTVM, AC VENERA-
TIONEM SE SEMPER EFFVDERIT,
DECLARATVR.

Venerunt mihi omnia bona pariter cum illa & innumera-
bilis honestas per manus illius, & ignorabam, quo-
niam horum omnium mater est. Sap. 7. 11.



QVAM singularem Virgo Deipara Minorum Ordinis
Patronam se gerat, si quis ignoret; attentè perpendat, ro-
go, quemadmodum in utroque tam primæ illius Institutio-
nis, quàm postremæ huius Reformationis statu, ipsius se Pa-
rentem, nedum Nutritiam Matrem profitetur: atque adeo
in illius bonum, ac utilitatem inuigilat; ut perindè ac si
ab ea genita esset, sedulam ipsius curam, ac sollicitudinem
gerat: quò fit, ut nulli mirum videri debeat, quod Minorum, ac præsertim
Capucinatorum Religio, cui venerunt omnia bona pariter cum illa, & innu-
merabilis honestas per manus illius, & cuius Alumnorum omnium Mater est,
tam copiosè in ipsius velut amantissima Parentis cultum, ac venerationem
se effundat; ut ab illius sinu pendere, vniuersaque vera pietatis officia illi
exhibere gestiât, quæ grati in eam Filij significationem ostendant: nihil deni-
que quod ad ipsius gloriam augendam spectat, sibi prætermittendum existi-
met. Neque id sane immeritò: Nam si Beatissima illa Virginum Regina tam
sollicitè res huius Ordinis (ut ex præcedentibus & subsequentibus patet) cu-
rat, perindè ac si illius Parens, a Christo constituta esset, illis verbis: Mu-
lier ecce Filius tuus: An non æquum est Minorum, ac præsertim Capuci-
norum Ordinem, totum se in eius honorem, ac venerationem extendere,

quò se legitimum eius Filium esse declaret: haud secus quàm si olim Dei Filius in Cruce pendens ipsi aliquandò in mysterio, velut Matrem colendam reliquisset, cum diceret: Ecce Mater tua: quam scilicet summis, quæ Cælestem Matrem decent honorum titulis, ac officijs prosequi debeat. Ea propter flexis poplitibus, Deiparam hanc Virginem supplex venerans, apparitiones quibus irradians mirabiliter filijs suis adfulsit, ijs qua mox sequentur Virorum Illustrium descriptionibus præmitto. Venite ergò audite, & narrabo, omnes qui diligitis eum, quanta fecit Patribus nostris.





1. F. IOANES PEDEMONTANVS SAC. 2. F. THOM. TIPHERNAS VIC. GENERALIS
3. F. HIERON. APISTORIO DEF. GNR. LIS 4. F. HIERON. ABVTVNTO. PRED. 5. F. PETRVS AMARTINÂ. CVARD.

I.

APPARITIO



RATER IOANNES BAPTISTA PEDE-
MONTANVS, Sacerdos Prouinciæ Roma-
næ, Vir sanctitatis eximiæ, qui erga eos qui
aliquam in Religione, vel Ecclesia Prælatio-
nem gesserant, præcipuâ charitate fereba-
tur: auditâ Francisci Æfini FF. Capucinorum tertij Ge-
neralis morte, pro eo preces, ac supplicationes ad Deum
fundens, vehementiori; spiritus impetu impulsus, à
Virgine Deiparâ, cuius ille deuotissimus erat, instantissi-
mè postulat, vt quid de huius Viri salute in Dei Iudicio
actum sit, aperire dignetur: adest oranti seruulo Beatissi-
ma Virgo fulgentissimis vndiq; radijs circumfusa, eamq;
sibi dicentem audit: Cur Ioannes Baptista de Francisci sa-
lute dubitas? An non tantus vir, qui tam præclara, voce,
scripto, exemplo suæ virtutis, ac præcipuæ in me deuõ-
tionis testimonia edidit, cœlesti regno frui debuit? Cer-
tum igitur tibi sit, eum perpetuum in Cœlo præmium
consecutum fuisse. Obijt Anno 1549.

II.

APPARITIO



RATER THOMAS TIPHERNAS, FF. Capucino-
rum sextus Generalis, singulari Deiparam cultu
prosequens, ac quolibet die ante diuina Altaris
Mysteria, velut legitimo sempiterno sacram illi coronam
persoluens, cùm aliquandò propter multiplicem nego-
tiorum copiam, quæ ipsius animum distraxerant ea-
dem sacrarum precum oblatio è mente elapsa esset, ac
necdum persoluta ad prandium cum cœteris accede-
ret; vix Refectorium ingressus, protinùs se debitum
Virgini pensum haud exoluisse reminiscitur: quamob-
rem mox dimisso prandio in syluam secedit, vbi dum
consue-

consuetæ orationi omni cum pietate vacat; Sacerdos quidam, qui eum præter morem è Refectorio egressum, diuq; moras in syluâ trahentem obseruat, quid ageret exploraturus, ad syluam se confert, vnde eminùs prospectans, Thomam orantem, ac Beatissimam Virginem ante illum stantem cernit: quæ cum plurima illi amoris signa ostenderet, magnoperè se illius oratione oblectari indicabat. Eiusdem Virginis suffragio, Thomas, (quo tempore Generalis munere, Pedemontanos Conuentus visitans, fungitur) ab Hæreticorum furore, qui viam obsidebant, vniuersosque per eam euntes trucidabant, mirabiliter ereptus, eam sibi sollicitè patrocinatam agnoscit. Obijt Anno 1576.

III.

APPARITIO

HRATER HIERONYMVS PISTORIENSIS à Pio V. Pontifice, (militum copiam foedere inter Christianos Principes inito in Turcam parante) in Cretam Insulam, vbi breui tota Christianorum Classis colligenda erat, cum alijs qui trigesimum numerum implerent, præmittitur, vt pro Fide certantibus omni charitatis officio adfit, ijsq; animos ad Fidei hostes debellandos addat. Hieronymus ergò dum se ieiunio, oratione ac lachrymis ad perfectionem parat; Beatiss. Virgo, cuius plurimùm ille religione afficiebatur, oranti adest, eumq; breui è vitâ hinc migraturum præmonet. Obijt Anno 1570.

IV.

APPARITIO

HRATER HIERONYMVS à BVTVNTTO, sacrosanctæ Missæ Mysteria tantâ mentis puritate, ac religione celebrare solitus erat; vt nunquàm sine lachrymarum effusione ijs incumberet, quò fiebat vt sæpè B. Virginis præsentia interea potitus fuerit, pluraque à Deo,

ob singularem ipsius in hæc Mysteria reuerentiam, dona acceperit. Eluxit igitur inter nos Hieronymus plurimâ apud omnes virtutum laude, ac sanctimoniâ clarus, relictâque sui nominis apud mortales gloriâ, ad immortales conscendit. Anno 1580.

V.

APPARITIO

FRATER PETRVS à MARTINA dùm ægrotus in lecto iacet, à B. Virgine sibi apparente discit vnum ex illius Conuentus familiâ inter quindecim dierum tempus ex humanis excessurum. Is igitur vbi Fratribus sui obitus horam, quæ sequenti Dominicâ post Conuentualem Missam à Deo præstituta erat, prædixit; ipsâ quintâ decimâ luce post sacramenta deuotissimè suscepta, Fratresque ac Nouitios sanctis monitis, ac supremis hortationibus instructos, ad superos migrat. Anno 1559.



I. AP.



1. FR. SERAPHINVS SAONENSIS VIC. PRŌLIS. 2. FR. HIERON. A PISTORIO DEF. GNR. LIS. 3. FR. PACIFICVS FANESTRIS. GVAR. 4. FR. PACIFIC. A SPOLETO. GVAR. 5. FR. HIERON. A MONTEFLORE VIC. G.

I.

APPARITIO.

RATER SERAPHINVS SAONENSIS Pro-
uinciæ Genuensis Vicarius Prouincialis, ob
singularem mentis prudentiam in eadem Pro-
uinciâ Guardiani, Definitoris, & Prouincialis
Vicarij dignitatibus fungitur. Præclarissimis
quoque vitæ exemplis, posteris omnibus præluet. Regu-
laris obseruantia, præsertim paupertatis studiosissimus cul-
tor existit. Hic cum inculpatam vitam, maximisque virtu-
tibus ornatam plurimis annis duxisset; à B. Virgine, quam
singulari religione semper coluit, tandem reuelationem
accipit, eo die se corporis nexibus soluendum, quo ea
glorioso, ac rediuiuo corpore in Cælum assumpta fuit. Eo
nuncio Seraphinus quam plurimum gauisus, cum illud Fra-
tribus retulisset, ipsa quoque die, in Conuentu S. Barnabæ
carnis sarcinâ depositâ, sanctimoniâ clarus, ad Deum migrat:
cuius caput post sexdecim sepulturæ annos, integrâ cute, ca-
pillis, coronâ, constans reperitur; vt spiritum cœli triumpho
potitum, carnisque ac Diaboli victorem, apud Superos co-
ronatum ostenderet. Obijt Anno 1574.

II.

APPARITIO.

RATER HIERONYMVS à PISTORIO cum semel
in itinere cum Socio à rectâ viâ aberrasset, noctuq;
per nemorum deuia incedens, quò pergeret ignora-
ret, diuinæ se protectioni commendat, ac Deiparæ Virginis
Sanctique Iosephi, ac Pueri Iesu sibi præsidium implorat:
vixque ab oratione surgit, cum procùl lumen aspicit, quò
iter ambo dirigentes, cum eo peruenissent; humile domi-
cilium reperiunt, in eoque Senem hominem cum Muliere,
ac Puerò degentem conspiciunt, qui cum eos hospitio hu-
manif-

manissimè excepissent, cibo refocillant, paratumque ad quietem eis locum assignant: suauissimo ij somno totâ nocte potiti, dum manè euigilant, amœno se in prato, cui recta via coniuncta erat, collocatos cernunt, totamque syluam perlustrantes, cum nullum domicilij vestigium, deprehenderent, Anselmo socio Hieronymus ait: Quid frustra domicilium quærimus Anselme? Cœlestes Hospites cœleste domicilium secutum est: Hæc enim S. Iosephi, hæc Virginis Deiparæ, hæc tandem pueri Iesu in nos munificentia fuit. Obijt Anno 1570.

III.

APPARITIO.

PRATER PACIFICVS FANESTRIS, dum aliquândo Eugubij Guardiani munere fungens in Ecclesiâ attentius orat, in ipsâ Immaculatæ Conceptionis Deiparæ Virginis solemnitate, post matutinas Horas immaculatam Virginem maximam ex se cœlestiû odorum fragrantiam effudentem è cœlo dilabi conspicit: quo tempore Sacrista, qui vt Altaria ob diei solemnitatem decentius exornaret, ante alios confurrexerat, cum Ecclesiam ingressus, eam insolito, ac suauissimo odore fragrantem perciperet maximè admirans, atque vnde tanta illius odoris suauitas emanaret, ignorans; Pacificum orantem adit, ab eoque tantam suaueolentiæ causam sciscitatur. Cui Pacificus: Ne mirare, ait, non est hic aromatum, aut thymiamatis, quæ apud nos oriuntur mortalis odor, è Cœlo hæc aromata prodiere, veruntamen audita contine. Nuper hîc Cœlorum Regina descendit, cumque pleraque ad suam ipsius dignitatem spectantia, quæ antea ignoraueram, indignum Mysteria docuisset; illud inter alia explicauit, se in primo suæ Conceptionis articulo ab omni prorsus originalis peccati labe Dei gratiâ immunem fuisse: cuius rei testimonium est hæc suauissima odoris fragrantia. Vitam de-

b

nique

inique cū sanctus hic Vir ad extremos vsq; canos magnā cum sanctimonie laude perduxisset, eam quoque sanctorum fine conclusit. Anno 1566.

IV.

APPARITIO.

RATER PACIFICVS à SPOLETO dū in Conuentu Tipherni Guardiani officio fungitur, extremoque morbo pręgrauatus, cum morte colluctatur; Christum Dominum, ac Beatissim. Virginem, copiosaque Beatorum agmina se ad pręmia allicentium conspiciens, his astantes verbis alloqui cępit: O quā bonum, & quā iucundum est fratres corpore dissolui, & esse cū Christo: quid me adhuc carnis repagula tenent? En me Dominus, ac Virgo Deipara ad pręmia expectant, sanctique exitum meum pręstolantur. Iam valet: hisque in verbis felicem animam efflat æternā gloriā coronandam. Anno 1580.

V.

APPARITIO.

RATER HIERONYMVS à MONTE FLORVM, Vicar. General. Vir multā virtute pręditus, atq; apud Deū oratione potens, cū semel æstiuo tempore è Perusino Conuentu cum socijs digressus, Assisium pergeret, & omnes siti æstuant, Hieronymus colloquio cum socijs de B. Virg. instituto, sitis ardorem extinguere conabatur; vix paululū post hæc in via processerant, cū in eā domunculam offendunt, ex quā Matronam quandā grauem prodire cernunt, quæ offam panis, vino dilutam in poculo gestans, Hieronymo offert: duæ quoque eam pedissequæ sequebantur, quæ geminos calices eodem modo instructos, Socijs prębent, illos Matronā his verbis compellante: Recreamini Patres, exiguumque potum sumite: scio enim quod siti æstuat; Hieronymus verò cū

cum factum admirans altiùs animo ageretur, Matronam fixè contemplabatur, in quâ diuinum quid elucere videbatur. Neque eum opinio fefellit: cum enim posthac actis Matronæ gratijs, pedetentim viam prosequerentur, sæpè oculos ad Matronam conuerterent; subitò domum, Matronam, ac pedissequas inde omnes euauisse cernunt, nec vlla eo in loco deinceps domus vestigia agnoscunt: quo facto vniuersi obstupère. At Hieronymo deinde oranti diuinitùs reuelatum fuit singularem illam Deiparæ in eos munificentiam fuisse, eò quod pios inter se eo tempore de eâ sermones miscerent. Con-

tigerunt, quæ suprà. Anno

1579.





1. FR. ALEXANDER BVTRIO SAC^{OS} 2. FR. FRANC¹⁶⁵ SACCENSIS DEF^{OF} 3. FR.
SEBASTIAN, AGRAT TERIO GVAR¹⁶⁵ 4. FR. FRANC¹⁶⁵ CARTOCETO SAC^{OS} 5. FLAVRENA SARNANO LAI

I.

APPARITIO.



RATER ALEXANDER à BVTRIO Sacerdos, cùm in sæculo quasi extrà sæculum Religiosam vitam duceret, in Religione, in carne præter carnem viuens plurimas à Deo virtutum coronas consequitur. Hic cùm semel Fauentiæ degens in Ecclesiâ oraret, stygius ille faber, qui prunas ardere facit, tam ardentes libidinis faces in Alexandri carne succendit; vt quanquàm strenuus Christi miles cum hoste fortiter decertaret, vndique tamen sibi à superis suppetias quæreret, quò familiarem hostem debellaret: verùm vbi multorum opem implorauit, demùm ad B. Virginem se conuertens: Tuum est, inquit, O Virginum Mater, & custos, tuos seruare, hostes tui sunt, qui agmine facto in me irruunt. Adesto Virgo, celeresque mihi contrà hostes tuos suppetias fer, vt nomen tuum per sæcula laudem. Has cùm preces ad Virginem Deiparam ardentiùs effudisset, mox temptationis flammâ, eâ oratione, velut effusis aquis extinctâ, de temptatione victor euasit; Magister verò qui procul decertantem inuebatur, B. Virginem auream Coronam è Cœlo suo pugili deferentem videt; tandem post diuersâ certamina Alexander Coronas, quas sibi viuens comparauerat, post extremum victoriæ triumphum refert. Anno 1580.

II.

APPARITIO.



RATER FRANCISCVS SACCENSIS Concionator, Prouinc. Panormitanæ Definitor, admirabilis, ac penè incredibilis abstinentiæ, nec non austeritatis cultor, B. Virginis deuotissimus, sæpè ipsius præsentia potitur, ac tandem depositis corporis exuijs, liber, ac purus ad cœlestes auras conscendit. Anno 1575.

III.

APPARITIO.

FRATER SEBASTIANVS à GRATTERIO, cū Gibilmannæ aliquandò grauissimè ægrotans, ardentissimo febris calore exæstualet, hauſtum fontis, qui propè B. V. Ædem defluebat, peroptauit; Hyemis tunc tempus erat, Regioque circumquaque niue obſeſſā viam Fratribus intercluſerat, quā ad fontem pergere, ex eoque aquam haurire poſſent; Veruntamen haud Viro Dei, quæ afflictorum conſolatrix eſt, Deipara defuit, quæ ægrotanti ſeruulo ſuo apparens, vas illi aquæ coeleſtis propinauit, quam cū ſitibundus ebibiſſet, mox incolu- mis è lectulo ſurrexit, ſuæque liberatricis benignitatem pijs laudibus, ac gratiarum actionibus proſequutus eſt. Obijt Vir ſanctus Anno 1550.

IV.

APPARITIO

FRANCISCVS à CARTOCETO Sacerdos, Vir ſan- ctimoniā & Prophetiæ ſpiritu clarus, cū ad ta- bernaculi deſignationem velox properaret, qui cor- poris eò uſq; luminibus orbatus fuerat, mentis oculos tunc ſibi primū aperiri, ac claro lumine illuſtrari ſenſit, quò res planè diuinas intueretur. Circa igitur extremum illū vitæ occaſum, ſtatim totus animo & corpore exhilarari, atque Socio exclamare cœpit: Pacifice, Pacifice, an non vides, Fili, lucidiſſimam, pulcherrimamq; viam, quæ hinc uſque ad Cœlum pertingit, vndique pretioſiſſimis aulæis, auro gemmiſque textis, ornatam? Tunc oculis parumper in Cœlum deſixis rursū toto corpore exultans: Tolle in- quit, iſthinc omnia, ne quidquam huc aduentantes impe- diat, Eia, pulcherrimo choro da locum. Cū verò Pacificus ab eo percunctaretur, quiſnam ille chorus eſſet, quorsū-

ue tunc

uetunc eò accederet. En, inquit, Angelorum Reginam, maximâ Virginum & Sanctorum multitudine stipatam: En Cœlorum Dominam, iam eundi tempus est, eamus cum illâ. His in vocibus foelix illa Francisci anima corporeis vinculis exoluta, B. Virgini, & Sanctorum Choris associata in Cœlum migravit, & qui secundus inter Capucinos numeratur, omnium Capucinorum primus, quasi cæteris locum paraturus, ad cœlestes sedes euolat. Anno 1526.

V.

APPARITIO.

FRATER LAVRENTIVS à SARNANO Laicus, tam admirabili, ac ferè prodigiosâ patientiâ præcelluit, vt dura quæque, aut verba, aut probra, quæ illi interdum ad probationem fiebant, tam læto, ac sereno animo acciperet, vtea semper risu exciperet, neque ijs magis moueri videretur, quàm si omnis iracundiæ sensu careret: hâc igitur, atque alijs, cum Regularis disciplinæ virtutibus floreret, Sarnani ad extremam vitæ lineam peruenit. Quo tempore gloriosissimâ Cœlorum Reginâ, illi benignè apparente, eo lætus aspectu exclamat: O Mater, O Mater mea Maria: & sic clamans expirat. Corpus verò, ac vestes post ipsius obitum, tam suavi odoris fragrantia respersæ fuerunt, vt certatim Fratres habitus ipsius frustula sibi præscinderent, vt ea apud se deuotè retinerent. Obijt

Anno 1569.





^{1a} F. EVSEBIVS S. CATHARINAS ^{OS} Sac. 2. ^{16a} F. VINCENTI ^{OS} CASSINENSIS Sac. 3. ^{OS} F. GERVA-
^{16a} SIVS HYRMINIENSIS Lai. 4. ^{OS} F. VINCENTI ^{OS} A FLAVIANO Sac. 5. ^{OS} F. BONAVENTURA CREMONENSIS Sac.

I.

APPARITIO.



RATER EVSEBIUS à SANCTA CATHARINA, Vir sanctimoniâ illustris, qui tam eximie puritatis, ac sanctitatis fuit, ut sæpè cum Virgine Deiparâ, ut filius cum Matre familiarissimè confabulari soleret: aliarum verò virtutum, cum memoriâ, quæ apud Deum viuit, apud homines summâ nostrorum humilitate perierit, quibus præclara singulorum gesta monumentis tradere, typus, ac superbia videbatur, hîc potius desiderari, quàm referri potest. Obijt Anno 1537.

II.

APPARITIO.



RATER VINCENTIVS CASSINENSIS Sacerdos, cum vitam Euangelico Viro dignam, summâ integritate, ac pietate vsque ad mortem traduxisset; in morte Iesu Christi, Beatiss. Virginis, S. Francisci, S. Catharinæ, S. Claræ præsentia dignatus, cum his lætus ad supremam patriam migrat. Obijt Anno 1567.

III.

APPARITIO.



RATER GERVASIVS HYRMINIENSIS Laicus, omnium virtutum, præsertim obedientie laude clarus: orationi, ac diuinarum rerum contemplationi deditus, à Dæmone multum perpeffus, quotidiana de diro hoste, suâ patientiâ, trophæa refert, atque inter hæc Dæmonum prælia, haud illi cœlestes consolationes defunt: nam sæpè hoc tempore B. Virginis, interdum B. P. Francisci, atque aliorum præsentia in oratione fruitur. Miraculis tandem illustris, mortuoque inter alia

fuscitato migrat ad Dominum. Obijt Anno 1574. Fratri-
que cuidam gloriosus postmodum apparet,

IV.

APPARITIO.

FRATER VINCENTIVS à FLAVIANO Sacerdos,
Vir sanctimoniâ & miraculis illustris; orans ali-
quandò ingentem è Cœlo tempestatem oriri, ac
ex eâque sanguinem pluerè, ac tellurem cruore ma-
didam sanguineos riuulos effundere conspicit: quo sta-
tim Mysterio Dei iram quibusdam Thuscîæ Populis im-
minere edoctus, diuino cœstro agitato, ac Prophetico pla-
nè Spiritu correptus, cùm facultatem à Guardiano acce-
pisset, expoliato habitu, ac solis sibi lineis fœmoralibus re-
lictis, grauem sibi Crucem in humeros imponit, alterâque
seipsum manu flagellans, hoc modo pleraque Oppida toto
integrali die peragrat, Ionæ instar exclamans: O Viri pœ-
nitentiam agite, citò enim veniet ira Dei. Vincentius igitur
ætate grauis, cùm hoc modo ieiunus graui illo Crucis pon-
dere, atque itinere fessus sub meridiem inter montes iace-
ret, ac præ cordis deliquio viribus deficeret, B. Cœlorum
Reginam sibi adesse conspicit, quæ panis buccellâ in i-
psius os immisâ tantoperè illius vires animumque re-
creauit; vt reliquum diei iter eodem modo, imò validiùs
expedire potuerit. Obijt Vir sanctus Anno 1573.

V.

APPARITIO.

FRATER BONAVENTVRA CREMONENSIS Sa-
cerdos, Angelicam potiùs, quàm hominum vitam
ducens, cùm aliquandò in Conuentu Fauentiae
Bononiensis Prouinciæ, inter orationes, ieiunia, atque a-
lias corporis macerationes, ob Religionis periculum stu-
diosius versaretur, rumore vbique ab æmulis effuso, quòd

Capuci-

Capucinatorum Religio breui à Pontifice extinguenda esset, iuges in oratione lachrymas fundebat. Dùm igitur post meridianum tempus Deum feruentius oraret, sæpeque ad quandam B. V. imaginem, quæ illi in prospectu erat, oculos intendens, magno lachrymarum imbre perfusus, Religionis illi periculum commendaret, manum sibi inuisibiliter apprehendi, ac concuti sentit, quasi qui è graui somno excitaretur, atque eodem temporis momento Mulierem splendidam, ac Sole lucidiorem sibi astantem videt, quæ his eum verbis alloquitur: Quid ploras Bonauentura? quid gemis? quid est quod animum tuum tantoperè excruciat? Expauit primo aspectu Bonauentura, at blandis illis verbis confirmatus: cùm iam B. Virginem Dei Matrem esse diuino intus lumine illustrante agnouisset, mox ad illius pedes prouolutus: Heu, Virgo Beatissima, inquit, miserorum omnium spes, ac perfugium singulare: En desolatæ Religionis meæ vices plurimum doleo, quæ tantis, vt vides, est angustijs demersa, tamque ingenti in discrimine versatur, vt nihil magis nobis extimescendum sit, quam vt infœlix inter ipsa ortus incunabula ad funera rapiatur, nisi tu nostri miserta pro nobis stes, pusillaque hæc Familia, quæ te obstetricante parta est, te quoque protegente seruetur, & ad perfectum excrescat. Cui B. Virgo: Ne timeas; inquit, Fili, haud cadet Capucinatorum Religio, incolumis stabit. Hoc enim exploratum habe, Congregationem istam ita à Filio meo diligere, vt ab eo nullo vnquam tempore deferenda sit. His, alijsque dictis se ab illius aspectu B. Virgo subtraxit.

Anno 1571.





1. FR. IÖES SORIANVS SAC.^{OS} 2. FR. SEBAST. ENGIENSIS SAC.^{OS} 3. FR. LEONARDVS
AVGVSTA CLER.^{CLAS} 4. F. BERNAR. CATACIENSIS CLER.^{CLAS} 5. FR. QVIDAM NOVITIVS VRB. INAS.

I.

APPARITIO



FRATER IOANNES SORIANVS Sacerdos, huic sæpè Virgo Virginum in oratione apparet, quæ cum ad dura omnia pro Deo toleranda cœlestibus illum verbis hortatur; futuram, ac diuturnam illi ægritudinem prænuntiat: quâ purgatus Cœlum tandem conscendere debeat. Putrido itaque vlcere percussus est, ex quo tam foetida sanies effluebat, vt vix illius quisquam foetorem ferre posset: cumque admirabili patientiâ illius dolores, ac molestias multorum mensium spatio perpessus fuisset; tandem purgatus, ac probatus, inter cœlestes risus animum reddit. Anno 1572.

II.

APPARITIO.



FRATER SEBASTIANVS ENGIENSIS, Sacerdos, vitæ integritate, ac Sanctimoniâ apud omnes celebris, cum is quamplurimos de inferorum hoste prostrato triumphos retulisset; illius ita in se iras, ac odia concitauit, vt grauissimis eum in morte tentationibus inuaserit: quibus tamen viriliter reluctando, noua tantum illi trophæa parauit, ac victorias auxit. Post autem tentationum prælia, Beatissimam Cœlorum Reginam, luce vndique circumfusam, eum ad præmia allicientem intuetur; quam vbi summâ verborum, ac totius corporis exultatione velut præsentem indigitasset, cum eâ ad superna conscendit. Anno 1576.

III.

APPARITIO.



FRATER LEONARDVS AVGVSTANVS Clericus, Patre Hæretico, atque opulento natus, cum ab ipso iuuentutis flore, vt Italiam inuiferet, è

Germaniâ discedens, Venetias appulisset; ibi diuino lumine illustratus, Hæresi abiuratâ, Catholicam Fidem amplectitur, moxque eo vocante, qui nescit tarda molimina, mundo valedicens, Capucinatorum Familiæ se adiungit: Patrisque sollicitationes contemnens, mauult abiectus esse in Domo Dei, quàm gloriosus in tabernaculis Patris sui habitare. Quapropter cum tres in Religione annos exegisset, quibus mirum in modum in omni virtutum genere, ac præsertim in Beatiss. Virginis, atque vndecim millium Virginum cultu, quem ab ipso suæ conuersionis exordio summâ pietate sibi prosequendum statuit; quarto Religionis anno in supremum morbum incidit, quo probatâ ipsius patientiâ, Sacramentisque summâ deuotione perceptis, cum circumstante Fratrum Coronâ, iam ad vitæ finem properaret, repentè animo exhilaratus, adstantes his vocibus compellat: Eia Fratres, date huic Beatæ Societati locû: Annongloriosam Virginem, Dei Matrem, cum turbâ Virginum appropinquantem cernitis? Protinusque hymnum *Te Deum laudamus*, decantans; necdum illud expleuerat, cum Dei laudes adhuc in ore versans, candidissimum Deo spiritum reddidit, atque inter purissimos illos Virginum Choros Æthera conscendit. Anno 1543.

IV.

APPARITIO

FRATER BERNARDINVS CATACIENSIS Clericus, cum breui Religionis tempore consummato, tot cœlestes virtutum diuitias conuessisset; vt in iuuenili ætate plenam Regularis disciplinæ metam attingisse videretur: Deo, illum ab his corporeis tenebris ad Angelorum lucem ac consortium transferre decernente, in Conuentu Rusciani in supremum morbum incidit, cūque sub extremo vitæ discrimine, insolita quædam lætitiæ signa vultu prodere videretur, eaq; Guardiano relata fuissent,

sent, is ad ægrotum accedens, eidem in virtute S. Obedientie præcipit, vt si quid diuinum conspexisset, aut diuinitus illi reuelatum fuisset, protinùs aperiret; cui Bernardinus confestim. Huc ter (inquit) ad me Beatiss. Cœlorum Regina, cœlesti splendore amicta, venit. His me verbis ad cœleste Regnum prouocans, ait: Veni dilecte Fili: veni: nihil dubites, te iam cœlestis Regni possessio manet. Hæc cum dixisset, vix paululùm sustinuit, cum inter Guardiani, ac Magistri sui manus animam efflauit; eodemq; tempore Sorori suæ Lucretiæ tertij Ordinis, quæ Deo in omni iustitiâ, ac sanctitate sedulò inferuiebat, gloriosus, albâ, ac pluuiiali pretioso amictus, medius inter Apostolorum Principem, ac B. P. Franciscum apparet, Obijt Anno 1567.

V.

APPARITIO.

RATER quidam NOVITIUS Vrbinas in Anconæ Conuentu, cum in maximâ mentis puritate nonnullis Deo in Religione mensibus famulatus esset: necdum Probationis annum expleuerat, cum ad vitæ finem appropinquans, Matrem Virginem aduersus tentantes Dæmones sibi auxiliantem videt, cuius cum illi aspectu effugati essent; Nouitius B. Virginem adesse clamans, illis in verbis finem absoluit. Anno 1568.

* *





1. FANTONIVS LVSTAN, cler. 2. F. BERNARDINVS VRBINAS cler. 3. F. MODESTVS
FOROLIVIENSIS Nov. Cler. 4. FARSENIVS BERGOMENSIS cler. 5. F. LEO GENVENSIS Sac.

I.

APPARITIO.



RATER ANTONIVS LVSITANVS, Clericus, omni virtutum genere ornatissimus, hic cum nobili genere ortus, purus, ac Virgo ad Religionem accessisset, ex eâ purior euasit, ac Virginitatis florem plurimis alijs virtutibus cumulauit: cum autem orationi comprimis vacaret, in eaque diuinæ contemplationis dono frueretur; ter, quaterq; B. Virginem (cui is deuotissimus erat) sibi apparentem, ac pleraque diuina illi arcana manifestantem videt: à quâ etiam sui obitus diem, ac plenam peccatorum suorum remissionem à Deo se accepisse, discit; Tandem profluuio sanguinis laborans, Martyrijque desiderio flagrans purus, ac Deo charus in Cœlum migrat. Anno 1545.

II.

APPARITIO.



RATER BERNARDINVS VRBINAS, Clericus, cum breui tempore multam virtutum segetem messuisset, menteque purissimus, humilitatis, mœtutudinis, obedientiæ, charitatisque studiosissimus esset, assiduæ orationis Deo sacrificium offerebat: quò factum est, vt pleraque Dei dona obtineret, quæ mundis corde, ac humilibus à Deo dispertiri solent. Præcipuè verò singulari in B. Virginem, ac B.P. Franciscum deuotione ferebatur. In his cum ad vigesimum sextum suæ ætatis annum, Religionis verò quintū, Deo in sanctitate famulatus esset, Scapulari supremum ægrotare coepit: quo tempore animam dignè præparatam Deo reddens, B. Virginem, ac B.P. Franciscum sibi occurrentes conspicit, qui suauibus eum verbis consolantes ad Cœlestem patriam intuant: id ille cum animo exultans Fratribus renunciaffet, paulò post iter cum ijs ad Cœlum carpit. Anno 1568.

III.

APPARITIO.

FRATER MODESTVS FOROLIVIENSIS, Clericus, & ipse Nouitius, anno 1568. Vitæ cursum in Religione initum, feliciter ante exactum Probationis annum complet: qui ob præclaras animi virtutes Deo, ac Superis charus, cum extremum spiritum ageret, gloriosissimæ Coelorum Reginae aspectu dignatur, quæ illum ad virtutum præmia allicit. De quo illud quoque refertur, quòd Mulieri cuidam hydropicæ, quæ ipsius merita inuocans, super illius corpus post mortem corruit; mox incolumitatem à Deo impetrauerit. Obijt Anno 1568.

IV.

APPARITIO.

FRATER ARSENIVS BERGOMENSIS, Clericus, cum perpetuam ergà Beatissimam Virginem deuotionem aluisset, Regularemque disciplinam usque adeò integram seruasset, vt omnium existimatione Vir perfectus, atque eximius haberetur; in morte quoque Iustorum præmium tulit. Nam cum in Conuentu Montis Vlmi in extremâ ægritudine supremum mundo valedicturus, cum Diabolò tentatore colluctaretur; repente exultans exclamat: Abite, abite illusores: en Virgo Virginum, quæ vos suâ præsentia expellit. Tùm ad Virginem quæ illi gloriosa apparebat, conuersus: Iam, inquit, foelix esto, ô sacra Deipara, vnicum vitæ meæ post Deum refugium: iam mihi sat est, quòd te præsentem cerno, te igitur fruar, te sequar, nec à te vnquam in æternum diuellar. Inter hæc verba, dum adhuc risum ore præferret, deuotam animam efflat, atque in eius sinum transmittit, vbi lætitia illi sempiterna futura est, nec ipsius risus vnquam dolore miscebitur. Anno 1580.

V. AP-

V.

APPARITIO.

RATER LEO GENVENSIS Sacerdos, cum per aliquot annos in monte Gargano magnâ cum austeritate, ac confluentium ædificatione vitam Eremiticam duxisset; de Religionis alicuius ingressu secum cogitans, assiduisque se ieiunijs, ac orationibus exercens, à Deo consilium, ac certum diuinæ voluntatis testimonium postulat: id, cum diù, ac multis precibus postulasset; tandem Virgo Deipara, cuius ille in eâ deliberatione sibi opem, ac suffragium implorauerat, oranti apparens, Religionis velut perfectioris, ac tutioris status illi amplexum persuadet: veruntamen adhuc timidus Leo, occultas Dæmonis fraudes pertimescens, preces, ac lachrymas multiplicat, diuinamque sibi lucem exposcit. Rursus igitur Virgo Beatissima illius se conspectui exhibens, hominem confirmat, primumque illud à Deo fuisse consilium comprobat. Nihil posthæc cunctatur Leo, sed Virginis sermone confirmatus, Capucinorum institutum ex diuinâ inspiratione sibi amplectendum deligit, atque Seraphicæ Minorum militiæ insignijs munitur: cumque triginta in eâ annos multis virtutibus exornasset, Religionemque vitæ sanctimoniâ illustrasset, supremam vitæ periodum sanctissimè claudit.

Anno 1571.





1. FRATER FELIX A CARAVASIO Cler. ¹⁶⁵ 2. FR. IVLIANVS CAMERINENSIS Cler. ¹⁶⁵ 3. FR. PETRVS VRBINAS Cler. ¹⁶⁵ 4. FR. HIERNIMVS A FOROLIVIO PRÆD. ¹⁶⁵ 5. FR. VINCENTIVS ACLEARIO Lai. ¹⁶⁵

I.

APPARITIO.



RATER FELIX à CARAVASIO Clericus, cuius merita plurimum commendantur, vita quoque virtutibus plena, haud dissimilem exitum sortita est. Vir magnæ humilitatis fuit, sui ipsius contemptu insignis; quamobrè à Præbiteratus Ordine, eò quòd se tanto munere indignum existimaret, spontè abstinere voluit: nec minor fuit in eo dura quæq; pro Christo tolerandi ardor, ac cupiditas, quòd fiebat, vt corpus suum omni seueritate castigaret, ac tam auidè cunctas patiendi ansas arriperet; vt vniuersa corporis incommoda pro vniuersis delitijs haberet, atque in solà Christi Domini Crucè voluptatem caperet. Orationi, ac diuinarum rerum contemplationi ità addictus fuit; vt sæpè in eà integras noctes consumeret, ac præsertim in peruigilijs Festorum B. Virg. quam præcipuâ religione venerabatur, cuius etiam præsentia, ac colloquijs sæpè potitum fuisse ferunt. Obijt in Conuentu Parmæ, multâ virtutis, ac sanctimonie famâ clarus. Anno 1572.

II.

APPARITIO.



RATER IULIANVS CAMERINENSIS Clericus, omni humilitate, ac obedientia præclarus, cuius inter alias ea quoque virtus numeratur, quòd tantâ sui ipsius contemptus, duraque omnia pro Christo tolerandi siti, ac cupiditate æstualet, vt sæpissimè causas fingeret, quòd à Superiore increparetur, ac poenitentis afficeretur: tam enim sui despicientia gaudebat, tantamq; in Cruce Domini sibi voluptatem vendicabat; vt cum alios à Superiore poenis plecti conspiceret, his se comitem adiungi postularet; Cumque plurimis alijs virtutibus floreret, quæ summam in eo Clericalis status præstantiam commendabant, florem hunc Deus mundo, quidèmm immaturum (vix

d 3

enim

enim vigesimum primum, aut secundum annum attigerat) Cœlo autem aptum in Æthera transtulit. Huius præter vitam magnâ cum Regularis Observantiæ laude peractam, illud testimonium fuit, quod in ipsâ obitus horâ, quæ illi in Conuentu Amendolæ contigit, Deiparam Virginem sibi occurrentem videns, exclamare cœpit: O Fratres, En Virginem Beatissimam, iam assurgite, atque illam dignis honoribus excipite: quibus in verbis dilectus Deo, & hominibus, in B. Virginis complexu animâ reddit. Anno 1568.

III.

APPARITIO.

PRATER PETRVS VRBINAS Clericus, cùm vix ad quartum Religionis annum peruenisset, tot virtutum testimonia edidit, vt Fratres illius vitam, ac conuersationem velut Angelicam suspicerent: ad vitæ occasum festinans, multiplici, ac horribili à Dæmone tentatione mox exagitari cœpit; Fratres verò dùm omnes genuflexi, B. Virginis Litanias decantant, atque ad eius præsidium confugiunt; en protinùs Virginis præsentia tartaream illam Dæmonum turbam effugat, tantaque in Petri vultu serenitas elucere incipit, vt in eo Fratres velut Angelici vultus splendorem intueantur. Mirabantur omnes, ac animi fulgorem à facie ægrotantis reuerberantem conspiciebantur, cùm is mox suauiter exclamat; O, ô, Fratres, quàm gloriosa Domina! quàm speciosa Mulier, tota Sole amicta ad nos venit! Eia, Fratres, assurgite, date locum tot Virginum Choris, quæ Dei Matrem sequuntur, en adfunt: tantamque hæc dicens voluptatem vultu, ac verbis præseferbat, vt iam nemo de B. V. ac cœlestium Virginum præsentia dubitaret: quò factum est, vt omnes ingenua procumbentes lachrymas præ lætitiâ funderent, atque oculos in ægrotantis vultum intenderent, cùmque faciem ad dextram lecti partem deflexisset; En, ait, B. P.

Francis.

Franciscus qui me ad Cœli delicias vocat, en ipsum teneo: hisque in verbis suauiter in B. P. sinu animam efflat. Anno 1572.

IV.

APPARITIO.

MRATER HIERONYMVS à FOROLIVIO, Prædicator, ingrauescente morbo, ac Viro Dei ad vitæ occasum properante, octavo, ante ipsius obitum, die, dum is ad dilectissimi Domini occursum animum parat, ac æstuantibus desiderijs ad ipsius amplexum anhelat; en Beatiss. Cœlorum Regina, clarissimâ vndiq; luce perfusa, vigilantî apparet, eumque cœlestibus verbis ad æternæ beatitudinis præmia allicit: mortisq; diem, ac horam (quæ Dominicâ post die, ad vespertinum Angelicæ Salutationis signum futura erat) prænunciat, ac cœleste illi regnū pollicetur: cui Hieronymus vberioribus lachrymis perfusus: Vnde hoc mihi, ait, ô inclyta Cœlorum Regina, vnde hoc mihi, vt Mater Domini mei, ac Domina mea ad me miserū veniat? Quid ego vnquam tale promerui, quò cœlestis mihi beatitudinis Corona debeatur? Tūm verò post ignitas gratiarum actiones, ad diuinas laudes seipsum illis Prophetæ verbis perurgens: Benedic anima mea Domno, &c. vsq; ad hæc verba: qui coronat te in misericordiâ, & miserationibus, &c. paruo post tempore, dum primum Angelicæ Salutationis signum datur, fidelis Dei Seruus fœlicem Deo Spiritum reddit. Anno 1566.

V.

APPARITIO.

MRATER VINCENTIVS à COLLEARIO, Laicus, plures annos in maximâ vitæ puritate, ac virtutum laude in Religione vixit. Morti proximus, cum Fratres eum iam animam efflaturū crederent, repentē in lecto adgeniculans, brachia in modum ample-

ample-

amplexus cœpit extendere, atque adstantibus Fratribus dicere: En Virginem Beatissimam, en venientem Cœli Reginam, tùm manus extendens, quasi aliquem amplexaretur, maximâ lætitiæ signa edebat. Inter hæc Vincentius animam, exultans Deo reddit, & inter Beatissimæ Virginis amplexus exspirat. Anno

1548.





1. F. ANSELMVS ALE TINVS cler. 2. F. FELIX MESSANENSIS cler. 3. F. ANGELVS
 SAONENSIS cler. 4. F. BERNARDVS OFFIDANVS Laic. 5. F. VINCENT. CALARITANVS. Laic.

I.

APPARITIO.

FRATER ANSELMVS ALETINVS, Clericus, vix votorum professione emissâ, hecticâ fe-
bri laborare cœpit, cumq; vitæ puritate, sim-
plicitate, obedientiâ, ac Regularis obseruan-
tiæ (quam altè animo imbiberat) zelo præ-
celleret; Indusium, quo Physicus illum ob ægritudinis mole-
stias vti suadebat, constanter recusat; Quapropter B. illi
Virgo posthæc apparens, pretiosissimumque è Cœlo Indu-
sium allatū ostendens, his eum verbis alloquitur: En An-
selme, pro molli Indusio, quod propter Filij mei amorem
respuisti, hoc tibi cœleste Indusium seruatur, quod post
breue tempus in Cœlo coronandus accipies. His ille Dei-
paræ verbis, ac præsentia recreatus, cum ægritudinis mole-
stias, ad extremam vsque vitæ lineam alacri animo tulisset,
lætus tandem ad Virginis promissa euolat. Anno 1566.

II.

APPARITIO.

FRATER FELIX MESSANENSIS, Clericus, ex
nobili Marullorum stirpe progenitus, cum ab ip-
sâ ineunte ætate præclara pietatis, ac futuræ San-
ctitatis signa edidisset, admirabilemque in Reli-
gione vitæ rationem (quamplurimis virtutibus, nec non
Prophetiæ dono exornauerat) instituisset; vitæ fine appro-
pinquante iam naturæ concedens, Beatissimam Cœlorum
Reginam aduenientem conspicit, & Felix ad fœliciores
Cœli delitias migrat; post mortem verò Miraculis coru-
scans, corpusque post longum tempus suaueolens,
integrum, ac incorruptum reperi-
tur. Obijt Anno 1576.

III. A P.

III.

APPARITIO.

FRATER ANGELVS SAONENSIS, Clericus, Vir non tam nomine, quàm vultu, ac vitâ planè Angelicus: cùm duos tantummodò à Professione annos in Religione summâ vitæ simplicitate, ac puritate expleuisset, Dertonæ ad mortem ægrotans varijs Dæmonum tentationibus tundi, ac premi cœpit, vt dignus, ac probatus ad coelestem ædificationem lapis fieret: quibuscum tamen strenuè dimicans, has interdum voces effundere audiebatur: Quid iniqui contenditis? haud vincetis; vestra enim iniquitas mihi cedit ad Coronam. Cùm verò iam extremum spiritum agentem Fratres hortarentur, ne ingruentes Dæmonum impetus extimesceret: lætâ voce, quæ illi suprema fuit, respondit: Quid est, charissimi, quòd mihi pertimescendum sit, cùm Dominum meum Iesum Christum, Sanctissimamque ipsius Matrem, ac B.P. Franciscum hîc præsentes cernam, qui me in suum sinum recipiunt. Statimque post hæc verba, Deo spiritum reddit, dignus planè, qui in morte Beatorum sinu exciperetur: quos viuens perfectè imitari studuerat. Obijt Anno 1574.

IV.

APPARITIO.

FRATER BERNARDVS OFFIDANVS, Laicus, Guardianus, in quo multæ incredibilesque virtutes prælucebant, miraculaque illustrem reddebât: Cùm semel in oratione lachrymas funderet, ac Deum pro delictis suis exoraret; Beatissima Virgo (quam is sibi singularem apud Deum Patronam elegerat) eidem apparens; plenam se illi à Deo peccatorum suorum remissionem impetrasse significat. Quo nuncio, tantum animo voluptatis concepit; vt nihil deinceps præter diuinas laudes occine-

ret. Denique postquam vnicum Filium Matri suæ rediuiuum reddidisset, pluraque alia Miracula, Signo Crucis patraffet; post diuturnum languorem, in Conuentu Camerini, ad puriorem Cœli auram, foeliciori vitâ donandus, à Deo euocatur. Anno 1558.

V.

APPARITIO.

FRATER VINCENTIVS CALARITANVS, Laicus, cum plerosque in Siculâ Prouinciâ annos in virtute, ac sanctimonie opinione transegisset, extremoque cum Mortis agone colluctaretur, B. Virginem ad se venientem conspiciens, mox in genua exurgit, & circumfusus Fratres ad illius reuerentiam prouocans, expirat, atque eâ, in Cœlo, duce potitur. Anno 1541.





1. F. FRANC¹⁴⁸ ACHIO¹⁴⁸ Laic. 2. F. IOA¹⁴⁸ES BAPTISTA ASCVLANVS cler. 3. F. COSMA¹⁴⁸ a MAR¹⁴⁸
TINA Mag. Nou. 4. F. FRANCISCO¹⁴⁸ MACERATENSIS Laic. 5. F. SEBASTIANVS AGARTTERIO Guard¹⁴⁸

I.

APPARITIO.



RATER FRANCISCUS à CHIO, Græcus, Laicus, plurimâ virtute illustris, cùm in Cõuentu Nicosiæ adhuc probationis annum ageret, Religionis partim austeritate exterrefactus, partim verò Sathanæ persuasione seductus; quasi minus Capucinatorum Religio Virgini Dei- paræ (quam maximâ is religione prosequabatur) grata esset, grauissimas à Dæmone tentationes ferebat, quibus eum à Religionis sinu auellere nitebatur. At is, ad B. Virginem confugiens, sæpè antè quandam ipsius Imaginem orans, ipsius opem, ac præsidium implorabat. Accidit verò, vt cùm hoc modo cum Dæmone conflictatur, radices aliquandò in horto colligeret; Quo tempore, B. Virgo sub formosissimæ cuiusdâ Mulieris specie Nouitio apparet, cuius cùm ille idcirco aspectum refugeret, quòd communem illam foeminam esse existimaret, ab eâ declinans, ad defluentem aquæ riuum diuertit, vt in eo radices purgaret: quem Virgo secuta ex alterâ riuuli parte, illius se conspectui obijcit, his illum verbis compellans: Quænam te, Francisce, cogitationes molestant, aut Religionis meæ hortulum, cur exhorrescis? Satage, elabora, vt in hoc te dignum operarium præstes; nec dubita, quin hæc mihi Religio, inter cæteras dilecta sit. Hæc cùm dixisset illa, ex oculis euanuit. Porro Franciscus à tentatione liber, visionem statim Vitali à Nicosiâ Magistro narrat, qui cùm Vir prudens, ac Sanctus esset, rem cum Deo oratione pertractandam censet: Quapropter attentius orans, Virginem Beatissimam idcirco Nouitio apparuisse accipit; vt inter Sathanæ tentationes, ipsius animus in Religionis proposito confirmaretur. Hic itaque cum plurimis deindè vitam virtutibus excoluisset, ac strenui operarij instar in hoc Virginis hortulo vsquè ad su-

ad supremum vitæ occasum, fidelem laborem impendisset, in Conuentu Messanæ coelestem pro labore mercedem accipit. Anno 1578.

II.

APPARITIO.

FRATER IOANNES BAPTISTA, ESCVLANVS, Clericus, necdum secundum in Religione annum renatus, tantam animi puritatem, vitæ integritatem, morum præstantiam, ac omnium virtutum excellentiam breui illo tempore assequutus est; vt in ipsâ obitus horâ Beatissimam Dei Matrem, eum ad æterna præmia vocantem conspexerit. Fructus quidem præcox, qui plenam ætatis maturitatem necdum apud homines adeptus fuerat: at cum eam, quam nondum contigerat, ætatem suâ virtute superasset, maturus Deo, ad præmia accessit. Anno 1572.

III.

APPARITIO.

FRATER COSMAS à MARTINA, Sacerdos, cum diu Nouitiorum curæ, & ædificationi præfuiisset, totque sibi virtutis, ac Dei dona comparasset; vt ipsius vita cæteris totius Regularis perfectionis Magistra esset: tam acres cum Dæmone ex perpetuis de eâ victorijs reuectis inimicitias contraxit; vt in extremo ipso vitæ calcaneo Dæmon omnes in eum vires exercuerit, totque tentationibus iam ad vitæ exitum properantē aggressus fuerit; vt adhuc conflictantem opprimere videretur. Mira profecto, ac iucunda res erat, hominem iam extremum vitæ spiritum agentem, tam strenuè cum Dæmone verbis, animoque dimicantem audire, vt superbum etiam Hostem contemneret. Sed cum inclyta illi Cælorum Regina apparens, Dæmonum turmas suâ præsentia effugasset, Cosmas paululum à conflictu respirans, ad eam conuersus, ait; Vbi eras ô Bona Virgo, cum in me tot Dæmonum acies irrue-

rent.

num acies irruerent. Quem cum Beatissima Virgo coelestibus verbis consolata esset, paulò post, facie ad Crucifixi Imaginem conuersa, ad supremum vitæ Auctorem, post certamen laureandus ascendit. Anno 1576.

IV.

APPARITIO.

RATER FRANCISCUS MACERATENSIS, Laicus, Vir austeritate, abstinentiâ, & Miraculis illustris, cum balneis ex præcepto Vicarij Generalis, & medicorum yteretur, nobilis quidam ad Virum Dei orantem in cubiculo accedens, in ecstasim raptum, atque à terrâ altiùs subuectum, flammamq; capiti ipsius insidentem conspicit. Medicus ibidem Viri Dei cubiculum insperatò ingressus, Virginem Deiparam cum eo colloquentem offendit, quæ extemplò eo ingrediente euanuit. Denique cum mortuū suscitasset, innumeraque ferè Miracula patraffet, Pisauri ad Superos euolat, Anno 1568.

V.

APPARITIO.

RATER SEBASTIANVS à GRATTERIO, Guardianus parcissimo somno vtens, longasque in oratione, quæ vbiq; illi familiaris erat, vigiliis du- cens; in eâ, tanto in Deum charitatis æstu ferebatur; vt plerumque in mentis excessum raperetur; Gloriosissimam Coelorum Reginam præcipuâ religione ità ab initio colere instituit; vt quoties illi per Ecclesiasticas leges liceret, Sacrum semper ad ipsius honorem celebraret. Plerumque etiam B. V. & B. P. Francisci aspectu, & colloquio potitur, quò feruens ipsius spiritus indies magis ad charitatem accenditur. Obijt

Anno 1550.



1. F. DONATVS ALETINVS Lai^{us} 2. F. LEO CATANENSIS Lai^{us} 3. F. HUMILIS a PATER-
NO Cler^{icus} 4. F. IOSEPHVS a CORLEONE Lai^{us} 5. F. BERNARDINVS EUGUBINVS Laicus.

I.

APPARITIO.



RATER DONATVS ALETINVS, Laicus, Vir omnium virtutū laude clarus, miraq; puritate, ac candore præditus, adeò vt sæpè cū Virgine Deiparâ colloqui auditus fuerit. His cū Seruus Dei fideliter vacat, ac duplicatum ex ijs talentum Domino suo referre studet, ad præmiū vocatur, Dominumque sibi dicentem audit: Eugē Serue bone, & fidelis, quia in pauca fuisti fidelis, suprà multa te constituam, intrā in gaudium Domini tui. Post mortem, cū Corpus eius in Ecclesiam delatum esset: tanto protinus cœpit, non humanorum, sed cœlestium planè aromatum odore fragrare, vt eum cuncti in Cœlo potius regnātem, quā in feretro iacentem sibi certo argumento persuaderent, Obijt Anno 1539.

II.

APPARITIO.



RATER LEO CATANENSIS, Laicus, sanctitate, Miraculis, ac præsertim rerum diuinarum contemplatione illustris, cū semel Fratres de cuiusdam Clerici salute dubitarent, Guardianus Leoni, cuius Sanctitas haud illi ignota erat, sub Obedientiæ merito præcipit, vt rei veritatem à Deo oratione exquirat. Ad orationem igitur se Leo confert, in eaque triduò perseuerans, tandem à Deiparâ Virgine, quam singulari religione prosequabatur, sibi in oratione apparente, audit Cyprianū, ob singularem illius ergā eam deuotionem, salutem consecutū: Quod cū is Guardiano retulisset, noua Guardiano dubitatio oritur, nūm ea Leonis apparitio à Deo, vel à Dæmone emanaret: cumque in eo animo non parū hæsitaret, en Cyprianus, Clericus, defunctus, nocte Guardiano vigilanti apparens, Leonis visionem veram esse, seque B. V. merito salutem consecutum affirmat. Obijt Leo Anno 1580.

III. AP-

III.

APPARITIO.

FRATER HUMILIS à PATERNO, Clericus, veræ Humilitatis nomen, ac rem sortitur: cum paucos adhuc in Religione annos natus, tam cœlestē, ac virtutibus illustrem in Clericatu vitam ageret, ut parum ab Angelicæ vitæ ratione, ac puritate abesse putaretur; Turani, cum Francisco à Castroveteri, Sacerdote, eodem morbo correptus, ægrotare cœpit: cumque morbo ingrauescente vterque pari casu ad vitæ finem properaret, nec minori pietate vterque se diuinâ Sacramentorum susceptione ad vitæ exitum munisset; prior humilis ad extremam vitæ metam appropinquans, repente è strato surgit, ac in genua procumbens, astantibus Fratribus ait: Eia, Fratres, genua antè Beatissimam Cœli Reginam, quæ luce, ac gloriâ circumsepta venit, mecum flectite, en adest gloriosissima, en adest Virgo Dei Mater. Necdum verba compleuerat, cum purus ille spiritus in purissimæ Virginis sinum euolat. Eodem tempore supremum laborabat Franciscus, cum & ipse repente exclamare cœpit: Expecta, expecta, Humilis Frater, ut simul associati pergamus. Cumque hæc dicens in genua surrexisset, mox ad Crucifixi imaginem manus extendens, inter Domini amplexus occubuit. Anno 1580.

IV.

APPARITIO.

FRATER IOSEPHVS à CORLEONE, cum plurimis annis Dei donis, quibus Sanctus hic Vir cumulatus erat, eam apud omnes sibi existimationem conciliaffet, ut à cunctis Sanctus prædicaretur. Aggredi tandem Anginæ morbo correptus, breuissimo tempore ad supremum vitæ occasum perducitur. Quo tempore gloriosa Cœlorum Regina multis Sanctorum agminibus stipata, morienti apparens, pleraque alterius vitæ, ar-

cana illi aperit; quibus Iosephi spiritus inebriatus exclamare cœpit: Vnde hoc mihi, ô Domina mea, vnde tanta benignitas, vnde seruulo tuo tanta rerum diuinarum fecunditas? Sat est, ô Beatissima, sat est, iam me in sinum tuum recipe. His dictis supremum effudit halitum. Anno 1580.

V.

APPARITIO.

MATER BERNARDINVS EVGVBINVS, Laicus, Vir omnium opinione præstantissimus, atq; Religionis exemplar, cum circa vitæ finem à Dæmone exagitatus, inter maximas animi angustias versaretur; protinus Cœlorum Regina, se illi spectandâ offert: quâ præsentē, Bernardinus exclamare cœpit: O Benedicta! ô præ omnibus speciosa! ô miserorum Mater! quàm opportunè venisti. Post hæc Sacro Dominici corporis viatico refectus, cum Fratres ipsius animam Deo commendarent; en repentē Dominam ad se venientem conspiciens, mōx è strato surgit, atque in ipsius occursum festinare nititur; Id verò cum Fratres prohiberent: Quid me detinetis, inquit, finite, vt in Domini mei occursum pergā; an non illum hūc ingredientem conspicitis? Quo dicto cum nullum prorsus morientis signum ederet, viuis eripitur, atque ad Dominum æternū victurus migrat. Anno 1589.





1. F. AVGVSTINVS a LATERTIAL¹¹⁸ Lai. 2. F. PHILIPPVS a MONTE VETERI Lai.¹⁶⁸
 3. F. IOSEPHVS a CORLEONE Lai.¹⁶⁸ 4. F. BERNARDINVS a MYRCIANO Laicus.

I.

APPARITIO.

FRATER AVGVSTINVS à LATERTIA, Lai-
cus, cùm iugo Domini ab adolescentiâ sibi
vltro accersito, Seraphicum Religionis agrû
colendum suscepisset; in eo vsque ad vitæ ve-
sperum desudans, tantâ morum honestate,
abstinentiæ rigore, vitæ innocentia, Regularis obseruan-
tiæ disciplinâ, ac perpetuo orationis studio præcelluit; vt
optimi Operarij nomen, plurimamque apud omnes san-
ctimoniæ sibi famam comparauerit. Hic igitur cùm abso-
lutis, Religiosæ, ac Seraphicæ culturæ laboribus, ad mor-
talem huius lucis occasum peruenisset, quam relaturus e-
rat mercedem, in extremo ipso vitæ crepusculo, diuinâ illi
visione declaratam, prægustauit. Nocte enim quæ diem o-
bitus præcessit, dùm in lectulo suo oraret, Beatorum Ca-
pucinatorum multitudinem, tanquàm in supplicatione dis-
positam vigilans intueretur, quam & Beatissima Virgo, ac B.
P. Franciscus, suâ præsentia illustrabant. Hæc cùm antè i-
psam graderetur, atque inde in Cælum tenderet, Frater
Syluester Tarentinus, qui paulò antè diem suum obierat,
atque inter eos locum sortitus fuerat, ad eum accedens, ait:
Bono animo esto, Augustine, cras ab huius vitæ ærumnis
euolabis, ac nobiscum ascendes: huc enim propterea ve-
nimus, vt te cum honore recipiamus. Quod cùm ægrotus
Lactantio Massafrensi, qui illi à Confessionibus erat, retu-
lisset, postridiè carnis vinculis exolutus, ad Superos abiit.
Anno 1580.

II.

APPARITIO.

FRATER PHILIPPVS à MONTE VETERI, Lai-
cus, cùm purus è sæculo ad Religionem accessis-
set, in eâ verus Israelita absque dolo perseuerauit,

perpe-

perpetuam omnium opinione Virginitatē coluit. Deniq; cum 40. annos magnā cum vitæ puritate, ac sanctitatis laude, in Religione Domino deseruiſſet, Anconæ lethiferā ægritudine correptus, paulò ante obitum Beatissimæ Virginis præsentia, ac colloquio potitur, dum placidè in Domino quiescit. Post decimum quintum ab ipsius obitu annum (cum ipsius Sepulchrum apertum fuisset) ipsius Corpus non modò integrum, atque incorruptum conspicietur: verum etiā in Sepulchro brachijs in Crucis modum cancellatis, oculisq; in Cœlum sublatis, eo planè modo, quo orare consueuerat, stare cernitur, ita vt qui defunctus erat, parum à viuo distare videretur. Obijt Anno 1575.

III.

APPARITIO.

FRATER IOSEPHVS à CORLEONE Laic. in Castri veterani Conuentu; cū aliquandò Vir Dei febre laboraret, ac Purificationis Deiparæ Festo imminēte, ad Sacram Synaxin accedere summoperè optaret, Beatiss. Deiparam multis lachrymis rogauit, vt tantisper febris ardorem compesceret, donec diuinā illā refectione frui liceret. Nocte igitur quæ diem Festum præcedebat, purissima Virgo, Iosepho apparuit, candidissimis vestibus amicta, coruscantiq; vndique lumine circumfulsa, quæ cum Iosephum consolata fuisset, aquam illi è phiala, quam manu gestabat, gustandam præbuit: quam vbi Iosephus ebibisset, mox febris ardore sedato à morbo conualuit, cœlestique pane refectus, summas suæ liberatrici grates retulit. Obijt Vir Sanctus Anno 1580.

IV.

APPARITIO.

FRATER BERNARDVS à MVRCIANO, Laicus, integer vitæ, scelerisque purus, maximā in simplicitate, ac sanctitate vitam duxit. Cilicio, abstinentiā, laboribus carnem macerans: dum assiduā oratione,

rerum-

rerumque diuinarum contemplatione spiritum saginat, longo tandem ac molesto ægritudinis languore, à Deo probatus, in eo illius maximè patientia, ac virtus enituit: neque enim patienter tantummodò; sed & singulari animi alacritate illius dolores, & cruciatus ferens, in ijs delitias quærere videbatur. Quamobrem cùm ad vitæ finem accederet, ipsius dolores Deus cœlesti consolatione delenire, ac compensare voluit: etenim tempore quo cæteri cum morte colluctantes, varijs mentis, ac corporis mœroribus angi solent, is quasi inter cœlestes delitias versaretur, exultare, atque occinere cœpit, sermonemque ad Fratrem Marcum Alethinum, qui adstabat, conuertens: O Marcè, inquit, si scires, quàm pulchra, quàm magna, quàm cœlestia sunt, quæ oculis meis cerno; mecum profectò exultares. Video enim gloriosissimam Deiparam, video Angelos, video cœlestes magnificentias, video ineffabilia bona, quæ omnem sensum, ac eloquium superant. Tunc de Sanctissimæ Trinitatis arcano, ac rebus diuinis tam altè cœpit differere; vt iam cunctis perspicuum esset, eam rerum scientiam non humâno labore comparatam, sed diuinitus illi inditam fuisse. Atq; ita Bernardus Angelici Oloris instar, inter cantus, ac diuinas laudes, suauissimè spiritum exhalat. Cæterum, vt cunctis innotesceret, animam illam in beatorum Spirituum confessum receptam fuisse, tantam odoris fragrantiam statim Corpus ipsius, post mortem efflare cœpit; vt eo, Cella, ac parietes redundarent. Ità nempè Deus eos, qui vitæ puritatè, ac laborum tolerantia diuinam hîc Maiestatem glorificant, rerum etiam ordine immutato, post mortem ampliori honore prosequitur. Obijt

Anno 1580.



V. AP-



1. F. PAVLVS ab ALCAMO CLERICVS NOVITIVS. 2. et 3. FRATRES ANONYMI

APPARITIONES B. V. MARIÆ.

I.

APPARITIO.

Quoniam Emini Capucini Fratres, Cum B. V. Lauretanam Ædem deuotè coluissent, è Portu Anconitano soluentes, subito ingens tempesta orta est: quæ Nautas, ac Mercatores compulit, vt ad Nauim exonerandam, merces omnes in mare proijcerent. Interea Fratres in nauis angulo Deum orantes, serenos vultus præseferabant, quos dum Mercatores, impavidos, & alacres conspiciunt; irâ, & odio perciti; ambos in mare demergunt. Porro hi, vix vndas attigere, quum B. V. illis apparentis opem statim adesse sentiunt: Etenim illius manu subleuati, super fluctus incolumes feruntur: donec iterum in Anconæ portum reuecti, atque inde rursum ad Lauretanam Ædem remeantes, Deo, ac B. V. ex animo gratias reddunt. Anno 1553.

II.

APPARITIO.

Duo Capucini Fratres, Larino Triuentum proficiscentes, quo tempore, cum densissimis noctis tenebris, circum loca omnia occupantibus, sola ijs fulgura affulgerent: inter eorum coruscationes proximum sibi domus parietem animaduertunt; moxque gressum festinantes, cuiusdam domus ostium offendunt, quod, Formosa quædam mulier illis à Sene quodam aperiri iubet: à quo in Aulam, vbi Mulier illa, illustri equitum coronâ stipatâ sedebat, ducti, ab eâ humanissimè excipiuntur: Mane verò cum Senex ille, eos, in viam rectam dirigeret ij supplices ab eo petunt, vt quodnam illius fœminæ nomen sit, declarare velit. Respondet Senex: Mulier, quam vidistis, Dei mater est: Illustris illa Equitum corona, S. Mich. Arch. & Angelorum est agmè quorum vos patrocinio commēdastis: Ego Pet. Ap. sū. Moxq; his dictis, simul cū totâ illâ ædificij mole, euauit. A. 1580.

FRA -

V.

APPARITIO.

RATER PAVLVS ab ALCAMO, Clericus, Nouitius, cū ad eam vitæ innocentiam, ac mentis splendore pertigisset, vt diuinā reuelatione mortis suæ diem, ac horam didicisset, quam in ipso Assumptionis Deiparæ die explendam impetrauerat: eo die appropinquante ægrotare cœpit, sanctissimisque Ecclesiæ Sacramentis summā deuotione susceptis, cū extremæ tantummodò Vnctionis Sacramentum illi ministrandum superesset, in ipso B. Virginis Festo instanter sibi ministrari poposcit. Reluctabatur Magister, eò quòd nulla propinquæ mortis adhuc in eo signa apparerent: at vrget Nouitius vitæ tempus sibi vltra meridiem haud prorogandum fore affirmans: tandem acquiescit Magister: inungitur Nouitius, præteritaque meridiei horâ, B. Virgo Sole vndiq; amicta ægrotanti apparet; qui animo exultans exclamat: En Virgo Deipara, en Cœlorum Regina venit, genu flectamus cuncti, & paulatim defluens, in ipso Deiparæ conspectu in mortis somnum, ac quietem resoluitur. Anno 1577.





1. F. IOANNES BAPTISTA ab APIRO SAC. 2. F. ALEXIVS a CVNIO
3. F. IOSEPHVS a CORLEONE LAICVS.

I.

APPARITIO.



PRATER IOANNES BAPTISTA ab ASPIRO, Sacerdos, multarum virtutum splendore illustris, abstinenciaque adeò insignis, ut cum nullo vnquam tempore, cibo famem, ac potu sitim expelleret; perpetuum illi esset cum inedia bellum: somni parcissimus, plurimas noctu præsertim, in oratione horas insumere solitus erat. De rebus coelestibus tam mirâ suauitate colloquebatur, ut Cunctos ad virtutem, vi quadam verbis suis à Deo inditâ, alliceret; quo fiebat, ut nullus illum, vel semel colloquentem audiret, qui illius iterum audiendi studio non afficeretur. Hinc moestos, ægrotantes, aut calamitate aliquâ oppressos, ita consolabatur, ut ab ijs omne tristitiæ, ac tribulationis pondus auferret. Tam mitis ac mansuetus legitur ut Iram prorsus nescire videretur. Denique cum in maximâ paupertate, humilitate, charitate, ac perfectæ Regulæ obseruantia, vitam vsque ad sexagesimum annum traduxisset, in Conuentu Montolæ in supremum languorem incidit: Cum verò instante mortis articulo plurimos Dæmones in Cellam ingressos conspiceret, ad Beatissimam Virginem conuersus, illius opem implorat, quæ protinus apparens, suâ præsentia Dæmones fugat, & velut Sol obiectas nebulas dissipat. Porro Deiparâ Virgine inspectâ, Ioannes Baptista mox exclamat: Opportunè, ô Virgo Beatissima, opportunè huc venisti, iam cedunt tartarea monstra, iam nubi omnia diffugiunt, ô quàm lucida, ô quàm pulchra, ac formosa es Cœlorum Regina! statimque in mentis excessum raptus, cum in eo per aliquod temporis spatium quieuisset, ad sensus rediens, Guardiano inquit: Quàm grandia, Pater; quàm alta, quàm admirabilia sunt, quæ veris Fratribus Minoribus in Cœlo reposita sunt, ô, si illa tibi effari possem, quanta tibi animo voluptas accederet, at alterius

linguæ hæc vox est, neque ea hîc proloqui licet. Benedicite Pater. Quibus in verbis extremum Deo spiritum reddidit, maiora, ac pulchriora in Dei Regno conspecturus. Anno 1575.

II.

APPARITIO.

PRATER ALEXIVS à CVNIO, tam singulari vitæ integritate, ac puritate exornatus fuit; vt in ipsâ sui obitus hora, Beatissimæ Virginis, ac B.P. Francisci aspectu, ac consolatione dignus fuerit. Obijt An. 1551.

III.

APPARITIO.

PRATER IOSEPHVS à CARLEONE, Laic. Vir tantæ austeritatis, vt potius seipsû interficere, quàm diuino cultui præparare videretur: omni virtute, ac præsertim rerum diuinarum contemplatione insignis, in eâ sæpè extases patitur, iugesque ex oculis lachrymæ fluunt, ex quarum copiâ, cùm oculorum morbum contraxisset; in Agrigentino Conuentu aliquandò illi in Ecclesiâ oranti, Beatissima Virgo apparet, eique post familiare colloquium (quo ille sæpè in oratione frui solebat) phialam, cœlesti liquore plenam offert, vt eo sibi oculos inungat, & à morbo curetur: itaque languore diuinâ virtute effugato, Iosephus ad maiores, ac illustriores se quotidie virtutum ascensus prouocat. Obijt verò Anno 1580.

* *

*



1. F. PAVLVS a PEDONA cler. 2. F. VINCENTIVS PLATIENSIS Laicus
3. F. MATTHAËVS VENETVS.

I.

APPARITIO.

PRATER PAVLVS à PEDONA, Clericus, eam mentis puritatem (quæ ex plurimarum virtutum coniugio oritur) exiguo tempore adeptus est, vt cum huius mortalis vitæ cursum in Æfini Conuentu absolueret; innumeras beatorum Innocentium animas sibi occurrentes conspexerit: cumque plurima futura diuino spiritu reuelante prædixisset, iamque animam ageret, lætus exclamare cœpit: O, ô, Fratres, quàm gloriosam! ô, ô, quã lucidam Dominam cerno! tunc paulò pòst ipsâ sacrâ Dei- parâ Duce, ad purissimum Lucis fontem euolauit. An. 1573.

II.

APPARITIO.

PRATER VINCENTIVS PLATIENSIS, Laicus, Vir integritate Regulari obseruantia, atque omnium virtutum laude illustris, cum plurimos annos in summâ humilitate, sui contemptu, atque assiduo orationis studio, in quo plurima à Deo dona acceperat, consumpsisset, tandem in morbum incidit; quo tempore cum Fratrem Angelicum Platiæ Guardianum, qui eodẽ in loco diem extremũ obierat, ad sepulchrũ deferri cerneret: Perge foelix, inquit, ô Pater breui te sequar, octauus enim dies me tibi filium, ac comitẽ reddet. Porro cum octauus aduenisset dies, cœpit Antonius Dæmonũ tentationibus agitari, qui horribiles illi formas obijcientes, eum perterrere conabantur: at ille vtraque manu oculos claudens, clamabat: Abite maligni, abite tartarei prædones, nihil in me per Dei misericordiam de prædandũ inuenietis. Cumque protinùs per horæ spatium cum Dæmonib. pugnasset, B. Virgo suâ præsentia Dæmones expellentes contuetur. Quare omnium tandem victor, & exultans, oculis in Cœlum erectis, ait: Summas tibi, ô B. Virgo gratias ago, quæ me à truculento hoste vindicatum, ad regnum Filij tui immeritum vocas. Atque his dictis victorem Deo spiritum reddit. Ann. 1568.

III. A P-

III.

APPARITIO.

RATER MATTHÆVS VENETVS, cuius vitam
virtutibus plenam Mors pretiosa secuta est: hic
cum Beatissimâ Virgine colloquens, inter hym-
nos, ac diuinas laudes animam
exhalat. Anno

1599.





1. F. IACOBVS a NVRTIA Laicus. 2. F. LEO CATANENSIS Laicus. 3. FRA
IOANNINVS FLORENTINVS Lai.

I.

APPARITIO.



PRATER IACOBVS à NVRSIA, Laicus, eximie charitatis, simplicitatis, ac obedientie Vir, cum meritis, & virtutibus plenus, ad extremam vite periodum peruenisset, Guardianum per custodem accersit. Guardianus vero se statim à refectione iturum respondet: at ille remisso nuntio: Breue, inquit, tempus est, nec refectionis finem Dominus expectabit. Confestim intermisso prandio, Guardianus, cum reliquis ad Ægrotum se confert, à quo quid quærat, expostulat: cui Iacobus: Nunquam, ait, absque Superioris mei benedictione iter suscepi, nunc porrò, cum extremum iter ad Deum aggressurus sum; tuam, Pater, benedictionem, supplex efflagito: cui Guardianus: Nondum, inquit, profectionis tempus est, nec te Dei vox ad iter compellit, longior adhuc tibi vita superest. At Iacobus: Breuissimus mihi halitus est, Deiq; vocem me vocantem audio, quæso, Pater, ne me tuâ benedictione frustres. Tum se in genua erigens, optatam à Guardiano benedictionem accipit, moxque totus animo, ac vultu exhilaratus exclamat: O Virgo Beatissima, ô Virgo virginum felicissima, opportunè venisti. En adest, en adest Cœlorû inclyta Regina, ad æterna me præmia vocans. His in verbis, Iacobus, à Deo, hominibusq; benedictus, spiritum ad Dominum profecturus exhalat. Anno 1566.

II.

APPARITIO.



PRATER LEO CATANENSIS, Laicus, cum Deus Opt. Maxim. iam ipsius vite curriculo metam statuere decreuisset, Catanæ in supremum morbum incidit: quo tempore infirmorum Præfectus, circa

h

noctis

noctis medium ad ipsius visitationem accedens, vix ad Cellam peruenit, quin splendorem indè erumpere, eumque quasi cum altero verbis altercantem percipit. Præfectus rem admirans, moræ impatiens Cellam aperit, neminem cum Leone adesse cernit, lumen euanescere conspiciat: ac tandem à Leone discit, se à Dæmonibus exagitatum, Beatissimæ Virginis auxilio, quæ ei in fulgentissimâ luce apparuerat, à tartareis illis Dæmonum nebulis liberatum fuisse, summaque animum consolatione affecisse. Posthæc mentem ad superna colligens, qui vitam omni cum iustitiâ, & humilitate vsque ad canos traduxerat, iustorum somno consopitus, Domini hæreditatem Iustis promissam, accepit. Anno 1580.

III.


APPARITIO.

FRATER IOANNINVS FLORENTINVS, Laicus, cum humilitate, charitate, animi moderatione, paupertate, Regulari obseruantia, ac cæteris adeo virtutibus præditus esset, vt perfectam, ac numeris omnibus absolutam, veri Fratris Minoris imaginem præferret; meritis clarus, Beatissimæ Virginis in morte præsentia, & aspectu dignatus, foeliciter diem extremum in Conuentu Montis Varilij exigit.

Anno 1569.



ADMO-




FLORES
SERAPHICI,
siue
ICONES

VITÆ & GESTA VI-
RORVM, SANC TITA-
TE, & MIRACVLIS
ILLVSTRVM.

Qui ab Anno 1525. ad 1588.
in Ord. Frat. Minorum
S. FRANCIS CI.

Capucinatorum Nuncupatorum
floruerunt.



ADM. REV. P. FR. ZACHARIAS BOVERIVS SALV
TIENSIS ORD. FRVM CAPVC. DEF. GENERALIS.

ADMODVM

R. P. F.

ZACHARIAS SALVTIENSIS.

DE cuius aperto cœlitùs ore, veræ Salutis
 ensis utrâque parte acutus processit, tùm
 ad Fidei orthodoxæ impios Oppugnato-
 res interimendos, tùm ad interemptos an-
 tiquitatis gladio, Seraphicos Capucino-
 rum Alumnos, & Patres vitæ restituendos. Qui dùm
 Sanctorum monumenta, & Fratrum exempla euoluit,
 & reuoluenda, sectandaquæ calamo Scribæ velociter
 scribentis exposuit: Ipse quoque non vulgaria religio-
 sæ vitæ exempla reliquit. Plenus dierum, ac bonorum
 operum, Diffinitoris Generalis munere semel, ac
 iterùm functus, obiit Genuæ, ætatis suæ anno
 70. Religionis 48. 31. Martij. 1638.



h 3

VISIO



SICVT TVRRIS DAVID COLLVM TVVM. CÔ MARIA D QVÆ ÆDIFICATA
 EST CVM PROPVGNA CVLIS, MILLE CLYPEI PENDENT EX EA, OMNIS ARMATVRA FORTIVM.
 Cant. 44.



VISIO BEATISSIMÆ VIRGINIS,
EX CUIVS MATERNO SINU CAPVCINO-
RVM RELIGIO PRODIT, QVAM PIA MA-
TER, VT VNDE ORBI PARCERET,
HABERET, PRÆSENTAT.

INTER primam illam Ordinis Seraphici institutionem, ac postremam hanc eiusdem Reformationem, admirabilem rerum concordiam, si nobis lubet, perpendere, ea profectò tam singularis, atque admiranda perspicietur; ut cum eâ, qua olim in Ordinis constitutione, Deo reuelante, præcesserunt, hic perfecta cernantur, non Reformatio tantum, sed noua potius Ordinis repetitio esse videatur: Neque enim quisquam ignorare potest (quod ex primis Ordinis monumentis exploratum est) ut quò Minorum Ordinis institutio spectaret, hominibus aliquandò innotesceret, ante ipsum Ordinis exordium Iesum Christum Dei Filium, ob intoleranda hominum scelera, eo furore percitum fuisse; ut tribus telis vniuersum humanum genus iam iam confodere, ac perdere pararet, miseramq; illam Orbis atatem, qua tot undique vitijs referta erat, ut nihil præterquam extremam à Deo cladem exspectaret, solâ tunc B. Virginis supplicatione in Dei clementiam respirasse. Denique Sanctissimam Deiparam, quò facilius Filij iram in homines concitatam placaret, tantum humani generis Patronam, post pectus, & vbera Filio demonstrata, non alios præterquam Dominicum, & Franciscum obtulisse, quorum ope, & opera homines à vitijs respicerent, ac in meliorem frugem conuerterentur: quâ oblatione tandem Christus placatus, Matris faciem suscepit. Iam verò si ad huius Reformationis initia animum intendimus, haud incertâ fide probatum est (quam nos ex Annalibus, illi ex antiquis, ac probatissimis Religionis huiusce monumentis hauserunt) in quodâ Calabriae Oppido, cuius nomen vetustate oblitteratum, integrum haberi non potuit, paulò ante conditam Reformationem, Sanctimonialium Abbatissam, & illustrem quendam Virum, utrosque atate prouectos, ac virtute præclaros, spiritali quadam necessitudine ita inter se coniunctos fuisse; ut sæpe inter se de rebus cœlestibus, ac spiritali virtutum profectu colloqui solerent. Porro accidit aliquandò, ut in-

tempe-

tempesta nocte orantes, uterque in profundam mentis extasin raptus, eadem prorsus cœlesti visione Capucinatorum Reformationem futuram acceperit. Videbant enim altissimum Dei Filium graui in homines irâ percitum, ac valde formidabilem, tam atrocia Orbi, ob intolerabilia ipsius crimina, supplicia minantem; ut vnâ clade Orbem totum prosternere, velle videretur. Cui Virgo Mater haud insuetâ illi pietate occurrens, atque in genua procumbens, Filium iteratis precibus rogabat, ut iram in homines conceptam misericordiâ leniret: at obsistente Filio, & Matri horrenda Orbis facinora, atque à peccatoribus illata sibi vulnera, obiectante; pia Mater pollicetur, se bonos aliquot Seruos suos in Orbem missuram, qui homines à vitijs deterreant, & collapsam in Orbe pietatem restituant. Percunctante verò Filio, quinam ij homines essent ad hoc officium electi. Statim Mater explicato pallio, quo obiecta videbatur, nouam Capucinatorum Reformationem inde emergentem Filio ostendit: cuius aspectu, Dei Filius placatus, iram compescuit, ac parata flagella, ne in Orbem desuissent, cohibuit. Stupet uterque eo visu diuinitus accepto, cumque eadem prorsus utrique manifestatâ esse animaduernerent, Diuina mentis consilium altè admirantes, rei euentum suspensi exspectabant: donec post aliquot annos, Capucinatorum Reformatio in Orbe apparens, ad Calabros penetrasset. Ex his enim (quod admiratione dignum fuit) qui è Virginis Matris pallio visi fuerant emergere, aliquorum effigies, tam profunde utrisque animis insculpta remanserat; ut cum primû Capucinatorum Reformatio (quæ visum non longè secuta fuit) in Calabria exoriri cœpit, eorum vultum contemplantes, illos esse agnoscerent, quos è Virginis pallio prodire prospexerant, quique postmodum iuxta Beatissimæ Virginis promissionem, indefessè verbis, & exemplis predicando, vitia ab Orbe extirpando, vniuersosque ad virtutum studia compellendo, quasi mille clypei ex Turre David pendentes, miseros peccatores B. V. protectionis propugnaculis, munitos, à diuini furoris iaculis præseruare, ac tandem ab ijs iram auertere meruere.





PRINCEPS FRATRVM, FIRMAMENTVM GENTIS RECTOR FRATRVM, STABILIMEN-
 TVM POPVLI QVI CVRAVIT GENTEM SVAM, ET LIBERAVIT EAM A PERDITONE.
 Eccles 1. 49. et 50.



ADMIRABILIS, INTER CAPVCINO-
RVM RELIGIONEM, & PRIMAM ORDINIS
INSTITVTIONEM, CONCORDIA APERI-
TVR, QVA NON SOLVM REFORMATIO, SED NOVA POTIVS EIVS-
DEM ORDINIS INSTITVTIO ESSE DIGNOSCITVR,

DEploranda illa Ecclesia tempora, qua post duodecimum Sa-
culum, Innocentium, & Honorium, horum Nominum
Tertios, Roma, in B. Petri Cathedrâ sedentes, Fridericum
verò secundum, Romana Ecclesia perduellem, Imperij ha-
benas moderantem conspexerunt: non est qui ignoret, in
quibus tanta morum corruptio, Christianum Orbem inua-
serat, ut nihil sibi quisque interdictum putaret, quod ef-
frenis appetitus persuaderet. Denique res eò calamitatis perducta erat; ut
Dei Ecclesiam propediem ad rudera, & parietinas usque ruituram Ponti-
fex Innocentius, Deo in somnis ostendente, expauesceret. Quis igitur in tan-
tâ malorum proluvie præterquam certum, & horrendum cælestis ira Ca-
tactysmum toti Orbi imminentem suspicari potuisset, nisi immensa Dei Pie-
tas, & Sapientia ex tam concitatis malorum fluctibus, B. Franciscum emer-
gere fecisset, qui Euangelicam Regulam diuino spiritu dictatam conscripsis-
set, moxque ad instaurandas hominum ruinas, Orbemque uniuersum sce-
lerum mole pene obrutum, subleuandum, Minorum Prolem suscitasset, ac ve-
lut Cælestia quadam Castra, aduersus vitiorum monstra passim grassantia
mouisset, quorum verbo, & exemplo id tandem affecutus est, ut & hominū
moribus ad meliora conuersis, plurimisque ad virtutum studia confluenti-
bus, Ecclesia ad præstantiorem Christiana disciplina formam rediret, diui-
naque flagella, toti Orbi imminencia, horum operâ ab eo auerterentur. Ve-
runtamen quæ rerum præsertim excellentissimarum inconstantia, ac vicissi-
tudo est, post quintum decimum enim Saculum, Regulari huius Ordinis dis-
ciplinâ defluente, vitiorumque zizaniâ, Operarijs somno sopitis, iterum
excrecente, tanta Orbis scelerum colluue fedatus, atque immanibus
facinoribus turpis apparuit, tamque ferax nouarum Hæresum, hæc atas fuit;
ut si quis infelicitissima illa tempora perpenderet, non esset qui Vni-
uersum Mundum, vel ad supremum rerum diem, ac interitum parari, vel

saltem

saltem ad maiora, ac grauiora flagella rapi non existimaret. Porro hic ineffabilis illa Dei Sapiencia, ac Prouidentia maximè spectanda, atque admiranda se præbuit, quæ cum rebus penè desperatis mederi, extremaq; Orbis mala amplioribus bonis delere statuisset; nouam Capucinatorum Reformationem in Ecclesia excitauit, Beatumq; Franc. iam in Cælo regnantem iterum impulit, ut qui semel Ecclesia reparande munus à Deo acceperat, nouâ Ordinis sui Reformatione, iterum dilabentem Ecclesiam instauraret, vitiorum monstra à Christiano Orbe expelleret, flagella imminencia ab eo auerteret, rursus denique illud sibi à Deo imperatum audiret, Vade Francisce, repara domum meam, quæ labitur. Quod per nouæ Reformationis Alumnos postmodum abundè prestitit. Verum, neque mihi frustra persuadeo nouam hanc Reformationem (quæ verè Eloquium Dei in Euangelio exaratum custodiebat, pactumq; eius per Regulam initum seruabat) ad extinguendas Diuinæ iræ flammæ, ad imponendum thymiam in furore suo, & holocaustum super Altare illius, potissimum excitatâ fuisse. Perspicua enim illa Christi vox est, quâ semel viuentem adhuc Franciscum, Fratrum amatorem, ac pro Populo Christiano, vniuersaq; S. Ecclesia orantem; ita affatus est: Francisce, sioptas ut flagella mea à Christiano Populo auertam, satage, ut Ordo tuus in ea Regule Obseruantia permaneat, in quâ fundatus fuit, ut in ea Viros reperiâ, qui coram me stare valeant, & quorum faciem placatus suscipiam. Inde enim fiet, ut propter Te, & Ordinem tuum, facile Populo meo flagitia ignoscâ. Hinc enim non obscure agnoscipotest, quodnam fuerit Dei in hac noua Reformatione condenda cõsiliu, neque enim alia ratione collabentem Minorum Ordinem nouâ hac Reformatione erexisse creditur; quàm ut unde Orbi parceret, haberet, & durissima illa, quæ ob immania hominum flagitia, Mundo supplicia parauerat, reformatæ Religionis natiuitate renocaret. Nec exigua consideratione dignum existimo; quàm scilicet illustris hac postrema Ordinis Reformatio censi debeat, quæ tot diuinis præconijs aucta, perinde, ac si cum prima Ordinis institutione, dignitate contenderet; primùm quidem, Illustrissimâ Cælorum Reginam, sibi Parentem è Cælo vendicat: tum Deum hominib. in ipso ortu iratum placat: cumq; primùm in Orbe apparet, ac se conspiciendam præbet, B. Franciscum velut accensa face præeuntem, ac via Duce intuetur. Postremò, sui quoque aduentus præcones è Cælo Angelos, è terris homines sibi accersit. Et si prima Minorum Ordinis institutio, antequàm ea Orbi illucesceret, non obscure à nonnullis prænunciata fuit; quorū testimonia apud AR. P. Lucam VVaddingum, Auctorem Annaliū Fratrum Minorum in suo Apparatu, accuratè exarata legi possunt: haud sanè Capucinatorum Reformatio diuino hoc testimonio vacat, quò velut prænuncio futurus ipsius in Orbem aduentus predicaretur. Primum huius rei Testimonium, ex celeberrimo quodam B. Bernardi à Quintaualle, qui B. Francisci primus quondam Socius fuit, Vaticinio se admirandum offert: quo S. hic Vir, Diuino Spiritu afflatus, futuros ordinis Seraphici status, ac mutationes olim mente anteuertit: Vaticiniu porro apud B. Angelum à Clareno lib.

de 7. tribulationibus, legitur, his verbis exaratum: Hic Minorum Ordo usque ad septimum gradum paulatim in peius ruet, ac in deteriora dilabatur. Cum verò ad hunc statum peruenerit: in eo, Ordinis Reformatio fiet secundum Spiritum Fundatoris, per Fratres adeò simplices, & idiotas; ut à quo ea facta fuerit, penitus ignoretur: tùm verò, post dispersionem erit Cōgregatio Fratrum Pauperum in tertio loco, in eis que apparebit signum veræ Reformationis, certitudinemque accipienteorum, quæ acturi erunt. *Haftenus Vaticinij verba, quæ si grauitè, ac diligenter expendantur, planè huic Capucinorum Reformationi, tam perfectè, atque ex omni parte quadrant; ut nullatenus dubitandum esse videatur, quin de ea singillatim dicta fuerint. Atque ut varios in primis gradus illos, ac mutationes præteream, quod est primum Vaticinij caput, quæ à prima Ordinis natiuitate per tēporum, ac rerum periodos in eo acciderunt, de quibus nimis durum, longum, ac molestum esset differere: ad secundam Vaticinij partem accedo, in qua assertitur: in postremo Ordinis statu, Reformationem secundum Spiritum Fundatoris fieri debere. Nemo Spiritum Fundatoris B. Franc. Euangelicum Paupertatis spiritum esse non sentiat. Iam verò si quis vniuersas Ordinis Minorum Reformationes, quæ haftenus emeruerunt, altè animo reuoluat; certè nullam reperiatur, quæ altissimam Paupertatem in tam arcto rerum omnium usu, secundum Fundatoris spiritum emulata fuit, quam postremà hæc Capucinorum Reformatio, quæ ita ad priorem Ordinis paupertatem non tam accedit, quam eam fortè excedit. Quod si de perfectà totius Regule Obseruantia, ad quam Fundatoris spiritus se extendit, ea quis explicare malit; Id sanè haud male accipio: hanc enim, in Capucinorum Reformatione super ceteras vigere, & existere, apud omnes in confesso est. sed quoniam hæc ad Reformationis commendationem pertineant, quibus haud libenter immoror: his prætermis- sis ad tertium Vaticinij caput venio, quo postrema hæc Reformatio à Viris simplicibus, ac idiotis ita auspicianda esse prænunciatur; ut quis illius Auctor fuerit, ignoretur. Certè, qui Capucinorū ortum, ac primordia animo repetit: hæc tam aperte de hac Reformatione dicta perspicit, ut vix cuiquam alteri Ordinis Reformationi, quæ antea processerit, accommodari valeat: consulat Lector Apparatum Annalium A. R. P. Bouerij. Quartum verò caput illud est, cum post dispersionem Congregatio Fratrum in tertio loco futura prædicitur. At quandoquidem hæc verba longam Historiam seriem exposcunt, hic tantum indicare sufficiat, nouam hanc, & vix exortam Reformationem, tam diris persecutionum, ac calamitatum tempestatibus iactatam fuisse; ut qui iam ei nomina dederant, eo tempore per nemora, ac montium deuia dispersi, latebras, & cauernas quærerēt, quo se ex fuga reciperēt. At sedata per Pon. Bullam tempestate, tandè pusillus ille Reformationis grex in Aluacina Conuētū, qui tertius post Camerini, & Montis Melonis Conuentum illi locus, ac Monasterium fuit, an. 1529. congregatus, primum ibi Generale Capitulum celebravit, Matthæum à Bassio Generalem elegit, ac Constitutiones sanxit, quibus deinceps humilis illa Congregatio regeretur. Porro in eo Capitulo, posteriora Vaticinij verba impleta fuisse res ipsa declarauit. Etenim luce è Cælo*

in eam

in eam Fratrum Congregationem, repente delapsa, qua signum vera, perfecta, ac secundum Fundatoris spiritum instituta Reformationis ostenderet; tantum inde caelestis luminis, ac virtutis cunctis infusum est; ut qua ad perfectum Reformationis statum, ac Regulae observationem necessaria essent, illis caelesti dono perspicua fierent; tantaque ex alto virtute induti fuerint; ut nullas deinceps persecutiones, aut hominum iniurias metuerent.

Hoc itaque testimonio explicato, aliud quoque Francisci Politiani Vaticinium nobis perpendendum se exhibet. Vir hic inter Minores, qui Conuentuales nuncupantur, illustris, ac sanctimonia clarus, nec non Prophetiae spiritu insignis An. 1513. ante Reformationem conditam 12. ad superos translatus est: quem etiam Rodolphus Tosinianensis Hist. Seraph. Rel. lib. 2. f. 254. inter illustriores Familiae columnas recenset: Hic igitur Assisij, die quadam, in platea, ob ingentem Populorum affluentium copiam, Dei verbum ministrans, his inter concionandum verbis sapius usus fuit. Audi, Ciuitas mea, audi Vrbs, magni Patris mei Francisci natalis: mira, sed vera refero: iam non multum temporis dilabetur, cum nouum, ac resurgentem, B. Franc. oculis tuis perspicias: resurgentem inquam, non corpore, sed habitu, ac spiritu: tum ad pueros quosdam, qui adstabant conuersus: Vos, inquit, o Pueri, vos B. Franc. redituum videbitis: iam enim propere est in ianuis. Quod certo deinde testimonio probatum fuit: ex his enim, qui B. P. Sermoni eo tempore praesentes aderant, cum senex quidam post exortam Reformationem, ad Capucinatorum Monasterium, Assisio non longe distans (quod Carcerellarum dicitur) accessisset; praefata B. P. illius verba Fratribus referens, tanta in eis intuendis mentis letitia afficiebatur, ut lachrymarum imbribus perfusus, praegaudio saepe in hac verba prorumperet: Sat est, o Bone Iesu, sat est: Iam S. Franc. redituum, atque ad nos reuocatum cerno. Neque id S. illi Viro semel praedixisse satis fuit: nam & eadem in Ethuria, dum Verbum Dei disseminaret, plerique iterum atque iterum refricantem audire. Inter quos, Vir quidam eo sermone commotus, cum Serui Dei verba de Reformatione eorum, qui de Observantia nuncupantur (quae recenter in lucem prodierat) dicta esse arbitraretur; statim eum Ordinem ingressus, aliquot annos in eo magna cum virtutum laude transigit. At noua deinde Capucinatorum Reformatione exorta; cum & antiquam B. Franc. habitus formam cum ea restitutam, simulque ipsius paupertatem, simplicitatem, Regularem observantiam, vitam denique in Orbem reuocatam cerneret; perinde ac si B. Franc. in ea reuiuiscantem videret; alius B. Viri verba apud se meditari, ac de Capucinatorum Reformatione interpretari cepit: quapropter, nulla interposita mora, ad Capucinos euolauit.

Tertium his testimon. accedat, Bernardini Feltrij: qui cum inter Observantes ante A. 1494. nota Sanctimonia, & Miraculis clarus, praesertim ac Prophetico spiritu illustris esset, ut testis est Rodolph. Tosinianensis Hist. Ser. Bel. l. 1. f. 85. semel in copiosa suorum FF. frequentia de rebus Religionis verba faciens, & Capucinatorum Reformationem, quae breui futura erat, (An. sc. post felicem ipsius obitum 31) prenunciando, linguam in has voces explicauit. Sunt de his stantibus qui non gustabunt mortem, donec videant B. Franc. iterum in Ordine resurgentem.

At verò, nec minori admiratione digna sunt, quæ Fr. quidam Augustinus Fulginas, eiusdem Ordinis de Observantia, Vir inter illius Familia Laicos viriute præstans, ac Dei Spiritu illustris, eodem ferè tēpore Tertiario cuidā, qui illi frater germanus erat, de Capucinatorum Reformatione prænuñciauit. Dum enim is, in Conuentu S. Maria Angelorum, cū eo liberius de rebus cælestibus colloqueretur: F. Augustinus, velut repentino Dei Spiritu correptus, ita Fratrem affatus est: O Frater, ô Frater, iustine paulisper: grandia tibi spectanda erunt, quæ breui ventura sunt: etenim post breue tempus, Pontificem Florentina Vrbe progenitum, Romæ sedentem conspicias. Væ tunc Romanæ Vrbi: Eheuleheu Roma inæelix, quot tibi eo tempore mala toleranda erunt! Porro eadem tempestate B. P. N. Franciscum iterum resurgentem, iterumque rediuium cernes: & hunc quem vides, Minorū Ordinem, perfectè secundum S. Francisci vitam, ac spiritum restitutū perspicias. Hac dicta Simplex, ac deuotus Tertiarius tunc admirans, deinde experimento vera fuisse didicit: nam paucis annis elapsis, cū Clemens VII. Patriā Florentinus, Pontifex, Anno 1523. electus fuisset, Mense Decembri Anno 1527. à Borbonio, Casariani exercitus Duce, Vrbs Romana direpta, ac deuastata fuit: cū biennio ante duntaxat, nempe 1525. noua Capucinatorum Reformatio in Orbe capisset.

Postremum denique testimonium, à Galatrensi quodam sene, qui Ioannes appellabatur, lubet accipere. Huic paulò antè Capucinatorum Reformationis ortum, accidit; ut dum Galatro, ruri in Dei timore vitam ageret, atque agros suos, proprio labore, excoleret (Virenim erat agrestis) sapius in meridie, Virum quendam facie ignotum, ac præstantioris formæ, quam Regio illa ferret, eo peragrantem, atque eo prorsus, quo in hac tempestate vtuntur, Capucinatorum habitu indutum cerneret: Admirabatur Ioannes insolitam habitus formam: cumq; attentius Virum intueretur, is eum semel his verbis affatus est: Ioannes, quid miraris? aut qua tuum, ob hanc vestis nouitatem, animum sollicitudo exagitat? Hac habitus forma uti debet aliquandò Religio, quæ paucos post annos exorietur: illudque tibi veritatis argumentum erit, quod Religionis illius Fratres, in hanc Ereum, velut in asylum, imminente ijs persecutione se recipient. His dictis, statim ab eius se oculis proripuit, neque ab eo deinceps visus fuit. Obstupuit Ioannes: & quanquam quid ea tunc visio portenderet, ignoraret; visum tamen plurimis, rerum adhuc ignarus, narrabat: donec Capucinatorum Congregatione apud Calabros exurgente, Fratres, inter prima illius exordia, in Ereum S. Elia, ad persecutionem declinandam confugientes, conspiciatus, cælestem Angelum illum esse deprehendit, qui sub illa habitus forma Capucinatorum Ordinem futurum illi præsignauerat. Quamobrem, cū sæpè de hac Angeli apparitione, & Capucinis, cum domesticis verba faceret; his permotus ex ipsius filijs alter Capucinatorum non multo post numero adiunctus, sub Antonij nomine, dignam Religioso homine usque ad finem vitam duxit. Et hac quidem quantum ad Vaticinia, nunc verò ad eos qui per illa prænuñciati fuere properandum.

LAVDEMVS VIROS GLORIOSOS, & PARENTES nostros in generatione suâ. Homines diuites in virtute, pulchritudinis studium habentes: pacificantes in domibus suis. Omnes isti in generationibus gentis suæ gloriam adepti sunt, & in diebus suis habentur in laudibus. Qui de illis nati sunt, reliquerunt nomen narrandi laudes eorum: Illi Viri misericordiæ sunt, quorum pietates non defuerunt, cum semine eorum permanent bona, hereditas sancta nepotes eorum: & filij eorum propter illos vsque in æternum manent: semen eorum, & gloria eorum non derelinquetur. Corpora ipsorum in pace sepulta sunt, & nomen eorum viuit in generationem & generationem. Sapientiam ipsorum narrent populi, & laudem eorum nunciet Ecclesia. *Ecclesiast. 44.*

EACTVRVS MIHI OPERÆ PRETIUM VIDEOR, si vitas Sanctissimorum Virorum, exemplo alijs mox futuras, perscripsero: quò vtique ad veram Sapientiam, & cœlestem Militiam, diuinamque virtutem legentes incitabuntur, in quo ita nostri quoque rationem commodi duximus, vt non inanem ab hominibus memoriam; sed æternum à Deo præmium expectemus: quia etsi ipsi non ita viximus, vt alijs exemplo esse possimus: dedimus tamen operam, ne ij laterent, qui essent imitandi. *Sulpitius Seuerus de B. Mart. Vita in Prolog.*



FRATER MATTHÆVS, BASSIO FRATRVM CAPVC.
PRIMVS VICARIVS GENERALIS.



F. MATHÆI à BASSIO
PRIMI FRATRVM CAPVCINORVM
GENERALIS

VITA, ET GESTA.



RATER MATHÆVS à BASSIO FF. Capucinatorum, Deo Auctore, B. P. Francisco Fundatore, Putatius Pater, eiusdemq; B. P. Francisci, nec non Fratrum Minorum veræ habitus formæ restitutor, à pueritiâ ad diuina propensus, pueros ad pietatem prouocat. Annum 12. agens sæcularibus vestibus depositis, tunicâ talari, ex leuidensâ cinereâ vsque ad Religionis ingressum deinceps utitur. Adhuc puer consuetam tunicam indutus, centum ferè pueris collectis, tanquam omnium Dux præcedens, viarumque compitum ostendens, ibi eo inchoante vniuersi nomen I E S V inclament; Milites verò, qui ad Patriæ deuastationem festinabant, cum tot clamores eminùs perciperent, subsistunt, remq; oppidanis manifestam fuisse arbitrantes, militum manipulum ab ijs missum esse suspicantur. Id verò certius exploraturi, cum vltèrius paululùm progressi essent, Matthæus pueros iterùm in proximum collem ductos, ibi nomen I E S V altius insonare iubet. Porrò hic puerorum clamor tam illis formidabilis videtur, tantumque animis terrorem incutit, vt sese omnes in fugam conuertant. Hoc pacto D. O. M. infantium vocibus, velut Gedeonis tubis armatos milites fugat, Patriamque ab imminente clade, & deuastatione liberat. In plateis peccatoribus poenitentiam prædicat. Ob austeritatis excessum in morbum incidens, solam stramineam culcitram plumeâ reiectâ, sibi ministrari permittit. Gallina syluestris quæ ipsi in cibum paratur, è rure delata, ipsius postulatione vinculis soluta, naturæ syluestris obliuiscitur, statimque in Matthæi sinum accurrit, ac velut domestica auis inter

A

ipsius

ipsius brachia quasi in nido, accubare incipit, nec ab eo auelli potest. Muscas circa Matthæum volitantes, ipsum ab illâ molestia liberare studēs, venatur. 17. Annum attingens Minorum Obseruantium Ordinem ingressus, nihil in eo humiliter, nihil obedientius, pauperius nihil. Ad studia promotus minus est quod literis, quàm quod orationi, ac rerum diuinarum contemplationi tribuere solitus est. Apostolico spiritu DEI verbum prædicat. Peste laborantibus Camerini ministrat, ipsiusque charitas, ac diligentia in ægrotorum ministerio mirabiliter elucet, diuinæque virtute inter tot pestis pericula incolumis seruatur. Spiritu feruētissimus nihil magis quàm vitam B.P. Francisci, ac paupertatem imitari, eiusque perfectè vestigijs insistere peroptat. Tanta præ alijs vitæ austeritate excellit, vt non solum vniuersa B.P. Francisci ieiunia, ac quadragesimas, velut præscripta sibi lege, obseruet, verum, & singulis Veneris, & Sabbathi diebus, solum sibi panē, & aquam pro cibo, & potu adhibeat. Humi persæpè, aut in substratis tabulis cubans, lignum pro puluillo sibi eligit. Solo habitu contentus, quo corpus potius obtegat, quàm à frigoris rigore defendat, cætera omnia respuit. Hominum cōsortia fugiens, ita rerum diuinarum contemplationi atque orationi vacat, vt cœlestem prope modum in Religione vitam agere videatur. Cernens Ordinis Familiam à purâ regularis obseruantie normâ haud leuiter deflexisse: ac vt Pauli verbis vtat, qui secūdam carnem natus fuerat, persequi eum qui secundum spiritum: Quiq; ad Regulæ obseruationē anhelaret, vel Ordinis reformationem expeterent, perturbatores à cæteris, seditiosos, ac nouatores existimari, adeoq; ab ipsis Ministris & Superioribus relaxationem fouentibus durius æquo excipi. Hæc inquam permultaq; his similia in Ordinem contra ius fasq; indies passim illabi, quin & iam inoleuisse conspiciēs, in eo saluâ, ac tutâ conscientiam morari diutius posse non sperat: Quare iuges in oratione lachrymas fundit, veramq; ac perfectam Ordini à Deo reformationem postulat. De perfectiori Regulæ obseruantia cum altero Sacerdote familiariter colloquens, veram ab eo B. P. Francisci habitus formam addiscit; cumq; ille habitum Caputio oblongo, & acuminato absque scapulari, coniunctum delineasset, vix in eum Matthæus oculos coniecit, cum mox spiritu commoueri incipit, Deoq; intus agente, diu noctuq; secum altâ mente reuoluit, quo pacto illa vera B.P. Francisci habitus forma frui possit. Interim B.P. Franciscus Capucinorum habitu indutus, Matthæo sæpè in via apparet, Christusq; in mendici forma ab eo eleemosynam accipit. Pro Ordinis reformatione Deum

assiduè

affiduè orans, vocē eius audit: MATTHÆE HÆC EST VOLUNTAS MEA, VT REGVLAM OBSERVES AD LITERAM. Quare in mentis excessum raptus, cælestiq; oraculo edoctus, tunicā mox lacerā, obsoletam sibi cōparat, cui quadratū Caputium antea sibi paratū assuit, eāq; indutus, ac fune rudiori præcinctus, manu ligneam Crucifixi imaginem arripiens, Romā versus iter aggreditur. In viā à nebulonibus ligatur, & contumelijs afficitur, inter contumelias Deum laudat. Eo tempore Franciscus à Cartoceto, Ord. Min. Observantiæ, vitæ sanctimoniā clarus, (qui Eremum S. Iacobi incolebat) diuinā reuelatione Ordinis Reformationē addiscit, & Matthæo ad Eremum accedente, præ gaudio exultans, Pacifico socio exclamat: ô quàm fausta & quàm iucunda huc accedunt! En reformatio venit. Matthæus verò ob insolitam illam habitus formā, & austeritatem multa passus, Romam appellit, vbi Angelum sub Viri specie in gradibus Ecclesiæ SS. Apost. Petri, & Pauli offendit, à quo inuisibiliter ductus miraculo ad Pontificem penetrat; ab eo quadrati Caputij formam obtinet; ab Ordine eximitur; Diploma pollicetur; eiq; postea traditur. Sicque Anno 1525. vera B.P. Francisci habitus forma restituitur. Matthæus verò austeritatis, & Paupertatis altissimæ zelator feruentissimus, ac verbi diuini præco celeberrimus, in Piceno illud non sine contumelijs disseminat. Sacras B.P. Francisci memorias, habitum, sociorum Caputia, priscas deniq; illas Imagines primæui habitus testes Assisijs inuisit. Inde Fulginium profectus à viatore antiquum Ordinis sigillum accipit, in quo B.P. Francisci effigies, acuminatum Caputium, in capite, & Crucem in manu gestantis, insculpta videbatur. A persecutoribus in vincula coniectus, inter vincula, & carceres diuini spiritus suauitate affluens, Deum assiduè laudat, & à Custode liberari recusat. Tandem è carcere solutus, ingenti fame per Italiam exortā, Fabas ad pauperum alimoniam seminat, quæ prodigioso miraculo à Deo multiplicantur. Generalis Vicarius Capucinorum reluctans eligitur. Post visitationem Generalatus officio se abdicat. Bullā Pauli III. editā, quā sub excommunicationis poena ijs omnibus quadrati Caputij vsus interdicitur, qui sub Generalis Capucinorum obedientiā in Monasterijs non degerēt, Matthæus quid sibi agendum sit, secum animo versans, inter varia consilia fluctuat; hinc enim diuinā se vocatione ad liberā illam prædicandi facultatem, quam à Clemente VII. impetrauerat, impelli existimat; illinc verò quadratum Caputium exuere, cuius ipse olim, Deo Auctore, restitutor fuerat, veramq; B.P. Francisci habitus formam, quamque in eo perspexerat, abijcere, nimis profectò

graue illi videtur. Tandem animarum salutem, ac Dei vocationem, quam sibi certò persuaferat, potiùs sequendam, quàm quadrati Caputij formam sibi retinendam ducit: Quare Caputij acumen ad medium vsque palmum sibi non absq; lachrymis amputat, haud tamen rotundo Caputio, aut Scapulari, siue lunulâ (quæ Minoribus de Obseruantia communis est) posthac vnquam vititur, sed solo vili, ac rudi habitu, Caputio longius post terga pendente, assuto, vsq; ad mortem contentus, ac nudis pedibus absque sandalijs, aut calepodijs incedens, in ieiunijs, & vigilijs, orationibus, ac lachrymis, perfectam vitæ rationem instituit. Haud tamen se ita à Capucinis dissuit, quin ad eorum Conuentus, quoties vel refarciendi habitus, vel alia huiusmodi necessitas vrgeret, diuerteret; vbi ingenti omnium lætitiâ, & charitate excipiebatur. Quapropter is etiam Capucinorum Religionem tantâ beneuolentiâ prosequabatur, vt eam suam quoque Religionem appellaret. Primus fertur esse qui pueros ad publicam Christianæ Doctrinæ institutionem congregat, quam deinde Patres Societatis I E S V atque alij suis laboribus copiosius illustant. Pueris semel siti deficientibus, paruam vini lagenam, quæ paucis sufficere poterat, suâ oratione ita multiplicat, vt cùm multa puero- rum turba, ex ea quod sibi ad sitim extinguendam satis erat, hausisset, diuinâ tamen virtute lagena plena remansit. A Paulo III. in Germaniam cum Caroli V. Exercitu, vt suis cohortationibus Catholicos milites ad pugnam cieret, & orationibus Hæreticos aduersarios funderet; denique vt Germanos Populos suo vitæ exemplo, ac prædicatione in Catholicâ Fide confirmaret, mittitur. Castra Cæsaris, Militesq; præcedens, & ad victoriam animans, Catapultis, & æneis tormentis, horrendo aduersus illum tonitru, desplodentibus, ipsius habitu globulis vndique perforato inter Bombardarum ictus incolumis stat: In eo Cæsaris Exercitu Peditum Ducem horrendo modo blasphemantem, Dei zelo ductus, durè præter morem increpans, eidem manu colaphum impingit, quo accepto, cùm vniuersi furijs illum agendum, exspectarent; ille contrà quasi protinùs è lupo Agnus euasisset, statim ad illius pedes corruit, delicti veniam poscit; atq; deinceps ab omni blasphemâ abstinet. In Italiam rediens Manfredoniæ ex Hospitis foeneratoris pane sanguinem elicit, qui hoc spectaculo perterritus, alterius Zachæi instar foenus restituit, plurimamque pecuniarum summam pauperibus erogat. Ecis, infantem lac fugentem spiritu Prophetico Capucinum futurum prænuntiat. A Viro nobili, malo, putrido, percussus, percussori vitæ periculum

præ-

præsignificat, cui ipsa nocte alterum crus ab Aduersario amputatur. A quodam Rhetore correptus, quod Rhetorum præcepta prædicando minimè obseruaret, subridens: Et tu (inquit) qui superiori nocte tale scelus (secreto scelere explicato) perpetrasti, num Dei præcepta obseruasti? Mihi quidem qui in Tullij, aut Quintilliani præcepta minimè iuravi, vitio dandum non est, si ab ijs interdum exorbitem: Tu verò qui Christiana professione ad Dei Legem constringeris, qualem violati præcepti excusationem adfers? Tu delictum corripis, ego si minus Rhetorum præcepta obseruauero, nullà ob id culpà constringor. Vrbinatibus pro suggestu futuram calamitatem prædicit. Lentiani Iuueni filiorum ludo vacanti, mortem post triduum minatur: Is verò Matthæi monita despiciens triduo expleto, repentinà morte corripitur. Arimini, Puluerarius ludo incumbens à Matthæo asperè reprehensus, eum alapa impetit; Cui Matthæus mox alteram genam percutiendam offerens, mortem post tertium diem prænuntiat, qui cum pulueri conficiendo operam dat, postridie casu ignis scintilla in puluerem decidit, quâ puluis repente inflammatus, hominem comburit, & quod magis deplorandum est, impoenitentem igni sempiterno addicit. Foroliuij, Iuenculæ petulanti, obitum post octauum diem indicat, ridet illa, at octauus dies, qui eidem fatalis erat, illius risum in luctum commutat. Ibidem copiosam viro sterili prolem annuntiat. Carpij, dum peccatoribus Infernum inculcat, fustibus cæsus, & ex Oppido eiectus, percussoribus benedicit. Luci dum verbum Dei disseminat, alapa percussus, percussorem apud Iudicem excusat. Rauennæ Tabernarium increpans, in gena percutitur, alteram genam percutienti offert, qui necdum anno expleto repentina morte mulctatur. Matelicæ iussu illius Urbis Dominorum, expulsus, & Domini, & expulsores horrendam Dei vindictâ persentiunt. In Oppido Montis bullionis Ecclesiæ Rectorem arguens, quod sacra Mysteria indebita celeritate perageret, vix Sacerdotales vestes exuit, cum protinus Matthæum insequitur, at paulò post ab hostibus vulneribus confossus, dum ad extremam vitæ lineam peruenit, animam efflans, cum ea simul & flammæ vapor ex illius ore erumpere, conspicitur, qui paulatim excrescens, ac sese per aëra diffundens, tam ingentem repente aëris tempestatem excitat, vt irrumpentes vndiq; venti fortissimas quercus euellerent, animalia quoq; quæ per agros vescebantur, ita per aëra volitarent, vt muscarum more circumferri viderentur. Sanguinis fluxu Matthæus per vndecim annos laborans, ab eo liberari recusat.

In Oppido Fori Sarzinij, sacra Myſteria offerens, ad duorum cubitorum altitudinem in aëra effertur. Baſſij à fornicationis ſpiritu tentatus, nudus ſe inter vepres volutat. Foſſa pelafella Venetias proficiſcens imperuium iter per loca paluſtria arundinibus, & calamis conſita arripit: at denſæ arundines quæ iter impediabant, nullo pelente ante Virum Dei ſeſe inſectunt, eiq; ſub pedibus viam ſternunt. Hoc quoq; itinere gurgitè Signo Crucis tantum adhibito nullo periculo pertransire cernitur. Padum Fluium extenſo ſuper vndas pallio ſecundò traijcit. Cùm Leniacum ſemel appellit, quæ Arx eſt, Atheſis Fluminis rapidiſſimi vndis proluta, nullo ibi Nauigio reſerto, quo Flumen tranſmearet, poſt breuem orationem ſtrato pallio in alteram Fluminis ripam concedit. Arimino Venetias nauigare volens, à Nautâ reiectus, expanſo ſuper vndas pallio, tam celeriter æquora fulcare videtur, vt Nauigio illo poſt terga relicto breui tempore Venetias appellat; Nautæ verò Maris tempeſtate iactati, cùm poſt tres dies Venetum littus attingunt, Matthæum in S. Marci platea prædicantem offendent. Piſaurò iterum cùm Venetias adnauigans, ingenti tempeſtate exorta in Mare demerſus eſſet, marini vortices Deo imperâte, Matth. inſtar Nauigij ſunt, quibus omni Nauigio celeriùs Venetias aduehitur. Hinc Foſſam Clodiâ dimiſſus, paulo poſt, pallio (quæ admodum ſolitus erat) ſuper vndas ſubſtrato, populo Veneto ſpectante, Maris vndas fulcat, & communi applauſu, ac lætis clamoribus redeuntem Veneti excipiunt. Matrôna ibidem epotâ aqua, quæ Matthæo ſuperfuerat, à dentium dolore liberatur. Altera in Oppido Pennæ Biliorum ab vberum morbo curatur. Iſchiaditico morbo laborans, aqua quâ Matthæi pedes abluti ſunt, ſanatur. Crucis Signo conſractum poplitem, nec non Mulierem diu ægrotantem curat. Iuuenis Matthæum verbis inſectans, mirabiliter à Deo caſtigatus, Matthæi amplexu poſtmodum in priſtinum ſtatum reſtituitur. Mercatorem quendam acuta febre laborantem Signo Crucis ſanatur, ſecretas animi cogitationes aperit, ac mercedem pro beneficio accepto, reſpuit. Dæmonem in Simiæ ſpecie Legis perito inferuientem detegit, atque expellit; ac Beatifs. Virginis patrocinio munitum, incolumem dimittit. Ex eiufdem mappa ſanguinem exprimit. Crucis Signo aquam Maris dulcem reddit. Pallium ſuum imbre madidum, cùm ignis beneficio caret, neque ei locus aptus ſuppetit, quo Soli exſiccandum exponat, ſuper ipſum ſolarem radium, qui per fenestram in hoſpitiū ingreditur, expandit, radiusque perinde ac ſi ſolidus murus ſit, pallium ſuſtentat. Baptiſtæ Morræ domum

domum à lue incolumem seruat. Iudæus quidā, cū Matth. aliquan-
dō prædicantem audiisset; compunctionem simulans, post sermonē
illius precibus se commendat, quibus sibi à Deo fidei lucem impe-
traret. Annuit Matthæus, suamq; ergà Deum illi operam pollicetur.
Ille autem post Matthæi terga ridens, id cæteris cōtribulibus renun-
tiat. Posthæc pluribus diebus elapsis, cū Iudæus Matthæum in viā
obuiam habuisset, eidem post salutationem ait: Pater mi Matthæe,
nunquā ex eo tempore persensi, quod Christus ille vester, luce aliquā
animum meum peruasit: Cui Matthæus, ita est, inquit, at mox cau-
sam reddam. Interim quæso te, vt mecū venias, operā enim tuā egeo.
Cui cū assentiret Iudæus, mox illum in Palatium quoddam, inde
vnius milliariis spatium distans, sequentem ducit, vbi in ipso limine
saccum frumentarium, baiulum, atq; in mari scapham paratam inue-
niunt. Matthæus verò ad Iudæum conuersus: En Iudæe, frater, ait,
hunc quem vides frumentarium saccum in paratā scapha componere
opto; amabo mihi opem fer, vt eum baiuli huius humeris imponam.
Promptum se exhibet Iudæus, dumq; Matthæus sacci os, ille alterum
caput effert, vt baiuli humeris imponant, Matthæus suum sibi caput
ex industria dilabi finit, mox clamat Iudæus, quid agis Matthæe? su-
stine, nimium mihi oneris incumbit, neq; illud solus sustinere valeo.
At Matthæus confestim: Saccum (inquit) depone. Tū Iudæo ait, quid
est, amice, quod te malè habet? num quod te saccū extollente, me verò
simul non efferēte, is baiuli humeris imponi nō possit? Ea planè causa
est, ait Iudæus: Agnosce igitur (tunc subdit Matthæus) me solum tuæ
salutis onus ferre nō posse. Rogaueras pridem, vt pro te diuinæ Ma-
iestati preces offerrem, quibus veram fidei lucem assequi posses; ego
quidē quæ mei officij erant, sollicitè exhibui: tu verò quæ tuæ par-
tis erant, tibi, ac mihi defuisti: rectum ad Deum animū defer, sincē-
ramq; cordis orationē, cum mea oratione coniunge, ac tum experi-
mento discas quā suavis in te Dei misericordia sit futura. Vix his di-
ctis, saccus frumentarius, baiulus & scapha in Iudæi oculis euauerūt:
factum obstupescit Iudæus, domū redit, Familiæ narrat, mox cū
Matthæo orātes, Dei misericordiā consequuntur, ac Baptismo tincti,
Christo nomina dedere. Dum pauperculus Dei seruus, corpore lan-
guens, in angusto loco iaceret, Vir quidā nobilis, nonnulla ad eū edu-
lia saccaro condita per famulū mittit: recusat illa Matthæus, Deoq;
illi reuelāte, famulo ait: Ostendā tibi quid agere debeas. Hinc nō pro-
cul est Familia quædam, ad summā rerum egestatem redacta: sume
canistrū atq; hos cibos ad eam festinato defer: At verò cū se famulus

excu-

excusaret, quod domum, ac familiam ignoraret; Nec id te angat (inquit) erit, qui te, & viam, domum, ac familiam doceat. Hinc digressus, eam tibi elige viam, quam tibi spiritus dictauerit, ac per eam tam diu perge, quoad panniculus hic lineus, quo canistrum regitur, spontè antè domus cuiusdam fores decidat: Tu ibi gradum siste. Pergit ille dicto parens, cumq; vnum aut alterum viculum, quo tenderet, ignorans pertransisset; en repentè panniculum, velut vento flante, vi à canistro auelli, & ante cuiusdā domus ostium euolare cernit. Obstupefcit ille, domumq; ingressus, pauperulam quandam mulierem, quæ tunc foetum enixa fuerat, in lecto iacentem, ac plurima filiorum turba septam reperit, quibus nihil ad victum in domo reliquum supererat, huic ille cibos elargitur, dominoque suo factum obstupefactus refert. Claudus aqua, qua Matthæi pedes loti fuerant, pedes lauans, sanatur. Virtutibus & miraculis clarus Venetijs in morbum incidit. S. Marci, & S. Moyfis Campanæ in ipsius obitu ab Angelis pulsanter. Ipsius anima in columbæ specie in Cœlum euolare cernitur. Pueri Matthæi mortem Vrbi annunciant. Suauissimus odor ex ipsius ore diffunditur. Coeca mulier ad Matthæi contactum à cœcitate liberatur. Dum post secundum mensē feretro humeris imposito fratres beati Viri corpus in marmoreum tumulum transferunt, illud haud secus, quam si apud nos vita adhuc frueretur, dextro brachio erecto, ac digitis in benedictionis formam compositis, quasi adstantibus benediceret Crucifixi in eos signum edit. Ipsius corpus molle, flexile, & odoriferum redditur. Senatusconsulto decernitur, vt B. Viri corpus bis, terque diligentissimè lauetur, vt inde non obscurè cognosci possit, nūm illa odoris suauitas, aliquā arte composita, vel diuinā tantum virtute, in corpus inuecta sit. Quod cum summā diligentia fit, quò magis sacrum illud corpus aquā abluitur, eò maiorem odoris suauitatem, ac fragrantiam diffundit: re igitur in Senatum delata, Senatusconsulto sancitur, vt publico ære magnificētius sancto Viro funus instituatur, cui Senatores veste purpurea intersint. Lite verò inter Plebanum S. Moyfis, & Obseruantes, de sacro corpore ortā, tandem in Ecclesia FF. Minorum de Obseruantia nuncupatorum, honorificè conditum, maximā veneratione colitur, ac Beati nomen marmoreo insculptum sepulchro assequitur. Post duos menses ipsius corpus incorruptum cernitur. Ad eius sepulchrum mulier à dæmone obsessa, Matthæi nomine inuocato à dæmone liberatur. Altera duodecim iam annis dæmonum fascino constricta, à vinculo soluitur. Puella 12. annos nata,

quæ

quæ à multis Dæmonum legionibus obsessa erat, ab iniquo illorum imperio liberatur. Stephani cuiusdam Marangoni filius, cum altero oculo cæcus esset, ad ipsius reliquias visum recipit. Bartholomæus Pileator, voto ad Matthæum emissio deperditum auditum recuperat. Vincentia Corona Murani incola, quæ membris omnibus ita attracta iacebat; ut solam linguam, ac lumina integra haberet; ad eius Sepulchrum restituto membrorum usu perfectè incolumis euadit, ac suis pedibus domum redit. Palarina Mulier Vicentina, cum plures annos forniculari morbo laborasset; ad S. Viri Sepulchrum accedens, ab eo incolumis recedit. Antonius Calceolarius Vicentinus, qui sic crura, & manus ex toto perdiderat, ut vix ligneis fulcris innixus ferri, aut progredi valeret; tribus ferè hominum millibus præsentibus, appensis ad B. Viri Sepulchrum fulcris, domum liberis gressibus redit. Mulier Filium 7. annorum pestifero morbo laborantem, super Matthæi Sepulchrum collocans, saluum illum repentè atque incolumem recipit. Filia quædam Magdalenæ Mestrensis, quæ utroque crure ita clauda erat; ut seipsam mouere non posset, ad B. Viri Sepulchrum delata, maximo omnium, qui aderant, stupore, integra crura ipsius intercessione recipit. Claudus quidam de Plebania Sacci, qui omni pedum motu carebat, ad B. Viri Sepulchrum hominum manibus delatus, integram pedum sanitatem consecutus, rectus, ac suis pedibus domum reuertitur. Mulier quædam, Margarita nomine, quæ casu sibi brachium confregerat, eiusque omninò usu carebat, sanitate donatur. Andræas filius Vincentij Gallinæ, è Vico S. Dominici, cum iam multis annis ita curuus incederet; ut ambulans vultu genua contingeret, ad B. Viri Sepulchrum accedens, inde corpore rectus, atque animo exultans recedit. Thadæus filius Victoris à Burano, crure ita claudus, ut illius ope omninò destitutus esset, ad B. Viri Sepulchrum accedens crure se sanatum percipit. Eodem modo Gasparina Clodienfis, cum per plures annos nervis attracta, membrorum usu caruisset, integram membrorum sanitatem adipiscitur. Sanctimonialis quædam, Paula nomine, quæ Patauij in Monasterio S. Stephani, hydropisi diu afflictata fuerat, ad B. Viri Sepulchrum delata, mox à diutino morbo liberatur. Vxor Dominici Balbi, Viri clarissimi, quæ per complures annos nervis contractis in lecto iacuerat, ibidem repentè toto corpore sanatur. Gandulphæ Clodienfis filius, qui ex altiori quodam loco casu præcipiti ruerat, totumq; corpus protriuerat, pristinae incolumitati redditus, Fidei præmium obtinet. Ioanna Platera è Sanctis.

Trinitatis Oppido in sinistro crure insanabili vlcere laborans, ab eo morbo liberatur. Mulier quædam, quæ 7. annorum spatio in lecto iacuerat, varijs languoribus affecta, cum ad Matthæi Sepulchrum ducta fuisset, turba hominum fere 4000. spectante, ab eo incolumis abscedit. Puer quidam claudus B. Viro ante illius Sepulchrum à Patre oblatus, repentè cruribus instauratis ambulare incipit. Mulier quædam Venetijs habitans, pedum vsu capta, integræ incolumitati restituitur. Angelus Teutonicus, Margheriæ incola, hydropisi laborans, ab eâ infirmitate liberatur. Mulier ex diutino morbo ita membris debilitata, vt absque fulcris progredi non posset, confirmatis membris, pristinam incolumitatem accipit. Pleraque quoque alia B. Serui sui intercessione Deus Omnipotens miracula edidit, quæ ex innumeris ferè tabellis, ac votis, quæ diu ante illius Sepulchrum appensa fuèrunt, atque etiamnum appensa conspiciuntur, colligi valent. Horum olim libellus, Patre Daza, Hispano, Chronicorum S. Francisci Auctore teste, conscriptus fuit, quem idem Auctor in Prouinciâ S. Antonij apud Obseruantes asseruari affirmat. Sed cum is ad Admod. Reuerend. Patrem Zachariam Bouerium non peruenit, his tantum miraculis contenti sumus, quæ publico

Venetæ Urbis testimonio, ac velut toto Orbe spectante, probata, è nostris Annalibus accepimus.





FRATER FRANCISCUS A. SINUS FRATRVM
CAPVCIN^{um}. VIC. GENERALIS.

F. FRANCISCI ÆSINI
FRATRVM CAPVCINORVM
VICARII GENERALIS.

VITA, ET GESTA.



RATER FRANCISCVS ÆSINVS, nobili Repantorum stirpe progenitus: 20. annum agens, Philosophicam disciplinam affecutus, cum sacrorum Canonum studijs seriùs operam nauat, Æsij Episcopus designatur. At cum Doctoratus Lauream, & Episcopatus munus suscepturus esset; DEO simul intus illustrante, & mouente, libros omnes, pecuniam, & suppellectilem, & quæcunque hactenus ipsius vsui defuerant, pauperibus erogat; vnaq; Episcopatui, ac sæculo renuntians, ad sacrum Minorum Ordinem se confert: in quo DEO strenuè militans, tantam in Regularis obseruantia, ac cæterarum virtutum studio laudem, consequitur; vt inter præcipuos illius Religionis Patres, prudentia, vitæ integritate, ac literarum peritiâ censeatur. Ad prædicationis officium assumptus, in eo tam egregiè excellit; vt Apostolicus à Pontifice Prædicator instituatur. Tantus in eo viget Regularis obseruantia ardor, vt ab ipso suæ conuersionis exordio, S. Francisci Regulam ad literam obseruare, fixè sibi in animo proponat; quod fit, vt paupercula tantum loca, solitaria, atque ab hominum oculis remota, sibi inhabitanda quærat: veruntamen cum Ordinem à Regulari obseruantia magnoperè dilapsum cerneret, cum Bernardino Astenfi tunc Ordinis in Romanâ Curiâ Procuratore, apud Pontificem de Reformatione agit: Hanc Literis Apostolicis munitam, tandem affecutus, dum illius propagationi in Piceno studet, cum Socio, Ioanne Baptista à Nursiâ, Viro sancto, in carcerem truditur, ac pro digno opere, indignam contumeliam refert; At, cum breui è vinculis liber exisset, ad Capucinorum Religionem, Anno 1534. simul cum Bernardino Astenfi, Ioanne Fanestri, atque alijs celerius conuolat. Romæ, 1543. ex tot illustribus Viris in Capitulo Generali congregatis, Francisci Æsini virtus, ac prudentia, tantoperè enitet; vt is omnium suffragijs, Vicarius Generalis eligatur: tot enim in homine virtutum ornamenta florent, præstans animus, alta naturæ vis, multarum rerum peritiâ, summa probitas, ac vitæ integritas, vehemens

Romæ, 1543. ex tot illustribus Viris in Capitulo Generali congregatis, Francisci Æsini virtus, ac prudentia, tantoperè enitet; vt is omnium suffragijs, Vicarius Generalis eligatur: tot enim in homine virtutum ornamenta florent, præstans animus, alta naturæ vis, multarum rerum peritiâ, summa probitas, ac vitæ integritas, vehemens

ad diuina ardor, ardensq; omnium virtutum cupiditas; & quæ Rectorem maximè decent, prudentiæ, ac consilij magnitudo, odium improbitatis, Iudicij æquitas, fortitudo in periculis, industria in agendo, celeritas in conficiendo, quæ illum eo honore dignum præstant; in his tamen duo clariùs emicant, nempè Catholicæ Fidei, & Regularis obseruantiaæ zelus. Neque id diuino testimonio caret; Cùm enim Francisco ad Generalis munus electo, iuxta consuetum Religionis morem; Religionis figilla, à supremo Definitorè, ante Altare Sacrosanctæ Eucharistiæ, totâ spectante Fratrum Coronâ traduntur; videt ille perspicuè B. P. Franciscum, cui & S. Antonius Vlyssipponensis associatus erat, sibi in aëre apparere, qui baculum itinerarium eidem tradens, hæc simul verba depromit: *Accipe, Francisce, itineris tui baculum, vade, proficiscere, visita, & Fratres tuos confirma.* Cùm tamen Franciscus graue illud onus perpendit, & animo elanguescente, se tanto muneri obeundo, ineptum iudicat; Mulier quædam Romana deuotissima, dum in oratione defixa Deum attentius pro Religione orat, hæc à B. Antonio Vlyssipponensi, sibi in visu apparente, verba audit: *Vade, Mulier, ac Francisco Æsino renuntia, ne in Religionis gubernatione animum despondeat, ego enim speciales apud Deum pro eo preces fundo.* In visitatione igitur, quàm plurima Religiosæ vitæ documenta, Fratrum animis insinuat, tantaque, cùm ad Fratres Sermonem habet, Spiritus S. luce perfunditur; vt, cùm Perusiæ quotidie in vespere mentali oratione peractâ, Fratribus in Refectorio sermocinatur, Stella præfulgens per Monasterij tectum discurrere videatur; illius inquam verba, tanquã quædam scintillæ ex igne erumpentes, tanta in Fratrum animis ad diuinum amorem incendia excitant; vt Perusiæ Ciues, dum Fratribus Sermonem habet, ingentem flammam super Capucinatorum Conuentum, quâ Monasterium conflagrare arbitrantur, passim sese extollentem cernant. Narniæ, cùm Vrbs illa ciuilibus odijs, ac dissensionibus ita dissecta, & dilacerata esset; vt factionibus ad arma concurrentibus, maxima Vrbi strages immineret; tanto spiritu Verbum DEI disseminat; vt animorum tempestatibus sedatis, factionibus sublatis, ac simultatibus omnibus extinctis, communis in Vrbe pax, & concordia publico campanarum sonitu, ac solemnibus lætitiæ signis, contestetur. Quanquàm verò Æsinus tam verbis potens, ac sermone efficax sit, minùs tamen illud est, quod verborum sono, quàm, quod vitæ exemplis, atq; operum luce præstat. Rudis illi habitus est, ex multis panni præsegminibus confectus, neq; huiusmodi Generalem aliquandò, vti indecorum

esse sentit; eo solo, ac breui palliolo, cordâ, foemoralibus, Breuiario, atque ijs tantummodò, quæ à Regulâ, vel Constitutionibus conceduntur, contentus est; Paupertatem toto vitæ tempore colit: victu, parcus, semel in die cibum citra saturitatem sumit. Orationis cum primùm amicus, ac Chori studiosissimus, ab illis (tametsi Generalis sit, quamplurimis officij curis implicitus) abesse piaculum existimat. Visitationem pedester, quemadmodum illi à B. P. Francisco priori visione indictum fuerat, instituit. Hoc pacto, faciens, & docens, integrasque Vrbes è Sathanæ potestate eripiens, diuinâ virtute Inferorum turmis tam formidabilis euadit, vt solo oris imperio, Dæmones ab obsessis corporibus eijciat, aliaque quam plurima per eum DEVS mira operetur. Nonnulla Opuscula edit, quæ plurimùm à Marcello Pontifice commendata, inter Vaticanæ Bibliothecæ Codices relata sunt. Tandem, post multos pro Religione, ac sancta DEI Ecclesia, labores exantlatos, plurimos quoque annos prius in Obseruantium, deindè in Capucinorum Familiâ, qui ad 58. excreuerant, in omni iustitiâ, & humilitate traductos; Religione magnâ cum virtutum laude administratâ, post illud munus exactum, triennij tempore elapso, nonnullis supra octogesimum, ætatis annis prægrauatus; Perusiæ, omnibus Ecclesiæ Sacramentis munitus, vitæ tot laudum præconijs celebri gloriosum finem imponit. Anno 1549. Vix tertius post ipsius obitum dies elabitur, quùm Fr. Iohannes Baptista à Nursiâ, qui ipsius quondam charissimus in labore Socius fuerat, extremum spiritum agens, Franciscum Æsinum coelesti gloriâ effulgentem, ac sibi apparentem conspiciens, suauiter exclamare incipit: O quàm splendidam, ô quàm præclaram ego lucem cerno, ô Francisce, ô Francisce quàm pulcher es! Spoleti, mulier quædam à Dæmone obsessa, Francisci cordâ præcincta statim liberatur. Fr. Bernardinus Mutinensis grauissimo capitis morbo laborans, ac ferè ad insaniam redactus, Francisci opem implorans, ipsius capitis contactu, protinùs incolumitatem adipiscitur. Fr. Ioannes Pedemontanus Sacerdos Prouinciæ Romanæ, Vir Sanctitatis eximiæ, qui ergà eos qui aliquam in Ecclesiâ, vel Religione prælationem gesserant, præcipua charitate ferebatur; auditâ Francisci morte, pro eo preces, ac supplicationes ad Deum fundens, vehementiori; spiritus impetu impulsus, à Virgine Deiparâ, cuius ille deuotissimus erat, instantissimè postulat; vt, quid de huius Viri salute in Iudicio DEI actum sit, sibi aperire dignetur. Adest oranti seruulo Beatiss. Virgo, fulgentissimis vndique radijs circumfusa, eamque sibi dicentem audit:

Cnr,

Cur, Ioannes Baptista, de Francisci salute dubitas? An non tantus vir, qui tam præclara, voce, scripto, exemplo suæ virtutis, ac præcipuè in me deuotionis testimonia edidit, Cælesti Regno frui debuit? Certum igitur tibi sit, eum perpetuum in Cælo præmium consecutum fuisse. Post decem verò, à Francisci obitu, annos, cum illius corpus, simul cum Ioannis Baptistæ Nursini corpore, humo opertum iacuisset; vtrumque ita integrum reperitur, perinde ac si eo die conditum fuisset.





FRATER BERNARDINVS ASTENSIS FRATRVM
CAPVCINORVM VIC. GENERALIS.

F. BERNARDINI ASTENSIS
FRATRVM CAPVCINORVM
VICARII GENERALIS.
VITA, ET GESTA.



BRATER BERNARDINVS ASTENSIS ex illustri Palliorum stirpe progenitus, Adolescens optimâ indole præditus, Romam, vt studijs, nobiliumq; exercitijs operam det, mittitur; at 15. annum agens, quàm fallax, fugaxq; sit terrenæ nobilitatis splendor, luce coelitus immisâ agnoscens; vt mundanam altius gloriam prosterнат, & ad excellentiorem spiritus nobilitatem conscendat; coelestis generis gloriam, inter Minorum obseruantium Religionem adscriptus, prosequitur. In eâ mirâ abstinentiâ, adolescentiæ incrementa torquet: perpetuò à carniū esu abstinet: perpetuam Virginitatem colit: insignis in Ordine Theologus, præsertim in viâ Scoti, ac Lector præstantissimus euadit. Literarum studia cum oratione copulans, summas animi virtutes, cum summâ doctrinâ coniungit. Prudentiâ, grauitate, consilio, atque existimatione plurimùm in Ordine valens; sæpè Romanæ Prouinciæ Prouincialis Minister, atque Ordinis tandem Procurator eligitur. Vnâ cum Francisco Æsino de Ordinis Reformatione apud Pontificem agit: quâ impetratâ, cùm eam nullo pacto in Ordine diffundi posse animaduertit; Æsino ad Capucinos transuolante, horribili cuiusdam Guardiani iam vitâ defuncti, voce, & simulacro ad id potissimùm excitatus, Æsinum quoque paulò post sequitur. Vix Bernardinus in Capucinorum numerum cooptatus est, cùm Perusiam destinatur: quo tempore Bernardini, cæterorumq; Capucinorum in eam Urbem aduentus ab Antonij cuiusdam Pilearij filio moribundo prophetico spiritu, his verbis Patri prænuntiatur: Desine Pater tristiari, neque obitum nostrum plus æquo luge, meliores posthac tibi Filios Dominus dabit, quos vtiliores experiare. Etenim in hanc Urbem Religiosi quidam, hæctenus Orbi ignoti, pauperes, squalentes, nudipedes, vilibus induti, atque è S. Francisci gremio prodeuntes, breui aduentabunt, qui poenitentiam vitâ, ac verbo prædicabunt: Hos tibi Filios elige, hos amplectere, his teipsum consolare: hi namque à Deo missi, omnium saluti incumbent.

His dictis cum se Sacramentis munisset, deuotissimè in Domino obdormiuit. Porro hoc tempore Antonius, cum fortuito in Bernardinum incidisset, ab eoq; vitam, institutum, finemq; quo eò missi erant didicisset filij vaticinium, coelitus acceptum cognoscit. Romam 1535. ad Generalia Comitia vocatus, altero post ipsius ingressum anno, nemine discrepante, omnium votis, bis Generalis Vicarius eligitur. Quo in munere planè incredibilia sunt, quæ Vir hic admirabilis pro Religione gessit, sustulit, exantlauit. Ita vt post diuinam natiuitatem, eo parente, ad perfectum Religionis splendorem ipsa renata sit. Cum à publico munere liber existit, 15. vel 16. horas interdum diuinis obsecrationibus infumit: Generalis verò ad 6. quotidie horas orat. Chori religionem tanto studio prosequitur; vt si aliquando visitationis gratià ad Conuentum itinere fessus, quo tempore in Choro Horæ diuinæ inchoantur, appellit; omnibus charitatis officijs, quæ aduenis Fratribus exhiberi solent, in aliud tempus reiectis, cum cæteris ad diuinas laudes personandas conueniat. Cum Sacra agit, diuinus splendor ex ipsius vultu erumpit. Bernardino semel in Capitulo ad Fratres fermocinante, à deuotissimo quodam Fratre, B. P. Franciscus cum eo in mensa sedens, ac vrba, quæ Fratribus proponat, ministrans, conspicitur. Tandem peracto sermone B. P. rectis oculis, ac vultu hilari circumfusus Fratres intuens, ac suâ benedictione prosequens, cernitur. Exteriorem corporis compositionem, præsertim oculorum demissionem, tam seuerè obseruat; vt nullius vnquam vultum fixis oculis conspiciat. Sæpè illi diuinæ Sapientiæ occulta manifestantur, quibus non solum quæ futura sunt, sed intimas animorum cogitationes penetrans, eas, vbi opus est, declarat. Astenso Archidiacono, consilium antequam interrogetur, aperit; nec non Spoleti Ordinis benefactori, admodum de Fratris salute sollicito, gloriam, quam à Deo post mortem consecutus fuerat, Deo id illi reuelante, significat. In eodem Conuentu dum nocte quadam diutiùs orat, Dei Angelum è Coelo delapsum, stricto ense Spolitanæ Vrbi minitantes, moxq; gladium reponentem, videt: quod cum ter ab eo factum fuisset, Angelum tandem Coelum repentem cernit; huius rei mysterium cum ignoraret, ab Angelo edocetur. Quadam die iter agens, Superiorum cuiusdam Ordinis equitantium turmam obuiam habet, quos à Conuerso, qui eos ad infernum sequebatur, damnatos esse intelligit. Armatas dæmonum Phalanges orans conspicit, & quid hæc Castra portendât, ab eis addiscit. Ob Ochini casum incredibili mœrore affectus, dum semel attentius

pro

pro illius salute Dominum rogat, Christi vocem è Coelo dicentis, audit. *Bernardine, iam quiesce, Ochinus tandem me miserante salutem consequetur.* Cuius rei, Ochinus ipse in Fidei confessione constans interfectus, extremaq; ipsius conuersio, & mors pro fide perpeffa, testimonium præbent. Damnatæ cuiusdam Mulieris, inter geminos apros, à quibus miserè dilacerabatur, simulacrum conspicit, aliasq; hominum turmas igneis catenis vinctas, à Dæmonibus ad Tartarum duci cernit. Sæpè inter orandum, non modo animo extra sensus rapi, sed etiam corpore ternis cubitis altiùs in aëra efferri videtur: dumque sæpiùs Socios in itinere orans præcedit, cum primùm diuini spiritus visitationem præsentit, primùm gressum accelerat, deinde in cursum sedat, postremò tantâ vi spiritus rapitur; vt in aëra ferri, atque altiùs hastâ, celerrimè volare ab eis conspiciatur. Quo tempore tametsi ij cursum arripiant, ad ipsum tamen haudquaquam pertingere possunt, nec breuis ille volatus est, cum sæpè ad bina miliaria se extendat. Vix tamen sibi redditus est, cum diuinarum rerum colloquia tam familiariter cum Socijs miscet, perinde ac si vehementissimos illos spiritus excessus nunquam passus fuisset. A rerum prouisione in itinere abhorrens, Fr. Bernardino à Tuderto B. Viri Socio die quadam longo itinere defatigato, ac fame confecto, penè deficiente, ab Angelo illi cibi ministrantur. Cum iterum in viâ vterq; inediâ affligerentur, panes, & vini lagenam, ab Angelo accipit. Tertiò in itinere viribus, fame, & cordis deliquio dilabentibus, panis illi diuinitus affertur. Fani Conuentus consuetæ paupertatis metas excedens, ob Bernardini maledictionem à fundamentis ruit. Assisij, Ludouico Viro deuoto, nec non Romæ cuidam Baptistæ familiari suo, vinum diuinitus impetrat, ac in dolijs multiplicat. Fr. Iosepho Fernensi fluxu Epatico grauius laboranti, Bernardinus per literas morbo in DEI nomine, ac virtute sanctæ obedientiæ, imperat, vt quàm primùm abeat, ipsumq; ad Dei opus præstandum liberum relinquat; vix Iosephus allatam epistolam legit cum morbus, diuino præcepto à Viro Dei prolato, parens, ex templò aufugit, liberq; ille, ac incolumis statim Aretium versùs, populo concionaturus, iter arripit. Cum Fratre Matthæo à Leonisâ iter agens, vino deficiente, fons aquæ Bernardini oratione vinum fundit. Tertiò sui Generalatus anno, cum iam senio grauis, Asino in visitatione vtens, Asinus soleam ferream amisisset, alteram à Fabro ferrario reponendam curat; soleæ verò pretium Fabro à Generali instanter deposcente, Bernardinus ad Asinum conuersus, ait, Frater Asine,

ferrarius hic Faber pretium tuæ soleæ postulat, quod nos ob paupertatem minimè exolvere valemus, tu ergo illi soleam ferream redde (factum planè admirabile) A finis vix eo audito, misso calce, soleam exuit, atque ante Fabrum ferrarium proijcit. E Brixienfi agro in Thusciam profectus, cum quâdam die sub Solis occasum, in Cauponam campestrem cum Socio diuertisset, Cauponarius ab eis vberem hospitij mercedem expectans, eos splendide tractat, at coenâ absolutâ, ac redditis Deo de more gratijs, Tabernarius coenæ pretium ab eis exposcit; cui Bernardinus: Nos, inquit, pauperes sumus, quibus nec aurum, nec argentum in zonis est, at ne dubita, Dominus enim tibi pro nobis retribuet. Insistit Tabernarius: tandem Bernardinus ad eum: Perperam, inquit, à nobis Frater pretium deposcis, cum illud tibi à nobis exolutum fuerit: Excandescens autem Tabernarius: Vnde, inquit, aut quando mihi coenæ pretium exolutum fuit? Dic obsecro, ait Bernardinus, quantum tibi pro hac coenâ pretium debeatur? Tantum (ait ille:) Affer mihi trutinam, ait Bernardinus, quæ cum allata fuisset, scribit Bernardinus in chartæ frustulo, Orationem, *Retribue dignare Domine, omnibus nobis bona facientibus, propter nomen sanctum tuum vitam æternam:* Quam Deo in gratiarum actione post coenam obtulerat. Tum ad Tabernarium: Hoc est, inquit, pretium, quod tibi pro coenâ exoluimus, ego chartulam hanc dextrâ lance apponam, tu argenti pretium, quod tibi pro coenâ deberi affirmas, in alterâ collocato: siquidem argenti lanx præponderauerit, nos debitores simus, sin chartulæ grauior fuerit, tu à pretio postulando abstinet: illud enim tibi persolutum fuisse exploratum erit. Re itaque cum hac conditione acceptâ, Tabernarius trutinam sumit, vtramque lancem componit, æquat, librat, debitam sibi argenti summam, grauiori ære, in suâ lance collocat: Bernardinus verò chartulam, in alterâ statuit. Eleuatur statera: adeoq; lanx chartulæ præponderat, vt ne à plano quidem moueatur. Stupet Tabernarius, maiusq; pondus in suâ lance collocat, totamq; lancem argento onerat, nec tamen chartulæ lanx vnquam loco dimoueri potest. Id cum Tabernarius altiùs animo contemplatur, mox ad Bernardini pedes corruens, diuinam in eo virtutem agnoscit, veniamq; turpis cupiditatis à Deo exposcens, voto se obstringit, nunquam se ab vlllo hospitij mercedem accepturum, qui post sumptum cibum, orationem; *Retribue dignare Domine &c.* ad Deum effunderet. Accidit autem; vt quidam S. R. E. Cardinalis, ad hanc Tabernam diuerteret, quem cum Tabernarius regio planè apparatu excepisset, tandem Cardinalis

nalis à cænâ surgens, Deoq; gratias referens, Orationem: *Retribuere dignare &c.* inter alia Deo persoluit. Quam cum Tabernarius audi-
uisset, ob graues sumptus deterritus, penè animo deficit; At voti tan-
dèm memor, cum de hospitij mercede secum agitur, pretium omne
respuit, atque omnia sibi integrè persoluta esse affirmat. Quod vbi
Cardinali renuntiatum fuit; isq; à Tabernario tam prioris miracu-
li factum, quàm etiam posterioris voti vinculum discit: primò Viri
pietatem laudat; & munificentissimo dono, quod duplo hospitij
sumptus excedebat, Tabernarium afficit, ipsiusq; filium, qui iam Sa-
cris initiatus erat, dignitate Ecclesiasticâ augendum curat: vt ex eo
discant Domino foenerari, qui pauperibus tribuunt. Alteri Taber-
nario vinum Bernardino deneganti, dolia exsiccantur; at culpam
agnoscenti, Bernardini benedictione, vinum in dolia redit. Italiae
Prouinciâ visitans, maximos gemitus, ac clamores in quadam do-
mo, ob vnicum tunc viduæ filium, morte sublatum, erumpentes per-
cipiens; viduæ casum miseratus, domum ingreditur, & ad defunctû
accedens, ac paulisper genu flexus, orans, illû signo Crucis consignat:
quo factò mortuus oscitare incipit, ac rediuius à morte, & ab infir-
mitate conualescit. A Fr. Bernardino à Collepetratio Umbriæ Vi-
cario Prouinciali, quem sibi Socium adiungere cupiebat, signo Cru-
cis febrem fugat. Mira Religionis futura incrementa diuino spiritu
præuidet. Generali Concilio in Tridentinâ Vrbe à Pontificè indi-
cto, cum Bernardinus Astensis, Æsini Generalis nomine adesset: in
eo tantâ vitæ sanctimonîâ, morum grauitate, sapientiâ, ac consilio
illuxit; vt magnam apud illius Concilij Patres auctoritatem, ac no-
men adeptus fuerit: in eo verò Concilio, sessione prima, die 13. Men-
sis Decembris, Anni 1542. inter duos Minorum Conuentualium
& Obseruantium Generales, pluribus disceptatum fuit, cuiam eo-
rum Religionis Sigillum deberetur. Minorum enim qui de Obser-
uantia nuncupantur, Generalis Minister, Leonis X. Summi Pontif.
bullâ, & auctoritate, se cum Ordinis primatu, ipsius quoq; Sigillum
affecutum fuisse contendebat: At contrâ, Conuētualium Generalis,
in Concilio surgens, ait: Amplissimi Patres, si de Ordinis antiquita-
te agitur, res nemini dubia est, Ordinis Sigillum nobis deberi, qui
antiquitate Obseruantium Familiam precedimus, atque ijs in Or-
dine priores sumus. Si verò ex Regulæ obseruantîâ, res examinan-
da, ac determinanda sit; profectò neq; nobis, neq; Obseruantium
Ordini Sigillum vllò iure tribuendum est; cum neutri Regulam
obseruemus: sed Capucinatorum Religioni debetur, in qua Regulæ

obseruantia viget. Huius Magistri Generalis dictum cum vniuersis Concilij Patribus placuisset, iam in Concilio de Ordinis sigillo Capucinatorum Congregationi dando agebatur; quod cum Bernardino Astensi à Concilij Patribus significatum fuisset; maluit is, Capucinatorum Religionem humilitate, ac Regulari obseruantia potius, quam sigillorum pompâ præcedere. Quare constanter oblatus sigilli honorem recusat, eâ duntaxat laude contentus, quod Capucinatorum Congregationem, velut legitimum B.P. Francisci foetum, ac Sanctæ Romanæ Ecclesiæ filiam, à Patribus agnosci, ac sacris Canonibus inferi, ac confirmari conspexerit. Tandem postquam hanc nouam Reformationem Deo auctore fatam, vix ortam, & inter obscuras adhuc partus sordes iacentem, velut nutritius Pater erexisset, sinu excepisset, sapientiâ suâ fouisset, consilio illustrasset, legibus, ac constitutionibus communiisset, patientiâ, simul ac prudentiâ suâ auxisset, illud à Paulo III. Pontifice elogium meruit: *Nilil Capucinatorum Religionis prorsus formidandum, quin etiam bonorum omnium cumulum sperandum esse, quamdiu Bernardinum Astensem superstitem haberet.* Generalatus tandem munere ter repetito, gloriosè perfunctus, cum in Romano Conuentu per triennium Theologicam disciplinam explicasset; senio, ac corporis incommodis confectus, supremo morbo corripitur: ex quo, cum se à Domino vocari intelligit, generalem peccatorum Confessionem, ab ipsa pueritia institutam, multis lachrymis coram Sacerdote perficit: tum cæteris Sacramentis se muniri curat, quibus deuotissimè susceptis, vniuersos Fratres ad Regularis disciplinæ obseruantiam, ad paupertatem, ad orationis studium, ad Crucis amplexum; deniq; ad diuinum amorem vehementer adhortatur. Post hæc animum colligens, ac totus amore flagrans, sæpè illa senis Simeonis verba ore, animoq; repetit: *Nunc dimittis seruum tuum Domine &c.* die verò obitus sui, cum vespertinas Horas, & Completorium cum Socio, Domino persoluisset; vbi ad B.P. Francisci Antiphonam *Cælorum candor splenduit &c.* ventum est, cœlesti visione potitur; postmodum manus sibi in mortui modum aptans, caput super puluillo inclinatur, oransq; Deo spiritum propè septuagenarius reddit: cum 50. circiter annos in vtrâq; Obseruantium, & Capucinatorum Religione, maximâ cum integritatis, prudentiæ, ac sanctimonie laude consumpisset. Romæ sepultus, non insculpta marmoreo tumulo præclare gestorū trophæa profert, sed præstantissimarū virtutum stemmata, clarissimæq; sanctimonie memoriâ, quæ nulla vnquā obliuione deleri poterunt, posterorū animis perpetuò celata relinquit. Obijt An. 1554.



FRATER EVSEBIUS ANCONITANVS FF^m CAPVCINORVM
VICARIVS GENERALIS.

F. EVSEBII ANCONITANI
FRATRVM CAPVCINORVM
VICARII GENERALIS.
VITA, ET GESTA.



ERATER EVSEBIVS ANCONITANVS, ex nobilissimâ Fardinorum stirpe, quæ multis à Friderico, & Ludouico Imperatoribus, tum etiam Calisto III. titulis, ac honoribus illustrata fuit, progenitus. Adolescens, cùm ad septimum supra decimum ætatis annum peruenisset; quo tempore variarum cupiditatum æstu ætas incalescens, vitijs obnoxia esse solet; temporali generis nobilitate neglectâ, ac mundi illecebris nobiliori animo calcatis, diuinam sibi in Minorum obseruantium Ordine seruitutem eligit: in eo pro ingenij excellentiâ, in Theologicâ facultate, ac concionandi munere, maximam laudem consecutus, illustris suæ tempestatis Concionator euadit. Cùm verò Regularem disciplinam in Ordine magnâ ex parte collapsam videt, neque vlla Reformationis, sæpè apud suos tentatæ, illi spes affulgeret; tandem cum Ioanne Fanestri, & alijs ad Capucinos conuolat. Magna in hoc Viro, ac mirifica ab exordio elucet vitæ probitas, morum disciplina, ac sensuum mortificatio, quibus, cùm Regularis disciplinæ zelus, Seraphicæ paupertatis cupiditas, honestatis cultus, humilitatis contentio, abstinentiæ rigor, voluptatum omnium fuga, corporis austeritas, quædam in rebus omnibus moderatio, assiduæ, ac nunquam intermissæ orationis studium accedit; hæc ipsius vitam velut cœlestem quandam imaginem, tot virtutum coloribus depictam, exornant; vt diuinum quoddam virtutis simulachrum, à Deo in Orbe depositum, videatur, ex quo quisque, quid sibi imitandum est, decerpere valeat. Nemo facile illius studium explicare valeat, quo labentem, diuexatam, ac propè depositam Religionem in summis illis tempestatibus, iuuuit, subleuauit, suffulsi. Tanta enim ipsius in rebus longè antè, tum præuidendis, tum præcauendis, lux, atque consilium aderat, tam ingens in deliberâdo prudentia, tam admirabilis in agendo celeritas, tam singularis in aduersis ferendis animi constantia, & magnitudo, tam cœlestis doctrina, tam suavis eloquentia, tanta ad persuadendum vis, tam facilis ad alliciendum natura, tanta denique

ac

ac tam cœlestis indita animo virtus, vt meritò eum exorienti Religioni Generalem, ac Pastorem dare diuina Sapiencia decreuerit. Verùm tanta, ac tam mira elucet in Eusebio mentis humilitas, vt, cùm semel electorum penè omnium in Generalibus Comitij animi in ipsius electionem ferrentur, vt Generalatum fugiat, & eos à proposito deterreat, statim baculo assumpto Monasterium circuire, & quasi lumbagine laboraret, gemitus passim edere incipit: At Fr. Euangelista à Canobio ad Generalatum assumpto, Eusebius baculo reiecto, rectus, ac sanus incedit, magisq; sibi fictam ægritudinem, quam sanorum vota profuisse affirmat. Generalis tandem postmodum electus, toto Generalatus sui tempore in seipsum rigidissimus existens; continuo contemplationis studio, austeritatem summam coniungit; aspero habitu utitur; pedester, ac nudis ferè semper pedibus, absque sandalijs Religionem visitat; semel tantum in die refectionem parcissimè sumit; prouisionē omnem, eamq; minimā detestatur: quod, quàm Deo gratum esset, miraculo testatum esse voluit. Dum enim aliquando in Montiscasalis Conuentu moras trahit, tam copiosa è Cœlo nix cadit, vt viam omnem, atq; aditum ad mendicationem intercludat, ita, vt panis, nec vlla alia rerū annona fratribus reliqua sit: pius igitur Generalis, sermone fratribus de Dei prouidentia instituto, in eā omnes sperare, ac fidem collocare, monet: mox Monasterij tintinnabulum pulsatur, Ianitor ad fores accedit, Iuuenemq; in ostio pulcherrimum offendit, qui vbi manticam pane candido plenam, ac geminas vini lagenas ad Fratrum refectionem protulit, statim ex oculis euanescit, nullo sui vestigio in niue relicto. Dum Paulus IV. Pontifex cum nonnullis de Eusebio ad Cardinalatus dignitatem assumendo, sermonem fecisset; id cùm primùm Vir humilis rescit, ad Siculos fugiens, Cardinalatus honorem declinat. Plurimā sanctus hic Vir ergà defunctorum animas deuotione commotus, dum Romanum Conuentum aliquandò administrans in Cellā oclusus orationi vacat; bis, ter, ostium cellæ pulsatur, mox Fratris cuiusdam vmbra cellam ingreditur, seq; Fratris N. defuncti animam esse, (quæ à multis annis poenas Purgatorij, ob inania verba sæpè effusa, luit) declarat, suffragijsque ab eo iuuari exposcit: quo factò, ea leues diffugit in vmbas. Confestim paret Eusebius, postq; oblata precum, & Missæ sacrificia, à Deo tandem poenarum remissionem consequitur. Ne autem tam præluces sanctitatis gemma, altè humo sepulta lateret; D. O. M. eam Orbi perspicuam reddit, ac cœlestibus miraculorum fulgoribus, cunctis illustrem esse decernit: cum

D

enim

enim Vir Dei semel Oropiti verbum Dei disseminat, Mulier quædam, quæ tametsi sæpè liberos enixa esset, lacte tamen semper caruerat, quo foetum aleret; hæc spe, ac fiduciâ freta, cum semel Eusebius è suggestu descendit, retrò illum accedens, illius vestis fimbriam contingit, filaq; nonnulla ex eâ pendentia, præscindens, ea sibi in sinu inter vbera reponit; quid plura? Tanta mox lactis copia illi ex vberibus effluit; vt ad exteriorem vsque vestis superficiem humor exundet, ac deinceps lacte vbera abundant. In eâdem Vrbe cum nobilis quædam foemina, diu inter partus angustias, ac dolores conclusa, foetum in lucem edere non posset; famulo ad Monasterium missò, Fratrum apud Deum suffragia postulat: Ianitor verò, (cui plus honestatis, quam vrbانيتatis inerat) nuncio respondet, nihil fratribus cum parturientibus commune esse: reuertitur nuncius eo responso indignabundus, cum Eusebius ex Vrbe rediens, eum sibi obuiam habet, ab eoq; Ianitoris responsum discens, illi solutum, quo præcingebatur, funem è vestigio tradens: Fer, inquit, hunc Dominae tuæ funem, vt eo seipsam præcingat, quinquiesq; orationem Dominicam, cum Angelicâ salutatione, in Domini vulnerum memoriam, persoluat, tum salua masculum pariet. Pergit famulus, Heræ funem defert, Patrisq; mandatum exponit: paret illa, fune vterum præcingit, orationes recitat, vixq; vltimam complet, cum masculus foetus absque periculo in lucem erumpit. Eo prædicante, ingenti tempestate ortâ, populoq; horribili grandine perterritò, & ad sua remeare cogitanti, Dæmonis opus esse ostendit, nec non sua oratione tempestate fugatâ, omne è cœlo nubilum abscedit. Eusebio ægrotanti, maximaque omnium ciborum inappetentiâ laboranti, coturnix diuinâ prouidentiâ ministratur: quâ gustatâ, Vir Sanctus tam perfectè conualescit, vt auiculam non ad voluptatem, sed ad serui sui medicinam, ac incolumitatem, à Deo paratam fuisse, manifestum sit. Spiritu quoq; Prophetico varia prænunciat: Ac tandem senescenti, (octuagesimum enim ferè annum agebat) cum senilis & occidua ætas, laboribus iure parcendum persuaderet; ætati tamen neque laboribus parcens, Scapetianum, vt ibi verbum Dei disseminet, proficiscitur. At D. O. M. qui ipsius laboribus finem imponere, ac laborantem supremâ æternæ retributionis mercede prosequi decreuerat; Seruo suo in eo itinere apparens, reuelat, extremum iam illi imminere diem, in quo mortalis huius vitæ cursum absoluat: hoc ipso tempore acutâ febre corripitur, tantâque exultatione reliquum illud iter conficit, vt sæpè Fratri Anselmo Anconitano, (qui illi

Socius

Socius tunc erat) velut gaudio superfusus, dicat: O Anselme, Deo gratias, Deo gratias, iam ad laborum finem perueni, iam metam haud procul aspicio, breue mihi curriculum superest, citò contretur laqueus, ac mortis legibus solutus, in aliud æuum vindicabor. Igitur, cum Scapetianum peruenisset, primum in Conuentus limen pedem inferens: *Hic requies mea*, (inquit,) *in sæculum sæculi*: mox totus ijs, quæ ad animum spectant, incumbens, cætera omnia negligere videtur. Postmodum Eucharistiæ Sacramento magnâ cum lachrymarum effusione suscepto, Fratres omnes ad perfectum Regulæ obseruantiam, paternis verbis adhortatur, & ab omnibus præsentibus, & absentibus veniam postulat, si quo modo (dum Generalis fuit,) aliquem verbo, aut facto contristauit. Tum verò pedes, manusq; in modum Crucis componens, in illis verbis: *Deus propitius esto mihi peccatori*: Deo spiritum reddit. In eximiæ illius sanctitatis testimonium, cella tam coelesti odore ex ipsius corpore emanante, perfunditur, vt non mortui domicilium, sed deliciarum locus omnibus videatur. Secundo post ipsius decessum anno, cum Sepulchrum, in quo conditus iacuerat, apertum fuisset; habitu iam putredine consumpto, illius corpus tam integrum, & incorruptum reperitur; vt eo die tumulatum videatur; taleq; vsque ad nonum annum permanet; vt vel hoc coelesti testimonio, felicem animam immarcessibili apud Deum gloriâ frui probetur.

Obijt Anno 1569.





FRATER THOMAS TIPHERNAS FRATRVM
CAPVCINORVM VIC. GENERALIS

E. THOMÆ TIPHERNATIS
FRATRVM CAPVCINORVM
VICARII GENERALIS.

VITA, ET GESTA.



RATER THOMAS TIPHERNAS, humanis literis mediocriter eruditus, & ad Sacerdotium promotus, cum primum ibi incruentum Deo Sacrificium offerre cuperet, vbi cruentâ Christi Saluatoris morte olim Deo immolatum fuerat, sacra Hierosolymorum loca, summâ pietate veneratur, diuinum opus quod mente pepererat, peragit; indeq; pietate, ac virtute locupletior in Italiam redit. Cum iam 42. annum ageret, Clericalem vitam cum Capucinorum Religione commutat; in eâ verò cœlestem planè vitam, ac summâ laude dignam, ducit. Angelicum illud præceptum breui oratione comprehensum, illisque verbis Arsenij præscriptum (*Fuge, tace, quiesce*) à primâ sui tyrocinij institutione, arctissimâ sibi lege obseruandum præstituit. Summa in hoc Viro paupertas, summa Regularis disciplinæ obseruantia, summa denique ad omnium virtutum studia cupiditas elucet. Quo fit, vt, cum tot in homine virtutes floreant; celerrimè ad Guardianatus, ac Prouincialatus dignitates, euehatur. Vir tamen hic humilis cum aliquando ad Prouincialis Vicarij munus eligeretur, illudq; constanter respuens, nullis precibus ad suæ electionis consensum flecti posset; in supremo Refectorij tecto ardens flamma conspicitur, quâ Electionem à Spiritu Sancto profectam agnoscens, Thomas electioni consentit, Prouincialisq; onus subire cogitur. Tandem ad Generalatum electus, in eo officio immortalem sibi laudis coronam, Religionis zelo, obseruantia studio, humilitate, æquitate, temperantiâ, industriâ, odio improbitatis, bonorum amore, incredibili in omnes humanitate, beneuolentiâ, fide comparat. At verò cum Thomas Generalatus officio defunctus, ab eo se prioris officij onere, à quo se abdicare decreuerat, liberandum sperat; statim posthabitis Comitij rursus in Generalatus munere communi omnium suffragio confirmatur: quod is adeò moleste fert, vt tenaciùs proposito inhærens, electioni prorsus assentiri recuset, cæterisque de more Hymnum: *Te Deum laudamus* &c. concinentibus, & Ecclesiam adeuntibus, is in cellam secedit.

At cœlesti voce admonitus, quâ ad crediti sibi oneris labores compellitur, consilium mutat, & ad Ecclesiam pergens; oneri humeros iterum supponit. Tam singulari Sanctissimam Deiparam cultu, ac veneratione prosequitur; ut quolibet die, ante diuina Altaris mysteria, velut legitimo sempiterno, sacram illi coronam persoluat: cum autem aliquando propter multiplicem negotiorum copiam, quæ ipsius animum distraxerant, eadem sacrarum precum oblatio è mente elaberetur, ac necdum eâ persolutâ ad prandium cum cæteris accederet: vix Refectorium ingressus, protinus se debitum Virgini pensum haud exoluisse reminiscitur; quamobrem mox dimisso prandio, in syluam secedit: vbi dum consuetæ orationi omnium pietate vacat; Sacerdos quidam, qui eum præter morem, è Refectorio egressum, diuq; moras in syluâ trahentem obseruat; quid ageret, exploraturus, ad syluam se confert; indeq; eminùs prospectans, Thomam orantem, ac B. Virginem ante illum stantem cernit: quæ cum plurima illi amoris signa ostenderet, magnoperè se illius oratione oblectari indicabat. Eiusdem Virginis suffragio Thomas (quo tempore Generalis munere Pedemontanos Conuentus visitans, fungitur) ab Hæreticorum furore, qui viam obsidebant, vniuersosq; per eam transeuntes trucidabant, mirabiliter ereptus, eam sibi sollicitè patrocinatam agnoscit. Mentem Vir hic præclarus ita cum Deo assiduâ oratione coniunctam gerit; ut neque multiplicia Religionis negotia, neque rerum agendarum turba, neque longa visitationis itinera, ab eo animum, aut mentis intuitum diuellant. Dum Religionis inspectioni Generalis insistit, præeuntibus aliquando Socijs, dum is ab ijs longiùs absens in viâ diuinæ contemplationi vacat; inter hos Frater quidam Patritius, cum exploraturus, num Generalis longiùs abesset, faciem à tergo vertisset; Thomæ caput fulgentibus vndique radijs circumfusum cernit: filet quidem tunc Patritius, deinde verò, cum ab eo familiariter, quid in via contemplaretur, interrogaret: Totus, inquit, Thomas in Beatiss. Virginis excellentiâ, tum admirandâ, tum laudandâ, animo versabar. Impositâ semel (Deo inspirante) Hortulano obedientiâ, Dæmonum artes mirabiliter detegit: Deoq; Ægroto Fratri Fratrum visitationem deneganti, per eiusdem obedientiæ meritum, deinceps Fratres ad ægrotum accedentes viam nullo cœlesti repagulo interclusam reperiunt. Mulierem à Dæmonis vinculo sua oratione liberat. Vinum à Deo per miraculum impetrat, ac in dolijs multiplicat. Quibus signis, sanè Deus serui sui merita, ac sanctimoniam contestari voluit. Pleraque etiam alia ab

eo mi-

eo miracula patrata narrantur, quæ Ordinis Manuscripta ad nos fama integrâ transmittunt. Tandem cum iam ætate grauis (septuagesimum enim supra octauum annum agebat) vitæ finem sibi imminere, intelligeret; assiduus in Ecclesiâ orationibus vacans, nihil in victu, aut vestitu singulare, aut priori austeritati dissentanem admittit. Cum autem in Ciuitate Plebis, supremum ægrotare inciperet, animum ad cœlestia intendens, nihil præter diuinas laudes oræ præferre auditur. In his cum ad extremam vsque vitæ periodum perstitisset, vbi Fratres, qui aderant ad se vocatos saluberrimis documentis ad Seraphicæ Regulæ obseruantiam, & ad diuinam charitatem adhortatus est; meritis, ac virtutibus in Religione clarus, ad Deum concedit. Anno 1576. post mortem, ægrotus ipsius baculi contactu, repente sanatur.

F. PETRI à CIVITATE DVCALI

FRATRVM CAPVCINORVM

PROCVRATORIS GENERALIS, AC ROMANÆ

PROVINCIAE VICARII PROVINCIALIS.

VITA, ET GESTA.



PATER PETRVS à Ciuitate Ducali, ex Canonico Cathedralis Ecclesiæ eiusdem Urbis, vel vt alijs magis placet, ex Minorum Obseruantium Familiâ ad Capucinorum Congregationem à Deo vocatus, maximis in eâ virtutibus floret. Abstinentiâ, vigilijs, solitudine, corporis maceratione, ac oratione planè illustris existit; plurimâ quoque cum prudentiâ, ac consilio præcelleret; Ordinis aliquando Procurator, ac Romanæ Prouinciæ sæpè Vicarius Prouincialis electus; eam præclare, ac magno cum Regularis obseruantia incremento administrat. Nouitiorum curæ, ac Magisterio per aliquot annos præfectus; plurimis, ad perfectam spiritalis vitæ Regulam (quam verbis, ac sanctioris vitæ exemplis Tyronum animis instillabat) vberiori tum illius Prouinciæ, tum Religionis vtilitate, Ducis munere fungitur. Neque id immerito: Nihil enim in ipsius moribus indecorum, nihil reprehensibile erat: sed ita grauiâ, ita composita, ita moderata omnia conspiciebantur; vt ad omnem virtutis modum, ac rationem factus videretur.

Hunc

Hunc tandem D. O. M. vt sibi acceptum esse ostenderet, per omnia tentatum probare, & quasi domestico Martyrio coronatum, ex hac luce euocare voluit. Tot enim corporis incômodis post hæc afflictatus fuit; vt vndique illi tumores in membris exurgerent, putredinis fontes aperirentur, & corpus fistulis vndique erumpentibus scateret: quæ omnia cùm incredibili animi patientiâ, ac constantiâ toleraret; haud tamen ab his corporis austeritatibus, quas incolumis, ac beneualens exercere consueuerat, animum vnquàm auocare voluit. Quotidiana enim ieiunia, & B.P. Francisci Quadragesimas, easque vt plurimum præterquàm panis, & aquæ, rerum omnium abstinentiâ pingues, perinde ac si incolumis esset, tam seuerâ lege obseruabat; vt cùm Nosocomij Præfectus, serotinam refectionem, ad virium imbecillitatem restaurandam, illi necessariam esse persuaderet: nunquam adduci potuerit; vt ad qualemcumque virium restitutionem, consueta ieiunia infringeret. Hic denique, cùm triginta annorum curriculum, in Religione, magnâ cum vitæ austeritate, ac sanctimonix famâ, indefessâ virtute legitimè consummasset; Romæ defunctus est, multis in vitâ, & post mortem miraculis clarus: quorum cùm distincta, ac certa, apud nostra Manuscripta probatio non habeatur; hoc loco minimè commemoranda duxi.

Obijt Anno 1566.



F.



FRATER BONAVENTURA RHEGIENSIS F.F.^m CAPVCINORVM IN
ROMANA CVRIA PROCVRATOR GENERALIS.

F. BONAVENTURÆ RHEGIENSIS
FF. CAPVCINORVM IN ROMANA
CVRIA PROCVRATORIS GENERALIS,

NEC NON PICENTIS PROVINCIÆ

Vicarij Prouincialis.

VITA, ET GESTA.



RATER BONAVENTURA RHEGIENSIS, cum in Minorum Conuentualium Ordine sacris initiatus, prima virtutum semina iecisset; ad Capucinos translatus, ea tam sollicitè excolit; vt ad perfectum coelestis vitæ, ac disciplinæ fructum prouocet, tantamq; vitæ probitatem, atq; innocentiam adipiscitur, quæ ad Angelicam propè accedat. Humilitatem ita colit; vt non quid actum, sed quid agendum sit; nec quid sibi adsit, sed quid desit semper spectet. Eam in cibo, & potu temperantiam seruat; vt arctiori abstinentiæ lege, omnem ab animo voluptatem, atque à corpore saturitatem excludat. Ab omni re, quæ sub aspectum cadit, cupiditate alienus, animum ab omni perturbatione semotum gerit. Seraphicam paupertatem, tam arcto necessitudinis vinculo sibi confoederatam habet; vt in rerum penuriâ, ac egestate, maximam sibi gloriam, ac voluptatem quærat. Carnem verò, tam seuerâ inedarum, vigiliarum, verberum, frigoris, nuditatisq; lege, ac disciplinâ sibi præstitutâ, exercet; vt iuxta Pauli consilium, eam cum vitijs, ac insanis cupiditatibus crucifigat. Hinc spiritus in oratione, quam vbique tam indiuiduam, ac familiarem adiunxerat; vt absque eâ neque stare, neque se viuere posse existimaret; velut è pondere emerfus, liberior ad Deum euolat. Ad Prædicationis officium vocatus, feruente quodam charitatis zelo æstuans, cunctos lucrari, cunctos saluos facere, pro cunctis mundo, & hominibus anathema esse cupit, optatq;. Scientia illi potius diuinitus infusa, quàm humano studio acquisita, tantâ illum in dicendo vi replet; vt sæpè præ audientium gemitu, ac lachrymosis clamoribus, qui ex ingenti peccatorum luctu erumpunt; vix ipsius vox, inter prædicandum exaudiri possit. Macerata totâ odijs, ac factionibus discussâ, nec non Ciuium sanguine, ac cladibus redundante; quum Vir Dei quadragesimalem ibi, in

Dei

Dei verbo disseminando, laborem impendit, post diuturnas preces, ac lachrymas, quas ante prædicationis exordium semper Deo offerre consueverat, id diuinâ virtute assequitur; ut sublatis odijs, ante sacrum Dominicæ Resurrectionis diem; editis publicæ concordie legibus, totam Urbem in pace componat: cuius pacis statuta in hodiernum usque diem inter Urbis Monumenta leguntur. Hoc modo in Oppido Sentini noui, in Firmanâ Vrbe, alijsque locis, cunctas inimicitias, quibus antea usque ad deuastationem diuexabantur, tollit. Firmi in Piceno, Virum nobilem, dignitate Sacerdotem, moribus tamen ab eâ dignitate tam longè discrepantem; ut publico totius Urbis scandalo, nec Sacris incumberet, nec diuina mysteria celebraret; nec tandem consueto Ecclesiasticorum Virorum habitu incederet; neque ullâ vi, aut ratione adduci poterat; ut mores corrigeret. Hunc sæpè frustra admonitum, Vir Dei semel concione absolutâ, è suggestu vocat; atque in Dei nomine ad se venire imperat: cui cum paratum Biretum (quod Ordinis Clericalis insigne est) imposuisset; Clericali; cum veste induisset: (mirabile dictu!) Vir quasi ex lupo agnus, ita diuinâ virtute mutatur; ut Viro Dei obtemperans, summâ omnium admiratione, honestissimam exinde in Clericali habitu vitam ducat. Plurimas Sodalitates instituit; Confraternitates erigit; Orationemque 40. Horarum, iam à Fratre Iosepho Fernensi institutam, plurimum suâ prædicatione illustrat. Italiâ, Hæresum erroribus labefactatâ; cum Vir Dei Bonauentura, totus zelo Dei exæstuans, Mondulphi acrius in Hæreses inuehitur; veneno illi ab Hæretico clam in vino propinato, diuinâ virtute seruatur. Dum iterum Auximi Hæreticos exagitat; Legisperitus publicè Hæresi infectus; Viri Dei famam præscindere attentans, repente diuinâ vindictâ præoccupatur: dumque adhuc in Virum Dei debacchatur; is absque ullius inimiciâ telis confossus, vitam cum sanguine fundit. Nonnulla, dum prædicat Prophetico Spiritu futura prænunciat. Cum in Oppido S. Agathæ verbum Dei disseminat, ingensque à Deo illis flagellum paratum præsignificat; paulò post tellus vasto hiatus aperta, plerasque Oppidi domos, ac prædia absorbet. Narniensi Agro annuâ grandine tam dirè vastato; ut Regio ferè ad solitudinem redigeretur; indictâ 40. Horarum Oratione, tanta Viri Dei sermonibus fit ad pœnitentiam commotio; ut cæteris Oppidis ad Orationem spontè confluentibus, cum tria tantum Oppida eò conuenire recusassent; totus quidem eo anno Narniensis Ager à tempestate liber, suis copiosè bonis potiatur: sola verò

tria illa Oppida, quæ Orationi adesse contempserant, dirâ grandine, ac tempestate conuulsa, impietatis suæ poenas luant. Veruntamen cum posterioribus annis ad Orationem, quæ quotannis in Vrbe instituebatur, conuenissent; communem quoque ipsa cum alijs Dei miserationem, à tempestate immunia, commerentur. Tandem Vir Dei, cum prudentiâ, ac consilio plurimum præstaret; Procuratoris Generalis in Romanâ Curiâ officium exercet: sæpeq; Prouincialis Vicarij munus in Piceni Prouinciâ, magno cum Regularis obseruantia incremento obit: quo in munere, semel Urbini à nobili Muliere, tametsi clam impudicâ, ad peccandum sollicitatus; cum illa in turpès amplexus rueret, neque impudicam pellicem verbis à se remouere posset; ferreâ disciplinâ explicatâ, Mulierem aggreditur: quam tot multiplicatis verberibus adoritur: donec nouo hoc exorcismo, turpe hoc Dæmoniorum genus, à Muliere expellat. Sicq; honestatis trophæo de fordido Dæmone reuecto, victor à Muliere discedit. Denique Vir Dei cum 38. annos summâ cum virtutum, ac sanctimonie laude in Religione exegisset; per Senogallium iter faciens, in morbum incidit: ex quo cum se à Domino celerius vocari agnoscit: deuotissimâ Sacramentorum expiatione, mentem ad Domini occursum præparat; cœlestibus desiderijs inflammat; ac sanctimoniâ clarus, ex huius misere vitæ incolatu digreditur. Cum autem Senogallia necdum eo tempore Monasterium Capucinis exstructum fuisset; Senogallenses Ciues notâ Viri sanctitate commoti, solemnis funeris pompam decernunt; Defunctumq; corpus toto Senogallienfi Clero, ac Regularium Ordinibus, ad funus confluentibus, Scapetianum (quod circiter trium milliarium spatio à Senogallia distat) magnâ totius populi veneratione, qui Viri Dei certatim corpus osculabantur, deferendum curant. Obijt Vir Sanctus Anno 1556. ferè sexagenarius: cuius corpus, sexto post ipsius obitum anno, integrum, ac incorruptum reperitur: vt cuncti animam perpetuò incorruptionis munere fruentem intelligant.



FRATER IOANNES A FANO F.F.^m CAPVCINORVM DEFINITOR
GENERALIS.

FRATRIS IOANNIS à FANO
FF. CAPVCINORVM DEFINITORIS
GENERALIS, MEDIOLANENSIS PROVINCIAE

COMMISSARII GENERALIS, VENETÆ,

& Picentis Prouinciæ Vicarij Prouincialis.

VITA, ET GESTA.



RATER IOANNES à FANO, ex nobili Piliorum stirpe progenitus, tam egregiâ indole, præstanti formâ, altâ naturæ vi, animiq; perspicaciâ, ac magnitudine præditus existit; vt diuinum aliquid in illo latere (quâ Puer præter ætatem excellit) appareat. Adolefcens breui tempore in humanioribus disciplinis magnam ingenij laudem consecutus; tandem animo ad altiora tendente, atque insitâ quadam naturæ vi, ad præstantiora raptus; Deo, qui eam Puero naturæ excellentiam indiderat, intus in animo docente; in ipso adolescentiæ flore, mundum contemnens, ad sacrum Minorum Obseruantium Ordinem conuolat. Vbi ad Philosophica & Theologica studia promotus, in his tantâ ingenij felicitàte proficit; vt insignis inter Obseruantes Concionator habeatur: illustrioresque ad concionandum Cathedras obtineat. Inter hæc tam singulari prudentiâ, grauitate, ingenio, dexteritate in negotijs gerendis præditus existit; vt sæpè Guardiani, Definitoris, & Prouincialis Ministri dignitatibus potiatur. Picentis Prouinciæ Minister existens, Reformationis acerrimus oppugnator, Capucinorum nomen extinguere conatur; sed frustra: superno tandem lumine illustratus, Saulo exuto, in Paulum mutatur, excussa; humani pulueris caligine, clariusque Capucinorum vitam, ac Regularis disciplinæ institutum perpendens, ac cum lapso Ordinis statu comparans, ad Capucinos migrare parat: ex templò Ludouicum Vicarium Generalem accedit; & ad illius pedes prouolutus; vbi lachrymarum procella tantisper sedata, ei fandi aditum præbet; protinus in voces erumpens, se ex lupo agnum, ex raptore captiuum, ex hoste victum, & ex persecutore discipulum protestatur; priusq; acta deplorans, à Ludouico tandem Religioni associatur; vixq; Reformationis gremio recipitur, cum mox vberiori à Deo luce, quâ superiores vitæ tenebras clariùs perspiciat, perfunditur;

prio-

priorisque æui delicta, tametsi ex ignorantia profecta, tam ingenti animi luctu, ac moerore prosequitur; ut quotidianas, ac ferè indefinientes pro ijs lachrymas fundat: atque ut his liberius vacare possit, simulque cum nouæ vitæ tyrocinio, nouum sibi vitæ genus præstituat; locum pauperrimum, atque ab omni hominum consortio remotum, obtinet: vbi exiguâ cellâ ex arborum ramis sibi in nemore constructâ; ibi in ieiunio, & lachrymis solitariam vitam agit. Ibi, vilissimo, ac hispido habitu indutus, sæpè in Oratione Dei pernoctat. Ibi, cum necessarius somnus vrget, fessis membris, vel nuda humus, vel tabula stratum præbet. Ibi, quotidianis ferè ieiunijs epulatur, & B. P. Francisci quadragesimas (quæ per totum ferè annum se extendunt,) tametsi ætate grauis, opiparis panis, & aquæ ferculis celebrat. Ibi, nudis pedibus absque sandalijs incedens, tantâ carnis maceratione, nouæ huius vitæ tyrocinium instituit: ut planè incredibile videatur, hominem sexagenarium, parum alioqui huiusmodi vitæ austeritatibus assuetum, saluum nedum incolumem posse subsistere. Hac in solitudine Vir Dei, nonnulla opuscula edit: inter quæ præclarum illud est, quod de Arte Vnionis cum Deo assequendæ inscribitur. Aliud quoque hoc tempore Opusculum componit, quo prius illud in Dialogi modum contextum, atque aduersus Capucinos euulgatum, aperto calamo retractat: cuius eum tantoperè poenitebat: ut sæpè dicere soleret: nisi libellum illum publicâ Palinodiâ recantasset; penitus de salute desperasset: nec vnquam, (his enim in Dialogo verbis utitur) coram Deo se satisfecisse existimasset; nisi seipsum eidem Reformationi animo corporeque consecrasset; atque integrâ sui ipsius dedicatione tot impietatis fasciculos dissoluisset. Tertium quoque Tractatum planè aureum in Regulam edit: postremum denique opusculum in Hæreticos conscribit. A Ludouico tandem Commissarius Generalis ad Mediolanensem, ac Venetam Prouinciam destinatur: quanta autem hospido illo, rudiq; habitu, nouaq; illâ Capucij formâ contactus pertulerit, difficile esset enarrare: ita quod tam verbo quàm facto, id sibi Apostoli vindicare poterat: *Maledicimur, & benedicimus, persecutionem patimur, & sustinemus, blasphemamur, & obsecramus.* An. 1535. Romæ Generalis Definitor eligitur: posthæc à Bernardino Astensi Venetæ Prouinciæ sub Vicarij Prouincialis titulo præficitur. Tàm celebris verò inter illius temporis Concionatores existit; ut Bernardinus Astensis Generalis, sæpè de ipso solitus esset dicere, neminem se vnquam Ioanne vehementiorem agnouisse, qui tàm repente audientium animos mutaret; atque in eam, quam voluisset, partem conuer-

tisset.

tisset. Incredibile est quàm multas animas Deo suis concionibus & exemplis pepererit. Postmodum Picentis Prouinciæ Prouincialis eligitur. Biturgiæ prædicans Prophetico Spiritu Urbis calamitatem prænunciat. Fratri iuuentutem illi optanti, illum durius reprehendens; ait: Ne miserearis quæso, quod Senex sim, sed quod iuuenis fuerim: an hoc de flere debes, quod poma maturuerint? Nescis quæ sint iuuentutis pericula? Senex adhuc iuuentutis anfractus expauesco: quid tu rursus in discrimina vocas? Dum Brixia de Regulâ perfectè obseruandâ Fratribus inter cœnandum sermonem habet; Sacerdos ostium Refectorij aperiens, B.P. Franciscum iuxta Ioannem in aëra apparentem, intuetur: qui dextrâ in Fratres extensâ, cunctos absoluto Sermone benedicit. Idipsum quoque Bergomi, qui illius Conuentus administrationi præest; Vir omni virtute præclarus, Ioanne ad Fratres fermocinante, conspicit. In Oppido Tipherni Metaurensis prædicans, suæ vitæ exemplo Minorum Conuentualium Reformatorum integram familiam, Conuentu in Capucinos translato, ad eorum Religionem adducit. Quadagesimalis ergò prædicationis munere expleto, dum visitationis laboribus pedester (uti Capucinis mox est) sedulo vacat; in quartanam febrim incidit, eaque Ioannes (iam septuagenarius, ac viribus penè exhaustus) magnoperè excruciat, Durantium pertransiens, Populi precibus victus, ad Quadagesimale officium obeundum se confert. Dum igitur is quotidianum laboris pensum, ijs tantum diebus exceptis, quibus à febris languore impeditur, impigrè persoluit: strenuum Vineæ suæ Operarium, Deus præmiorum largitor, à labore ad mercedem vocare volens; cum die quadam maiori spiritus vehementiâ, in Populi vitia inuectus fuisset; è suggestu descendens, laterum dolore corripitur: qui cum in pleuritidem computruisset; breui illum ad extremum vitæ discrimen adducit. Deuotissimâ ergò Sacramentorum perceptione præmissâ, Crucifixi Imagine apprehensâ, luminibusque, non absque lachrymis, in Dominum defixis, vniuersa illius beneficia sibi collata enarrans: Quas tibi, inquit, ô Bone Iesu, pro tam singularibus donis, aut gratias agere, aut laudes referre queam? En iam supremum in hoc Sanctæ Reformationis sinu diem lætus claudio: hinc tandem cursum consummo, hinc hilaris obdormio, quid tibi pro tanto beneficio dignum, præter laudes, retribuam? *Te Deum igitur laudamus, Te Dominum confitemur.* Cumq; Hymnum totum vsque ad extremum illum Versiculum: *In te Domine speravi non confundar in æternum.* Sensibus integris decantasset; adhuc postremus ille versiculus ex ore fluebat:

cùm

cum spiritus, inter diuinas laudes, ad Deum migrat. Præclaram huius Serui sui Sanctitatem D.O.M. plurimis post eius obitum Miraculis illustrasse, pleraque nostra M.S. testantur: quorum tamen cum præter communem illius tempestatis famam, ac plerasque tabellas, quæ diu ad illius sepulchrum appensæ fuerunt, memoria nulla sit superstes; hîc desiderari potius, quàm referri possunt. Huius Viri meminit Rodolphus Tossinianensis in suâ Historiâ Seraphicâ, quem inter præclaros Ordinis Scriptores refert.

Obijt Vir Sanctus, Anno 1539.

* * *





FRATER IOSEPHVS FERNENSIS F.F.^m CAPVCIN.
DEFINITOR GENERALIS.

FRATRIS IOSEPHI FERNENSIS
 FF. CAPVCINORVM BONONIENSIS
 PROVINCIAE VICARII PROVINCIALIS,
 NEC NON DEFINITORIS GENERALIS.

VITA, ET GESTA.



FRATER IOSEPHVS FERNENSIS, decem & octo annos natus, prætereuntis Mundi vanitatem, coelesti sibi lumine affulgente, contemnens; solida coelestium virtutum bona, in Minorum Obseruantium Ordine, sibi quærenda præstituit: in quo cum plures annos religiosè conuersatus esset, eamque in Theologicis studijs excellentiam adeptus fuisset; vt publicè in Conuentu Palentiae, Theologicam disciplinam prælegeret: dum ibi credito sibi muneri omni cum laude vacat, à Fratre Francisco à Canobio, qui ex eadem Obseruantium Familiâ paulò ante ad Capucinos migrauerat, eiq; arctissimo necessitudinis vinculo coniunctus erat, epistolam accipit, quâ ipsum ad perfectam Regulæ obseruantiam, in Capucinorum Religione quærendam, & amplectendam incitat. Hanc Iosephus in copioso Fratrum coetu legens, plurimorum corda tangit, ac præsertim Fratris Hieronymi Nouariensis: qui, cum indefinente stimulo agitatus, nullo loco aut consistere, aut quiescere valeret; summo manè Iosephum, qui concionem ad populum eo die habiturus erat, accedens, animi sui fluctus, ac cogitationes, quibus ad Capucinorum Religionem vi quâdam impelli videbatur, aperit. Cui Iosephus: Certè, mi Hieronyme, (inquit) quî factum sit, ignoro. Eadem quoque mihi tempestas in animo orta est: & cum hætenùs ne quidem Capucinos esse cogitarem, iam nunc animus nihil præter Capucinos obseruat: mens Capucinos cogitat: in concione Capucinos lego; omnia denique mihi Capucinos respondent. Diuinum hoc opus est, ac Dei vox, quæ nos ad Regulæ obseruantiam, ac meliorem Reformationem vocat: cui, (vt video) omninò parendum est. Rem igitur cum Francisco Nouariensi Viro pio, ac graui, qui illi à Confessionibus erat, confert; eumq; eisdem cogitationum procellis iactatum offendit. Alij quoque duo, nempe F. Ægidius Aronensis, & Frater Angelus à Ferno germanus Iosephi

frater, qui eâdem spiritus tempestate commoti fuerant; his adiunguntur. Qui vnâ omnes Vicarium Prouincialem Brixiae accedentes, ab eodem, Religionis habitu donantur. Iosephus itaque ab Obseruantium Familiâ dissutus, & Capucinis adiunctus, tanto studio ad diuina se confert, abstinentiamq; , paupertatem, humilitatem, ac cæteras virtutes, quæ ad Euangelicæ perfectionis columen viam parant, sibi amplectendas præstituit; vt inter perfectos Seraphicæ Regulæ cultores, haud vulgare nomen, ac locum sibi adeptus sit. Orationis cum primis studio ita animum addicit; vt inde ardentes, ad penetranda corda hominum, ac Dei Verbo inflammanda, sagittas conflet. Illustris, ac feruentissimus suâ tempestate diuini Verbi Prædicator existit, atque admirabiles in hominum animis, præsertim, cum Orationi Quadraginta horarum incumbit; (cuius ipse primus Auctor, ac Institutor fuit,) impetus, ac mutationes efficit. Id vno vel altero exemplo lubet ostendere. Quo tempore Mediolanensis Vrbs, ob grassantia Cæsarianorum, & Francorum bella, maximè consternata iacebat: in eâ Iosephus Verbum Dei disseminans, Ciuibus pollicetur, modo orationem Quadraginta horarum instituant, à tot miserijs fore liberandos. Quare eâ publico, & communi Urbis consilio, primò in Cathedrali, tùm in alijs eiusdem Urbis Ecclesijs institutâ, is Dei verbum per singulas ministrans, non defuit Serui sui promisso clementissimus Pater. Vix enim eâ in Vrbe Oratione instituta fuit; cum paulatim bellorum tumultus cœpit mitescere, sedatus armorum strepitus, & pax inter Cæsarianos, composita fuit. Hæc igitur pia Mediolani institutio relicta est; quæ ad hodiernum vsque diem perenni religione, per totum anni circulum colitur. Posthæc Ticinum se confert, vbi Gallorum Exercitus famâ, Urbem perterritam, Quadraginta horarum Oratione institutâ, à metu liberat. Indè Senas profectus; ibiq; eandem Orationem celebrans, Ciuem quendam, qui simultatem cum alio tam intestinam gerebat, vt nullâ Parentum, neque ipsius Ethruriæ Ducis prece, ad concordiam flecti vnquam potuisset; vnus tantum sermonis virtute, ita commouit; vt vtrò pacem inimico obtulerit, stabilesq; cum eo amicitias iunxerit. Senis digressus, Biturgiam veniens, ibi solâ Dei, (per Quadraginta horarum Orationem, ac Sermones,) operante virtute, tot odia extinguit, totq; inter Ciues grassantes discordias componit; vt Prælato quodam illius Urbis attestante, centum non minùs, vnâ Quadraginta horarum Oratione, inimicitias iuglauerit. Biturgiâ, post diurni languoris curationem, (Bernardino Generali morbum

bum præcepto effugante, quemadmodum in vita ipsius explicatum fuit) sibi diuinitus impertitam; Iosephus Aretium proficiscitur: vbi Urbem mutuis odijs ita dilaceratam, ac diuulsam offendit; vt penè depopulata videretur: dum ergò pro ea lachrymas, ac preces cum Socio eximia pietatis Viro, ad Deum fundit: de celebranda Quadraginta horarum Oratione illi in animum cogitatio incidit. Adhuc hæc mente solus apud se volutat; cum Socius, qui ab eo haud procul orabat, protinùs exclamat: Age Pater, age quod cogitas: Dei namque consilium est. Iosephus ergò de Dei beneplacito certior factus; Cœtum congregat, pium opus proponit; illisq; persuadet: ac denique Orationem Quadraginta horarum publico Urbis decreto instituit, Iosephoq; fermocinante, tanta in eo populo animorum commotio diuinitus contigit; vt Ciuibus ad mutuos amplexus concurrentibus, breui tempore odia fugata, ac dissidia omnia communi concordia extincta, ac penitus deleta fuerint: tantaq; illius Urbis exultatio fuit; vt, cum paulò post, Iosephus Senis Aretium rediret; tota Vrbs simul cum Clero, fausta acclamatione illi obuiam processerit: eumque Primores cum Socio in humeros sublatum in Ecclesiam asportarint: tantum enim se Dei Seruo debere fatebantur, perindè ac si ipse Aretij Urbem rursùm condidisset. Posthæc Iosephus Eugubium se confert: quo tempore Vrbs graue à Pauli III. Pontificis copijs, quæ se ad illius Urbis expugnationem parabant; sibi exitium timebat, Ciuesq; fugam meditabantur. At Iosephus consternatos eorum animos in meliorem spem erigit, Orationemq; Quadraginta horarum magno cum poenitiæ gemitu celebrat: cumq; frequentia nuncia appropinquantis exercitus quotidie aduentarent, quæ ciues magis terrent, & ad fugam compellerent: eos, Vir Sanctus, ne formidarent, obtestatur: fore enim pollicetur, vt nec hostes Urbem quidem viderent. Accidit autem, vt, cum prædictæ Orationes magnâ populi deuotione celebrarentur, tam copiosa è coelo nix ceciderit; vt Pontificia Castra, quæ Assisij confederant, ac propediem Eugubium versùs processura erât, subsistere opus fuerit. Interea rebus cum Vrbinatum Duce compositis; cum, iuxta S. Viri promissa, hostes necdùm Urbis moenia conspexissent; Vrbs ab eorum furore libera fuit. Quo beneficio diuinitus accepto, publico Urbis decreto sancitum fuit; vt in tantæ rei memoriam, quotannis sub sacri Domini Natalis diem, quo tempore Vrbs ab hostibus libera fuit; Quadraginta horarum Oratio publicè in Ecclesia S. Francisci celebraretur: ac prætereà sub meridiem, quotidie Campana Palatij pulsaretur: vt eo signo cuncti

admonerentur, quinquies Orationem Dominicam, simul cum Angelicâ Salutatione, ab omnibus, Deo, pro gratiarum actione, persolvendam esse. Incredibiles planè sunt animarum fructus; quos Sanctus hic Vir ex diuini Verbi prædicatione, & Quadraginta horarum Oratione Deo retulit. Cum etiam consilio, & prudentiâ plurimum excelleret: Congregationem S. Pauli decollati; qui vulgò Barnabitæ appellantur; alteram quoq; Clericorum Regularium quæ Somascha nuncupatur; (quarum paulò antea, nimirum circa annum 1533. institutio, eruperat:) consilio, atq; etiam visitatione iuuuit. Tàm enim ipsius apud omnes prudentiæ, & sanctitatis opinio percrebuerat; vt prioris Congregationis Præfecti, cum ad visitationem pergerent, comitem sibi Iosephum adiungerent, neque absque ipsius consilio quicquam agerent. Ob præclaram quoque hanc Viri præstantiam sæpè apud Nostros, Prouincialis Vicarij munere functus, Generalis Capituli, quod Romæ Anno 1552. celebratum fuit, Definitor eligitur. Nonnulla Deus ad Viri huius sanctitatem declarandam miracula edidit: quorum aliqua quæ dubiæ fidei apud Nos sunt, consultò prætereo: paucis hîc tantummodò, quæ certo testimonio probata sunt, compendiosè enarratis. Quo tempore Iosephus Bononiensem Prouinciam moderabatur, cum Forosarsinium pertransiret, ad pium quendam Virum Fr. Marij à Forosarsinio (qui octauus apud nos Generalis fuit) Patrem, hospitij causâ diuertit; quem grauius ægrotantem offendit. At Iosephus eum charissimè amplexatus: Quid hic iaces, Amice, inquit, ignoras, quod hora prandij sit? Surge, vt illud nobis parandum cures. His dictis, cum illum Crucis Signo in fronte consignasset, (mirabile dictu!) statim Senex à morbo conualuit: atque è strato surgens, prandium mox instruendum curauit: vnusq; is ex discumbentibus fuit. Posthæc Somaschæ Congregationis Patribus, profectionem ad Generalia Comititia parantibus: quidam illius Congregationis Præpositus, Iosepho familiarissimus, morbo detinebatur, ne ad Comititia pergeret: ab eo cum Iosephus causam percunctatur, ob quam se ad profectionem non accingat? Febre, (inquit ille) tam molestâ afficior, vt me vix domo egredi sinat: Veruntamen si febris fugam imperaueris, planè confido, quòd ea liberum me ad Comititia abire permittat. Cum autem Iosepho recusante, impensius obsecraret, ne illi Crucis Signum denegaret; Vir Dei, Signo Crucis illi in vertice impresso: Deus (inquit) tibi benedicat, & quod petis, iuxta fidem tuam tibi præstet. Extemplò febris Crucis imperio cedens, au fugit: is verò pristinæ incolumitati restitutus, postridiè ad comitia pergit.

pergit. Cum semel Iosephus ad germanum fratrem diuertisset, Vir ille pius fratrem lautiori animo, quàm epulis excipit. Cumq; ad prandium ventum esset, dolium bis, ter, ille tentat, dolium erigit, perfodit, premit, vt vinum emulgeat: doliumq; sonans, nihil aliud præter sonitum eructat. Redit ille rubore perfusus; fratriq; vini defectum aperire cogitur: ridet ille, & vt dolium iterum exploret, monet. Renuit frater, qui illud frustra sæpius tentauerat. Sed tandem fratris prece potiùs, quàm spe compulsus, ad dolium redit; quid plurà? Vtrò dolium copiosè vinum fundit, & quod homini paupertas abstulerat, Dei magnificentia Serui sui precibus exorta donat. Pleraque alia Deus, ad serui sui commendationem Famâ loquente, Miracula præstitit; quæ vel Scriptorum negligentia, vel humili Nostrorum silentio, ac taciturnitate perierunt. Denique cum fidelis Dei Seruus talenta à Domino accepta, ac sapienter pluribus annis negotiata, copioso cum fœnore Domino reddidisset: vbi se ad Domini aduentum, lumbis mentis succinctus, atque accensâ ardentioris charitatis lucernâ, parauit, Mediolani è viuus excedens, Deum tandem laborum suorum remuneratorem promeretur, ac dicentem percipit.

Enge Serue bone & fidelis, quia in pauca fuisti fidelis, supra multa te constituam, intra in gaudium Domini tui.

Anno 1556.





FRATER BERNARDINVS A MONTEVLMO F F^m CAPVCINORVM
DEFINITOR GENERALIS.

FRATRIS BERNARDINI à MONTE
VLMI FRATRVM CAPVCINORVM DEFI-
NITORIS GENERALIS,

Nec non

Diuersarum Prouinciarum Vicarij Prouincialis

VITA, ET GESTA.



RATER BERNARDINVS à MONTE VLMI
Vir sanctitate, ac Miraculis celebris, in Minorum
Conuentualium Ordine, eam doctrinæ, & eruditio-
nis laudem, præsertim in viâ Scoti adipiscitur; vt
Scoti anima passim nuncupetur: ac propterea in
summis Italiæ Academijs publici Professoris mu-
nere, magnâ cum nominis sui gloriâ perfungatur. Pisas tandem vo-
catus, publicè in eâ Vrbe Theologicas disciplinas profitetur: Quo
tempore, cum librum Conformitatum à Bartholomæo Pisano e-
ditum, volutaret, in eoque formidabile aliquod de damnatis Fra-
tribus iudicium, legisset, tam altè illi animo à Deo insculptum fuit;
vt fixè in animo statuerit, perfectam Regulæ obseruantiam ample-
cti: Quapropter nouæ Reformationi, quæ à Francisco Politiano, ac
septem alijs illustribus Viris, nuper in Minorum Conuentualium fa-
miliâ instituta fuerat, seipsum adiungit: ibique cum alijs eiusdem re-
formationis Fratribus, Regulari obseruantie studet. Cum verò Ti-
pherni Metaurenfi, vbi is degebat, Ioannes à Fano, Dei Verbum toto
Quadragesimali tempore disseminasset, ipsiusque exemplo, & sermo-
ne permotus, vnâ cum Vbertino, ac totâ illius Familiâ, ipso quoque
Conuentu, ad Capucinorum Religionem transmigrat. Bernardi-
nus itaque in Capucinorum Religionem relatus: quanquàm tam
infirmâ corporis valetudine laboraret vt communes Religionis au-
steritates, vix ferre posse videretur: naturæ imbecillitatem virtute
superans; Deo potissimum opitulante, tantâ austeritate vitam insti-
tuit; vt cæteris prorsus admirabilis videatur. Nudis enim pedibus,
absque sandalijs toto anni tempore incedens, asperiori, atque in-
terpolo semper habitu vititur; eo solo, tunicâ reiectâ, contentus.
Quadragesimalia ieiunia B. P. Francisco familiaria, (quæ quinque
enumerantur) præter ea, quæ vel à Regulâ, vel ab Ecclesiâ præscri-
buntur; tam arctâ lege sibi custodienda præstituit; vt in ijs sæpè,

G

præter

præter panem, & aquam, nihil ad victum addat. Paupertatem præterea, quæ Minorum gemma est, zelans, magnoperè in Fratres inuehitur, qui se rebus superfluis præter necessitatem onerant: quos publicis baiulis deteriores esse affirmat. Illi enim, aiebat, tametsi graui farcinâ onusti, huc atque illuc onera ferant: vectationis tamen post hæc mercedem accipiunt. At qui rerum superuacanearum, in Religione, pondus sibi in humeros assumunt; haud aliud, præterquam grauius, ac districtius Dei iudicium in morte pro mercede assequuntur. Montem Vlmi aliquandò proficiscens, fluuium exundantem Angelico ministerio tam leuiter per fluminis vndas permeat, vt nec vndas quidem attingere videatur. Sui ipsius abnegationem Fratribus semel inculcans: Quatuor, aiebat, mihi ab exordio hostes fuere nempe Accidia, Concupiscentia carnis, Gula, & mei ipsius amor: quos mihi debellandos semper statui. Porro id Dei gratiâ, consecutus sum: vt tres quidem priores iam mihi parum, aut nihil negotij facessant: quin potius velut prostrati iaceant: quartus verò adhuc sæpè victus pugnat. Hinc Philautiæ mortificationi tanto studio incumbit; vt semel, cum Iurisperitum cum Physico, de re literariâ disputantem audiret; occultâ vel Dæmonis tentatione, vel nature impetu, qui peritioribus communis esse solet, impulsus, vt suam quoque sententiam inter disputantes interponeret; hunc ille intellectus pruritum tandem animaduertens: protinus inde fugâ se subtrahit, Fratremque Ruffinum sibi obuium habet: à quo, cur inde aufugeret, interrogatus, respondit: Ruffine, Asinus hic meus inter Doctos computari gestiebat; ego verò cum Asinum illum, non doctum, aut doctorem esse velim: ad stabulum compello. Cum parco Bernardinus naturam fomno assuefecisset noctu, post breuem quietem, ad orationem surgit: die verò, ferè semper vel in nemore, vel in horto solitarius cum Deo agit. Orationi verò lachrymas tam indiuiduas comites adhibere solitus est: vt vbique (cum vix vnquam ab oratione cessaret) ab oculis semper lachrymas fundat. Cum autem ante Concilium Tridentinum, Hæreses, corruptissimi que mores passim in Orbe grassarentur; incredibile est, quomodò in ijs expurgandis, & fouendâ pietate laboret. A prædicatione verò abstinere cogitans in ecstasim raptus, diuinâ visione terretur iterumque animum ad prædicationem appellit, ac maiori quàm antea sollicitudine Apostolico muneri incumbit. At seuerius peccatoribus diuinam iustitiam inculcans: Dominus nocte oranti apparet, illumque his verbis increpat: *Quid est, Bernardine, quod homines à meo sinu repellis, placet quidem, vt iudicium meum*

homines

homines timent, quò à culpâ abstineant : haud tamen mihi gratum est, vt de meâ misericordiâ desperent quæ impijs ad extremam vsque vitæ lineam obuia est : quare sic seueritatem meam prædica; vt clementiam non expellas : neque enim mihi minor clementia quàm seueritas est Hæc dum auditoribus annunciat; Blasium, Virum nequissimum, ad Deum conuertit : qui cum geminos in lachrymis, ac poenitentiae, menses traduxisset ; spe diuinæ misericordiæ plenus, ad Patrem misericordiarum, ex humanis migrat. Interea Bernardinus creditum sibi, varijs in Religionis Prouincijs Vicarij Prouincialis munus, tantâ animi integritate, tamque ardenti Regularis obseruantiae studio administrat ; vt Fratres vbique ad virtutum incrementa, mirabiliter prouocet : sicque quasi stella fulgens in Religionis Orbe emicans, coelesti diuinarum reuelationum, ac miraculorum fulgore illustrior redditur. Antonio enim quodam Comite, Vrbis Ducem charissimo, aquis præfocato; cum Dux ob repentinum eius obitum, dubiam de illius salute opinionem haberet, maximumque inde mœrorem concepisset; Bernardinus ex Dei reuelatione, animam defuncti saluam esse, Duci affirmat. Traiani, à quodam Achille, hospitio exceptus ; vinum in dolijs multiplicat : quæ cum antea vix fæculentum vinum redderent, id deinceps duorum mensium spatio, non modò toti Familiæ ; verum etiam plerisque pauperibus, qui ad Achillis pietatem confugiebant, abundè vinum ministrant. Similiter in Oppido Montis Herculis, cum à quadam Muliere domo excipitur; oleum illi à Deo impetrat. Plurimos quoque ægrotos Signo Crucis sanat. Inter hos Nicolaus Gaddius Florentinus S. R. E. Cardinalis connumeratur : qui tam graui in dexterâ tibiâ vlcere laborabat; vt cum ad ipsius curationem frustra Physici, ac Chirurghi vniuersa artis remedia contulisset; spe incolumitatis abiectâ, Florentiâ Romam proficisceretur: quo in itinere Virum Dei Bernardinum cum Socio obuiam habens; ab eo fide plenâ, signo Crucis vlcus consignari postulat : recusat humilis Bernardinus, seque peccatorem affirmat: vrget ille: fasciolasque, quibus tibia circumligata erat, explicari, atque vlcus detegi iubet. Bernardinus igitur, positis genibus Deum aliquantisper orat : tum Crucis Signum manu super vlcus formans : Deus, ait, Illustrissime, in cuius fide, te sanari postulas, secundum fidem tuam tibi præstet. Vix hæc Vir Dei verba protulit, cum putredinis fonte exsiccato, mox incolumis absque vlcere, perinde ac si nullo vnquam morbo affecta fuisset, tibia apparet. In Oppido quoque Montisbodij, Mulieris cuiusdam Viduæ moribundum Puerum Signo Crucis benedicit : ac ferè mortuum è mortis faucibus eruit,

eruit,

eruit, ac incolumem Parenti restituit. Dùm Firmi in Piceno Generalia Comitia Anno 1555. sub Eusebio Anconitano celebrantur. Bernardinus inter alios, illius Capituli Generalis Definitores annumeratur. Quo tempore Nobilis quidam ad Conuentum accedens; languidum Filium in sinu gestans, vt à Bernardino Signum Crucis puero præstetur, postulat. Ianitor igitur ægotantem puerum inter vlnas acceptum, ad Bernardinum in Definitorium defert: Patriſque illi deſiderium, ac propositum, exponit. Erubescit hoc nuncio Bernardinus, Ianitorem increpat, aperteque puero benedicere recusat. At Eusebius Generalis qui probè Viri Dei sanctitatem nouerat, vt ægotum puerum benedictione prosequatur, mandat. Pare ille Generalis præcepto, vixque Signum Crucis puero impertitur; cùm diuinâ virtute puer in integram repentè incolumitatem vendicatur, ac sanus Patri redditur. Cùm autem ob assiduum Orationis studium, Vir Dei, pleraſque diei, ac noctis horas Orationi dare solitus eſſet: tam frequentem ob id capitis dolorem contraxerat; vt lineâ vittâ, quâ frontem comprimeret, sæpè vti compelleretur. At tot illius vittæ contactu Miracula patrata sunt; vt quotquot capitis dolore cruciarentur, eâ sibi adhibita sanarentur. Bernardinus quoque Auximensis, Nouitius, graui capitis dolore vexatus, Viri Dei aliquandò sanctimoniâ permotus (cùm qualibet die sub vesperum Fratribus Sermonem haberet) illius sputa obseruare incipit: cæterisque abeuntibus, cùm is solus ex industria in Refectorio remansisset; Bernardini sputo, quod humi infixum obseruauerat, sibi caput inungens; omnem capitis languorem à se prorsus effugatum sentit. In Camerinenſi Oppido, cùm Vir Dei ad populum Sermonem habet: Anus quædam semel, atque iterum à Bernardino admonita, quatenus à nimia, ac frequenti tussitatione (quò minùs Dei Verbum impediretur) abstineret: Illâ verò pertinaciter in sententiâ perstante: En hoc ipso tempore Deus flagitium vlciscitur. Os illi enim vsque ad aures prodigiosè contortum redditur: Bernardinus verò Concione absolutâ, vbi Anum pertinaciæ reprehendit; toto spectante Populo, Signo Crucis super eam formato, os suo loco restituit. Diuinis aliquandò iudicijs plurimùm exterritus, cùm quotidie lachrymas effunderet; Dominus, vt Seruum suum consolaretur, semel inter Filatranum, ac Maceratam, Bernardino apparet, atque de salute certior reddit. Hac Christi consolatione confortatus, Bernardinus, cùm Maceratam appulisset: haud multò post in morbum incidit, ex quo quandoquidem, se hinc emigraturum ex

diuinâ

diuina reuelatione intellexisset : generalem omnium peccatorum Confessionem , ab incunabulis exorsam, instituit : quâ multo cum lachrymarum imbre absolutâ, cum diuinæ Eucharistiæ Sacramento refectus fuisset: pridie quàm ex hac luce migraret, in mentis excessum raptus ; Christum Iudicem in Throno sedentem, multâque Angelorum, & Sanctorum turbâ circumseptum intuetur; qui cum eum ad iudicium compelleret : mox Vir quidam horribilis, coram Iudice stans, librum legere incipit , in quo vniuersa illius peccata, iam olim ab adolescentiâ commissa, continebantur. His absolutis, cum Iudex seueros ad Bernardinum oculos contorquere videretur : protinùs adstantium Angelorum, & Sanctorum multitudo acclamare incipit : Gratia. Gratia. Gratia. Quorum voce Iudex, turbato vultu in serenum commutato , benignum se protinùs Bernardino ostendit, eumque inter cœlestes incolas adnumerat. Bernardinus verò ad se post excessum rediens, iam de Cœlesti præmio certus, inter Dei laudes lætus, Maceratæ Anno 1565. Deo animam reddit. Post huius Sancti Viri obitum, cum Nobilis quædam Mulier, quæ præsens illius funeri aderat, strophiole defuncti corpus attigisset : eo plurima deinceps Miracula, in eos præsertim qui capitis dolore, ac vertigine laborabant : Bernardini nomine inuocato, ad Dei gloriam patrantur.





FRATER HIERONYMVS PISTORIENSIS FRATRVM
CAPVCINORVM DEFINITOR GENERALIS

FRATRIS HIERONYMI PISTORIEN-
SIS FRATRVM CAPVCINORVM ETHRV-
SCÆ, NEAPOLITANÆ, ALIARVMQVE PROVIN-
CIARVM VICARII PROVINCIALIS,

Nec non

Definitoris Generalis

VITA, ET GESTA.



RATER HIERONYMVS PISTORIENSIS, in ipso Iuuentutis flore Coniugi copulatus, cum illa necdum ab eo domum ducta, suprema neci iura exoluisset; perfectiori se Deo Religionis vinculo religare parat: Minorumque Obseruantium Ordinem ingressus, multarum in eo virtutum fundamenta ponit. Philosophicis, ac Theologicis disciplinis operam nauans; tantam in ijs ingenij laudem assequitur; vt insignis suâ tempestate Theologiæ Professor, illustrisque diuini Verbi Prædicator euadat. His verò cum & vitæ integritatem, & Orationis studium coniungeret; clarum apud omnes sibi nomen, existimationemque comparat. Inter hæc collabentem apud suos Regularis Obseruantiae disciplinam perpendens; se ipsum tandem è naufragio eripere, atque in tutam Capucinatorum stationem recipere cogitat. Honorio igitur à Montegranario, Tusciæ Vicario Prouinciali cum Fratre Antonio à Monte Politiano Concionatore se præsentat: qui Viros in Obseruantium Ordine, doctrinâ, & austeritate insignes agnoscens; eos Capucinatorum numero adiungit. Inter quos Hieronymus omnium humillimum se exhibet, infirmorumque maximè curâ delectatur; quibus, postpositis sæpè prædicationis studijs, incredibili sollicitudine seruit. Charitati, abstinentiam, & quotidiana ieiunia associans, vnicâ tantum in die refectione (quoad inter Capucinos vixit) contentus est; quò faciliùs animum Orationi, ac rerum diuinarum contemplationi, cui pluribus diei, ac noctis horis incumbere consuevit, aptiorem reddat. Inter illustriores suæ tempestatis diuini Verbi Præcones connumeratus; tanto spiritus ardore, ac diuinæ charitatis æstu, Dei Verbum disseminat; vt admirabiles ubique Populorum conuersiones edat. Quo tempore prædicationi vacat, vsque ad quintam noctis horam vigilas obseruat: quas partim in sacrarum literarum studia, partim in Orationem, ac rerum diuinarum

narum

narum contemplationem distribuit: quibus & quotidianam flagellationem addit. Generalis Praeceptoris munere, diu Romæ, alijsque Italiæ urbibus functus; plurimos Religionis Viros, eruditione claros parit. Seraphici Doctoris S. Bonauenturæ (quem semper summo studio prosequutus est) ita doctrinam suspicit, ut ipsius libros iam apud homines senescentes, ac ferè vetustate consumptos, iterum in lucem reuocari, prælo mandari, atque ab interitu vendicari curet. A Thomâ Tiphernate Generali, ob singularem eruditionem, cum alijs delectus, ad Concilium Tridenti celebratum proficiscitur: in quo grauius pro Religionis habitu decertat; nonnullosque ad Concilij Patres Sermones habet. Cæterum cum admirabili huius Viri doctrinæ, atque eruditioni, morum grauitas, ac singularis animi prudentia, summaque vitæ integritas coniuncta esset; hinc fit, ut inter Generales Ordinis Definidores sæpè adnumeratus, Ethruscam, Neapolitanam, aliasque Prouincias moderandas suscipiat. Denique, cum tam celebris esset huius Viri Fama; tanta apud homines auctoritas, & existimatio; tanta vitæ probitas; tanta rerum omnium cognitio, tamque insignis prudentia, omnium penè rerum vsu exercitatissima: Pius V. Pont. Max. Viri studio allectus, eum sibi Theologum deligit: illiusque in rebus Ecclesiæ grauissimis, operâ, & consilio sæpè vsus; cum summam Viri prudentiam, ac grauitatem perspexisset, in Cardinalium numerum adscribere decernit: quod cum Hieronymus ab eodem Pontifice didicisset; tot is Pontificem rationibus à proposito deterret: ut sapiens Pontifex ipsius constantiam, atque honoris contemptum admiratus, precibus quidem acquieuerit; verum tamen alterum, eo honore dignum, quem in eius locum subrogaret, illi proferendum iniungit. Is tandem Iulium Sanctorium, Sancti Seuerini Archiepiscopum, eidem eligendum proponit: qui ad Cardinalatum assumptus; Sacrarum literarum eruditione, innocentissimæ vitæ laude, insignisque Religionis ardore, Sacrum Purpuratorum Patrum Senatum plurimum illustrauit. Post hæc Pontifex, cum, foedere inter Christianos Principes inito, militum copiam in Turcam pararet: Hieronymum, cuius ei Fidei, ac Religionis ardor perspectus erat; cum alijs qui trigessimum numerum implerent, in Cretam Insulam, vbi tota Christianorum Classis colligenda erat; præmittit: ut pro Fide certantibus, omni charitatis officio adessent; ijsque animos ad Fidei hostes debellandos adderent. Hieronymus ergo dum se ieiunio, Oratione, lachrymis, ad perfectionem parat; Beatiss. Virgo, cuius ille plurimum religione afficiebatur, oran-

ti adest:

ti adest; eumque breui hinc emigraturum præmonet: in eo verò itinere cum semel cum Socio à rectâ viâ aberrasset; noctuque ambo per nemorum deuia incedentes, quò pergerent; ignorarent: diuinæ se protectioni commendant, ac Deiparæ Virginis, Sanctique Iosephi, ac Pueri Iesu sibi præsidium implorant. Vix ab Oratione surgunt, cum procullumen aspiciunt; quò iter dirigentes, cum eò peruenissent, humile domicilium reperiunt; in eoque Senem hominem cum Muliere, ac Puero degentem conspiciunt; qui cum hospitio eos humanissimè exceperunt; cibo refocillant, paratumque ad quietem locum ijs designant. Suauissimo ij totâ nocte somno potiti, cum manè euigilant; amœno se in prato, cui recta via coniuncta erat, collocatos cernunt: totamque syluam perlustrantes, cum nullum domicilij vestigium deprehenderent; Anselmo Socio Hieronymus ait: Quid frustra domicilium quærimus? Anselme: Cœlestes hospites, cœleste domicilium secutum est. Hæc enim S. Iosephi, hæc Virginis Deiparæ; hæc tandem Pueri Iesu diuina planè in nos munificentia fuit. Venetâ tandem Classe graui peste laborante; Hieronymus cum cæteris totum se ægrotantium obsequijs mancipat; exæstuantemque Dei charitate, metum omnem longè ab animo propulsantes, vitæ omnes pericula contemnunt; maximumque sibi lucrum fore arbitrantur: si pro ijs vitam profundant, pro quibus Christus ipse in Cruce proscriptus, animam tradidit. Hæc dum Hieronymus ardentissimo charitatis æstu cum cæteris præstat; eodem quoque ipse morbo correptus, post breuem languorem, morte sublatu, septuagenario maior, præclare pro charitate à Domino Martyrium, & Coronam consequitur. Post eum & Iosephus à S. Agathâ, & Ludouicus Belga, peste absumpti; plenam à Deo operis mercedem accipiunt. Post Hieronymi obitum, cum Frater Basilius Cremonensis, qui illius quondam discipulus, & auditor fuerat; multis à Deo precibus, ac lachrymis postulasset; vt quid de Magistri salute actum esset, sibi innotesceret: dum priuatim diuino Officio incumbit, adstantem sibi Hieronymum cernit: moxque illum de suo alterius vitæ statu interrogat. Respondet Hieronymus: Se ex Dei misericordiâ salutem adeptum, beatâ Sanctorum sorte frui. Nonnullis, post huius Sancti Viri obitum, annis elapsis, cum Iulius Sanctorius Cardinalis Sanctæ Seuerinæ, Ordinis Protector creatus esset; Fratre Anselmo à Petramolaria in Cretam Insulam misso; ipsius ossa Casertam transferenda curat: qui loco sepulturæ effosso, cum Hieronymi corpus integrum, ac incorruptum eousque diuinâ

virtute conseruatum, reperisset, Casertam secum defert: Cardinalis, verò tumulto illi extructo, in Capucinoum Ecclesiâ sepeliendum curat. Obijt Vir Sanctus Anno 1570.

FRATER ALPHONSVS SVESSANVS

DEFINITOR GENERALIS, NEAPOLITANÆ PROVINCIÆ
VICARIVS PROVINCIALIS.

FRATER ALPHONSVS SVESSANVS, Sacerdos, Ecclesiæ Suelianæ Canonicus: cuius operâ, & consilio, Episcopus in Diœcesis suæ administratione plurimum utebatur; ætate prouectus ad Capucino- rum Ordinem accedit. Vir prudentiâ, ac consilio præclarus existit, præclaraque vitæ integritate, ac vir- tute insignis. Quapropter, etsi Officio Concionator non esset: Sepè tamen in Neapolitanâ Prouinciâ, Vicarij Prouincialis officio fungi- tur, nonnunquàm etiam in Generalibus Comitij Definitoris munus obit. In generali Capitulo Neapoli coacto, Anno 1558. cùm Ele- ctiores in illius electionem propenderent; tam efficaci sermone (e- rat enim primus Capituli Generalis Definitor) seipsum à Generalatus Officio excusat; vt eorum animos à sui ipsius electione reuocet. Vir austerissimus, haud vulgari orationis spiritu præditus, existit. Noui- tium semel Diabolicâ tentatione victum, Crucis Signo in fronte muniens, cùm Demonem effugâssset; à tentatione liberum illum Re- ligioni restituit. Alphonsus verò vbi plurimos in sanctis Religiosæ vitæ operibus annos consumpsit, ad Deum liberalissi- mum omnium retributorem Anno 1575. euolat.





FRATER VRBANVS A MANFREDONIA F.F. CAPVCIN.
DEFINITOR GENERALIS.

FRATRIS VRBANI à MANFREDONIA,
FRATRVM CAPVCINORVM PROVIN-
CIÆ S. ANGELI, ET S. FRANCISCI, VICARII PRO-
VINCIALIS, BONONIENSIS PROVINCIÆ GENERALIS

COMMISSARIJ,

Nec non

Definitoris Generalis

VITA, ET GESTA.



RATER VRBANVS à MANFREDONIA, cùm Nobili genere natus, in sæculo Clericalem statum assumpsisset; ac Sacerdos inunctus esset; sacra B. P. Francisci loca, tùm in Monte Aluerniæ, tùm Assisij piè, ac præsens venerans; id pro labore præmij à B. P. Francisco consequitur; vt eum B. P. sæculo ereptum, perpetuum sibi in Capucinorum Ordine filium assumat. Hic itaque simul atque in Seraphici Patris sinu exceptus fuit; legitimi filij instar, B. Patris vestigijs insistere, ac summo studio perfectas sibi illius virtutes comparare contendit. Paupertatem S. P. Sponsam (quæ veros eidem filios generat) tam arcto sibi foedere copulat, vt nihil eum magis, quàm rerum necessitas, ac penuria in vtendis delectet. Humilitatem B. P. amicam tanto necessitudinis vinculo complectitur; vt non modò ab honoribus abhorreat: verùm & contemptibilia domus officia semper sibi eligat. Verùm cùm ea honorum natura sit; vt insequentes fugiat, contrà, fugientes insequatur: perspectâ ipsius consilij magnitudine, primò quidem ad Guardianatus, deinde ad Prouincialatus Officia, in suâ S. Angeli Prouinciâ vocatur: hinc Generalis Commissarius in Bononiensem Prouinciam mittitur: Postremò à Capitulo generali, ad Definitorij muneris gradum assumitur. Porro in his honoris gradibus maximè fulget in eo humilitas: mansuetudinemque cum seueritate coniungens; nunquam absque humilitate, & charitate (iuxta B. P. Francisci placita) subditos corrigit. Verbi diuini prædicationem admirandis vitæ exemplis illustrans; in spiritu, & virtute Christum Crucifixum prædicat. Ignea illius verba adeò audientium corda inflammant; vt ea faciliè ad poenitentiam, ac Dei amorem accendant. At cùm confluentis Populi multitudinem Ecclesia non caperet, sæ-

penum-

penumerò in plateis Dei Verbum disseminare cogitur. Orationi diu, noctuque vacans: cum somnus vrget, solum illi lectum sternit. Cibo tam parco, ac pauperum more vesci solitus est; vt vix legumina, & herbas solas ad victum admittat. Dùm aliquandò in Oppido Campibassi ob ingentis Populi turbam extrà Ecclesiam Verbum Dei proponit: En Satanæ operâ, & inuidiâ, tanta tonitruorum, fulgurum, imbrium tempestas è Coelo oriri incipit; vt quisque ad sua redire pararet. At Vrbani Diabolicum illud opus agnoscens, stare vnumquemque iubet, oculisque in Coelum sublati, cum breui Deum oratione precatus esset; adstantem Populum admonet, ne imbrem timeat. De Passione igitur Domini Sermonem ad tertiam, & quartam vsque horam produciens; imbre interim, toto eo tempore, è Coelo cadente, diuino planè miraculo fit; vt Deo Serui sui preces exaudiente, nè gutta quidem audientes attingat. Mira sunt, quæ in varijs Oppidis, ac Vrbibus, Vir hic præclarus, suâ prædicatione, ac morum Sanctimoniâ exantlat. Crucis, ac Passionis Christi meditatione adeò delectatur; vt eam assiduis lachrymis prosequatur. Sacrum verò Missæ mysterium, quod viuum ipsius simulachrum est, tanto mentis ardore conficit; vt sæpè coelestes Angeli, dùm is Sacrificium offert; sub Auium specie circa ipsum volitare, ac humeris insidere videantur. Prouincialis Vicarij aliquandò in S. Francisci Prouinciâ munere fungens; quo tempore Monasterium Collis-Pepi instaurandum curat; cum plerique sæculares Operarij vltro ædificationi ministrant, qui Fratrum eleemosynis alebantur: accidit, vt horâ prandij, nec nisi quædam exigua panis frustula in domo superessent, quæ vix vni, vel alteri Operario sufficerent: id cum Viro Dei renuntiatum fuit, iubet ille frustula illa panis Operarijs apponi, protinusque ad Orationem secedit: quo tempore, Operarijs discumbentibus, panes inuisibili cuiusdam manu, tam abundè administrantur; vt, cum omnes à mensâ saturi recederent, copiosiora illis post refectionem, quàm quæ ante eam apposita fuerant, panis frusta superessent: atque ita Viro Dei orante factum est, vt panis, qui vix vni, aut alteri sufficere poterat, multis diuinâ virtute superflueret. Postremò in S. Angeli Prouinciâ Vicarius Prouincialis electus; tantâ austeritate Prouinciæ lustrationem instituit; vt præter panem, & alia, nihil ad vitæ alimoniam admittat. Hac in visitatione cum ad Serræ Capreolæ Conuentum venisset; ibi Seruus Dei languore corripitur: ex quo vitæ finem sibi adesse cognoscens, totum se ad viam Domino, in extremo illo aduentu, parandam confert; consuetis se

Ecclesię Sacramentis munit; ardentioribusque diuinę charitatis flammis animum accendit. Interea verò Satan, qui ab eo toties in vitā profligatus fuerat, extremo illius calcaneo insidens, ac tentationes parans; iam morituro obijcit: eum neque vera, neque Catholica vnquam Populis prædicasse. Hac tentatione Vir Dei maximè commotus, iubet omnia Prædicationum suarum scripta ad se adferri, tandemque accendi: tùm lachrymis perfusus, Deum ita totā præsentē Familiā precatur. Deus vniuersorum cognitor, ac cordium scrutator: quisnam mearum Prædicationum finis, ac scopus extiterit, quidue populis prædicauerim; solus nosti: Nosti, inquam, me præter Nominis tui gloriam, Fidem, præcepta, consilia iuxta S. R. E. doctrinam, nihil vnquam mihi prædicandum præstituisse: Iam verò si in hisce meis Sermonibus, quicquam aduersus S. R. E. Fidem, Conciliorum Decreta, ac Pontificum placita, me ignorante, irrepfit; ardeat, obsecro; comburatur, atque in fauillas euolet; illiusque cineres ventus rapiat, ac dispergat. Neque enim fas est, sospes, ac incolume superesse, quod à verâ, ac Catholicâ Fide dissentaneum est: cui me, meaue omnia semper subiecta esse volui. His dictis, facem scriptis admoueri, diuque illis suppositam permanere iubet: at illa cum folia lamberet, haud tamen (vi comburendi sibi penitus à Dei virtute sublatâ) ea inflammat. Bis, ter, Vir Dei idipsum repeti imperat: at integra semper scripta ab igne redeunt: quod cum ille obortis lachrymis conspexisset, Deo gratias agens. extremum quoque hunc de Sathana triumphum refert, tùm paulò post lætus hinc ad Coronam euolat. Anno. 1578. cuius corpus post tertium sepulturæ annum integrum, & incorruptum cernitur.

FRATER HIERONYMVS PANORMITANVS,
DEFINITOR GENERALIS, ET
COMMISSARIVS ITIDEM GENERALIS

PANORMITANÆ PROVINCIÆ.



Lara est in Panormitanâ Prouinciâ, Fratris Hieronymi Panormitani Sacerdotis memoria: qui ex Minorum Discalceatorum Ordine, ad Capucinos translatus, omni scientiarum genere, doctrinâ, ac eruditione fuit insignis: Lectoris in eâ Prouinciâ diu, ac præclarè munus exercuit: quem sæpè dicere solitum ferunt, se plus olei quàm vini consumpsisse. Definitoris

quo-

quoque Generalis, & Commissarij itidem Generalis munere functus; maiorem, quàm ab ijs acceperit, splendorem dignitatibus contulit. Vitæ enim integritate, morum sanctimoniâ, ac Regularis disciplinæ luce, adeò illustris fuit; vt ipsius post obitum, gloria non vulgaris, cuidam Fratri reuelata fuerit. Obijt Vir
Dei. Anno 1579.





FRATER HONORIUS AMONTE GRANARIO FF.
 CAPVC^{us} CORSICÆ PROVINCIAE COMM^{us} GENERALIS.

FRATRIS HONORII à MONTE GRA-
NARIO FRATRVM CAPVCINORVM
VENETÆ, ETHRVSCÆ, AC BONONIENSIS
PROVINCIAE VICARII PROVINCIALIS.

Nec non

Corficæ Prouinciæ Commissarij Generalis,

VITA, ET GESTA.



FRATER HONORIVS à MONTE-GRANARIO, opulenti Parentibus ortus, iuuentutis florem in vanis hominum conuersationibus sectandis, ac præsertim odijs, ac simulatibus enutriendis; (quibus plus æquo feruet) ferè totum consumit : post quæ, cum militiae nomina dedisset, in Caroli V. Exercitu contrà Turcas in Hungariâ militat. Eo bello confecto cum animæ, corporisq̃ue pericula, quæ eousque euaserat, secum prudens perpendit; sæcularis militiae cingulo abiecto, tutius Deo militare cogitat: transactæque ætatis iacturam, durioribus poenitentiae operibus resarcire statuens, ad Capucinos conuolat. Ibi totum ferè Probationis annum, in fletibus, & præteritorum scelerum mœrore consumit: tantoque exindè incipit in seipsum odio exardescere; tamque seuerè carnem, ac sensus, tanquàm veterum vitiorum seminaria, castigare; vt inter niuis algores, vix membra vetusto, ac obsoleto habitu operiat: nudis pedibus communia quoque sandalia denegat; Corpus asperrimo cilicio tegit; atque vt domesticum hostem extremo bello atterat, ferreum cingulum, acutis clauorum acuminibus confectum, perpetuò circà lumbos gerit: tam somni parcus existit, vt vltra quartam non ampliùs horam producens, nudam sibi tabulam substernat. Vnicâ tantum in die refectione, eaque parçâ, contentus est. Sabbathata omnia, ac B. Virginis (quam semper summo honore, ac deuotione prosequutus est) peruigilia, panis, & aquæ ieiunio consecrans, seueriorique disciplinâ corpus castigans, in seruitutem redigit. Oratio ipsi diu, noctuque tam indiuidua comes assistit; vt neque loca, neque tempora, ad orandum idonea expectet: Iugis enim mentis recollectio, ac sedulus in Deum mentis ascensus,

loca omnia, & tempora illi orationi apta, præstat. Chori Religionem tantâ sollicitudine prosequitur; vt si interdum, dum Prouincialis munere fungitur, ad Monasterij alicuius visitationem, eo tempore cum appellere contingit, quo diuina Officia in Choro decantantur: cæteris omnibus prætermisiss, rectâ in Chorû contendit; diuinâque cum cæteris laudes persoluit. Cum igitur Regularis obseruantia zelo, morum grauitate, & consilio, prudentiaque plurimum præcelleret: Venetę Prouinc. Prouincialis eligitur: quo in munere, tam eximiū omnium præclarissimarum virtutum, quę perfectum Religiosi Gregis Pastorem comitari debent, specimen edit; vt cum vbique eximia Viri virtus perspecta esset; bis in Ethurię Prouinciâ, ac demum in Bononiensi, Vicarij Prouincialis officio, maximâ cum laude, fungatur: Paupertatis cum seuerissimus custos esset; semelque Regulę codicem, quem iam ferè vetustate consumptum secum gerebat, laneo panno operiret: Frater quidam ad eum: Quid Pater (inquit) vix herentem sibi Regulam consuis? Non hæc Prouinciali Viro digna Regula est: iube vt noua tibi quærat. Cui, Honorius: Fili, hæc mihi Regula, licet exesa satis est, ac paupertati sufficit: qui meliorem optat, Regulam ipsam, ac conscientiam consulat. Tanto hic Vir humilitatis amore feruet; vt semel Nouanæ Verbum Dei disseminans; vbi plerisque ob inimicitias (quas olim in illo Oppido gesserat) scandali ansam præbuerat; eorum publicè pro suggestu veniam à Populo postulet: quæ adeò Populum commouit, vt vniuersos ad poenitentia lachrymas prouocauerit. Semel cum Bononiæ de Coelesti gloria Fratribus Sermonem proponit; tam ingenti illius luce, ac voluptate à Deo perfunditur; vt in ipso Orationis fluxu, in ecstasim raptus, diu verba cogatur intercipere. In Corsicæ Prouinciam, Generalis Visitator, à Fratre Euangelistâ Generali missus, post visitationem in Ethuriam redit. Cumque iam ætas ingrauesceret (septuagesimum enim iam ætatis annum agebat) animi tamen virtute reflorescente, consuetas corporis macerationes, vigiliæ, ieiunia, orationum studia, quæ ab initio instituerat, nequaquam minuit: illis verò dum sollicitè incumbit, iterum Bononiensis Prouinciæ Vicarius Prouincialis eligitur. Eo in munere cum annum expleffet: quâ die è Bononiensi Conuentu Imolam proficiscitur, pleuritide in itinere correptus, Bononiam redit. Hoc tempore cum Physicus, extrema illi remedia applicaturus, ferreum cingulum, quod circa renes gestabat, animaduertisset; protinùs exclamare cœpit: Heu, Pater, cur te ipsum occidis? Sine, sine, (inquit Honorius) non me,

sed ad-

sed aduersarium occido: interea morbo ingrauescente, cum Vir Dei, optimi Pastoris instar, non tam acuti morbi dolore, quam Ouium, quas presentia sua fouere non poterat, moerore affligeretur: Dei vocem ita se alloquentem audit: *Honori, mihi Oves curandas relinque; tu te ad viam vniuersae carnis peragendam para: haec enim te aegritudo tuo principio reddet.* Hac Dei voce admonitus; ubi plurimas cum lachrymis D. O. M. gratias egit SS. se Ecclesiae Sacramentis communit. Tum Fratres omnes ad memoriam mortis, quam sibi semper presentem in mente habuerat, adhortatur: illosque Patris obitum lugentes, ac collachrymantes, in Dei nomine benedicit: mox animum ad Dei occursum, ardentioribus charitatis stimulis prouocans, paulo post sancto fine in Domino quiescit. Eadem porro hora, qua S. Viri Anima e corpore soluta, ex hac luce decessit: Fater Ioachimus à Cianciano, Tusciae Prouinciae Sacerdos (dum in Ecclesia Montis Politiani orationi vacat) en Ecclesiae fores patefieri, copiosamque Fratrum Minorum Capucinatorum supplicationem, Ecclesiam ingredi animaduertit: qui cum bini incederent, ante Altare Eucharistiae procumbentes, inde Chorum penetrant: horum in ordine postremo Honorium videt, qui inter B. P. Franciscum, & Sanctum Antonium medius, ac splendidus incedebat. Rem ille plurimum admiratus, ab eorum vno sciscitatur: vnde nam tot Fratres simul conueniant? quidue illa supplicatio praefereat? Cui ille: Nos, inquit, Capucini sumus e Coelo venientes, quibus a Deo id officij iniunctum est; vt Honorium, quem inter B. P. Franciscum, & S. Antonium refulgentem conspicis, ad Coeleste Regnum comitemur: Quibus dictis: tota illa Beatorum Fratrum supplicatio Coelestes auras repetit: Porro necdum in Tusciae Prouinciâ, Honorij mors innotuerat: quapropter paucis elapsis diebus, cum de illius obitu nuncium allatum fuisset; eadem hora Honorium Coelesti illo agmine stipatum apparuisse, tunc Fratri prospectum fuit, in qua Vir Sanctus, e terreno carcere ad aeternam Patriam emigrauerat. Post S. Viri obitum illustrior illius gloria cunctis perspicua apparet: Medici enim, qui eius curationi vacauerat, Vxor, Laura nomine, tam graui paralyfi laborabat; vt tota dextri lateris parte membrorum vsu destitutâ, dextri quoque oculi lumine careret, nullaque ratione seipsam mouere posset: Haec, auditâ Honorij morte, spe plena a Marito postulat, vt ad S. Viri Sepulchrum adire liceat. Recusat Physicus, eamque absque vitae periculo eò deferri, praesertim cum foetum in vtero gestaret, affirmat: at illa preces multiplicat, ac tandem

maritus coniugis precibus acquiescit, quadrigamque parari iubet : at Satan , qui nunquam non Sanctorum gloriæ inuidet ; ne ægrotans coeptum iter prosequi valeat, equos terret, ac præter modum addè perturbat, vt quadrigam in diuersa rapientes, in altam foueam cum ægrotante, præcipitem agant : sed illa Deo protegente, illæsa feruatur. Quamobrem Physicus Sathanæ artem agnoscens diuinâ virtute delusam, vxorem famulorum brachijs ad Ecclesiam baiulari iubet. Ægra igitur ad Honorij Sepulchrum delata, sola ibi permanere poscit : tum Sepulchri pulueres deosculari, & lachrymis rigare, Sanctique Viri opem implorare, donec leui somno sopita, Honorium sibi adstare conspicit, qui his eam verbis alloquitur : Surge, Mulier, Deoque gratias age : fides enim tua iam te incolumem reddidit : scabelloque, cui innitebatur, pede expulso, mox euanescit. Ægra verò sibi reddita, cum se prorsus ab ægritudine liberam, atque oculi lumine donatam cernit ; per se, ad Sanctissimam Eucharistiam gradiens, lachrymarum imbre perfusa, Deo gratias agit : domumque rediens, totum itineris spatium, in diuini muneris testimonium, suis pedibus conficit. Foetum verò, quem in vtero gestabat, cuius haud leuiter, ob quadrigæ lapsum, abortus timebatur, cum suo tempore prosperè enixa esset ; Honorium, in tanti beneficij memoriam appellat. Altera quoque eiusdem Urbis Mulier, cardialgiâ laborans, ipsius meritis à morbo liberatur. Fratris Bonauenturæ Bononiensis Sacerdotis Mater dentium dolore, per sex mensium spatium, immaniter cruciata ; prolato huius S. Viri dente, dum eò languentem Matris dentem contingit, mox effugato dolore, tam perfectè à morbo curatur, vt nunquam deinceps eo diuexata fuerit. Tertiaria quædam, Monica nomine, tam graui capitis dolore cruciatur ; vt omni incolumitatis spe abiectâ, breui interitum exspectaret : at S. Viri capite sub ipsius puluillo collocato, breui à lethali morbo conualescit. Frater Benedictus Rhegiensis Capucinus Sacerdos, cum alterum huius S. Viri pedem, è tumulo erutum, sibi ob S. Viri memoriam in Cella conditum posuisset ; tanta repente odoris fragrantia per totum Monasterium effusa est ; vt vniuersi obstupescerent, causamque diligentius inquirentes ; Deum in S. suo glorificarent. Plurima quoque de fune, quo B. hic Vir præcingebatur ; qui Arimini à nostris Fratribus religiosè custoditur ; non obscura narrantur : quo Dæmones in obsessis corporibus torqueri, ac flagellari tradunt. Cardinalis Paleottus, qui Bononiensem Ecclesiam eo tempore moderabatur ; & cum eo Hæreticæ quoque prauitatis Inquisitor, San-

cti huius

cti huius Viri processum, pro ipsius Canonizatione instituire cogitabant: idque re ipsa præstitissent, nisi Fratres rem pro consueta humilitate ægrè ferentes, ac reluctantes, eos à proposito reuocassent. Hoc modo Honorius honorabilis planè Vir, dum in sanctitate, & iustitiâ Dominum honorificat; Is quoque honore, & gloriâ à Deo coronatur. Anno 1569.

FRATRIS IGNATII AB APIRO, CANDIÆ COMMISSARII GENERALIS
VITA, ET GESTA.



ERATER IGNATIVS APIRENSIS Prædicator, in Cretam, quæ hodie Candia nuncupatur à Mario Generali, sub Commissarij Generalis titulo missus; ut ibi Religionem propagaret: illustria ibi clarioris virtutis, ac Sanctimonie testimonia præbet. Vir ingenio admirabilis fuit, omniumque penè ingenuarum Artium peritiam assecutus est, Græcam etiam Linguam tantâ ingenij felicitate adipiscitur; ut non modò Græcorum Libros interpretetur; verum etiam Græcè Verbum Dei disseminet; Hebræi quoque idiomatis haud ignarus fuit. At verò, quod caput est, equa ingenio respondet virtus, quâ adeò inter ceteros præstabat; ut quotidiana, ac perpetua ieiunia seruaret; paupertatem summo studio coleret; humilitate se cunctis subijceret; nulla vnquam vilia officia subterfugeret; charitate mirum in modum excelleret; Orationi verò tam assidue, ac sollicitè vacaret; ut nullum illi tempus absque Oratione, aut Sacrarum Literarum studijs interflueret. In Cretam Insulam missus, in eâ tot præclaris Euangelicæ vitæ exemplis eluxit; tantâque omnium vtilitate Verbum Dei disseminauit; ut totam ferè Insulam ad pietatem perduxerit; vnde & Cretensis Apostoli sibi apud eos nomen comparauerit. Cane tandem mortale corpus deponit. Anno 1569. Post obitum verò, tot cœpit Miraculis coruscare ut ob eorum numerum, & magnitudinem maximamque populi venerationem, tres ante ipsius Sepulchrum diu lampades accensæ pependerit. Sed cum horum memoriam temporum obliuio absorpserit: ab eorum hîc narratione abstinemus.



FRATER PACIFICVS A S.^{to} GERVASIO FRATRVM CAPVC
 APVLIAE, CRETAE, INS.^{ae} GALLIAE, COMM.^{is} GEN.^{is} VENETAE, PROE. VIC. PROV.^{is}

FRATRIS PACIFICI à S. GERVASIO
FRATRV M CAPVCINORVM PROVIN-
CIAE VENETÆ VICARII
PROVINCIALIS.

Nec non

In Apuliâ, in Cretâ Insulâ, & in Galliâ Commissarij Generalis.

VITA, ET GESTA.



RATER PACIFICVS à S. Geruasio, cum in Cœnobio S. Georgij in Alga, apud Venetos, Ordinis illius professus, usque ad vigesimum quartum annum, magnâ cum virtutum laude vitam duxisset: Patre luminum illustrante, ad Capucinorum Ordinem se confert, in quo, cum Vir animo præstans, ac prudentiâ clarus esset: sæpè Vicarij Prouincialis, in Venetâ Prouinciâ munere functus; Generalis quoque Commissarij in Apuliâ, in Cretâ Insula, ac tandem in Gallia onus sustinet. Virtutibus quoque, ac præsertim abstinentiâ, adeò illustris existit. Vt cum arctissima panis, & aquæ ieiunia ter in hebdomadâ, cunctasque B. P. Francisci Quadragesimales inedias inuiolabiliter seruaret, multis denique corpus castigationibus, atque austeritatibus affligeret; vultu tamen semper iucundo conspiceretur. Longas in Oratione ducere vigilias solitus: in ijs raptus sæpè, ac ecstases patitur. Diuini honoris zelo æstuans, cum aliquando Vtini (quæ Vrbs Carnorum est, Venetæ Reipublicæ subiecta) sacra Mysteria celebrat; nobiles quosdam, qui cum altiùs inter se in Ecclesiâ colloquentes, Sacrorum Mysteriorum attentionem impediabant, reprehendens, ea illis verba: *Domus mea, Domus orationis est*, non colloquentium, aut negotiorum obijcit. Hanc Patris increpationem, cum alijs æquo animo accipientibus, ex his alter nimis agrè tulisset, eidem verbis comminari cœpit. At D. O. M. qui iustum suis Sacerdotibus honorem, ac obedientiam vult impendi; contumeliam Sacerdoti illatam, haud inultam elabi finit: vix enim ille domum reuersus, repentino morbo corripitur; ex quo post horam animam exhalat. Illud verò ipsius illustre factum narratur: Cum in Galliam proficiscens, Aurelianum peruenisset; à Catholico Viro exceptus; dum aliquas ibi moras trahit, eò Hæ-

reticus

reticus quidam accedit : qui veram Corporis, & Sanguinis Christi præsentiam, in Eucharistiæ Sacramento pertinaciter negat : Pacificus contrà, diuinis Scripturarum, & Patrum testimonijs id illi persuadere nititur. Ille verò in Hæresi pertinax : Tàm verum est (inquit) Christi Corpus, & Sanguinem verè in Sacramento adesse : quàm verum est, illius arboris fastigium (Quercum altam manu indicans) solum contingere. Cui Pacificus : Quid ais? Si illud arboris culmen sese ad imum demittat, nùm teipsum sub huius Mysterij Fide captiuum dedes? Id profectò (inquit Hæreticus) qui, id fieri haud posse existimabat. Pacificus verò mox in genua procidens; Deum breui oratione precatur : post surgens, Quercui in Dei nomine imperat; vt in diuinæ huius veritatis testimonium, summum fastigium ad imum vsque solum declinet. Res diuina prorsus, atque admirabilis tunc visa fuit : nam vix verba Pacificus protulit, cùm protinùs Quercus procera, atque annosa, dicto obediens, supremum apicem, spectante Hæretico, ad ima defleat, ac Catholicum dogma suâ obedientiâ confirmat : quo ille prodigio commotus, statim ad Catholicam Fidem accedit. Denique Vir hic multis virtutibus clarus, ac pijs pro Religione egregiè laboribus perfunctus; cùm magnam apud omnes sanctimoniam existimationem sibi comparasset, Parisijs, ad laborum præmia euolat : Cuius corpus, cùm ob confluentis Populi multitudinem, quæ ad illud venerandum accesserat, biduo insepultum permansisset; tertio denique die, in Ecclesiâ S. Germani, magno totius Urbis honore conditum fuit. Anno 1575.





FRATER BERNARDINVS RHEGINVS PROVINCIAE
CALABRIÆ VIC. PROVINCIALIS

FRATRIS BERNARDINI RHEGINI
FRATRVM CAPVCINORVM PROVIN-
CIAE CALABRIÆ, VICARII
PROVINCIALIS
VITA, ET GESTA.



BRATER BERNARDINVS RHEGINVS, ex nobili illius Urbis Familiâ ortum ducens; à teneris annis cœlesti quodam dono, pietatis studiosissimus, Ludouico Rhegino ab ineunte ætate arctissimo amicitiae vinculo coniungitur: inter quos, cum tanta animorum similitudo vigeret, vt eodem Spiritu ali, ac moueri viderentur; hinc factum est, vt eodẽ quoque Patre luminum inspirante, eodem non modò anno, mensẽ, ac diẽ; verum etiam eadẽ Vrbe, loco, ac Religionis sensu sæculum exuere; atque in Sacram Minorum de Obseruantia nuncupatorum militiam adscribi festinarent. Bernardinus verò, cum primùm Brixiae, Philosophiæ, ac Theologiæ operam dedisset; Lutetiam Parisiorum missus, eam diuinarum, atque Ecclesiasticarum literarum præstantiam assequitur; vt summâ cum ingenij laude, à Facultate Parisiensi, Doctoratus Lauream adipiscatur, atque in viâ Scoti admiratione dignus habeatur: Cumque incredibilis huic Viro ad summas quasque, ac difficillimas disciplinas capeffendas facilitas inesset; Græcas literas tam breui tempore, tamque perfectè didicit; vt Græcus ipse videri potuisset. In literarijs verò congressibus, ac disceptationibus, tantâ ingenij vi, & acumine, tantâque rerum facilitate; ac luculentia præstat; vt qui semel cum eo congressi essent; illius deinceps eruditionem pertimescerent. Messanæ aliquandò in publicis disputationibus, tantam apud omnes laudem consequitur; vt Georgij, ob summam ingenij excellentiam, ac strenuitatem, quâ in ijs defendendis præcellebat; cunctis acclamantibus, cognomen acceperit. Tantâ morum suauitate præditus exitit; vt se beatos censerent, qui illius consuetudine, ac familiaritate frui possent. Verum illud in eo summâ laude, ac admiratione fuit dignum; quod cum summâ doctrinâ, maximam quoque vitæ probitatem, singularem prudentiam, ac virtutem coniungeret. Quò fiebat, vt cum Regularem obseruantiam apud suos penè dilapsam lugeret: Consilio cum Ludouico ini-

to, Re-

to, Reformationem simul vterq; omni studio, ac sollicitudine quarant. Eam verò cum ab Ordinis Superioribus assequi non possent; Romam profecti, à Clemente VII. Pontifice, Ecclesiam SS. Apostolorum, ad Reformationem instituendam, impetrant. Verum in eâ per aliquod temporis spatium commorati, cum Reformationis propositum à Superioribus impediri cernerent, in Calabriam redeuntes, sese Capucinatorum Congregationi coniungunt. Bernardinus verò ubi se optatâ Reformatione potitum videt, tantâ vitæ austeritate, paupertatis studio, ac cæteris Religiosæ vitæ virtutibus coruscare incipit; vt reliquos suo exemplo ad perfectam Regularis obseruantie formam instruat. Vnico, ac sæpè lacero habitu contentus, qui suâ asperitate sæcularium animos terrebat; manuq; ligneâ Cruce armatâ, Dei Verbum, vbique ardentissimè disseminat. Cum semel Siculas oras peragrat, ibique nulli adhuc Capucinatorum Conuentus extructi essent, ad quosdam Religiosos, velut familiares, hospitij causâ, diuertit: at Superior occasionem nactus, illum comprehensum in carcerem mittit. Inerat autem carceri, in quo Bernardinus detinebatur, fenestra, quâ nemus, Monasterio coniunctum, spectari poterat: ad eam Bernardinus accedens; cum oculos in syluam intenderet; en Adolescentem rufum, aspectu, formâque pulcherrimum, in nemore videt; quem Bernardinus ad se vocatum, interrogat: Num Epistolam ad Regni Proregem illi deferre lubeat: Exemplò (inquit ille) quin etiam chartam, ac cætera necessaria se administraturû respondet. Bernardinus ergò Proregi de iniustis vniculis per literas significat. Adolescens verò epistolâ acceptâ, actutum se proripit, ac velut ex illius oculis euanescebat. Eo tempore Prorex secretiori conclaui inclusus, literarum scriptioni solus vacabat: cum epistolam sibi ante oculos ex alto in mensâ cadentem aspectat: miratur Prorex, quo pacto, quoue auctore, ea tunc epistola delapsa esset; rêque altiori diuino consilio tribuens, epistolam legit, factum agnoscit, rem perpendit; vixque epistolâ perlectâ, ne interuallo quidem facto, ad Conuentum gradum festinat, ac vbi Superiorem acriter increpauit, Bernardinum illicò è carcere liberari curat. Panormi prædicaturus, Vrbe totâ in factiones discissâ, se prius multis lachrymis Deo commendat, deinde breui dissentionibus suâ prædicatione sublati, publicâ voce Urbis Apostolus proclamatur. Catanæ dum ad Populum verba facit, diuino spiritu correptus, futurum incendium eodem planè modo, quo postmodum euenit, prædicit: Rhegij quoque à Saracenens deuastationem prænunciat. Ingenti animarum salutis cupi-

ditate flagrans, plerumque Coelesti diuinarum reuelationum luce illustratur: quâ non modò futurarum rerum euentus verum & cordis arcana, occultaſq; hominum cogitationes penetrat: Nobili viro Rhegino, ſcelus, quod animo ſecum machinabatur, aperit; atque ad poenitentiam perducit. Grauiſſe à Dæmone de Reformatione deferendâ tentatus; Ordinis Obſeruantia, Sacerdoti, amico, tentationem aperit, ac conſilium quærit. At ille cum lachrymis: Quid Bernardine, quod certum eſt, in dubium vocas? Quid animo hæſitas? Quasi tibi incertum ſit, apud quos aut purior Regulæ Obſeruantia vigeat, aut ſecurior animi quies haberi poſſit? Quis magnum inter nos, & Capucinos diſcrimen eſſe non videat? In portu nauigas, quid procellas quæris? Vtinam me grauis ætas, ac canities non impediret: quàm celeres, mihi crede, ad vos mouerem pedes. His auditis Bernardinus, quaſi qui è graui pondere respirat, ociùs ad Eccleſiam properat, vt à Deo gratiam poſtulet. Dum igitur ante diuiniffimum Eucharistiæ Sacramentum proſtratus Deum cum lachrymis orat, en viſibilis IESU Chriſti Domini noſtri illi Maieſtas apparet, illum his verbis obiurgans: *Bernardine, quid eſt, quod me relicto ad alios confugis? An non ego præ omnibus tibi opitulari valeo? Benè ſtas, quid ſedem mutare cogitas? Ignoras haud ſine meo conſilio hanc tibi tentationem accidiffe? Vt ex eâ veram humilitatem addiſcas, nihilque tibi præter diuinæ meæ gratiæ auxilium, arroges. Perge igitur quò cœpiſti: ad hanc ego Reformationem te vocaui, conſilium inſpirauī, animum addidi, vires miniſtraui. Tu vocationem tuam ne deſeras, ſed pro eâ uſque ad mortem certa. Tene quod habes, ne alius accipiat coronam tuam.* Hiſque dictis euanuit. Hac ergò voce Bernardinus confirmatus, pro tuendâ, ac propagandâ Reformatione fugas, carceres, inediaſ, perſecutiones quàm plurimas, alacri deindè animo patitur. Cùm verò aliquandò Aduerſarios, à quibus inſectabatur, fugiens, celeri curſu ad ſyluas ſe proriperet: ab Angelo, qui ſub formoſi Iuuenis ſpecie, poſt tergum illius Caputium apprehendit, hiſ verbis ſiſtitur: Quid Bernardine fugis? Ad quem Bernardinus conuerſus, cùm hominem crederet: An non, inquit, Aduerſarios inſequentes vides, qui Capucinos omnes ad carceres quærunť? Ne metuas, ait Angelus, Chriſtus enim Dominus pro Capucinis ſtat: ac pro eis contrà Aduerſarios pugnat, atque hiſ dictis euanuit. Agebat Bernardinus ſexageſimum ſupra nonum ſuæ ætatis annum: quo tempore Calabria Prouincialis exiſtens, ad Generale Capitulum ſecundò venire iuſ-

fus; eo

sus; eo itinere multa passus est, vixque sesquianno eo munere
 perfunctus, in Conuentu Rhegij in morbum incidit: quem cum
 sibi supremum fore ex supremâ Dei reuelatione accepisset; diem-
 que quo ex hac luce migraturus erat, Fratribus præsignificasset:
 omnibus Sacramentis, multis cum lachrymis, munitus: vniuer-
 sos Fratres tantâ spiritus vbertate, ac verborum vehementiâ ad
 perfectam Regulæ Observantiam, cæterasque virtutes adhorta-
 tur; vt cuncti singularem Viri sanctimoniam, planè admiraren-
 tur. Tùm verò Deo gratias agere cœpit; quod ipsum è dupli-
 ci, Sæculi, & Ordinis naufragio ereptum, ad huius Reformatio-
 nis portum adduxisset, ac pro eâ laborare datum fuisset: quod-
 que tandem in eâ extremum diem suum clauderet; ac sub ipsâ
 B. P. Francisci habitus formâ, in quâ is diem suum obierat,
 hinc & ipse migraret. Postremò à Fratribus omnibus, qui ad-
 stabant, & longè aberant; si quos eorum dicto, vel facto offen-
 disset; supplex veniam petit: ac tandem Oleo Sacro inunctus,
 se ad extremum illud certamen parat. Dùm is ergò totus Cœ-
 lestibus rebus intentus, obuiam Domino ire contendit, Fratres-
 que Sacras Litanias pro eo recitant: En Bernardinus Christum
 Dominum, magno Angelorum, ac Sanctorum agmine stipatum,
 ad se venientem intuetur. Quapropter vocem extemplò attol-
 lens, ait: Vnde hoc? Vnde hoc mihi, Domine, vt tu Cœlorum
 Rex, ad me vile lutum, ac plasma venias? Sat est, Domine, quod
 me placatus suscipias, & dignum tuâ misericordiâ præstes. Vix
 hæc vultu hilari, ac manibus in Cœlum erectis, verba protulit;
 cum ipsius anima è corporis ergastulo soluta, in Domini sui si-
 num euolat; atque in æternum coronanda, lætantibus Angelis
 illum in Cœlum redeuntem sequitur. Quod ne cuiuspiam dubi-
 um esse posset: vix anima illa è corpore egressa fuit; cum hoc
 ipso tempore, Cœlestis Angelorum concentus, ab ijs omni-
 bus, qui præsentibus aderant, auditus fuit; tantâ suauitate com-
 pactus; vt cunctorum animos, ac mentes in Cœlum attraheret.
 Caro verò illius mollis, ac tenera euasit: manuumque, ac digito-
 rum, atque aliæ membrorum iuncturæ adeò flexibiles, perindè ac
 si viuus esset visæ fuerunt: facies denique canitie resperfa, ita vniuer-
 sis venusta, ac grata apparuit; vt dormientis potius, quàm mortui
 speciem præ se ferret. Post multos verò annos, Bernardini corpus
 conquisitum; ita sanum, & incorruptum reperitur; quasi pridè il-
 lius diei tumulatum fuisset. Obijt vir Sanctus Anno 1536.



FRATER LVDOVICVS RHEGINVS PROVINCIÆ CALABRIÆ
VIC. PROVINCIALIS.

FRATRIS LVDOVICI RHEGINI
FRATRVN CAPVCINORVM PROVIN-
CIAE CALABRIÆ VICARII
PROVINCIALIS
VITA, ET GESTA.



PRATER LVDOVICVS RHEGINVS, præclaris naturæ, & gratiæ donis auctus, ac illustratus; inter potissimas, atque illustriores Religionis columnas, iure merito adnumeratur. Adolescens, Christaldus nomine, ad studia procliuis, à Patre, Ludimagistro instituendus traditur. Patre verò mortuo, iterum ad pascuam reuocatur. At generosus Adolescens in bouum curam nihil grande, nihil præstans sibi sperandum fore animaduertens; Patris sui mortem irremediabilibus lachrymis deflet. Quapropter Matre iubente, Christaldus è bouum pascuis, rursus ad literarum studia redit, ac in ijs tam foelici Mineruam proficit, vt breui ludum literarium aperire, ac Præceptoris Cathedram magnam cum ingenij huius sibi comparare mereatur. Tandem Christaldus corpore castus, vultu verecundus, facie modestus, sermone comis, eam in moribus grauitatem, ac præstantiam præ se fert; vt in iuuenili corpore, senilem prorsus animum gestare videatur. Vir denique tantam temperantiam, tantam mansuetudinem, tantam vitæ innocentiam, tantamque integritate præditus elucet; vt (cùm nemo vllò laudis genere, eo præstantior videretur) suam virtutum luce toti Rhegensi Vrbi præfulgeat. Fidelissimum Achatem Bernardinum Rheginum hoc tempore habet: cuius sanctam, honestamque conuersationem fit; vt velut Cœlesti vinculo attracti, simul Religionis Spiritum, ipso Patre luminum inspirante, concipiant: eiusdemque Religionis habitum, vnâ die, eodemque tempore, Patrum Obseruantium militiæ adscripti, suscipiant: vbi Christaldi nomine, in Ludouicum commutato, mirum est, quantam curam, ac sollicitudinem Nouus Tyro, totum ad interioris, & exterioris hominis renouationem se conferat. Humilitatem, tantam omnium virtutum columnam, ac custodem, sibi amicam, & familiarem conciliare curat. Orationis quoque tam cupidus existit; vt Philosophicis studijs addictus; maiorem tamen diei, ac noctis

partem

partem in rerum diuinarum contemplatione infumat. In Conuentu quinque Frondium degens, & ad ægrotum moribundum accedens, seorsumque secedens, humi super Calepodia genuflexus, per sex, & amplius horas orans, cum Dæmone luctatur. Vincit tandem diuinâ virtute Ludouicus, pulsoque humani generis hoste, ægrotus foeliciter in Domino obdormit. Carnem suam quotidianis ferè ieiunijs castigans, Spiritus imperio subiugat. Cilicium ex pilis fuillis contextum, sibi domesticum habet. Absolutis Theologiæ studijs, tanto spiritus ardore, ac verbi efficacîâ, quam diuinus illi Spiritus administrat, sacri Verbi semina diffundit; vt admirabiles planè in hominum animis, tum ad poenitentiam, tum ad virtutes, motus agat. Adhuc inter Obseruantes degens, non modò sapè mente excedit, ac in ectasim rapitur, sed etiam interdum corpore sursum in aëra effertur. Pleraque etiam quæ futura sunt, diuino Spiritu prædicat Patriæ à Gallis liberationem, Fratribus Sermonem habens, prænunciat: sexque alijs Prædicatoribus præsentibus, vt eam Populo annuncient, iniungit. Oculos in Puerum conijciens, Matrem admonet, graue illi Puero imminere periculum: qui paucis diebus elapsis, in ignem delapsus, in manifestum vitæ discrimen, manuum neruis contractis, adducitur. Cum in Thurij noui Conuentu præest: Familiæ, pane ad refectionem deficiente, calidos, ac recentes, Miraculo à Deo suâ Oratione impetrat. Interim Ludouici spiritu ad perfectam Regulæ Obseruantiam, quam passim in Ordine collabentem cernit, summo studio flagrante; animum ad Reformationem confert. Romam cum Bernardino Rhegino proficiscitur, facultatemque à Sanctissimo obtinet, quâ in Conuentu S. S. Apostolorum, cum alijs reformatè viuere valeant. Veruntamen cum nemo ex Superioribus esset, qui pio eorum instituto faueret, post biennium in Calabriam reuertuntur: vbi nouâ apud suos Reformatione excitatâ, ac paulò post callida aliquorum arte oppressâ: tandem Deo Auctore, ac ductore, simul cum Bernardino Rhegino, ac alijs duodecim Religionis Capucinatorum habitum summâ cum deuotione induit. Postmodum Ludouicus, cum tantâ prudentiæ, Consilij, virtutum omnium, ac sanctimonîæ laude floreret, Vicarius Prouincialis eligitur, ac Calabriæ Reformationis Apostolus assertitur. Reformationis Capucinatorum verè columen, natalem Religionem summis in angustijs positam, suâ virtute sustentat: tantamque in tot calamitatibus fortitudinem animo seruat; vt ingruentes Aduersariorum perfectiones, & illatas iniurias nedum ægrè ferre, sed ne sentire quidem videatur:

deatur: sicque fit, vt Deo illum præseruante, diuino Miraculo aliquandò à persequentibus liberetur; eoque Capucinatorum nomen à Pueris, Deo inspirante, in Calabriâ primam originem trahat. Semel autem Ludouicus, solus fugam capiens, annis grauis, verùm multò ieiunijs, ac vigilijs grauior, in fossam spinis, ac lapidibus obstitam labitur. Cumque eo casu ita sibi crus læsisset, vt indè deinceps emergere non valeret: B. P. Franciscum inuocat. Energò B. P. Franciscus è Cœlo præsens languenti Filio adest, illum è foueâ liberat, curat, verbis consolatur, animum erigit; & ad cœptum Reformationis opus strenuè prosequendum excitat: se eodem Capucinatorum habitu indutum ostendit, suamque illi è Cœlo opem, & tutelam vbiq̃ue pollicetur. Sedatis verò aliquantisper difficultatibus, noua bella aduersus carnem instruit: ieiunia illi quotidiana sunt, in quibus ab omnibus præterquàm à quadragesimalibus cibis, idque parcissimè, abstinet. Flagellationes ad totos septem Psalms pœnitentiales distinctè, ac morosè prolatis, protrahit: hispido, ac asperrimo cilicio, ac sæpius ferreâ loricâ, carnem defatigat: nudis semper pedibus, sine sandalijs incedens, laboribus, atque itineribus conficit, alijsque castigationibus domat: sibi autem austerus, erga cæteros charitate effusus videtur: eoque fit, quòd tempore, quo ante ieiunia Fratribus animi remissiones permittuntur, in extasim raptus; toto corpore in sublime eleuetur. Paupertatis Euangelicæ seuerus sectator ab omni prouisione abhorrens, Socio semel præ fame, & itineris labore deficiente, panem suâ Oratione à Deo impetrat: Dumque Romam aliquandò pergit, Cubiculario Nuceriæ Ducis cum alijs Socio sibi adiuncto, fame languenti; precibus suis panes è Cœlo recentes allatos distribuit: quibus refectus statim conualefcit. Cum autem aliquandò Cubicularius præcederet, integrumque ferè diem Ludouicus: ac Socij ieiuni peragrandò consumpsissent: Socijs labore, & inediâ deficientibus, breui illis hospitium pollicetur, etiamsi nulla in latâ planitie, niue vndique opertâ, domus, aut hospitium appareret: Paululùm verò progressi, tugurium luto, ac viminibus textum, ac paleis coopertum, extemplò sibi proximum vident. Quò cum accessissent, Senem quendam in ianuâ grandæuum cernunt; qui illis festiuè occurrens, hilari vultu Ludouicum complexus, omnes humanissimè excipit, ac omnibus hospitalitatis officijs flagrantissimâ charitate prosequitur. Manè verò illucescente, Senex Ludouico seorsum ducto, prolixum cum eo colloquium habet, illumque discedentem tam charo amplexu prosequitur; vt vix ab eo diuelli pos-

se videatur. Necdum Ludouicus cum Socijs per iactum lapidis à tugurio absunt, cum illic charitatem Senis laudibus extollentes, & benedicentes, ad tugurium conuersi, Crucis signo munire cupiunt: sed tugurium, ac Senem euauisse comperiunt; neque aliud præterquam latam planitiem, niue tectam, oculis conspiciunt. Cumque rem stupidi admirantur, Senem Petrum Apostolum fuisse, qui eum ad Reformationis opus prosequendum adhortatus fuerat; à Ludouico intelligunt. Cum aliquando per Leucaniam cum Socijs graditur, à Topino Hospite meritorio exceptus, deficiente oleo, Ludouici orationibus, vas oleo vacuum, plenum reperitur, diuinæque virtute ob Ludouici merita multiplicatur. Neapoli, nobili Adolescenti spiritu Prophetico, liberationem ab angustijs, quibus premebatur, & ad Tertij Ordinis B. P. Francisci habitum vocationem prædicit. Feruentiori spiritu præditus, Dei Verbum populis disseminans, opereque confirmans, vberimos animarum fructus, ac lucra Domino refert. Dum Palmæ prædicat, illius deuastationem à Dragut Pyratâ prænunciat. Thurij in suggestu subsistens, cladem multorum Ciuium in Rheginâ Vrbe patrari, Deo reuelante, conspicit: eamque Concione absolutâ nobilioribus quibusdam Viris significat. Seminariæ apud Brutios, inter concionandum repente toto spectante Populo (dum in mentis excessum raptus, diu immobilis, atque oculis in Cælum defixis perstitisset) Populis obstupescens, post aliquod tempus ad se rediens: iam, inquit, ô Seminaria, ex Patriæ meæ funeribus redeo: iam Rhegium à Turcis captum, atque incendio deuastatum, Ciuium cædibus, ac sanguine redundat. Rursus quoque eiusdem Urbis excidium, ac deuastationem sub Barbarosâ Pyratâ, longè antea quam eueniret, præsignificat. Pro suggestu agris longâ ariditate sitientibus, sereno Coelo, copiosum imbrem eo die Oppidanis prænunciat. Diabolum sub Iuuenis specie, illius prædicationem impedire volentem, Populo detegit, atque expellit. Nobili cuidam Viro nuper desponsatam Vxorem domum ducenti, trium Natorum, Masculam, ac totidem foeminarum prolem, ex eo coniugio prædicit. Mulieri cuidam Coniugis reditum, aliaque prænuntiat. Alteri nedum foetæ, mortuam prolem parituram, præsignificat. Fratri Angelo à Calumniâ futuram tentationem, & post eam mortem annunciat. Nec mirum inter hominum enim frequentiam. Ludouicus, vbique suspensum in Deum animum gerens; tantam animo diuinam lucem haurit, & tantâ spiritus vi plerumque fursum agitur; vt & corpore ipso altius illum in aëra efferri contingat. Fra-

ter E-

ter Elifæus Messanenſis, cùm Meſſanæ inter Carmelitanos Æditi officio fungeretur; ſæpè intempeſtæ noctis horâ è ſtrato furgens, & ad emungendas lampades, ad Eccleſiam pergens; Ludouicum quadrageſimale prædicationis officium obeuntem; ante ſacroſanctæ Echariſtiæ Sacramentum orantem, altiùs à terrâ elevatum videt. Quod cùm oculis ſuis ſapiùs ſummâ cum admiratione vidiffet: diuino illo teſtimonio permotus, ad Capucinos ſe transfert. Ruſſum Ludouicus pro Puerò ægrotante orans, fuſſum corpore agitur, Puerque matri incolumis redditur. Dùm ſemel in Choro diuinas laudes perſoluit; ac præſertim Pfalmum: *Beati immaculati in viâ*, cum alijs decantat; ſepè cubito altiùs paulatim è terrâ attolli conſpici- tur. Solus etiam aliquandò dum in Eccleſiâ orat, Nouitiuſ quidam eximiâ mentis puritate præditus, globum igneum ſuper ipſius caput efferri intuetur. Inter tot tantaque ſanctimonię ſigna, profundiffimâ ſui ſemper abiectione ornatur: At verò quanta inde illius apud Deum merita exurgant, Deus plurimis, præter ea, quæ enarrata fuerunt, Miraculis teſtatum eſſe voluit: Nobiliſſimi enim Viri Locrenſis Matri, Signo Crucis ſuper oculos formato, lucem reſtituit. In Rhegij Conuentu, panem è Cœlo Operarijs impetrat. Ipſius baculus Tertiariuſ mirabiliter à Canibus pecuarijs liberat. Infantem à Matre oppreſſum, ad vitam reuocat. Bernardino Rhegino prædicit, quòd, quanquàm illi in Officio poſterior ſucceſſerit, prior tamen ſex menſium ſpatio, ex hac luce migraret; atque illum quidẽ paulò ante Natale Domini, ſe verò non longè ab ipſius Reſurrectione hinc conceſſurum prænunciat: quæ ſanè vtrique ad amuſſim contigerunt. Fratre Angelo à Calumniâ, nec non Fratri Archangelo à Poliſtenâ, obitum prædicit. Forliti Nobili paralitico, qui vt priſtinam illi à Deo incolumitatem impetret, poſtulat, diem mortis præſignificat. Inter concionandum, Populo obitum ſuum prædicit, ac poſt Concionem, Antonino Nobili, vltimum eum diem ad vitæ periodum vocare confirmat: ſub veſpertina ergò horæ tempus, laterum dolore corripitur: ingaueſcente porrò pleuritidis morbo, Pœnitentiæ inprimis Sacramento, tùm Sacro Domini corpore, velut Cœleſti alimoniâ ſe ſaginandum curat. Id verò cùm allatum fuiſſet, mox toto corpore illud proſtratus adorans, totus in Deum præ amoris vehementiâ abſorptus, haud ſecùs, quàm cera ad ignis conſpectû animo liqueſcere videtur. Fratres interea obitum ſuum deſcentes pijs verbis conſolatur, ac Reformationis propagationem prænunciat: tandẽ eos efficacioribus, quoad poterat verbis, ad perfectam Regulæ obſeruan-

tiam adhortatus; dato singulis pacis osculo, viribus repente incipit destitui, & inter Fratrum preces, ac lachrymas spiritum Deo reddit. Anno 1537. Quo tempore, Tertiarius optimæ conuersationis Vir præfulgentem stellam è Ludouici cellâ prodeuntem, ac Coelos velocissimè penetrantem conspicit. Paralyticus quoque Ferlitenfis Ludouicum Astra petentem intuens; exclamare incipit. Exspecta Pater; exspecta dum venio: mox Animæ, ac Domus suæ rebus optimè dispositis, triduo post (quemadmodum illi à Ludouico prædictum fuerat) excedit è vitâ. Tertij etiam Ordinis Frater, qui Minoribus Obseruantibus ministrat, Vir eximiâ virtute, & integritate præditus: cum in Conuentu Quinque frondium extremo conflictu cum morte colluctaretur, ac iam iam animam efflaret: eâdem hâc B. P. transitus horâ, velut è somno euigilans, adstantes Fratres repente his verbis compellare coepit: O, ô, Fratres, quàm lætum, quàm gloriosum spectaculum! O, ô, qualis splendor! O qualis gloria! Annon cernitis? Fratribus verò quidnam illud esset sciscitantibus: O Fratres (inquit ille) si cuiusdam magnæ gloriæ, & vos spectatores esse vultis, citò egredimini, & Mottam Philocastri versùs intenta lumina coniicite: inde enim gloriosam illam Ludouici Rhegini Animam, flammei globi instar, rectâ in Coelum conscendentem conspicietis. At illi confestim exeuntes cum Mottam versùs inspexissent, igneam columnam ex eâ parte sese in Coelum efferentem conspiciunt; quæ emicantem Ludouici Animam referebat. Tertiarius verò paulò post hæc dicta, ex humanis migrat. Cum autem Ludouici Corpus in Ecclesiam delatum esset, tam ingens vtriusque sexus multitudo ad illud venerandum confluxit; vt diutius insepultum iacere cogeretur, plurimæque tunicæ, quibus successiue tegebatur, Populorum affluentium deuotioni vix sufficere visæ fuerunt. Caro verò illius post mortem nullatenus à colore pristino immutata, nihil triste, aut squallidum, aut funestum, sed iucundam potius, ac gratam viuientis speciem præseferbat: tenera quoque, mollis, ac tractabilis suauissimum odorem efflabat. Mox sacrum illud Corpus Miraculis coruscare incipit. Paralyticus imprimis illius Corporis contactu conualuit. Claudus, ac distortis tibijs, absens, se Ludouico commendans, curatur. Illius Corpus post triennium incorruptum reperitur. Interea Nicoteriensis Episcopus, excrescente Miraculorum famâ, quæ ad S. Viri Corpus diuinâ virtute patrabantur: eò cum suo Vrbis Clero se confert, ac Pontificalibus indutus, Ecclesiastica Officia circa B. Viri Corpus; quod suauissimum sem-

per odo-

per odorem exhalabat, Fratribus Clero adiunctis, persoluit. Mulier quædam ex indiscretâ ergâ Virum Sanctum deuotione, vi impulsâ, digitum è dextrâ ipsius manu dentibus amputans, mirabiliter à Deo flagellatur: at digito à muliere restituto, flagellum cessat. Digni eiusdem contactus à mortis periculo, & à graui morbo, bis, Fratrem Bernardinum Rheginum iuniorem liberat; & dentium dolorem à quamplurimis alijs fugat. Ludouici Capucium, suauissimum odorem efflans, Nouitium ab inconstantia spiritus seruat. Quamplurima alia hîc signa, ac Miracula commemoranda essent, per quæ D. O. M. serui sui Ludouici gloriam, merita, ac Sanctitatem illustrauit; quæ partim Nostorum humilitate neglecta, ac obliuioni tradita, perierunt: partim minùs probata, sese nobis obtulere. Hæc verò quæ certâ, ac iuratâ testium fide, probatissima sunt, huc colligenda duxi. Cum igitur Fratres venerabile Corpus, honorificentius condendum transferunt: illud, quod per triennij spatium humi conditum iacuerat, tam integrum, tam solidum, tam molle; membraque adeò tractabilia apparere; vt soporantis potiùs, ac viuentis, quàm defuncti imaginem exhiberet. Tantus denique, tamque ingens Populi excreuit concursus; vt ad turbas, quæ fiebant sedandas, Fratribus necesse fuerit, Sacrum illud pignus rursus in publicum producere, ac turbis aspectandum proponere. Hinc apud superiores Calabros, non alia, quàm Beati appellatione cohonestatur. Plerique etiam Scriptores eundem Beati titulo prosequi non verentur. Inter quos sunt Dauid Romæus, lib. de septem Vrbis Neapolitanæ Protectoribus: Angelus Hispanus, in Chronico, de rebus Rheginis: Prosper Parisius, Consentinus, in Descriptione Calabria; vbi de Viris illustribus Calabris agit: & alij.





FRATER FRANCISCVS TITELMANNVS^{Belga} FF. CAP.
PROVINCIAE ROMANAE VICARIVS PROVINCIALIS

FRATRIS FRANCISCI TITELMAN-
NI FRATRVM CAPVCINORVM PRO-
VINCIAE ROMANÆ VICARII

PROVINCIALIS

VITA, ET GESTA.



RATER FRANCISCUS TITELMANNVS
Belga, præclaræ indolis Adolescens, atque admira-
bili ingenio præditus: cum ad decimum sextum
annum peruenit, omnium ingenuarum Artium
cognitionem, ac disciplinam assequitur. Iuuenis lin-
guarum ferè omnium peritiam velut panopliam,
tùm ad Scripturas vero sensu interpretandas, tum ad Hæreticos
profligandos, præsertim verò Hebraicæ, Chaldaicæ, ac Græcæ lin-
guæ sibi copiam comparat: Huius postremæ tam perfectè scien-
tiam adipiscitur; vt (quamuis Latinæ linguæ nomenclator esse pos-
set) facilius tamen Græco quàm Latino sermone vtatur. Inest præ-
tereà iuuenis Francisci animo diuinum quoddam semen, à Deo in-
ditum: quo ad pietatem, ac res diuinas suapte naturâ impellitur:
tandem valido inspirationis afflatu, à pestifero mundanæ conuersa-
tionis vbere diuulsus, ad Obseruantium nuncupatorum Religio-
nem suauiter compellitur. Vbi humilitati cumprimis, sui ipsius ab-
iectioni, obedientiæ, altissimæ paupertati, sensuum mortificationi,
abstinentiæ, silentio, ac reliquis virtutibus, denique tam perfectè
Regularis Obseruantiaæ disciplinæ studere incipit; vt scientiarum
peritiam, cum summâ virtute coniungat, ac posteriori pietatis glo-
riâ cumulet. Ad studia Theologica promotus, ita excellit; vt Loua-
nij Professor electus, Academiam plurimum suâ doctrinâ illustra-
uerit. Quo tempore plurima, tum in Philosophicos, tum in Sacros
Libros Commentaria, atque alia Opera edit. Erasmus Roteroda-
mum suis scriptis tam acriter exagitat; vt ipse Erasmus sæpè dicere
soleret, se nullius, præterquàm vnius Titelmanni eruditionem perti-
mescere. Strenuè quoque contra Iacobum Fabrum scriptis decer-
tat: quibus se acerrimum Catholicæ Fidei defensorem non obscu-
rè præstat. Collabescente verò Ordinis disciplinâ, cum Fratre Leo-
nardo, suo olim discipulo, & Fratre Martino Laico, è Belgio digres-
sus, Lutetiam Parisiorum proficiscitur: ibique adiuncto sibi Fra-
tre Fran-

tre Francisco à Soletro, Viro doctrinâ, ac vitæ integritate insigni, Romam versùs iter arripit: Vbi à Bernardino Astensi, cum reliquis, Reformationis habitu donatur, ac Mediolani Lector instituitur. Ipse verò eo honore neglecto, ad Incurabilium domum, in quâ tunc Fratres ministrabant, destinari, atque ægrotis inferuire, à Generali, tametsi ægrè, impetrat: Ex antiquo enim Ordinis Chronico didicerat: id inter alia B. P. Francisco reuelatum fuisse: Minorum Ordinem, non ad multarum literarum studia sectanda, sed ad Christi potius disciplinam amplectendam, à Deo institutum fuisse. Hinc eni B. P. Franciscus illa Christi verba Apostolis dicta, de Minoribus suis interpretabatur. *Vobis datum est nosse mysteriũ, Regni Dei, cæteris autem in parabolis.* Luc. 8. Ægrotorum igitur curæ addictus, ea sibi munera libentiùs obeunda eligit; quæ carnis sensum magis oppugnant: eâque semper spiritus alacritate in hæc charitatis, ac humilitatis officia fertur, ac si non ægrotis hominibus, sed ipsi Domino obsequeretur. Denique tanto studio paupertatem amplectitur; vt in solâ rerum penuriâ gloriari videretur. Cum semel nonnulli ex sæcularibus Viris, qui Louanij ipsius Auditores fuerant, illum his ægrotorum obsequijs mancipatum vidissent, interrogassentque: Cur, aut Romæ non legeret, aut librorum scriptioni operam daret, quibus plurimos iuuare posset: at digna Titelmanno responderet: extendens namque ille manum, atque egrotos indigitans: Hos, inquit, egrotos cernitis? En libros meos: En Codices, quos manibus meis compono: hi Ambrosij; hi Augustini; hi Chrysostomi mei sunt, quibus singulis diebus studeo. Haud tamen eo tempore illius mens ingenij foetibus assueta, otio torpet. Librum enim in lucem edit, de Exercitijs Religiosorum, qui plurimùm ad pietatem confert. Ab ijs tandem charitatis, & pietatis officijs, à Bernardino Generali euocatus: ad grauiora Religionis negotia transfertur, ac Romanæ Prouinciæ Vicarius Prouincialis, ferè omnium votis, tametsi inuitus, præficitur. Eo porrò in munere, præter ea virtutum genera, quæ non omnibus communia, sed Pastoribus tantùm propria esse solent; tot alia præclarissimarum virtutum ornamenta sibi comparat, quæ singularem duntaxat personam consequuntur; vt nemo facillè alium reperiri posset, qui humilitate, modestiâ, benignitate, moderatione, animi lenitate, ipsum antecellat. Admirabilis in eo, ac penè incredibilis relucet vitæ austeritas: quâ fit, vt nudis ferè semper pedibus, in ipsâ quoque visitatione incedat, quotidiana ieiunia colat, semelque in die cibum sumat, tabulis pro strato vtatur, somni parcus maiorem inter-

dùm no-

dum noctis partem in orationibus infumat. Quanquam verò corpore delicatus existeret, seueriores tamen carnis castigationes tam auidè amplectitur, vt ijs sapè ad breuiorem vitæ cursum facile viam strauisse cunctorum fuerit opinio. Paupertatis amator zelantissimus, cellulam quandam pauperrimam ex contextis viminibus, & luto exstructam, sibi seorsim parat. Tanta in viro Dei elucet faciei venustas, tanta vultus hilaritas, ac morum suauitas, vt nemo in eum oculos conijceret, aut loquentem audiret, qui Angelicum, ac celestem hominem esse non existimaret. Incredibili charitatis æstu feruens, Vir præclarus, Martyrijque desiderio flagrans, id facile affectus fuisset, nisi vitæ ipsius stamina Mors immatura abripuisset. Tandem secundam visitationem auspicaturus, Anticolim peruenit, vixque Monasterium ingressus, cum à Guardiano, & à Fratribus instar Angeli omni honore excipitur; adhuc valens, & incolumis, ad eos conuersus, ait: Quid honoris paratis, parate Patri vestro sepulchrū, ad vos enim moriturus accedo: Deo enim reuelante didicerat, se ibi vitæ colophonem impositurum; vix igitur biduo elapso, febri agrotare incipit, succedente deinceps copioso sanguinis fluxu, Vir Dei vitæ finem sibi imminere præsentiens, protinūs omnia sibi Sacramenta administrari curat, ac Fratres omnes ad se vocatos cœlestibus verbis ad perfectam Regularis disciplinæ obseruantiam hortatur, paternaque cunctos benedictione prosequitur. Porro in extremā illā ægritudine, quæ ad vigesimum circiter suprā octauum diem producta fuit, tot inuictæ patientiæ, insignis tolerantia, ac diuinæ charitatis testimonijs eluxit; vt, cum eo tempore totus laudibus diuinis decantandis incumberet, summamque vultus hilaritatem præferret, non agrotus, aut moriturus, sed potius melioris vitæ trophæa ad quæ ocius properabat, cœlestis cuiusdam signi instar suo cantu referre videretur. Necdum igitur biennio sui Prouincialatus munere expleto, ex hominum consortio ad superiorem Societatem euocatur Anno 1537. Nec Senex, nec longæuius Titelmannus obit, cum vix 40. circiter annum attingeret. At Senectus venerabilis, non temporis diurnitate, neque annorum numero computatur: Cani enim, teste Salomone, sunt sensus hominis, & ætas Senectutis, vita immaculata. Inter Capucinos autem, vix ad tertium non ampliūs annum vitæ lineam extendit, at consumatus in breui expleuit tempora multa. Vix illius anima à corpore soluta fuit, Anno scilicet 1537. cum ipsius Sanctitatis odor vbique passim diffundi cœpit. Ioannes enim Cardenus de Tapia, Vir venerabilis, leui sopore inuasus, mox in va-

M

stam

stam quandam & admirabilem planè ciuitatem se delatum cernit, in quâ, cum clarissimus dies effulgeret, vniuersas illius domos, vicos, plateas, Palatia christallina intuetur, in hæc dum admirabundus animum intendit, & copiosum, ac gloriosum Capucinatorum coetum, qui quingentesimum numerum excedebat, binos, ac binos, velut in supplicatione dispositos, Urbem ingredientiæ conspicit; cuncti bifinas candidissimasque tunicas (quæ apud nos albæ appellari solent) induti, Sacerdotales casulas, quasi Sacra facturi, gerebant: inter hos medium Franciscum Titelmannum in feretro albo, ac gemmis pretiosis ornato, decumbentem, à quatuor iunioribus, qui inter eos pulchriores, ac splendidiore videbantur, humeris deferri cernit. Erat & ipse Franciscus Sacerdotalibus, ac pretiosissimis vestibus indutus, qui tametsi in feretro, quasi mortuus iaceret, haud tamen mortui, sed viuentis vultum, ac formam sibi præferre videbatur, tantaq; venustate præditus erat; vt cunctos suo aspectu exhilararet. Porro nouus ab omnibus per choros Hymnus, quem nunquam is aut audisset, aut legisset) tantâ suauitate decantabatur; vt illum in coelestem voluptatem raperet. Stupet Ioannes qui Titelmannum necdum diem suum obiisse intellexerat, quidûe ea visio præferret, ignorabat: cum altera quoque æquè illustris Bernardino Archidiacono, Ioannis Socio, de Titelmanni gloriâ eodem tempore visio demonstratur. Ipse enim in mentis excessum raptus, Franciscum Titelmannum, micanti loricâ, totâque pretiosissimis gemmis, artificiosissimè elaboratâ armatum, quæ splendorem radiorum instar circum circa diffunderet, altius super lacum, qui per Cinthyani planitiem se diffundit, in aëra subuectum cernit: qui cum Bernardinum hilari vultu, gratoque aspectu per aliquod temporis spatium intuitus fuisset, quasi qui amico iucundè subrideret, repentino post hæc turbine in Coelum raptus, ex ipsius oculis euauit. Hæc porro cum Bernardinus cum Ioanne contulisset, isque vicissim, quæ in visu, aut sopore viderat, retulisset; en Nuncius Anticolo aduentat, qui Titelmannû eo prorsus tempore, quo vtrique visio demonstrata fuerat, ex humanis emigrasse narrat. Optauerat verò Ioannes Titelmanno suadente, rebus suis maturè consulere, & quæ propius illius salutem attingebant, ardentius prosequi. Iam verò de Francisci obitu certior factus, cum se illius consilij spe deiectum cernit, vehementer animo discruciat: at paucis inde diebus, cum tristis aliquandò se sopori dedisset, illustri, horrendâ tamen visione (quæ fusiùs apud Admod. R. P. Zachariam Bouerium enarratur) potitur: ex quâ tam animo,

corpo-

corporeque defatigatus, tamque graui morbo affectus, ad se ipsum redit; vt quindenorum dierum spatio, febre correptus in lecto iacere cogatur. Cum autem posthec, Ioannes, que in eo visu perspexerat, flens secum aliquando animo volutaret: en Titelmannus meridiano tempore cubiculum ingreditur, Ioannemque in lecto decumbentem (quo tempore febris adhuc ardore laborabat) charissimè, vt solebat, salutat, blandeque Ioannis manum arripiens, velut amicum consolatur, visionem explicat, confestimque se illius ex oculis subripit, metuque omni, ac mœrore; quem Ioannes ex præteritâ visione conceperat, ab illius mente expulso, febrem quoque, quâ eousque fatigatus fuerat, secum tollit. Præclaram huius Viri Sanctimoniam D. O. M. plurimis post mortem signis, ac Miraculis cunctis testatam esse voluit. Post 4. ab ipsius obitu annum, cum in ipsius Sepulchrum aliud defuncti Fratris cadauer infertur, Titelmanni Corpus non quâ parte parietem versus collocatum fuerat, sed facie ad Cœlum conuersâ conspicitur: cumque vberior aqua in Sepulchrum defluxisset, corpusque corrumpi, aut tabefieri oportuisset: habitu putredine consumpto, Corpus integrum, solidum, ac incorruptum, non sine Miraculo cernitur. Caro verò illius mollis, alba, ac tractabilis, qualis uiuentium esse solet, deprehenditur. Talis denique ac tam suauis ex illius Corpore odor diffunditur; vt eò vniuersi, quasi cœlesti quadam suauitate inebriati, stupentes consistant. Mox plurima ægrotorum multitudo ad illius Sepulchrum confluit, à quo quamplurimi Sancti Viri opem efflagitantes, optatâ à Deo incolumitate impetratâ, voti compotes ad propria redeunt. Lucas Burgesius Archipresbyter Anticolensis inter alios, rursus Sancti Viri aspectu frui desiderans, Guardiano precibus annuente Sepulchrum ingressus, Sanctum Corpus post tot sepulturæ annos, vt prius, incorruptum, carnem mollem, ac palpabilem, suauissimo denique odore fragrantem offendit. Quamobrem diuino illo prodigio commotus, cum vnius oculi luce omnino orbatus esset; altero ob graue senium quo prægrauabatur (erat enim septuagenarius) sine conspicijs, clarè uti non posset, fide plenus, Viri Dei merita, ac suffragia implorat, manum defuncti oculis admouet, extemploque cæcum oculum luci restitutum, alterum verò tam clarè illustratum sentit; vt absque conspicijs ad extremam vsque centum annorum senectutem, Missas, & Horas Canonicas legat. Anno verò 1602. Nobilis foemina Laura Fabricij Mancini Anticolensis Vxor, per duodecim annorum spatium dextri oculi lumine frui non valens, gossipio, quod sacrum illud Caput attigerat, oculum

tangit, mox diuino Miraculo, morbo expulso, clara lux oculo restituitur. Catharina quoque Anticolensis, Sfortiæ quondam Anticolensis filia, periculose laborans, eodem gossipio gutturi applicato, à gutturis morbo curatur. Ipsius habitus segmen, plerisque ægrotis incolumitatem præstat: inter hos Fœmina quædam à sanguinis fluxu liberatur. Huius Sancti, atque Insignis Viri apud omnes ferè nostræ tempestatis Scriptores Illustris est memoria; atque inter alios apud Sixtum Senensem, in sua Bibliotheca, Lib. 4, Bellarminum de Scriptoribus Ecclesiasticis, Franciscum Gonzagum de Origine Seraph. Rel. lib. 3. Postremò plerisque alijs prætermisiss, Marcus Vlisipponeus Chronicorum Minorum Scriptor, pluribus verbis F. Titelmani vitam, præclarasque ipsius virtutes prosequitur, quæ apud eum habentur, Chron. p. 5, lib. 9, cap. 30, & 33.

Ingenij eius Monumenta edita sunt, &c.

E Lucidatio Paraphrastica in Lib. Beati Iob, cum Annotationib;
 Elucidatio in omnes Psalmos Dauidicos; cui adiunctæ sunt
 prolixiores Annotationes, quæ vice Commentariorum haberi possunt. Adiuncta est etiam Elucidatio Canticorum, quæ Ecclesiasticus vsus appellare solet, Ferialia. Subsequuntur denique Annotationes ex Hebræo, atque Chaldæo, &c.
 Elucidatio in Lib. Ecclesiastem, cum Annotationibus,
 Commentarij doctissimi in Cantica Canticorum Salomonis.
 Paraphrastica Elucidatio in Sacrosancta Iesu Christi Evangelia, secundum Matthæum, & Ioannem; additis annotationibus in loca difficiliora.
 Elucidatio in omnes Epistolas Apostolicas, vnà cum Textu, suo loco ad marginem translato &c.
 Summa Mysteriorum Christianæ Fidei, siue de Triginta tribus Mysterijs Fidei,
 Tractatus de Expositione Mysteriorum Missæ.
 Collationes in defensionem Vulgatæ editionis,
 De Exercitijs Religiosorum.
 Contra Iacobum Fabrum, & Desiderium Erasmus Rhoterodamū.
 De Consideratione Dialectica Lib. sex. &c.
 Compendium Naturalis Philosophiæ, siue de Consideratione rerum naturalium; earumque ad suum Creatorem reductione, Lib. 12.
 Plura alia, præter hæc scripta edidit, quæ temporum iniuria nobis subripuit.

FR A.



FRATER HIERONYMVS A MONTEPOLITAN^o FF^m CA^l
 PVCIN¹⁶⁹² ROMANÆ ET BONONIENSIS PRŌÆ VIC¹⁶⁵ PRŌLIS.

FRATRIS HIERONYMI à MONTE
POLITIANO FRATRVM CAPVCINO-
RVM ROMANÆ, AC BONONIENSIS PRO-
VINCIAE VICARII PROVINCIALIS
VITA, ET GESTA.



ERATER Hieronymus à Monte Politiano, Paganaciorum stirpe, quæ inter Nobiliores Montis Politiani familias adnumeratur, progenitus, at virtute nobilior, à tenerioribus annis præclarum Sanctitatis specimen exhibere incipit: tamenim ad diuina ab ipsâ pueritiâ propensum à Deo animum accipit; vt frequens Ecclesias visitet, puras sepissimè ad Deum manus attollat; atque adeò rerum diuinarum adhuc Puer amore teneatur; vt cum domo abest, haud alibi quàm in Ecclesiâ à Matre queratur. Porro in eâ etate, quæ primis humanarum sordium maculis labefactari solet, tam suauis à Deo benedictione preuenitur; vt cum decimum duntaxat annum attingeret, in cubiculo orans, sepè à Sorore palmo, & ampliùs è solo in aëra sublatus videatur. Seipsum tandem Domino consecrans, ad Cathedralis Ecclesiæ Canonicatum assumitur, sacrorumque Canonum scientiam adipiscitur. Cumque ad Archipresbiterale munus conscensurus esset, eam dignitatem fugiens, Deo præsertim vocante, qui eum ex vtero matris suæ segregauerat, in Fratrum Obseruantium Ordinem adscribi festinat, in eoquæ cum plurimùm in virtutibus profecisset; Dei amore flagrans, Hierosolymorum iter aggreditur, ac sacra omnia loca summâ pietate perlustat: In Patriam tandem reuersus, cum eo tempore Capucinatorum Religione exortâ, qui ex Fratribus Conuentualibus reformationem sub Francisco à Monte Politiano amplexati fuerant; omnes ad Capucinos migrassent: Hieronymus eorum exemplo permotus, ac perfectioris Obseruantia studio incensus, ad Ludouicum Forosempronianum accedit, à quo Religionis habitudoatur. Hâc verò in Religione nullus eò feruentior, nullus humilior, abiection nullus: tanto ergà Regulæ Obseruantiam studio fertur; vt cum semel ab eo quispiam quæreret, cur ex Obseruantium Familiâ ad Capucinatorum Reformationem accessisset, respondit: se non modò ad Capucinatorum Reformationem, sed si quæ alia perfectior Reformatio etiâ-

num re-

num reperiri posset, in quâ purius, ac perfectius Regula obseruetur, ad eam se protinus euolaturum. In spirituali igitur ædificatione tam alta fundamenta humilitatis sternit; ut viliora semper Conuentus exercitia sibi præstanda eligat, & quanquam in Sacris literis peritus prædicationum munus rectè obire posset (quandoquidem ut aiebat, nondum sibi ipsi hætenus perfectè prædicauerat) eo tamen nunquam fungi voluit. At verò cum illius virtus, ac prudentia Patribus haud ignota esset; tum in Romana, tum in Bononiensi Prouinciâ, sæpè Vicarius Prouincialis, licet inuitus, eligitur. Vir aspectu Venerabilis, decorus vultu, ac tantâ morum honestate fulgens; ut in oculis prudentiam, in vultu verecundiam, in ore candorem, in verbis humilitatem, præferat, tantaquæ modestiæ lege oculorum aspectum moderatur; ut nullum vnquam nisi demissis oculis alloquatur. Hominum, ac præsertim mulierum consortia, ac familiaritatem fugiens, linguam rigido, ac ferè perpetuo silentio frænâ. Orationis studium, cui se à puero addixerat, sic in Religione prosequitur; ut nihil illi iucundius sit, quam solitaria loca quærere, in quibus diuinæ contemplationi vacare possit. Præcipua verò Hieronymi deuotio in Deiparam Virginem fertur, quam tantâ religione venerari solet; ut Missam quotidie, nisi festo, aut Superioris obedientiâ impediatur, in B. V. honorem celebret. Sabbathos dies perpetuis ieiunijs colit, cuncta quoque Virginis Festa arctissimo panis, & aquæ ieiunio, per octo dies ita disperditos, ut 4. Festa præcedant, totidemque post Festum, succedant, prosequitur. Denique tam publica de illius ergà B. V. Religione fama apud Fratres excreuerat; ut si aliquandò alicuius ergà Virginem deuotio amplificanda foret, commune prouerbium esset: Alterum Hieronymum à Monte Politiano videri. Præter hæc quotidianis quoque ieiunijs, carnem ita extenuat; ut eâ exesâ, sola cutis ossa contegat, Cumque staturâ procerâ præditus esset, tam gracilis & macilentus apparebat; ut Sancti alicuius Anachoretæ cæteris faciem, ac simulachrum referret. His admirabilis vitæ austeritas coniuncta erat, quâ nudis semper pedibus, absque sandalijs gradiebatur. Soloque habitu, eoque simplici, & obsoleto contentus inter asperioris hyemis frigora, diuinâ tantum amoris flammâ calefiebat. Virginitatis lilium, uti fama est, illæsum semper à Tartareis belluis seruauit. Hinc Dæmonibus tam formidabilis euadit; ut, cum semel homo à Dæmonibus obsessus, ad Montis Politiani Conuentum ductus fuisset; Hieronymo ab Vrbe redeunte, Dæmon hominem grauius exagitans, à Fratribus interrogatus

rogatus, quisnam eum ita torqueret? (nondum enim Hieronymus ad eum peruenerat) Senex ille (inquit) macer, proceri corporis, quem utinam nunquam agnouissem: statimque Hieronymus in Ecclesiae limine apparuit, cuius aspectum, cum nefarius spiritus ferre non posset, protinus erupit, atque hominem liberum reliquit. Cum itaque in hac praeclara vitae norma, tot virtutibus ornatâ, Hieronymus aetatem ad octogesimum annum traduxisset; postremo in Conuentu Ferrariae extremo morbo corripitur, quo tempore, ubi sui obitus diem (quem ter sibi à Domino reuelatum acceperat) Bonifacio Anticolenfi laico, eximia probitatis Viro, quem tunc Socium habebat, declarasset: Sacris se Ecclesiae Mysterijs ad Domini aduentum parat: & cum pleraque tum ipsi Bonifacio, tum cæteris Fratribus spiritualia in morte monita reliquisset; placide in Domino obdormit. Cuius gloriam Dominus statim post mortem declarauit. Etenim necdum ipsius Corpus humi conditum erat cum is cuidam Mulieri, quæ languens, ac neruis attracta in lecto iacebat, gloriosus apparet. Quare statim in Ecclesiam, ubi tunc Hieronymi cadauer iacebat, se deferri curat: ibique illius merita magnis vocibus implorans, fide plenâ, se super illius corpus proijcit, confestimque à morbo incolumis, ac membrorum sanitate recuperatâ surgit. Hieronymi Corpus tunc quidem ante Ecclesiam in Cemiterio conditum fuit: At Bernardini Astensis Generalis, qui Hieronymi sanctitatem probè nouerat, iussu, quinto post anno, ut honestiori loco collocaretur, extractum; integrum & incorruptum, & quod magis est, suauolens reperitur. Quo tempore Mulier, quæ sanguinis fluxu laborabat, cum ipsius reliquias attigisset, à fluxu sanguinis libera euasit. Obijt Vir Sanctus Anno

1546.





FRATER PETRVS AMAZARA FE CAPVCINORVM
PANORMITANÆ PROVINCIÆ VIC. PROVINCIALIS.

FRATRIS PETRI à MAZARA, FRA-
TRVM CAPVCINORVM PANORMITA-
NÆ PROVINCIÆ VICARII

PROVINCIALIS

VITA, ET GESTA.



RATER Petrus à Mazara, cùm nobili genere ortus esset, generis splendori maximas suis vitijs tenebras offundit, prauæque educationis vitio, eò scelerum peruenit, vt omni flagitiorum genere, primum iuuentutis florem contamine. Homo naturâ ferox, audaciâ furens, promptus ad vim, nihil præter scelus, ac perniciem animo volutare videtur. Vir luxuriosus, atque ad omnem libidinem effusus, quem nec pudor ab infamiâ, nec generis, ac familiæ macula à turpitudine auocet, sic se prodigioso furore in omne crudelitatis genus præcipitem dat, vt neque sexui, neque ætati parcat. Mulierem enim quæ suæ libidini seruiebat, solâ suspicione ductus, fissio vsque ad sexum vtero, truculenter necat. Riualet quoque eodem modo crudeliter trucidat. Mazarae Gubernatoris Filium, adhuc puerum præ furore arreptum, in frustra concidit. Hinc cùm seipsum Proscriptorum Ducem cõstituisset, tot scelera sceleribus addidit, vt ad necem vndiq; à Magistratibus quæreretur. Deus verò qui diues est in Misericordiâ; vt in eo bonitatis suæ diuitias ostenderet, illum ad meliorem vitæ frugem facto mirabili pertrahit: cùm enim bellicis bombardis, atque armis circumseptus, quadam die, ad aluum expurgandum, in secretam nemoris partem secessisset, armaque iuxta se deposita collocasset; vix aluo exonerato ea repetere vult, cùm neque tormenta, neque alia, quæ ibi deposuerat, arma adesse comperit. Rem Vir stupidus admiratur: cumque à nemine sibi ablata fuisse prorsus illi indubitatum esset; factum altiùs animo perpendens, Dei opus esse non obscure percipit, protinusque quasi diuinum de non sæuendo Edictum, è Coelo sibi allatum accepisset; ab omnibus non modò sibi armis deinceps abstinendum statuit; verùm & cum ijs vitam quoque tot facinoribus turpem exuere, & in meliorem commutare parat. Quapropter mox Socijs valedicens, menteque cœlesti dono in melius mutatâ, antea-ctæ vitæ scelera deflere, & ad pœnitentiam ardentius animari incipit.

Nemo-

Nemora, quæ prius innoxio sanguine conspergere solebat, tunc primum lachrymis rigat, pectus tondit, mentemque præteritorum scelerum dolore dilacerat. Mox quasi præsens Dei Iudicio adesset, in hæc tristitiæ se lamenta effundit: Putasne (aiebat) Virorum iniquissime, quò Deum Iudicem effugies, cuius tu Maiestatem tot annis contempsisti? Putasne Dominum tam citò placari posse, quem tam constanti animi malitiâ abiecisti? Heu, hominum sceleratissime, quò fugies? Quò te à facie Domini abscondes, cùm Coeli reuelabunt iniquitatem tuam, & scelera tua quasi ex insidijs aduersum te confurgent? His vbi acrioribus seipsum increpationibus infectatus fuisset; lumina lachrymis obruta ad Deum conuertens, ipsius Clementiam, quò sibi illucesceret, vberius obtestatur: Altissime (inquit) hominum Creator, cuius tam inexhausta bonitas est; vt nullis hominum sceleribus obrui, aut deleri queat: mira de misericordiâ tuâ narrantur, ne ergò, quæso te, mea me crimina absorbeant, Da veniam mihi sero petenti, qui non petentem ad tuam misericordiam prouocas. Hæc poenitens animus, & his quamplurimas similes, scelerum dolore, suauius ad Deum voces, ac suspiria iactat, neque vlla tot criminibus poenitentia satis illi esse videbatur. Porro cùm eo tempore Congregatione Capucinorum propagatâ, Eorum, Petrus, austeram vitæ rationem didicisset, eam sibi à Deo paratam arbitratus, in qua præteritæ vitæ maculas dignis poenitentię operibus abstergeret; confestim ad Capucinos aduolat: apud quos, tam perfecta hæc hominis mutatio apparet, totque virtutibus exornata; vt in ipso probationis anno, iam supremum perfectionis gradum affecutus videatur. Nullus eo humilior, abiectior nullus: perennes ab ipsius oculis lachrymæ ob præteritorum scelerum memoriam defluunt. Dùm communis, siue in Choro, siue in Capitulis, à Nouitijs flagellatio fit, mox in amarissimos fletus erumpens, haud vocem continere potest, quin flendo exclamet: Quid vos innocentes criminis commisistis, quò hæc flagella subeatis? mihi scelesto, mihi impio, mihi nefario flagella debentur, qui tot delicta patraui, qui tantoperè Deum exhonoraui: Me, meipsum flagellate, qui id tot criminibus merui. Inter hæc totus lachrymis exundans, palàm Dei misericordiam pro admissis sceleribus poscit: Quò tandem fit, vt ob eam humilitatis virtutem, id sibi apud Deum gratiæ collatum sit; vt, & in oratione, & inter psallendum sæpè sensibus excedens, in aëra efferri conspiceretur. Mira profectò, atque alioqui insueta res: vt qui paulò antea, plurimo innocentium sanguine, ac cædibus redundabat, animumque omni

flagitiorum genere foedatum gerebat, iam inter coelestes Choros adiectus: menteque, & corpore ab humanis solutus cum Deo versetur. Post exactum verò probationis annum, tam singulari vitæ austeritate, omniq; virtute floret; vt totius Regularis disciplinæ cunctis se formam præbeat, elapsisque aliquot annis Nouitiorum Magister eligatur. Dominicæ Passionis opprobria tam profundè sibi in animo insculpsit, vt in quâlibet sextâ Feriâ fune sibi ad collum alligato, nudum, solis tantum sibi lineis foemoralibus retentis, eò se à Nouitijs, per Ecclesiam, & Refectorium raptari iuberet: quo tempore tam ingentes gemitus, ac singultus edere solitus erat; vt omnes ad lachrymas compelleret: flebat ipse præterita crimina, ac Domini sui opprobria: flebant Nouitij amarissimas Patris sui lachrymas: quos interdum quoq; præcepto cogebat; vt eum duris flagellis caderent. E Nouitiorum Magistro, ad totius Prouinciæ Panormitanæ gubernacula euocatus; præclara Posteris veri Pastoris exempla imitanda relinquit: tam rara enim inter alias virtutes, in ipso mentis humilitas elucet; vt cum semel in Panormitano Conuentu suo munere fungens, fastuosa aliqua honoris cogitatio in animum irrepsisset, protinus è sede exiliens, se coram omnibus humi proster-
nat, ac B. P. Francisci instar, superbæ cogitationis motum aperiens, vniuersis imperet, vt pedibus sui ipsius ora premant, ac conculcent. Siciliae Regno necdum in tres Prouincias diuiso, Sanctus hic Vir, toto sui muneris triennio, nudis pedibus, absque soleis, Prouinciam visitat, quanquam in eâ pleraque saxosa, atque aspera loca sese offerrent, meatu difficillima. Corpus interea tot flagellis castigat; vt communia illi non sufficiant, sed ferreis catenis, ijsque crassioribus, corpus domet. Hinc, tam vehemens Martyrij cupiditas ipsius animum percellit; vt præterita scelera haud sibi ignoscenda fore putet, nisi ea proprio sanguine eluat: enimvero inter tot facinora, quæ se olim patrasse deplorat, nullum grauiori luctu, ac moerore, quam Pueri illius (quem in frustra dissecauerat) cædem prosequitur: quare interdum familiaribus dicebat, se cæterorum quidem criminum, à Deo veniam accepisse, at Pueri illius internecionem adhuc inexpectatam manere. Quamobrem ab Astenfi Generali summis precibus impetrat: vt in Aphricam cum Cæsareanâ Classe proficiscatur. Classi igitur adiunctus, cum in Aphricam venisset, ligneam Christi Crucifixi Imaginem dexterâ gerens, Milites ad Urbis Aphricæ expugnationem animat, primusque Christum moenibus, atque in Arce collocat. Expugnatâ verò Vrbe, cum Cæsaris Classis in Siciliam remearet,

mearet, obtinendi Martyrij spe frustratus quanquàm voluntati Martyrium defuit, eam tamen Martyrij coronam, quæ voluntati, ac tot duris ab eo in Religione pro Christo toleratis debebatur, Deus Clementissimus diutius illi prorogare nolens, graui morbo corripitur: ex quo cùm coelesti Domini voce (quæ illum ex Crucifixi Imagine, quam secum gerebat, allocutus fuerat) se hinc breui discessurum intellexisset; reliquum vitæ spatium totum in Dei laudibus consumens, eadem, quam prænuñciauerat, horâ, ad puriorem vitæ lucem euolat. Illius verò Corpus ad Castri Veterani Conuentum delatum, honorificè à Fratribus sepelitur. Anno autè post ipsius obitum expleto, Corpus integrum ferè omni ex parte reperitur. Cùmque eo tempore, Dæmoniacus quidam ad Conuentum duceretur, qui cum omni vi, ne eò properaret, reluctaretur; ab Exorcistâ tandem interrogatus, quid causæ esset, quòd tantoperè eò ire recusaret? Respondet Dæmon: Quendam infensissimum sibi hostem ibi sepultum haberi, qui plurimos viuens de eo triumphos reuexerat, ac propterea se locum illum maximè exhorrescere. Obijt Vir Dei. Anno 1550.

FRATER LEO VERONENSIS, VENE-
TÆ PROVINCIÆ VICARIVS PROVIN-
CIALIS, VIRTVTIBVS CLARVS.



FRATER LEO VERONENSIS, Sacerdos, Anno 1555. in Venetâ Prouincia, inter Viros virtute illustres, ac de Regulari Obseruantia benè meritos floruit: in eâ Prouinciâ Guardiani, Magistri Nouitiorum, ac supremâ Vicarij Prouincialis dignitate functus, Regularem disciplinam, plurimùm suâ Virtute, ac vigilantia auxit. Corporis sui acerrimus hostis fuit, quod asperrimo cilicio, vigiliis, ieiunijs, victus, ac vestitus austeritate, assidue afflicto, dignam tandem Euangelico, & Crucifixo homine vitam in meliorem commutat. Anno 1555.



FRA TRIS ÆGIDII TVRIANI, VM-
BRIÆ PROVINCIAE VICARII PRO-

VINCIALIS

VITA, ET GESTA.



RATER Ægidius Turianus, Sacerdos, Vir multis,
ac præclaris virtutibus ornatus, Regularis Obser-
uantia propugnator acerrimus, atque orationis
cumprimis studiosissimus: illi post matutinas Ho-
ras vacare perpetuum erat. Perusiae Monalium S.
Claræ, quæ Capucinae nuncupantur, Monasterium
exstruendum curat: quibus etiam administrationis modum, quo v-
ti debeant, præscribit. Quodam Lanifico pauperculo Eleëmofy-
nam his verbis suadens: Fili mi, si parum habes, parum da, si mul-
tùm, multùm pauperibus distribue: quàm id Deo gratum fuerit, il-
lustri Miraculo comprobatur: Paret enim Lanificus, quotidieque
pauperibus obolum erogat: eoque fit; vt Deo se liberalius ergà il-
lum habente, breui ex famulo, Lanificij Caput, ac Mercator euadat.
Quapropter cùm semel ob anni sterilitatem, magnâ pauperum tur-
bâ ad domum eius confluyente, indifferenter illis panem, & vitæ ne-
cessaria ministraret, Vxor ipsius, prudentiam illi in distribuendo per-
suadet: At ille: Tu, inquit, sacco pane refertum sume, & iuxta
prudentia tuæ regulas distribue, ego alterum æquæ magnitudinis
egenis meo sensu distribuam: tùm quæ melior, meane, an tua sen-
tentia sit, rei exitus declarabit. Re igitur compositâ, ac executioni
traditâ, Dei virtute factum est; vt Mulieris, distributionis sacco bre-
ui consumpto, Viri panis, nec post diuturnum tempus deficeret,
quamuis omnibus indifferenter distribueret. Multis tandem in Vm-
briae Prouinciâ instituendâ, propagandâ, illustrandâ, Ægidius, pijs
laboribus perfunctus, Anno 1558. in Conuentu Aquæspartæ, san-
cto fine extremum diem claudit. Trigesimo secundo post ipsius obi-
tum anno: ipsius Corpus ita integrum, ac incorru-
ptum apparet, quasi eo die tumula-
tum esset.

* *
*

FRA-

FRATRIS MATTHÆI à SCHIO, VENE-
TÆ PROVINCIÆ VICARIÏ PROVINCIALIS

VITA, ET GESTA.



ERATER MATTHÆVS à SCHIO, ex Obseruan-
tium familiâ, inter primos ad Capucinatorum Refor-
mationem accedit, circa Annum Domini 1537.
ad Vicentinum Agrum missus, in Colle propè i-
dem Schij Oppidum, tantâ paupertate Monaste-
rium construit; vt præter contexta vimina, & lu-
tum nihil ad structuram adhibeat. Guardianus eo in loco constitu-
tus, tam insigni vitæ austeritate, ac sanctimoniâ cum totâ Familiâ
conuersari capit; vt omnes pane hordeaceo, herbis, ac leguminibus
contenti, quotidiana ieiunia colerent, flagellationes vsque ad sangui-
nem exercerent, silentio, ac solitudini tantoperè incumberent; vt
cùm diu, noctuque diuinis laudibus, ac orationi vacarent; nun-
quàm inter se, nisi diuina, vel ad Regulam, ac virtutes spectantia,
pertractarent. Pendebat è vicinâ Quercu, ostij tintinabulum; cuius
tàm rarò sonus audiebatur; vt sonitum propemodùm ignorare vi-
deretur. Matthæus verò interdum è Monasterio erumpens, tanto
spiritus feruore Dei Verbum disseminabat, Regionemque fulguris
instâr, Euangelicâ prædicatione percurrerat; vt cuncti illum non
hominem, sed velut Angelum haberent, cœlesteque admirabilis i-
stius vitæ institutum suspicerent. Dùm in hoc Monasterio, quod S.
Nicolai appellabatur, pauperula illa Fratrum Familia, in diuinas
tantùm laudes animum intenderet, vitamque propemodùm Ange-
licam duceret, accidit; vt tanta, tamque alta nix è Cœlo rueret; vt
Conuentus ostio obturato, ac vijs omnibus ad mendicationem in-
terclusis, summo in vitæ discrimine tota Familia versaretur: panis
etiam consumptus erat, legumina defecerant, nec vlla, aut victus
quærendi, aut euadendi spes relicta videbatur: cùm Matthæus, o-
mnes in oratione clamare, cœlesteque à Deo subsidium quærere
iubet, *Qui præparat Coruo escam suam, quando pulli eius clamant ad eum va-
gantes, eo quòd non habeant cibos.* Iob. 38. En cuncti ad orationem con-
fluunt, vniuersi ante Altare procumbunt, vt quærant à Deo escam
sibi. At Deus benignissimus, qui cùm Coruos non deserat, multò
magis Filiorum curam gerit; suis annonam è Cœlo ministrat: ad-
huc enim Orationi instabant, cùm tintinabuli sonus auditur: stu-
pent omnes eo tempore tintinabulum audiri, quo nemini ad Con-

uentum

uentum aditus esse poterat : ad ostium pergunt, neminemque præter saccum recenti, ac calido pane refertum, qui tunc è clibano haustus esse videbatur, ante flores offendunt. Cumque nullius omnino vestigia in niue deprehendunt, non hominum, sed Dei miserentis, coelestem liberalitatem agnoscunt. Quapropter, mox vniuersi ad Deum voces extollere, diuinas laudes decantare, ac Dei benignitatem illis sapientiæ verbis commendare contendunt : *Angelorum escã nutriuisti Populum tuum, & paratum de Cælo panem præstitisti illis sine labore, omne delectamentum in se habentem, & omnis saporis suauitatem.* Neque id frustra : panis enim ille tam sapidus, ac miræ suauitatis visus est, vt comedentes simul & reficeret, & recrearet. At verò, vt clarius Dei prouidentia eluceret; neque sacco panis, neque coelestis esurientibus annona vnquam defuit; donec via ad mendicationem aperiretur. Tanto Matthæus diuinæ charitatis æstu agitabatur; vt vbicunque vel in plateis, aut Vicis, collectos homines offenderet; Dei illis Verbum summo animi feruore proponeret : peccatores ad poenitentiam compelleret : Inferorum illis supplicia proponens, Dei Iudicio terreret. Semel cum in Vicentinâ Vrbe, publicam saltationem institui cerneret, in eam pro Concione inuectus, id verbi tandem comminatus est, ac futurum prædixit: vt plurimus ibi hominum sanguis effunderetur : quod paulò post haud secus quam prænuñciauerat, accidit : nam turbis inter choreas concitatis, nonnulli interfecti, ac plurimi inde vulnerati abscessere. Ex quo illis exploratum fuit, Apostolicum Virum haud absque certâ diuini Spiritus luce futuram cladem præmonstrasse. Neque tamen ob prædicationis labores, Vir Sanctus, consuetam vitæ austeritatem vlllo modo sibi minui patiebatur, nam Sermone absoluto, vel panem sibi, ac Socio, quantum fatis erat, ostiatim mendicare consueuerat, vel si ab aliquo ad refectionem inuitaretur, non alio præterquam communi, ac secundario pane vesci solebat. Denique cum multis, ac pijs laboribus pro Christo, ac Venetâ Prouinciâ, quam aliquamdiu sanctissimè rexit, perfunctus esset; septuagenarius in pace quieuit. Anno 1563.



FRATER IOANNES FASSATIVS FF. CAP. PROVIN.
CIAE MEDIOLANENSIS VIC. PROVINCIALIS

FRATRIS IOANNIS FASSATII FRA-
TRVM CAPVCINORVM PROVIN-
CIÆ MEDIOLANENSIS, VICARII

PROVINCIALIS

VITA, ET GESTA.



RATER IOANNES Fassatius Mediolanensis, Sacerdos, & Concionator: ex Prædicatorum Ordine ad nostros assumptus, in Mediolanensi Prouinciâ, Prouincialis Vicarij dignitate sæpè ornatus, dignam quoque eo munere morum, ac vitæ sanctimoniam exhibet. Etenim, cùm ijs omnibus virtutibus præcellat, quem Minorem Fratrem omnibus numeris absolutum præstant, ac Regularis obseruantia cumprimis æmulator existat, eâ virtute, ac prudentiâ, Mediolanensem Prouinciâ moderatur; vt & bonis solatio, & negligentibus terrori sit: sicque seueritatem, lenitate temperat; vt & manna, & virgam in eadem arcâ seruet: ex eodemque ore, & seueritas, & benignitas fluat. Quò planè fit; vt directionis virga, quæ alijs terrorem incutere solet, in manu eius manna propignat, ac subditos consoletur. Dei Verbum tanto charitatis æstu audientibus proponere solitus erat, tantaque Dei gratiâ in eo disseminando illuxit; vt Euangelicum illud Christi Oraculum, de eo verè pronuciare posset: *Non enim vos estis, qui loquimini, sed Spiritus Patris vestri, qui loquitur in vobis.* Quod manifesto aliquandò symbolo compertum fuit; Nam cùm semel Brixia, Dei Verbum prædicaret, candida columba in ipsius capite requiescere visa fuit. Quantis verò apud Deum Vir hic meritis fulgeat, illustre Miraculum declarat. Cùm enim æstiuo tempore Modetia, Mediolanum pergens, siti æstualet, à Tabernario vini poculum postulat: qui cùm ei illud denegare decreuisset, nihil apud se vini superesse responderet, tametsi plura dolia in domo vino plena seruaret; quo audito pertransijt Ioannes: vix autem is inde vnico iactu lapidis dilapsus fuerat; cum Tabernarius ad cellam vinariam pergens, vt vinum hauriat, dolia omnia vino vacua inuenit: mòx vexatio, quæ dat intellectum auditui, denegatum Ioanni vini poculum illi in mentem reuocat: Quò factum esse agnoscit; vt crudelis illa mentis avaritia, quæ

vinum

vinum pauperi negauerat; vinum ebiberit, & dolia exsiccauerit: Deoque culpam vlciscente, qui vinum ad pauperis necessitatem subleuandam mendose sibi adesse negauerat, vinum reipsâ sibi abesse experiretur, dictumque veritas sequeretur. Quamobrem animo confusus, cum nullum aliud tunc mens opportunum auxilium ministraret; festinus post Ioannem, qui haud procul aberat, currit: à quo denegatæ charitatis veniam postulans, rem, quæ acciderat, cum lachrymis narrat: is verò Viri casum miseratus: Iam, inquit, domum redi, tecum enim, & vinum in dolia redibit: cui, cum ille fidem adhibuisset; domum rediens, vinum quoque ad dolia reuersum comperit. Postremò cum adhuc Prouincialis munere fungitur; Mediolani supremo morbo correptus; vbi se ad Domini aduentum deuotissimâ Sacramentorum susceptione parauit; cum Spiritum Deo redditurus esset, cunctis Conuentus Fratribus ad se vocatis, illos his verbis alloquitur: Exiguum mihi, Fratres, vitæ tempus superest, sicut ostendit mihi Dominus: vnus duntaxat horæ spatio vobiscum sum, vt in eo vos vestræ salutis commonefaciam. Cumque omnes ardentioribus verbis ad Regulæ Obseruantiam, ad paupertatem, ad charitatem, ac cæteras virtutes per horam adhortatus esset; horâ elapsâ manibus in Cælum erectis, Hymnum, *Te Deum laudamus*, inchoat: quem dum cæteri prosequuntur, ipse Corpus ad Mortis quietem componens, in extremo illo Hymni versu, *In te Domine speraui, non confundar in æternum*: beatam spem, ac requiem consequitur. Anno 1565.

F R A T E R A V G V S T I N V S G A L L V S ,
P R O V I N C I Æ M E D I O L A N E N S I S V I -

C A R I V S P R O V I N C I A L I S .



R A T E R Augustinus Gallus, Prædicator virtute præclarus, Vir præstantissimus, ac sanctimoniâ clarus, cum admirabili prudentiâ, ac vitæ austeritate, plerosque annos Prouinciam Neapolitanam moderatus fuisset; Caietæ tandem præclarum vitæ cursum absoluit.

Anno 1566.

* *
*

O 2

F R A -



FRATER LAURENTIUS A FVNIANO FRATRVM
CAPVC¹⁶⁹¹ PROÆ BONONIENSIS VIC. PROVINCIALIS

FRATRIS LAVRENTII à FUNIANO,
FRATRVM CAPVCINORVM BONO-
NIENSIS PROVINCIAE VICARII
PROVINCIALIS
VITA, ET GESTA.



LAURENTIUS à Funiano, Concionator, prudentiâ, & vitæ sanctimoniâ insignis, cum per aliquot annos, in Bononiensi Prouinciâ Prouincialis munus exercuisset; præclarum exemplum Superioribus(quâ prudentiâ languidas interdum sui gregis oues curare debeant) relinquit. At verò cum non solum prudentiâ, sed & cæterarum in eo virtutum exempla eniterent; illud tamen insigne præ cæteris castimoniæ testimonium effulsit: cum enim Foroliuij, in illius Urbis Cathedrali Ecclesiâ, Dei Verbum quadragesimali tempore disseminat, acriusque in effœminatos, ac Venereis addictos, (quibus ea Vrbs maximè eo tempore contaminabatur) pro suggestu inuehitur; nonnulli Iuuenes, quibus illud vitium commune, ac familiare erat, Virum experiri, & num quæ verbis infectabatur, reuerà exhorreret, probare statuunt. Quamobrem suadente luxuriæ Patre, inter se conducunt, vt impudicum scortum, clàm in ipsius cubiculum, in sæculari domo, in quâ ipse degabat, nocturno tempore immittant: ingensque illi pretium, modò illum ad turpia alliciat, pollicentur; Studijs vacabat Laurentius: cum nocte petulans, ac impudica Mulier clàm cubiculum ingressa, hominem varijs artibus ad turpia pellicit: At castitatis amator, vt & inhonestę Mulieris impudicitiam cohiberet, & carnis sensum in seipso extingueret; nequicquàm loco motus, digito flammæ, quæ in lucernâ ardebat, admoto, tam diu in eâ immotum tenuit, donec digiti carne defluente, Mulier aspectu exhorresceret, & factum admirata, compunctaque discederet. Quod cum illa ijs qui rei exitum expectabant, retulisset; animo confusi, Viri virtutem vel inuiti commendant. Res verò confestim per totam Urbem diffusa, solidam illi apud omnes laudem comparat: dum non verbosam, sed operosam Viro virtutem, ac sanctimoniam inesse conspiciunt. Denique cum vitam præclarissimis virtutibus ornatam, magnâ cum sanctimoniæ

famâ, vsque ad senectutem perduxisset; nonnullaque viuens Miracula diuinâ virtute edidisset; Bononiæ corruptibile corporis indumentum deponit, vt incorruptum accipiat. Ipsius verò obitus famâ per Vrbem dispersâ, mox plurima Populorum turba ad eum venerandum confluit; tamque ingens apud omnes percrebescit illius sanctitatis opinio; vt cum tunicam, quâ tegebatur, quisque præscinderet, vt ex eâ sibi particulam vendicaret; alterâ, bis, ter, eum indui opus fuerit. Eo itaque sepulto, plurimi illius apud Deum merita implorantes, varias morborum curationes accipiunt: quarum illud non obscurum testimonium fuit: quod plerique claudi, ac neruis attracti, ipsius suffragio curati, alares ferulas ad illius Sepulchrum attulere: Inter alios verò, quidam ex Campanaticorum eiusdem Urbis Familiâ, qui intestinis defluentibus, herniâ laborabat; cum Laurentij, iam defuncti, opem ad incolumitatem deprecatus esset: mox tuniculis consolidatis, integram à Deo sanitatem consequitur. Denique cum is post obitum Fratri Iuliano Puniacensi Sacerdoti apparuisset; æternâ se à Deo Coronâ donatum affirmat. Obijt Anno 1566.

FRATER ANGELVS à CASTELLANETA, PROVINCIAE S. NICOLAI VICARIVS
PROVINCIALIS, VIR ILLUSTRIS.

FRATER ANGELVS à CASTELLANETA, Sacerdos per aliquot annos, S. Nicolai Prouinciam, magnâ cum Regularis Obseruantia, vtilitate administrat: Vir summâ prudentiâ, ac integritate illustris, cuius etiam virtus in diutinâ infirmitatis languore, admirabili cum patientiâ tolerato, ita enitet; vt præclara Posteris exempla imitanda relinquat. Probatus denique, cum obitus sui horam, Deo reuelante, didicisset, ac Fratribus prædixisset; Messapiæ repromissam gloriæ Coronam accipit. Anno 1567.



FRATRIS AMADEI de ANTENIATO,
MEDIOLANENSIS PROVINCIAE VICA-
RII PROVINCIALIS
VITA, ET GESTA.

FRATER AMADEVUS de ANTENIATO, plurimis virtutibus clarus, ex Amadeorum Congregatione, ad Capucinorum Ordinem translatus, summam vitae austeritatem colit: severus sensuum custos, abstinentia paupertate, charitate, integerrimus exitit. Qui cum ob coelestis vitae institutum, plurimis à Deo donis cumulatus fuisset; inter alia Prophetiae dono ornatus, pleraque futura praedicit, quae suo tempore contingere. Nobili Viro illius petitionis effectum suam oratione impetrat. Prudentia, & consilio praestans; Mediolanensem Prouinciam aliquot annis sapienter moderatur. Denique cum obitus sui diem praedixisset; Bergomi iura suprema neci persoluit: Religionemque suavi virtutum odore respersam deferens; ad beatam Coelestium Regionem conscendit. Anno 1568.

FRATER IOANNES VITERBIENSIS,
ROMANAE PROVINCIAE VICARIUS PRO-
VINCIALIS, VIRTUTE ILLUSTRIS.

Emini ex Romanâ Prouinciâ Sacerdotes. Anno 1569. è corporeo carcere soluti, coelestis Patriae munera laeti subeunt. Primus est Frater Ioannes Viterbiensis, qui (cum saepe alias, tum etiam eo tempore, quo hinc migrat) Prouincialis Vicarij munere in Romanâ Prouinciâ fungitur: alter Frater Nicolaus ab Antio nouo, Guardianus Tiburtini Conuentus. Hi cum virtute illustres, maximisque in rebus probatissimi, plurimum in Regularis obseruantiae cultu laborassent; magnamque apud Fratres sanctimoniae laudem consecuti essent; Romae vnâ die, parique sanctimoniae famâ, vitae finem imponunt. Quo tempore ambo, Fratri Tholomæo, seni, annoso, qui Tiburti ægrotus iacebat; gloriosi, ac plurimâ luce circumfusi apparentes; has simul voces effundunt: Vale, Tholomæ, iam vnâ Coelum conscendimus.

FRATER IOANNES IARRATANENSIS
SICVLÆ PROVINCIÆ VICARIVS PRO-
VINCIALIS, SANCTIMONIA INSIGNIS.



RATER Ioannes Iarratanensis, totam Siculam Prouin-
ciam (quo tempore nondum in tres dissecta erat) pruden-
tissimè, maximoque Regularis obseruantie zelo mode-
ratur. Sui obitus diè his verbis Fratribus prædicit: Me olim
dies S. Ioannis in lucem editum excepit: idem me sacro Baptismi
lauacro ab Originali peccato lauit: lotumque, Ioannem appellauit:
mihi congratulamini Fratres, si idem quoque dies B. Ioanni sacer,
hinc ereptum, meo me principio reddat. Hâc porrò, quâ prædixe-
rat die, post huius vitæ labores, Siraculis ad præmia euolat. A. 1571.

FRATRIS HIERONYMI RHEGINI,
RHEGINÆ PROVINCIÆ VICARII
PROVINCIALIS

VITA, ET GESTA.



RATER HIERONYMVS RHEGINVS, Sacerdos, in
eâdem Prouinciâ Vicarij Prouincialis munere fungitur,
plurimamque in Regulari obseruantia tuendâ operam
nauat, ac Religionem miris virtutibus illustrat. Prophe-
tiæ spiritu clarus, pleraque futura prædicit. Fratri Matthæo à S.
Martino in Romanam Vrbem profectionem, ab eo necdum exco-
gitatam, variaque quæ ibi passurus erat, prænunciat: quæ illi ad a-
mussim contigerunt. Cum Nicastrum ad Dei Verbum disseminan-
dum cum Socio pergit, eidem eam extremam fore suæ prædicatio-
nis metam diuinitus reuelat; Idemque Populo, dum prædicat, pro
suggestu confirmat. Paulò post, cum in supremum morbum inci-
disset, Ecclesiæ Sacramentis, summâ deuotione susceptis, Nicastri
mortalis Corporis exuias deponit. Huius Corpus in ipsius Sancti-
tatis testimonium, tam candidum, molle ac tractabile post mortem
euaſit, vt tenera pueri caro esse videretur, quæ nouam in
Cœlo natiuitatem assequutum fuisse declararet.

Obijt Anno 1572.

FRATER ANSELMVS PANORMITA-
NVS, SICVLÆ PROVINCIAE VICARIVS
PROVINCIALIS, SANCTIMONIAE
LAVDE ILLVSTRIS.

FRATER ANSELMVS Panormitanus, Concionator, huius facta, vel temporum iniuria, vel scriptorum incuria absūpsit, memoria tamen apud Ordinis Monumenta adhuc vivit superstes: quam silentio extinguere, rationi, ac pietati minùs consentaneum duxi. Hic Siculam Prouinciam sex annorum spatio tantâ prudentiâ, ac sanctitate administravit; vt in eâ Evangelici, ac perfecti Pastoris nomen sibi comparauerit; Cunctis virtutis norma fuit, Regularem obseruantiam tam integrè seruauit, ac suo exemplo auxit, vt in eo B. P. Francisci spiritus reuixisse videretur. Demùm laboribus confectus, octogenarius Fatis cedit. Anno 1573.

FRATRIS LVDOVICI NETINI, PRO-
VINCIAE SIRACVSANÆ VICARII
PROVINCIALIS

VITA, ET GESTA.

FRATER LVDOVICVS NETINVS, Siracusanam Prouinciam (necdùm in plures dispertitam) multis annis magnâ prudentiâ administrat. Vir maximâ humilitate, maximâ integritate, maximâ austeritate, maximâ oratione, maximâ tandē virtute, maximus fuit. Omni sæculorum memoriâ dignus: Deo, ac hominibus gratus, atq; omnium opinione inter illustres Religionis Viros recensendus: cui, cū virtus semper in actione esset, nihil in eo otiosum erat: semper solus, nunquam tamen solus: cū enim illius mens circa diuina iugiter esset occupata, nunquā minus solus erat, quā cū solus esset. Cū per otia liceret, cilicia texebat, quibus & seipsum, ad corporis exercitationem excitaret, & alios ad ampliora virtutum studia amplectēda prouocaret. Carnis petulantia vehementiori labore coërcebat. Hinc sæpè cū à Prouincialis munere.

P

vacaret,

vacaret, membra ligone exercere, ac cætera domus obsequia, quæ laboriosiora erant, ingenti studio præstare consueuerat. His dum virtutum operibus impiger incumbit, Siracusæ laboribus finem imponens, in beatum concedit. Anno 1574.

FRATRIS MARTINI à S. VICTORIA,
PICENTIS PROVINCIAE VICARII

PROVINCIALIS

VITA, ET GESTA.

FRATER MARTINVS à S. Victoria, Concionator, ex Minorum Conuentual. Ord. ad Capucinos migras, velut hortulus Domini, tot Euangelicæ perfectionis floribus exornatus fuit, vt omnium in seipso odora menta Virtutû collegisse videretur. Hinc sæpè ad totius Picetis Prouinciæ gubernacula vocatus, tanta animi prudentiâ, paupertatis zelo, Regularis obseruatia disciplinâ, vitæ austeritate, orationis studio, mansuetudine, charitate, beneuolentiâ, fide, Religiosû Gregè administravit, vt velut fecunda Mater, plurimâ Prouinciam illam virtutû prole fecunda uerit. Hunc Ordinis Monumenta Miraculis clarû celebrant; Ex quibus illud tantum memoriæ traditum est, quod Ioannem Baptistam Anconitanum ex nostris Sacerdotem, membris attractum, viuens, Signo Crucis pristinae sanitati restituit. Obijt tandè in Opp. S. Ginesij septuagenarius virtute, ac sanctimoniâ apud omnes celebris. A. 1576.

FRATRIS ÆGIDIJ LUPPINENSIS, MES-
SANENSIS PROVINCIAE VICARII

PROVINCIALIS

VITA, ET GESTA.

FRATER ÆGIDIJ Luppinensis, Concionator, Vir integerimus, Regularis obseruantia cultor, ac propagator acerrimus, rerumque Diuinarum contemplatione aded insignis; vt illud de eo referatur, quod aliquandò in Oppido Castroboni, vbi is diuini Verbi prædicationi insudabat, à Fratre Antonio à Castrobono Socio clarissima in ipsius cubiculo lux coruscare conspecta fuerit, quâ ille obstupescens diuinâ aliquâ visione eo tempore Ægidium potitum fuisse, certâ sibi opinione persuasit. Is tandem, cum plerosque annos Messanensem Prouinciam magnâ prudentiâ, ac integritate administrasset, multisq; in eâ laboribus perfunctus fuisset, magna post se sanctimoniæ famâ relictâ, Messanæ ad Coronam peruenit; Anno 1578,

FR A-

FRATRIS FRANCISCI LUPPIENSIS,
LVCANIÆ PROVINCIÆ VICARII
PROVINCIALIS
VITA, ET GESTA.

FRATER FRANCISCUS Luppiensis, cuius memoria in Luccaniæ Prouinciâ in compositione odoris omnis, apud cunctos suauissimè olet. Huius prudētia, ac Regularis disciplinæ zelus cunctis manifestus fuit, at animi virtus apud Deum clarior, quæ illustrissimis vitæ exemplis, Posteris præluxit: quò fit, vt eam Prouinciâ cum Regularis obseruantia vtilitate, & incremento diu administrauerit. Vitæ austeritate inter suscepti muneris curas ita præcelluit, vt S. Francisci Quadragesimas, ac in edias obseruans, cilicium ex bouinis pilis abrafis confectum, asperillum usque ad mortem deferret, quod interdum cum ferreâ lorica commutans, carnem varijs modis vexabat: nudis tabulis, quoad vixit, ad quietem prostrato est usus. Honestatis acerrimus propugnator, ad carnis tentationem superandam, quâ eum aliquando tartareus Hostis inuaserat, usque ad duodecimum diem nunquam cubans, sed absque somno stans perseverauit. Huius Sanctitati ascriptum fuit, vt Puella quædam à Dæmone obsessa, liberata fuerit. Grauiissimâ egritudine oppressus, per quatuor mensium spatia ob morbi sæuitiem nunquam in lecto recubuit, sed scabello innixus, diu, noctuque in eo sedens, quiescebat. Quo tempore, nec minima quædam lamentationis, aut querimoniæ ex illius ore vox audita fuit. Diutino itaque huius morbi languore à Deo probatus, morte tandem ad foeliciora contendit: cuius post obitum in certum Sanctimoniæ signum, membra adeò mollia, ac tractabilia apparuere, vt non defuncti, sed viuentis esse viderentur. Obijt Anno 1579.

FRATRIS IACOBI ALETINI, HIDRVNTINÆ PROVINCIÆ VICARII
PROVINCIALIS
VITA, ET GESTA.

FRATER IACOBUS ALETINVS, Concionator. ob præclara virtutum ornamenta, quibus abundè cumlatus fuit, meritò inter Illustres illius tempestatis Viros recensetur. Hic prudentiâ, & consilio clarus, verum vite

probitate, morum integritate, ac Regularis obseruantia zelo clarior, sepè in Hidruntinâ Prouinciâ Vicarij Prouincialis munus egregiè administrait: cuius tanta fuit vitæ sanctimonia; vt etiam Prophetico à Deo Spiritu mirificè illustratus fuerit. Cùm verò ad extremum vsque senium vitam maximis virtutibus illustratam duxisset; magno tandem sanctimoniae nomine apud omnes relicto, diem nouissimum claudit. Anno 1580.

FRATRIS PETRI de QVARTERIIS,
RHEGIENSIS PROVINCIAE VICARII
PROVINCIALIS
VITA, ET GESTA.

FRATER PETRVS de Quarterijs, in Rhegiensi Prouinciâ Prouincialis munere sapè functus, magnam ex eo laudem consequitur. Omnia in hoc Viro esse videntur quæ aut natura, aut rerum experientia, aut virtus hominibus largiri solet. Vis ingenij, prudentia, consilium, moderatio, æquitatis amor, improbitatis odium, Religionis studium, Regularis disciplinæ ardor, & quidquid virtuti affine, & consanguineum est, sua quæque præclara in eum dona contulerunt: quò fit, vt cùm omni pietate, ac virtute ornatissimus sit, piâ, ac præclarâ administratione huius Prouinciæ rebus lucem adferat. Regularis disciplinæ acerrimus propugnator, vsque adeò eam sartam tectam seruat; vt seuerioris in eâ tuenda nomen sibi comparet. Orationem sibi ad Prouinciæ administrationem assiduam adhibet, quam post matutinas Horas vigilijs, vsque ad primam protractis, perpetuò colit. Charitate eximius existit: quò fit, vt cùm aliquandò Pauperes quosdam in viâ obuios habuisset, qui ab eo vini potum efflagitabant, is cucurbitulam vino plenam obtulerit: qui cùm ad sitis extinctionem bibissent, vinum tamen nequicquam in cucurbitulâ imminutum, charitatis in eo plenitudinem declarauit. Hinc tandem cùm multis piè laboribus perfunctus fuisset, obitus sui tempore Fratribus prædicto, Cassani, corruptibilis corporis sarcinâ depositâ, immortalis stolâ exornatur. Anno 1580.

* *

*

FRA-



FRATER FRANCISCUS SACCHIENSIS FF. CAPVCIN.
PANORMITANÆ PRŌÆ DEFINITOR PROVINCIALIS.

FRATRIS FRANCISCI SACCIENSIS,
DEFINITORIS PROVINCIALIS
VITA, ET GESTA.



FRATER FRANCISCUS SACCIENSIS, Prouinciæ Panormitanæ Concionator, Vir omnium Virtutum laude celebris, cùm in Minorum Obseruantium Familiâ eruditissimi sibi nomen comparasset, ad Capucinos migrat. Admirabilis huius Viri vita existit. Etenim certâ testium fide, ac publicâ dein famâ probatum est, tantæ hominem abstinentiæ extitisse; vt bis tantum in hebdomadâ, nimirum quintâ Feriâ, ac Dominicâ die cibum sumeret; reliquos verò dies absque vlllo alimento præteriret. Porro dierum illorum refectio, non alio, quàm panis, & aquæ cibo, ab illo peragebatur, quam viuendi rationem 30. annorum spatio coluit. Sacram verò hebdomadam absque vlllo cibo transigere consueuerat, præterquam in die Iouis sancto, in quo propter diei solemnitatem duabus, vel tribus non amplius panis buccellis vescabatur. Interdum etiam à Dominicâ Passionis, vsque ad Resurrectionem Domini, inter quas 15. dierum spatium interfuit, ita à cibo abstinebat; vt trinam tantum toto eo tempore panis, & aquæ refectioem admitteret. Neque ab hoc abstinentiæ genere eum Quadragesimalis Predicationis labores deterrebant. Præter hæc aliquando orationis (cuius is amantissimus erat) studio allectus, decem integros dies absque vlllo cibo ducit: septem quotidie iuxta Horarum Canonicarum numerum carnis flagellationes exercet, ac Feriâ sextâ, quam Dominicæ flagellationis memoriæ consecrare solebat, spinosis malorum granatorum ramis durè seipsum cædit, quo tempore tam copiosus ex eo sanguis effluebat; vt ampla cruoris signa ab eo in Ecclesiæ pauimento relicta, abstergi opus esset, ne homines in horrorem inducerentur: cùmque ab eo Fratres quærerent, quo pacto caro tot flagellis concisa subsistere valeret, id respondere solitus erat: haud tantum sibi doloris flagellationes adferre, quantum ex poenarum Christi meditatione illi in animo dolor oriebatur. Tria sibi cilicia asperrima contextuit, ex quibus duo, terga vsque ad femora tegebant, alterum ante pectus vsque ad vmbilicum pendeat, quibus cùm diu noctuque vteretur, perpetuum Christo carnis suæ Martyrium offerebat. Breui, arcto, ac ferè sem-

re semper lacero habitu, quem multis præsegminibus refarciebat, vtebatur. Humilitas, paupertas, patientia, mansuetudo, modestia, benignitas, honestas, moderatio, charitas, & si quæ aliæ Virtutes sint, quæ perfectum hominem exornant, in hoc Viro emicabant. Beatiss. Virginis deuotissimus, sæpè ipsius præsentia potitur. Quàm prolixas in oratione vigiliis, quantis orationis locum lachrymis aspergat, quamque sollicitè mentis candori, ac perpetuæ cum Deo vnioni studeat, haud facilè expendi potest. Solitaria semper loca quærens cum Deo habitat. Miro Spiritus feruore Verbum Dei disseminat. Cùm aliquandò Bocherij, quod est Siracusanae Prouinciæ Oppidū, Dei Verbum prædicat, duo semel sibi demonstranda præscripserat: Primum, quanta illi Animæ lux, & pulchritudo inesset, quæ Deū inhabi tantem haberet. Alterum, quanta è conuerso illius Animæ deformitas, ac turpitudine sit, quum primū à Deo deseritur: cumque id varijs rationibus explicasset, inter alias hanc similitudine vtitur. Pendebat in medio Ecclesiæ magna quædam lampas ardens, quæ ante omnium oculos posita à toto Populo conspici poterat; in hanc cū Franciscus oculos defixisset, ait: Discite, Charissimi, quænam sint Animæ tenebræ, quamque miser hominis status, cū Dei gratiā destituitur; haud sanè ab eo dissimilis est, qui huius lampadis esse contingeret, si à lumine mōx defereretur, in quā præterquā tenebræ, ac foetens odor, nihil spectaretur. Vix hæc dixerat cū lampas in omnium oculis extincta, nihil præter fumum, ac tetrum odorem exhalare incipit, qui mōx per totam Ecclesiam, diuinā virtute ita diffusus fuit; vt vix à Populo audiente tolerari posset. Tū verò alteram Concionis partem exagitans: Discite iterum (inquit) quid homo per Contritionem, ac Pœnitentiæ Sacramentum acquirat, id planè quod hæc lampas sibi vendicaret, si extinctum lumen reciperet. Statimque lampas Angelico ministerio accensa, solito lucentius ardere, ac radios per cuncta Ecclesiæ loca emittere, ac fulgurare conspicitur: quod Populus, cū prodigio perterritus aspectaret, tam ardentem ad pœnitentiam commoueri coepit, vt cuncti ad Sacramenta properarent. Hoc ipso in Oppido, cū aliàs pro suggestu in peccatores inueheretur, stabat in totius Populi prospectu quædam grandior Crucifixi statua eminentiori loco collocata, ad quam cū Vir Dei oculos erexisset, ait: Caue tibi, ô Peccator, à celesti Dei viuientis irâ; nam Christi manus, quas ibi in Cruce confixas cernis, nisi Deum pœnitentiā placaueris, è Cruce solutæ clauos deferent, ac pro clauis gladium apprehendent. Dictu horrendū, vix hæc

vix hæc Dei Seruus protulit; cùm illa Christi Crucifixi statua dexteram manum magno strepitu è Cruce diuulsam, quasi tunc ea vindictam de impijs sumptura esset, in altum effert. Quo tempore cùm Populus rei aspectu perterritus, misericordiam à Deo magnis gemitibus postularet, in clementiæ signum ad clauum redijt. Porro diuino huiusmodi spectaculo, ità Vniuersos terruit, vt eo plerique commoti, ad Religiones aufugerint. His quoque quamplurima Miracula accessere, quorum memoria ob conscribentium penuriam, maiori ex parte obliterata, Historiam effugit; in his quædam Fœmina, ex Saccæ Oppido, phrenesi sepissimè laborans, ab eo, Crucis Signo sanatur. Ibidem, cùm ex Oppido cum Socio abscedens, totâ die iter faceret, Regione vniuersâ circum circa cadētibus è Cœlo imbris irrigatâ, suâ oratione obtinet, vt ne quidem pluuię gutta, ipsos inter imbres incedentes attingeret. Dùm etiam semel Missę Sacrificio incumberet, vitreę vini & aque ampullę, de Fratris Viti Hyrminiensis manibus elabuntur, in solumque impingentes comminuuntur: at Franciscus contractos Vrceolos Signo Crucis instaurat. Plurima quoque prouidentiâ, ac consilio præcellens, sepè in Siculâ Prouinciâ, dùm adhuc integra manet, Guardiani, ac Definitoris Officio magnâ cum laude perfungitur. Postremò iàm Septuagenarius, Pannormi ægrotans, extremum sibi diem adesse intelligens, in ipsâ sui obitus horâ, nudum in terrâ se deponi poscit, tùm vt Christi & B. P. Francisci vestigia propiùs insequatur, tùm etiam, vt velocior in Cœlum abeat, dùm in mûdo nulla rerû cupiditate teneri se declarat. Hoc modo corporis exuijs liber, ac purus, ad cœlestes auras conscendit. Anno 1575.

FRATRIS PETRI à SEMINARIA, DEFINITORIS PROVINCIALIS
VITA, ET GESTA.

PRATER PETRVS à Seminaria, Vir virtutibus, ac sanctimoniâ illustris, cùm in Minorum Obseruantium Ordine Nouitius esset, quo tempore Ludouicus Reginus, ac prisci alij Calabræ Reformationis Patres persecutiones patiebantur, asperâ illorum vitâ, & inuictâ patientiâ commotus, ad Capucinos migrat, grauesque illas illorum temporum procellas cū ijs suffert. Multis, ac præclaris hic virtutibus in Religione enitet, quibus se ità omnibus admirabilem præbet, vt in eo quisque perfectum

Reli-

Religiosæ disciplinæ, ac Regularis obseruantia exempla suspiciat. Oratione præsertim, ac cœlestium rerum contemplatione fuit illustris, quâ fiebat, vt magis inter Cœlites, quàm inter homines commorari, & ad diuinam potius contemplationem, quàm ad rerum humanarum vsum, ac commercium natus esse videretur. Nec tamen in humanis rebus consilio, ac prudentiâ caruit. Hinc sæpè Guardianus, Nouitiorum Magister, ac Prouinciæ Definitor creatus fuit. Huius Viri sanctitas plerisque Miraculis, à Deo probata fertur. Cùm enim ob conceptam de ipsius sanctimoniâ opinionem, multi ad eum ægroti confluerent; cunctos ferè, Signo Crucis adhibito, diuinâ Virtute curabat. Denique cùm in Conuentu Seminariæ, à Deo sui obitus commonefactus fuisset, Mottam Philocastri, vbi charissimi quondam illius Præceptoris Ludouici Rhegini ossa seruabantur, proficisci voluit, vt ibi simul cum Patre quiesceret, ab eoque corpore non disiungeretur, à quo primùm cœlestis vitæ Spiritum hauserat. Mottam ergò cùm peruenisset, in morbum incidit: pleraque etiam Prophetico Spiritu prædicens, obitus sui diem Fratribus prænuntiat: ac tandem cùm animum in eam diem omni pietate Domino præparasset, quam sibi tot laboribus, ac virtutibus construxerat, Coronam tandem in morte accipit, Anno 1576. Mors verò Viri Dei, neque vultus candorem, neque colorem, aut venustatem, quâ viuus, ac superstes fruebatur, abstulit; sed pulchriorem, ac venustiorum potius reddidit: ita vt non mortuus, sed dormiēs omnibus videretur: at nec mortuus, sed dormiens censendus est, qui ad cœlestem lucem euigilans, beatam corporis resurrectionem præstolatur.

F R A T R I S P E T R I T V D E R T I N I,
G V A R D I A N I
V I T A, E T G E S T A.

RATER PETRVS TVDERTINVS, inter Obseruantes multo tempore Magistri Nouitiorum Officio functus, cùm Regularis obseruantia studio ad Capucinos euolasset, & Vir bonus, & consilij ab omnibus haberetur, ex suis non paucos compulit, vt ad eos eodem modo, transmigrarent. Inter Capucinos verò eam vitæ rationem instituit, quæ cæteris virtutum exemplar esse posset. Paupertatis, atque austeritatis adeò seuerus cultor fuit vt pauperrimo, atque obsoleto habitu contentus, semel tantum in die refectionem fumeret, in quâ à carnibus, ac lautioribus epulis

Q

abstine-

abstinebat. Abstinentiâ verò sibi ad orationem viam parauerat, cuius tantoperè studio tenebatur; vt remota, ac solitaria semper loca quæreretur, in quibus quidquid temporis illi ex communibus Obedientiæ Officijs supererat, totum orationi, ac præsertim Passionis Christi meditationi dabat: hâc tantoperè afficiebatur, vt non tantum animo, sed etiam corpore Crucifixo Domino compatiendum sentiret: idcirco ad Dominicæ Passionis memoriam in seipso excitandam, aspero semper ad carnem cilicio utebatur, idque dicere solitus erat, Seruum Dei nullo vnquam tempore prætermittere debere, vt dies absque aliquâ corporis afflictione elabatur, quæ illi Domini, Passionem in animum reuocet. Quo verò magis in seipsum rigidus, ac seuerus erat, eo ampliori (quod veræ virtutis argumentum est) ac tenerâ quâdam in cæteros compassione ferebatur. Hâc animi pietate, cum non solum in viuos, verum etiam erga mortuos liquefceret, contingit aliquandò; vt Urbis Gubernator, bis 7. facinorosos homines, ob atrocissima delicta in Crucem tolli, ac suspendio enecari iusserit, quorum corpora, cum diu in aëre suspensa, ac inhumata penderent, is piâ erga defunctos miseratione commotus, facultate à Superiore impetratâ, intempestâ nocte ad patibulum accedit, laqueos scala adhibitâ, præscindit, & condemnatorum corpora clâm cum Socio sublata, tam occultè Sacro in loco sepelit; vt factum vniuersos latuerit. Tàm singulari Sanctus hic Vir in sedandis animis, ac similitatibus effugandis Dei gratia præstabat; vt nemo tam ferus, tamque inhumanus esset, qui illius sermonibus non demulceretur. pacemque; cû hoste componeret: plura huius argumenti exempla afferri possent: plurimæ enim Domus, ac Familiæ quas intestina odia ferè ad extinctionem vorauerant, velut è Sepulchro excitatæ, quâ plurimæ quoque Urbium factiones, quæ in mutuas cædes exardescabant, diuinâ huius Viri eloquentiâ sedatæ, quæ omnia consultò prætereo, ne imensum excedant. Guardianus Fulginum missus, peractâ Conuentus structurâ, cum postremò Sepulchrum effoderetur, Petrus, Fratribus in id opus insudantibus, ait: Eia, Filij, iam strenuè laborate, hunc enim vestro Guardiani laborem impenditis, hanc mihi nunc domum ædificatis, quam ego primus ingredior, atque hic mihi suprema breui requies futura est. Id planè haud absque Dei reuelatione ab eo dictum fuisse, res ipsa non obscure declarauit; Quandoquidem post exiguum temporis spatium elapsum, cum ad mortem ægrotare coepisset, viâ sibi, deuotissimâ Sacramentorum susceptione, ad Coelum stratâ, primus illius Sepulchri domicilium ingressus, gloriæ

riæ

riæ coronam, quam in fletu, & afflictionibus seminauerat, tandem in Sanctorum exultatione messuit. Quod ne quis in dubium reuocare posset, duobus id potissimum argumentis à Deo probatum fuit. Primum est, quod cum non lōgè ab ipsius obitu, eius Nepos, Vir sæcularis, hecticâ febre laboraret, Petrus illi per diem splendidus, ac totus gloriâ fulgens apparet, diem obitus prædicit, peccatorum confessionem, poenitentiam, ac deuotam Sacramentorum perceptionem indicit, extremoque vitæ suæ tempore se iterum ad eum rediturum spondet. Dies adfuit supremus, Nepoti præstitutus: cum Petrus ad illum veniens, ipsius Animam sordibus expiatam, atque corpore solutam, secum ad Superna ducit, Anno 1540. Alterum est, quod cum quarto post ipsius obitum anno (quo tempore nemo, illo excepto, in eo Sepulchro eatenus conditus fuerat) Frater Iacobus Hespellenfis in eo Conuētū extremū diē clausisset, aperto ore Sepulchri, vt eo defuncti Iacobi Corpus inferretur, tanta odoris fragrantia ex Petri Corpore statim effundi cepit; vt cuncti in mentis stuporem conuerterentur, ac insignem Petri sanctimoniā & certam illius apud Deum gloriam diuinitus testatam haberent.





FRATER FRANCISCVS A PALEMONE FRATRVM
CAPVCINORVM GVARDIANVS

FRATRIS FRANCISCI à PALEMO-
NE, GVARDIANI
VITA, ET GESTA.



RATER FRANCISCVS à PALEMONE, Prædicator, cum per aliquot annos in Obseruantium Familiâ magnâ cum virtutum laude militasset, quo tempore Frater Ludouicus Rheginus, & Bernardinus Georgius, alijsque ad Capucinos migrant, eodem ipse quoque Regularis obseruantia Spiritu ductus, cum his ad Capucinorum Reformationem accedit: Hic propter singulares virtutes, quibus à Deo cohonestatur, ac potissimum ob columbinam quandam mentis simplicitatem, quam vbique præfert, quæ tamen haud absque plurimâ animi prudentiâ elucet, Ludouico Rhegino charissimus existit. Cumque eum multâ virtute, ac fortitudine præditum agnosceret, primum, Messanæ Guardianum illum instituit: Quo tempore Carolus V. Imperator ex Aphricâ rediens Messanam appellit, Supplicatione Fratrum institutâ, qui oliuarum ramos in manu gestabant, eidem obuiam procedit: quod pio Imperatori, qui animum ad res Italiæ pacificandas propensum gerebat, gratissimum, ac velut coeleste auspiciu fuit, quo magis ad rerum tranquillitatem curandam excitaretur. Plurimas cum Ludouico, & alijs in ipsis Reformationis primordijs calamitates, ac persecutiones passus, inuictam semper constantiam, ac Religioni Fidem seruat. Graui tentatione concussus, nûm ea Capucinorum Reformatio à Deo profecta esset, quam tam dirè & acerbè oppugnari conspiciebat, cum ad quendam Fratrum Obseruantium Conuentum hospitij causa diuertisset, amici consilio aliquantûm confortatus, haud tamen ea tentationum tempestas, quæ in ipsius animo orta fuerat, ita sedatur, quin rem sibi orationibus, & lachrymis à Domino postulandam proponat. Quapropter cum se assiduis ieiunijs macerans, sedulò orationi incumbit, atque à Domino illuminari petit; oranti semel clementissimus Dominus, coelesti splendore amictus, apparet, his eum verbis increpans: Quid est, Francisce, quod in dubium reuocas, an Capucinorum Reformatio mihi grata existat, vel à me profecta fuerit? An non ego te ad eam vocaui? constantiamque vt in eâ immobilis hætenus perstares indidi? Vir modicæ Fidei, quid du-

bitas? mea hæc Congregatio est, à me genita, ac mihi magnoperè dilecta: in eâ, si mihi gratus esse optas, permane: non te persecutiones ullæ moueant, hæc illi accidere necesse est, vt in his clarior mea virtus, atque ergà illam prouidentia, ac sollicitudo eniteat. His Domini verbis, adeò mens Francisci confirmatur, atque ad perfectæ Regularis obseruantiae studium incenditur; vt seipsum deinceps in eâ omnium virtutum specimen exhibeat. Rigidus in seipsum, asperrimo tam victu, quàm vestitu, paupertatis sectator, semper vititur. Omnes B. P. Francisci in edias arcto ieiunio custodit, reliquis anni diebus semel tantum in die, eumque tenuissimum cibum sumit. Cuncta B. V. Festorum peruigilia, panis, & aquæ ieiunio celebrat. Verborum parcus, Fratrum colloquia, nisi de Regulâ, aut diuinis rebus instituantur, studiosè deuitat: plura enim se silendo, quàm loquendo didicisse affirmat. Perpetuam mentis puritatem, in vtroque, tum Religionis, quàm Sæculi statu, ex singulari Dei munere fartam tectam seruans, octoginta annorum spatio, nullum vnquam mortiferæ alicuius culpæ remorsum in animo sentit. Cùm Prædicationis munere fungitur, non semel, sed bis, ter, quaterque, & vbicunque homines collectos conspicit, Dei Verbum tanto Spiritus æstu proponit; vt in Francicæ Oppido, vnico Quadragesimalium Sermonum spatio, quatuor & viginti Adolescentes, sæculum deferere, & ad Capucinos euolare compellat; ita, vt cùm Oppidani Franciscum viderent, velut ex prouerbio dicerent: En qui Matres liberis orbat. Orationem denique tanto studio prosequitur; vt à Matutinarum Horarum exordio, vsque ad Refectorij signum, quod pro prandio datur, nunquàm à Choro, atque Oratione recedat: reliquumque temporis, quod illi ex prædicationis Officio, vel ex domesticis muneribus superest, totum in Orationibus infumit: eoque fit, vt ferè semper animo in Deo suspensus, cæteris ecstasticus appareat; sæpè etiam vel orando, psallendo extases patiatur: inter quas illa illustris fuit: dum in Conuentu Consoleti Orationi, quæ meridiano tempore in Choro cum alijs incumbit, palàm Dei virtute in extasim rapitur, ex quâ, cùm post longioris temporis moram sibi tandem redditus est, tantam lachrymarum vim protinùs ex oculis fundere, ac tam graues singultus edere incipit, vt præ mentis dolore velut insanus, & capillos capitis; & barbæ sibi pilos euellat; cùmque Fratres illius dolorem lenire cupientes, tanti mœroris ab eo causam quærunt; futuras in proximo Religionis calamitates Spiritu Prophetico his verbis prænunciat: Heu Fratres (inquit) heu venit lupo, qui Gregem dispergat,

væ Gregi,

væ Gregi, quia nemo est, qui dentes eius valeat retundere. Ergà B. V. cultum tenerrimè afficitur, eâque in Dominicæ Passionis memoriam religione fertur, vt illam sedulò in animo gestet, quod, vt, quàm Deo gratum esset, cunctis innotesceret; quam plurimis ægris, dum adhuc viuus, ac superstes esset solo Signo Crucis adhibito, incolumitatem reddidit. Postremò cum octogesimum annum, pari annorum, ac virtutum serie præclare egisset, Mileti in morbum incidit: à Dominoque præmonitus, quo die ex hâc vitali luce migraturus esset; vbi extremis Ecclesiæ Sacramentis animum expiauit, circumfusus Fratres ad perfectam Regularis obseruantiaë disciplinam vltimis verbis adhortatur: cumque adhuc verba profert, quasi leui somno confopitus, inter Fratrum manus suauiter expirat, in ipsâ solemniissimâ B. V. Assumptionis die, quam sibi ipsi dum viueret supremam à Domino, precibus postulauerat, vt cum ea Cœlum conscenderet, quam eximiâ viuens semper religione coluerat. Obijt Vir Dei. Anno 1544.

F R A T R I S I A C O B I F L O R E N T I N I ,
G V A R D I A N I
V I T A , E T G E S T A .

FRATER IACOBVS FLORENTINVS, cum primùm Fratres ex hospitali S. Columbani domo, ad S. Barn. Ædem transmigrarunt, primus illius Conuentus Guardianus creatur. Vir Angelicus planè, mansuetissimus, humilitatisque ita studiosus; vt quanquàm Guardianus sit, vilia quæque domus officia præstare haud vereatur. Austeritatis amicus, parcissimo cibo vtitur. Cumque hispidi panni (quibus ad Triremes damnati indui consueuere, illius austeritati haud sufficiant, intextis funiculis totam interioris habitus partem contegit, vt eâ austeritate velut cilicio carnem domet. Has, ac plerasque Corporis afflictiones) quas seriò, ac secretò exercet; dum assiduâ oratione, & coelestium rerum contemplatione, cui plurimùm addictus est, suaues reddit, bonis operibus plenus in Conuentu Asteni deuotissimo sine in Domino quieuit. Anno 1548.

* *
*

F R A .



FRATER IOANNES BAPTISTA A NVRSIAFFE
CAPVCINORVM GVARDIANVS.

FRATRIS IOANNIS BAPTISTÆ
NURSIA, GVARDIANI
VITA, ET GESTA.

PATER IOANNES BAPTISTA à Nursiâ, optimis à teneris annis moribus imbutus, ad diuina propensus, atq; ab omni præsertim obsecenæ voluptatis impuritate alienus. Huic, cum Pater iam adulto, Virginē coniugio copulare vellet contractisque sponalibus Nuptiæ celebrandæ essent, castissimus Iuuenis qui

Virginitatem suam eousque illibatam seruauerat (cùm sibi coniugio eripiendam fore acerbissimè ferret) Deum breui hac Oratione, non absque multis lachrymis effusâ, deprecatur. Deus integritatis, ac castitatis amator, qui me custodisti à iuuentute meâ, & à carnis voluptatibus hætenus impollutum seruasti; En vndique in me castitatis hostes insurgunt, quid dicam, aut quid faciam ignoro, ad te confugio Domine Iesu, Virginum amator, Virgo, te Virginem sequi semper optaui, iam tuam fer opem, consilium ministra, propositum serua, ne quando dicat inimicus meus, præualui aduersus eum. Deus verò qui castas hominum cogitationes, & consilia fouet. mox Ioanni inspirat; vt ad Minorum Obseruantium Religionem se conferat: acquiescit diuinis consilijs castus Iuuenis, spretisque huius sæculi nuptijs, ac carnali Sponsâ derelictâ, cùm necdum decimum septimum ætatis annum attingeret, ad cœleste Religionis coniugium, nullâ morâ interpositâ euolat. In Obseruantium igitur Familiam assumptus, nihil præter virtutum studia in animo versat: Orationem præsertim, ac rerum diuinarum contemplationem ita sibi amicam, ac familiarem conciliat; vt nullâ re magis delectari videatur. Sacerdotio tandem inunctus, Regularis obseruantia. quam passim in Ordine dilabi conspiciebat, studio incensus, cum Francisco Æsino, impigrè in Reformatione, inter Obseruantes statuendâ, laborat: at vincula, & carceres pro bono opere cum Æsino consecutus, de eâ desperans, cum eo pariter ad Capucinorum Reformationem se confert. Inter Capucinos verò, tantâ omnium virtutum laude floret, vt Regularis obseruantia. cum primis studiosissimus, arctissimam tam in victu, quàm in vestitu paupertatem, atque austeritatem colat. Cum Deo in Oratione tam assidue conuersatur; vt vix vnquam

R

præterquam

præterquàm in munerum functionibus, inter Fratres appareat. Honestatis custos integerrimus, Dæmonem in Conuentu, vbi is tunc Guardianus erat, sub puellæ specie castitati Fratrum insidiantem, detegit, atque expellit. Nonnulla Vir hic viuens Miracula edit, inter quæ illud refertur, quod Perusiæ Antonium quendam, qui graui in crure vlcere laborabat, Crucis Signo tantùm adhibito, protinùs perfectè sanitati restituerit. Postremò, in eodem Perusiæ Conuentu, cùm suprema Francisco Æsino, suo inter viuos Achatì, Funera persoluisset; iàm sui obitus diuino Spiritu præsciùs, ligneum Sarcophagum, in quo Francisci Corpus condendum erat, ita amplum fieri præcipit; vt duo simul iuncta corpora capere valeret: tùm verò, vt se breui Francisco coniungendum indicaret, his verbis adstantes affatur: Ne, Fratres, factum admiremini, quomodò enim in vitâ suâ dilexerant se, ita & in morte non sunt separandi: Vix autem Francisci corpus tumulo condiderat, cùm & ipse febre egrotare incipit, ex quâ cùm velocissimè sibi hinc decedendum esse prænosceret, ad Domini aduentum sollicitè se deuotissimâ Sacramentorum susceptione, ac lachrymarum copiâ parat. Porro in ipsâ sui obitus hora, Franciscum Æsinum cœlesti gloriâ effulgentem, sibi quæ apparentem conspiciens, suauiter exclamare incipit: O quàm splendidam, ô quàm præclaram ego lucem cerno! O Francisce, ô Francisce, quàm pulcher es! Tùm hymnum, O Gloriosa Domina, &c. ore personans, dum illum adstantes Fratres adhuc cantu prosequuntur, necdum eo expleto, inter deuotas Fratrum voces, & cœlestis lucis splendores Deo Animam reddit: atque hoc ipso tempore, Frater Albertus Neopolitanus, Vir sanctimoniâ illustris, dum inter cœlestes raptus, diuinis delitijs, fruitur, Ioannis Baptistæ Animam, Christi Domini iudicio oblatam intuetur, in quâ cùm Dominus præter leues quasdam negligentias, quas in diuino Officio persoluendo, admiserat, nihil expiandum reperiisset. ijs proprio Sanguine absterfis, cœlesti benedictione donatam, ad Æthera transmittit. Post Ioannis Baptistæ obitum, olim fama fuit, illum cuidam Ordinis Deuoto, qui in Aquæ Sparte Oppido extremum Spiritum agebat, gloriosum apparuisse, ei quæ cœleste præmium annunciasse. Denique cùm ipsius Corpus simul cum Francisci Æsini corpore, in eâdem arcâ conditum fuisset, decimo post vtriusque obitum anno, dùm Fratres eorum corpora, vt in nouum Sepulchrum transferant, omni diligentia exquirunt, accidit; vt ligneâ arcâ iàm ob loci humiditatem putrefactâ, cùm humum ligone effodiunt, casu, ac imprudenter, alterius eorum pedi vulnus in-

figurat.

fligunt, ex quo cum statim sanguis tanquam ex viuo corpore efflueret, eo signo corpora reperiunt, eruunt, efferunt, atque vtraque tam integra, atque incorrupta conspiciunt, perinde ac si eo die sepulta essent: nouoque Sarcophago inclusa, honorificentius in Sepulchro recondunt. Obijt Anno 1549.

FRATRIS IGNATII de VALLE DV-
PLICI, GVARDIANI
VITA, ET GESTA.

FRATER IGNATIVS de Valle duplici, qui ex Nobilissima Comitum eiusdem Oppidi stirpe progenitus, inculpatam ac virtutibus plenam in sæculo vitam duxerat, ferreæque catenâ, quam perpetuò circa lumbos gestabat, carnis petulantiam in sæculo domans, integros quandoque dies in Oratione transegerat: cum à sæculo ad Religionem migrasset, vitam priori pietate auspicatam, tot virtutibus illustravit, vt totius humilitatis, honestatis, mansuetudinis, obediētiae, Regularis disciplinæ, omniumque virtutum exemplar sese præbuerit. Orationis cum primis studiosissimus fuit, cuius adeò cupiditate tenebatur, vt hominum familiaritatem fugiens, semper solitudines orationi aptas quæret. Hic dum Bononiense Monasterium Guardianus administrat, ob singularem vitæ sanctimoniam, ad Pontificiam Classẽ, cum Constantino Mutilensi, ac cæteris sub Anselmo mittitur, vbi cum præclara omnibus pietatis, ac charitatis testimonia reliquisset, rediens partâ Victoriâ, varijsque in eo itinere ærumnis, & incommodis affectus, in Apuliæ Prouinciâ in morbum incidit, vbi charitatis, ac obediētiae Martyrio feliciter consummato, ærumnis finem imponit. Anno 1571.

FRATRIS IVLIANI SALODIENSIS,
GVARDIANI,
VITA, ET GESTA.

FRATER IVLIANVS Salodiensis, in ipso Reformationis exordio, è Minorum Conuentualium Familia, ad Capucinos migrat: hic inter ipsâ Religionis initiâ, in Calabriam, deinde in Siciliam, demum in Liguriam missus, plurimos pro Religione piè labores perfert. Secundus S. Barnabæ, apud Genuenses, Guardianus constituitur. Vir hic, cum ob præclara virtu-

tum ornamenta, quibus in Religione inter ceteros elucet. familiariter cum Domino conuersatur, multis quoque visionibus à Deo illustratur; quò fit, vt sæpè Dæmonum infestationes, ipso præsertim Orationis tempore patiatur, frequenter quoque ab ijs verbera sustineat; quæ dum is inuictò planè animo fert, ampliorem sibi apud Deum gratiam comparat, à quo sæpè posthæc diuinis reuelationibus cohonestatur. Cum in die Ascensionis Domini plurimis à Dæmone flagellis cæsus fuisset, posthæc Domino apparente, tam altè illi Ascensionis Dominicæ Sacramentum declaratum fuit, vt illud verbis haud referre possè affirmaret. Virginitatem eum perpetuò coluisse communis omnium fama fuit. Postremò cum iam senio confectus, Romam missus esset. pridè quàm in morbum incideret quâ die ex humanis excessurus esset, diuinitus admonitus: sequenti die Sacrum Missæ Mysterium factururus, ad Ministrum inquit: Iàm lubenter mihi à Sacris assiste, postrema enim hæc mea Missa erit, nec me amplius hæc sacra Altaria Ministrum habebunt. Postridè cum in morbum incideret, breui ex humanis sublatus, omni cum pietate, plenus virtutibus, in Domino obdormit.

Anno 1551.



FRA-



FRATER MATTHÆVS A LEONISSA FRATRVM
CAPVCINORVM GVARDIANVS

FRATRIS MATTHÆI à LEONISSA,
GVARDIANI
VITA, ET GESTA.



FRATER MATTHÆVS à Leonissâ, ab ipsâ ineunte ætate tot à Deo cœlestibus donis præuenitur; vt religiosa pietas, atque ergà res Sacras deuotio secum nata videatur. Virginitatis honestas, tam perfectè in ipsius vultu, verbis, atque actibus elucet, vt cæteri Literariæ Palestræ Commilitones, alterius Bernardini instâr, leue aliquid, aut scurrile, ante illum proferre, aut moliri vereantur. Post Philosophiæ, ac Medicæ artis studia, Doctoris tandèm in eâ scientiâ Lauream assequitur: at animus illius iàm à Deo ad meliora, ac præstantiora vocatus, haud quiescit: quare cùm mundana omnia deferere ad solitudinem euolare, Deoque soli vacare, sibi in animo proposuisset; Parentum lachrymis, id ægrè ferentibus, aliquamdiu sibi supersedendum ducit. Tertij tamen Ordinis B. P. Francisci habitum, velut melioris præcursores, assumit. Medicorum igitur togâ, in Tertij Ordinis habitum commutatâ, à Medici tamen Officio non abstinet, sed ab eo tempore frequentius, ac diutius orationi insistit, carnem ieiunijs, ac vigilijs domat, corpus flagellis cædit, ac solitaria, ad lachrymas, & ad cœlestium rerum meditationem, loca quærere incipit. Quotidianas curationes tantâ in Pauperes charitate exercet, vt cùm ij pharmaca, ac medicamenta sibi præ inopiâ comparare minimè possunt, panem illis benedicit, qui ab ijs sumptus, medicinæ in his operationem, ac morbi curationem sortiuntur. Stephani quoque Ettorij à Leonissâ, Filium (cui frõs saxi ictu grauiter sauciatus fuerat) Signo Crucis adhibito sanat. Post quotidianas curationes, ægrotis impenfas, in campestrem quandam Ecclesiam secedere solet, vbi binas, vel ternas in oratione horas infumit, corpus verberibus castigat, ac intempestâ nocte impostam sibi in humeros trabem, quæ Crucem Domini suo pondere referat, per omnes Oppidi Ecclesias raptat. Feruet igitur in Matthæi animo eternorum amor: quapropter mundo, & Parentibus valedicens, Romam proficiscitur, vbi vitam sibi inter Capucinos eligens, à Bernardino Astenfi ad Religionis finem recipitur. Post Religionis ingressum, nihil graue existimat, quod diuinus amor, ac charitatis incendium

cendum illi leue non efficiat: Cumque nullus eo ad omnium virtutum studia ardentior conspiciatur, duo tamen sunt, quæ in nouo Tyrone, admiratione potissimum digna sunt: primum, quod, cum ætate prouectior, Virque omnibus liberalibus disciplinis eruditus, ad Religionem accessisset; eâ tamen animum simplicitate imbuit; vt omnem prorsus humanæ scientiæ sensum exuisse videatur. Alterum est, quod eam animi simplicitatem, humilitatem, modestiam, obedientiam, verecundiam, ac ceteras Nouitatus virtutes, ac instituta, tam auidè deinceps amplectatur, ac mordicus retineat; vt toto vite suo curriculo, nunquam ab animo deponat: quò fit, vt in morum compositione, in silentio, in oculorum mortificatione, in loquendo, in agendo, etiam Guardianus existens, eam disciplinæ formam seruet, quam Nouitius sibi comparauerat. Exacto probationis anno aduersus carnem bellum adoritur, quam frigore, & nuditate, vnico tantum habitu inter ipsos gelidissimos hyemis rigores contentus, prosequitur. Verùm cum rudioris habitus asperitas, haud sibi ad austeritatem sufficeret, asperum sub eo cilicium, ad genua vsque defluens, gerit, ac præterea sub cilicio, catenâ, quæ corpus in seruitutem redigat, lumbos præcingit. Nunquam sandalijs vsus, nudis pedibus, quacunque anni tempestate, niuem, glaciemque premit. Tantâ interea carnem abstinentiâ extenuat; vt quotidiana non modò ieiunia colat, quibus sæpissimè nihil præterquam panis, & aquæ cibum ministrat, sed & ipsam quoque refectionem aliquandò ita contrahit, vt bis tantum, vel ter, in hebdomadâ, ad victum necessaria sumat. Semel verò, cum Epiphaniæ Quadragesimam celebraret, austerioris ieiunij cupiditate incensus, S. P. Francisci exemplo, diu ab omni cibo abstinet: cum autem vsque ad decimum septimum diem absque vllâ corporis (præterquam Sanctissimæ Eucharistiæ, quam quotidie deuotissimè offerebat) refectione peruenisset; hic substitit Vir humilis, nè cum B. P. Francisco, de ieiunio velle contendere videretur, sed consuetâ panis, & aquæ refectione utitur. His prolixæ noctis vigiliæ accedunt, quas post matutinas Horas potissimum obseruat, cum autem in Oratione, aut rerum diuinarum contemplatione eas insumpsit, breuem tantum, humi aut super tabulas iacens, corpori somnum indulget. Hæc in Matthæo eo maiori admiratione digna erant, quod cum corpore gracilis, ac naturâ delicatus esset; minus tot austeritatibus aptus esse videretur. Spirituale illud exercitium, quod in Dominicæ Crucis memoriam, adhuc sæcularis inchoauerat, etiam post susceptam Religionem pari studio prosequitur; sæ-

tur; sepe enim cum id loci ac temporis opportunitas ferret, in profundo ipso noctis silentio surgens, post longam corporis flagellationem, trabem sibi humeris imponebat nudisque pedibus ad Ecclesiam pergens, Christum Dominum, Crucem ad Caluarium deferentem, meditabatur atque interdum lachrymosis gemitibus Sacram Domini Passionem iuxta Matthæi Euangelium recitans, deplorabat: quo tempore, haud raro accidit, ut coelestia quaedam lumina à nonnullis conspicerentur, quæ ipsum euntem ac redeuntem comitabantur: Hæc lumina, primum Leonisæ, à quâdam piâ fœminâ visa fuere, dum Matthæus, adhuc Tertiarius, pium hoc opus, intempestâ aliquandò nocte præstaret: Cum autem inter Capucinos hoc ipsum nocte quâdam prosequitur, Sacerdos quidam Manfredus nomine, ex Augustinianorum Familia, Vir pietate eximius, qui Matthæum nonnunquam pio operi infudantem obseruauerat, se illi comitem adiungit: quo tempore contingit, ut Vir quidam, cui iumenta è stabulo aufugerant, in eos incideret, cui Matthæus, antiquam ab eo de iumentis interrogaretur: Amice, inquit, ne iumenta hæc viâ quaras, illac perge & reperiēs. Stupet ille, cum Matthæum sui itineris causam necdum illi manifestatam, sibi aperire audit: at eò magis deindè obstupuit, cum ab eo diuulsus, post terga spectaret, pleraque lumina vnâ cum Matthæo incedere conspiciat. Denique vix ille aliâ, quæ sibi à Matthæo demonstrata fuerat, viâ progredi coepit, cum iumenta, quæ amissa lugebat, statim obuia habet. In Nertij quoque Oppido dum huic pio operi Matthæus infudat, trabem ferentem, iterum coelestia lumina illum sequentia conspiciuntur. Interdum etiam Dei Seruus graui illo pondere onustus, quò acerbius diuinæ Passionis dolores in seipso experiatur & maiori pietate opus illud exantlet, seipsum ad sanguinem vsque flagellis cedere consuevit, quò fiebat ut sepe nix, quâ humus in eo itinere tegebatur, sanguineis stillis circumquaque ruberet. Quàm verò hoc religionis opus Deo gratissimum esset, non obscure testatur, quod è Cœlo Angelos in eo vię curriculo comites adiungat. Cum autem Matthæus rem Sacram facit, eam tam ardentè peragit, ut nonnunquam ex ardentissimo diuinæ charitatis incendio, extra sensus agatur: quod illi aliquandò Narniæ accidit, dum in Cathedrali Ecclesiâ semel Sacrificium offerret, vbi toto spectante Populo, in extasim raptus, per dimidium horæ spatium sensibus excedit. Virgilium quendam blasphemantem, aliquandò à Dæmone, absens suis precibus liberans eidemque postmodum occurrens, Spiritu Prophetico illius

crimen

crimen aperit, vnde Virgilius diuinâ gratiâ adiutus, vitam, vitia, moresque corrigit. Porro inter alia Spiritus dona, quæ Altissimus Seruo suo contulit, illud potissimum erat, quod ad animos conciliandos, & odia extinguenda, è Cœlo datus videretur. Signis etiam, ac Miraculis clarus, cum ab omnibus velut homo cœlestis haberetur, Leonissæ, quædam Mulier laterum dolore, siue pleuritide correpta grauiter ægrotans, Matthæum intempestâ nocte, graui illo trabis pondere onustum, consuetisque luminibus circumseptum, redeuntem, per familiares accersit: atque vt pro eâ ad Deum preces fundat, obnixè rogat; Is verò cum ægrotam verbis consolatus esset, Signo Crucis lateri adhibito, statim morbum fugat, laborantemque pristinæ incoluitati restituit. Ibidem cum tam multa nix è Cœlo aliquandò cecidisset; vt nulla via à Conuentu ad Oppidum, ad ea, quæ vitæ necessaria sunt, quærenda, pateret: Matthæus diuino Miraculo, Orationibus suis panem, & pulmentum Fratribus impetrat. Germanum fratrem, qui in Minorum Conuentualium Ordine, Concionator erat, in Spiritus feruore, de nimia suppellectilis pompâ increpans, mirabiliter ad meliorem vitæ frugem prouocat: ita quod animo in melius mutato, post vnus vel alterius mensis spatium, ad Capucinos transuolauerit. Prophetiæ dono clarus, ac signis illustris, cum Leonissæ inter potentiores Familias, odia, & simulates grassarentur, accidit; vt cum mutuis factionibus ad arma concurrentibus, tumultu exorto, teneræ cuidam puellæ, quæ Curtia vocabatur, ob armorum terrorem, qui illius animum inuaserat, os repente ita distortum fuerit; vt magis ad occiput, quam ad frontem vergeret. Matthæus igitur casum miseratus, os puellæ distortum tangit, manusque contactu in proprium locum restituit; at peius ori puellæ infortunium prænunciat, quod post aliquot tempus reuera accidit: cum enim rixa iterum inter partes excitatâ, qui hostem bombardæ ictu impetere cupiebat, Iuenculam antè fores domus sedentem, pro hoste transfixit, osque illius glande perforauit: quo ex vulnere interempta, verum Matthæi de eâ Vaticinium esse comprobauit. Patibulum etiam Puero recenter nato, Spiritu Prophetico præuisum, suâ oratione auertit. Pharmacopola in eadem Vrbe Mulieri graui morbo laboranti, pharmaca recusati; Matthæus, panis crustulâ in B. V. lapade intinctâ, ægrotantem sanat. Aprutij, Cœlestinorum Prouincialem, tam graui paralyfi laborantem, vt os illi monstruosè contortum esset, nullaque remedia (quamuis in vanum) prætermissa fuissent, Signo Crucis os signans, in pristinum locum restituit, atque homi-

S

nem in-

nem integrâ salute donat. Antredochi iter faciens, Mulieri vinum suâ oratione impetrat, ac in dolijs multiplicat, rusticoque ægrotanti in agro Leonissensi, aquam in vinum conuertit: quo gustato, mox æger ab infirmitate conualefcit. Huius generis quinque alia, tùm Aquilæ, tùm Antredochi Miracula ab eo patrata narrantur, quibus admirabilis huius Viri sanctimonia magis indies apud homines illustrabatur. Veruntamen alia quæ subsequuntur illustriorem procul dubio reddidère. Nam, vt publicâ Tabellionis fide constat: dùm is in Aquilanâ Vrbe, Conuentus ædificationi præsidet, contigit, vt Rinaldi cuiusdam, Iuris vtriusque Doctoris Filius, qui illi vnicus erat, diem tandem nouissimum clauderet: cuius obitu cùm Pater velut præ dolore insaniens, ferè in desperationem rueret; Matthæus, dùm mortuus adhuc in lecto iaceret, vt Patris dolorem leniret, à Propinquis vocatur; qui illius casum miseratus, vbi cunctos è cubiculo egredi compulit, positis genibus diutiùs pro defuncto orat: tandem ab Oratione surgens, cùm defunctum Crucis Signo consignasset, eundem ad vitam reuocat: factumque ita euulgatur; vt non modò Patrem, sed & Urbem totam testem habuerit. Huic quoque simile accidit, quod in eadem Vrbe contigit. Cùm enim Mulieris cuiusdam viduæ Filius, qui Matris canitiem suis laboribus subleuabat, morte sublatus fuisset; flebat irremediabilibus lachrymis Mater, ad quam cùm Matthæus cōsolator accessisset, illa S. Viri pedibus prouoluta summis eū precibus, ac lachrymis rogat, vt mortuo Filio vitam reddat: recusat ille, seque peccatorem affirmat: insistit illa, viduamque etiam lachrymantem Dominum repulisse asserit, cuius Filium è sepulchro reuocauit; Stetit Matthæus, & Viduæ vices miseratus, ad defunctum pergit, genua flectit, orat, mortuum Signo Crucis benedicit, rursumque ad lucem reuocat, atque indè festinatò discedit: defunctus verò rediuius surgens, cùm supplices manus ad Cœlum tetendisset, Matri inquit: Deo gratias agamus, qui per huius S. Serui sui merita, mihi vitam reddidit: resque vbique per Urbem diffamata fuit. Tertium quoque in eadem Vrbe mortuum Anno 1541. ad viuos reuocat. Paulus enim quidam Aquilæ erat, Vir pius, ac Capucinorum cumprimis deuotus, qui cùm vnicum Filium charissimum haberet, is aliquandò in morbum incidit, ac tandem inter Parentum manus expirat. Tantus igitur ob Filij obitum, vtrumque Parentem dolor inuadit; vt nec cibum sumere, nec mœoris solatia vlla capere vellent. Interim Propinqui, dùm funus defuncto parant, Matthæum accersendum curant, vt mœstissimis Parentibus

tibus

tibus aliquid consolationis impertiretur; conuolat ad pium opus Matthæus, ac domum ingressus, cum plurimam lugentium turbam videret cunctis silentium indicens, mox in secretum se cubiculum confert: vbi diutius orans, postremò ab oratione surgit, cumque ad defunctum Adolefcentem reuersus, vniuersos hilari vultu salutasset: Quid ploratis, inquit, non est mortuus Adolefcens, sed dormit: tū ad mortuum accedens, vbi illum tenerrimè amplexatus est, Signo Crucis benedicit. Adolefcens verò, cum rursus huius vitæ vsurâ, diuinâ virtute frui cœpisset; oculos aperit, ac rediuius, Parentes, ac circumstantem turbam ad Dei laudes, quas ille prior exorsus est, celebrandas prouocat. Didacum quoque Hieronymi Cerquæ, Aquilanæ Arcis Præfecti Filium, extremo conflictu, cum morte colluctantem, post Orationem, Patri incolumem reddit. Alterum quoque, vndarum vi raptum, ipsius opem in summo vitæ discrimine efflagitantem, absens à periculo liberat: isque se repentè in alterâ Fluminis ripam delatum conspicit. Aliquandò etiam cum Socio Leonissam iter faciens, imbre vndique è Cœlo cadente, ne pluuiæ quidem stilla ipsum contingit, quamuis aquæ propter imbrium copiam, vndique exundarent. Cum igitur Deus, Seruum suum, quem ad gratiæ dona vocauerat, quem Fide, & præclaris operibus iustificauerat, tantâ quoque Miraculorum dignitate, ac splendore magnificasset; vt eum Vniuersi, velut cœlestem hominem prædicarent, & venerarentur. Postremò eum glorificare, & Coronâ donare statuit. Quapropter cum semel in oratione defixus, ad cœlestes diuinæ charitatis amplexus anhelat, breui, Dominus, Corporis dissolutionem illi futuram ostendit. Paulò igitur post in languorem incidit, cumque eo morbo diutius ægrotaret, ab Aquilanæ Arcis Præfecto, cuius Filium à funebribus reuocauerat, in quoddam Castrum Medicorum consilio transmigrare cogitur: eâ porrò loci mutatione, cum necdum morbi vis remitteretur, sed potius aucta in peius proficeret, iterum Aquilam redire compellitur. Interea, qui ab Aquilanæ Arcis Præfecto missi fuerant, vt Matthæum, equo impositum, Aquilam reducerent, Dei Virum rogabant, vt equi beneficio frueretur: reluctabatur Matthæus: Neque enim decet, aiebat, eum, qui toto suo Religionis curriculo, viuens pedester incessit, nunc moribundum equitare. Cum verò illi cogerent, inuitumque ad ephippium raperent: Agite, inquit, quod vultis, nam frustra in id adnitimini, Deo enim id minime gratum est, quod ipso rerum experimento percipietis. Itaque cum Virum Dei, equo imposuissent, en extemplò frænum ex ore

equi dilabatur, habenæ dissoluuntur, perfringitur cingulum, antile-
na dissoluuntur, vniuersaque humi prolabantur. Quamobrem, qui
aderant facto perterriti, Dei Seruum ex equo deponunt: cumque
pedester progredi non valeret, sellâ gestatoriâ collocatum, Aquilam
perducunt. Hic igitur Vir Dei, cum se ad vitæ occasum properan-
tem cerneret, omnibus se Sacramentis muniri curat: tandemque ho-
râ obitus sui prænuntiata, foelix ad Dominû migrat. Porro vix Ani-
ma mortale corpus deposuerat, cum eâdem horâ pleraque circa pin-
naculum Templi S. Bernardini lumina è Coelo apparent, quæ glo-
riosum illius transitum declarât. Igitur cum alterâ die Corpus in Se-
pulchro conditum esset, plurima statim in eos, qui ad ipsius opem
confugientes, illius Sepulchrum visitabant, Dei Miracula coruscare
cœperunt: Quorum tanta copia fuit, vt & votiuas Tabellas pende-
re, diuque lampadem ante ipsius Sepulchrum ardere permissum fue-
rit. Quò factum est, vt neque alio, præterquàm B. Matthæi nomine
in Vrbe, & Aquilano agro appellaretur. Post huius S. Viri obitum,
atque eâdem, vt putatur, horâ, quâ is ex humanis excesserat, pia quæ-
dam Mulier, Leonissæ, dum orat, in mentis excessum rapta, Mat-
thæum ornatissimo Palatio donatum, atque in magnifico quodam
Throno gloriosè sedentem conspicit, qui statim ex illius oculis eua-
nuit. Alteri quoque deuotæ Fœminæ, quæ ipsius merita ad masculi-
nam prolem consequendam, inuocauerat, post mortem visus est,
masculum illi pollicens: quo deinceps post breue tempus potita est.
Post aliquod verò tempus, percrefcentibus Miraculis, quæ ad S. hu-
ius Viri Sepulchrum patrabantur, cum Arcis Aquilane Præfectus,
qui Viro deuotissimus erat, tumultum aperiri impetrasset, candidum
in ipsius ore Lilium procreatum, ab omnibus conspicitur, ex quo
suauissimus planè cœlestis odor emanabat. Obijt Vir

Sanctus Anno 1553.





FRATER LUCAS NARINVS FRATRVM
CAPVCINORVM GVARDIANVS.

FRATRIS LVCÆ NARINI, GVAR-
DIANI
VITA, ET GESTA.



FRATER LVCAS Narinus Sacerdos, multarum virtutum gloriâ illustris, humilitate sublimis, charitate præstans, ac cæteris corporis castigationibus præcellens, præsertim verò rerum diuinarum contèplatione insignis, in eâ plerâque à Deo reuelationes accipit: inter quas ea numeratur, cùm diuinitus illi reuelatum fuit, Cacodæmones aduersus Religionis propagationem conuentum collegisse, in quo ab ijs decretum fuerat, vt Nouitios omnes Siculæ Prouinciæ à Religione expellerent: quod cùm ipse didicisset, protinùs ad cunctos Nouitiorum Magistros epistolas dedit, quibus illos huius Tartarei consilij certiores reddebat: quod sanè haud parum illis contulit, quò maiori diligentia Nouitios à Diabolicis technis liberos seruarent. Cùm semel etiam in Conuentu Ennæ, seu Castri Ioannis, Guardiani munere fungens, noctu in Ecclesiâ orat; Dæmonem nigrâ, ac talari veste Ecclesiam introeuntem videt, qui Fratris cuiusdam humero inniti incipiebat, quem cùm is baculo, quo fulciebatur percussisset, Dæmon aufugit. Hoc quippè Deus, ob innumera quæ de Tartareo hoste trophæa reuexerat, illum dono cohonestauerat, vt Dæmonum consilia sepissimè cerneret, quò faciliùs alijs doctrinâ, & oratione opitulari posset. Tanta igitur erat huius Viri sanctitas; vt cùm eam Dæmones ferre non possent, sæpè è gradibus eum deijcerent. Cumque semel Gibelmannæ aliquandò Conuentum moderaretur, Dæmonis operâ ex alto Ecclesiæ culmine in terram collapsus, vtraque crura confringit: quo casu cùm grauissimo dolore cruciaretur, tamen illud patienter ferret, vis tamen doloris eum ad aliquos gemitus edendos compellebat. Cui Christus Cruce onustus apparens, hieum aliquandò verbis affatur: Luca, quisnam acrior dolor fuit, tuusne, quem in cruribus sustines, an meus, quem sub hoc Crucis onere pertuli? Cui Lucas, tuus certè, bone Iesu, cui nec meus quidem vllò modo comparandus est, vtinam tuo quoque dolore fruam! Christus autem discedens, suâ benedictione, omnem illi doloris sensum abstulit. Colico alias quoque dolore, in Conuentu Tirancensi grauiter cruciatus, cùm in eo B. P.

Francisci

Francisci opem humiliter implorasset, B. Pater illi visibiliter appa-
rens, dolorisque locum manu contingens, ab eo illum languore libe-
rum reddit. Alio quoque tempore, cum iter faciens, flumen trajice-
ret, à rapido illius cursu manifesto naufragio deorsum trahebatur:
quo in discrimine, cum ad B. P. Franciscum animum, verbaque di-
rigens, dixisset: Nosti B. P. quoniam non spontè, sed ex obedientiâ
hoc iter suscepi, & ecce nunc aquis submergor: vix hæc prolocutus
fuerat, cum statim se ad alteram fluminis ripam delatum conspicit.
Atque hæc quidem in Dei Seruum beneuolentiæ signa fuere, qui-
bus illum variè afflictum consolabatur. At sanè mirabilia sunt,
quæ ad Serui sui Sanctitatem demonstrandam, diuina per eum vir-
tus operabatur. Contigit enim aliquandò, vt vrceoli vitrei qui Mis-
sæ ministerio inserviebant, Æditui incuriâ, humi decedentes, con-
fringerentur: Ædituus verò, eo magis lapsu cruciabatur, quòd alij
eorum loco subrogandi haud sibi eo tempore superessent: quod cum
Viro Dei, qui etiamnum eo mane Missam celebraturus erat, renun-
ciatum fuisset, Ædituo inquit: Quid turbaris modicæ fidei? Vrceo-
lorum ad me fragmenta adfer: quæ cum suis locis aptè copulasset,
Signo Crucis adhibito, integros illos Ædituo restituit. Posthæc cum
Leontium profectus fuisset, Mulier quædam, quæ iam diu paralyfi
laborauerat, cum primum S. Viri aduentum in Urbem percœpit, à
Guardiano postulat, vt Lucæ tantum semel præsentiam frui liceat: re
à Guardiano impetrata, cum Lucas ad ægotantem peruenisset
multamque cum eo propinquorum turbam, quæ ad eam visitan-
dam confluxerat, offenderet; ab eâ percunctatur: quàm benè se ha-
beat, quisque illam morbus affligat: respondet languida, diutinâ se pa-
ralysi laborare: cui Lucas: Nequaquam ita erit, benè valebis, si Deo
placuerit: quam Vir Dei Signo Crucis obsignans, protinùs incolumis
è strato surgit, atque à paralyfi se prorsus liberam sentit. In Op-
pido Ennæ extremo agone conflictabatur, Adolescens Nobilis cu-
iusdam Foeminæ Filius, quæ cum Capucinatorum Ordinē haud vul-
gari beneuolentiâ complecteretur, moribundum Filium Fratrum
precibus impensius commendauerat, iamque eò lethalis morbus A-
dolescentem adegerat, vt desperatâ valetudine, supremus duntaxat
illius vitæ exitus expectaretur. Noctu igitur dum Mater Filio mo-
rienti mœsta assistit, moribundus ad Matrem conuersus, ait: Ma-
ter, an non animaduertis, Patres istos Capucinos, iam dudum genu
flexos orare, roga vt surgant, ac paululum quiescant. Cui Mater:
Nulli, inquit, Fili mi, hæc Capucini orantes sunt. Rem tamen altiùs a-

nimo

nimo considerans, nouâ de Filij salute spe conceptâ, statim ad Capucinos nuntium mittit, qui Guardianum rogaret, vt Fratrem Lucam, qui tunc in eo Conuentu degebat, quamprimùm ad egrotum mitteret: venit Lucas, & cùm iuxta egrotum sedisset, placidis illum verbis consolatur, aquam sibi iubet afferri, quam Signo Crucis benedicit, egrotantemque Adolescentem monet, vt Salutationem Angelicam deuotè recitet: quâ ab eo persolutâ, aquam illi potandam præbet, ac eâ vix haustâ, repente adolescens, à lethali morbo conualescit, è strato surgit, ac postridiè per Urbem incolumis incedit. His tam illustribus Sanctitatis testimonijs à Deo probatus, tandem Vir Dei mortalis vitæ stadio decurso, agoneque foeliciter consummato, sempiternæ, vti piè credimus, foelicitatis brauium assequitur. Anno 1555.

FRATRIS LVDOVICI FVLGINATIS,
PRÆDICATORIS, ET GVAR-

DIANI

VITA, ET GESTA.

FRATER LVDOVICVS Fulginas, Concionator, decem, & octo annos natus, vt mundi pericula declinet, sæculo post terga relicto, ad Minorum Obseruantium Ordinem confugit, in eoque per aliquot annos sanctè conuersatus, Regularis obseruantie studio ductus, sub Ludouico Forosemproniano ad Capucinos transuolat, à quo, ad Reformationis gremium receptus, & in Picentem Prouinciam transmissus, magna ibi, tum in Regulæ obseruantia, tum in omni virtutum genere incrementa dat; Vir mediocris doctrinæ, verum tam ingenti animi pietate, ac charitate præditus existit; vt ob id maximè à Ludouico concionandi Munus accipiat, in quo adeò suâ simplicitate præcellit, vt Oppida & copiosæ Populorum turbæ ad 4. & 5. hominum millia interdum excrecentes, ad eum audiendum confluant. Post Concionem, vt summam paupertatem, quam animo insculptam gerit, factis ostendat; communem mensam, quæ illi offertur, à nullo accipiens, stipe ostiatim emendicatâ, cum Socio ad syluam secedere solet, vbi pane, & aquâ, vt plurimùm victitans, admirabilem inter homines vitam ducit. Tàm in seipsum rigidus existit; vt hispidus habitu nedû contentus, sub eo quoque asperum cilicium gerat: nudis semper pedibus quocunque tempore, absque sandalijs ambulet; quotidiana ieiunia colat,

pulmento

pulmento & carnibus nunquàm vescatur, herbas verò tantùm, & legumina interdùm sibi ad victum adhibeat. Cùm autem Anachoretarum vitam, atque austeritatem summo studio sibi prosequendam præstituisset, quo tempore in Conuentu Collis Pepi, Guardiani officio fungitur, sæpè cum Fratre Ioanne Ancinianensi, in quædam veteris cuiusdam Cœnobij (quod S. Apollinaris appellabatur) antra solitaria secedens, ibi, bis tantùm, vel ter in hebdomadâ, panis, & aquæ cibo reficitur: reliquam temporis partem, vel in diuinis colloquijs, vel in rerum cœlestium contemplatione conferens, in eâ sensibus nonnunquàm ita abstrahitur, vt nec quid circà ipsum agatur, aduertat, sed fixos ferè semper in Cœlum oculos, absque palpitacione teneat. Sæpè etiam in Anno, Christi Domini flagellationem, quinque horarum spatio productam, vt Dominicæ Passionis mortificationem in se ipso referat, exercet. Denique cùm Dei Seruus, tot, ac tantis virtutibus floreret, sibi tamen semper inutilis esse videbatur, neque vnquàm se Dei opus incepisse, conquerebatur. In Vmbriæ Prouinciâ profectus, cùm aliquot ibi annos in summâ vitæ austeritate, orationis assiduitate, ac perfectâ Regulæ obseruantia transegisset, ad laborum præmia à Domino vocatur: Fulginijque colico dolore correptus, Deo spiritum reddit. Post huius S. Viri obitum, iam vigesimus annus effluxerat, cùm Fratres ipsius ossa quærentes, vt ea in nouum Monasterium transferrent, Ludouici corpus, tam vndique integrum, ac recens apparuit; vt eo die vitâ functus videretur: quò sanè cunctis haud obscure innotuit, quàm illustrem gloriæ coronam eximius hic Dei Seruus, in Cœlo, à Deo

consecutus fuerit. Obijt Anno

1557.



T

FR A-



FRATER IOSEPHVS A COLLEAMATO FRATRVM
CAPVCINORVM GVARDIANVS.

FRATRIS IOSEPHI à COLLEAMA-
TO GVARDIANI, ET MAGIS-
TRI NOVITIORVM
VITA, ET GESTA.



FATER IOSEPHVS à Colleamato, pijs Parentibus ortus, quædam Religionis semina in ipsâ pueritia, intus in animo à Deo insita accipit: quæ cum illum à puerilibus iocis abstrahunt, ad res diuinas, & orationem suauiter compellunt. Puerulus adhuc indicta ab Ecclesiâ ieiunia obseruat, iurantes abhorret, pauperibus mirum in modum commiseretur; tantam tandem, talemque in moribus grauitatem præfert; vt immaturâ grauitate, ætas seipsam superare, ac præcoci senio aspergi videatur. Adolescente verò ætate, ne pretiosus tum puritatis, tum Virginitatis thesaurus, quem hæcenus sollicitè custodierat, in certum discrimen raperetur, in Minorum Obseruantium Ordine, seipsum Deo consecrare festinat. At cum altero pede venenatâ spinâ transfixo, ab eo vulnere conualefcere non posset, ad sæculum remeare cogitur. Porro ad suos reuersus, vt liberiùs Deo vacet, in quandam agrestem domum, Sacræ cuidam S. Annæ Ædi propinquam, secedit: in quâ ab hominum consortio semotus, cœlestem in rerum diuinarum contemplatione vitam agit. At erumpente tunc noua Capucinatorum Reformatione, mundo, ac mundanis omnibus valedicturus, ad Ludouicum Foronempronianum accedit: qui cum feruidum ipsius animum agnouisset, eidem significat, si Ordinem ingredi velit, vniuersa (ne indusio quidem sibi relicto) illi deferenda esse. His auditis, Adolescens, protinus domum rediens, diuinoque Spiritu accensus, quasi verbotenus Ludouico parendum esset, erutis vestibus, detractis calceis, ipsoque indusio abiecto, cum vix linteolum sibi ad verenda obtegenda reliquisset, nudus coram Patre, & Matre apparens, ab ijs genuflexus, benedictionem petit, eodemque modo se coram Ludouico sistens, ab eo Religionis habitu donatur, sextumque inter primœuos illos Capucinatorum Patres, ac Religionis satores locum sibi vendicat. Probationis annum, Iosephus, inter montes & nemora, persecutione vndique in Reformationem grassante, peragit: vbi, cum interdum vix pane ad sustentationem necessario fruitur, corpori quidem asperri-

mum, at animo suauissimum inter cœlestes diuinæ contemplationis delicias, vitæ genus ducit. Dum autem semel in itinere rerum diuinarum contemplationi incumbit Sociosque præcedit nullaque ijs annona esset, quâ victus necessitati subuenire possent, ab Angelo geminos panes accipit. Solo habitu atque tunica, toto vitæ curriculo contentus, vix vllò vnquàm tempore, ne gelidissimâ quidem hyeme, ad ignem accedit: meliores sibi prunas, quibus animo calefieret; ex oratione & diuini amoris incendio, quàm ex conflagentibus fasciculis, quærens. Quotidianis quoque ieiunijs corpus extenuans, B. P. Francisci in edias, velut legitimo sempiterno, ieiunat. Dæmonibus illum ab oratione auocare conantibus, inuictus Christi pugil fortius aduersus stygium hostem dimicans, gloriosa indies de eo trophæa, diuinâ virtute, reportat. Defunctorum, officium ad animarum, quæ purgationis poenas luunt, suffragium quotidie persoluit. Fratrum, atque Sæcularium hominum confortia fugiens ad solitaria loca lubens secedit: vbi brachijs in Crucis modum protensis, vt plurimum Dominum orat. Humilitate, obsequio, animi submissione, ac morum facilitate, eam apud omnes sibi beneuolentiam conciliat; vt ab omnibus Orbis Fidelitas nuncupetur. E. Generalibus Comitijs, quæ Neapoli Anno 1549. celebrata fuerant, cum alijs octo Fratribus rediens, cunctis ferè præ inediâ deficientibus, geminos iterum ab Angelo panes accipit: quos cum in frustra conscidisset, cuncti ex eis abundè ad voluptatem sumentes, ad saturitatem vsque reficiuntur. Cum verò Conuentum, qui inter Sentini Noui Montes iacet, aliquandò moderatur. vberimâ è Cœlo niue delapsâ, ita vt viæ omnes ad mendicationem Fratribus interciperentur, neque vlla humani subsidij spes illis relicta esset; Vir Dei ad diuinæ prouidentiae thesaurum confugiens, Fratres ad diuinam opem efflagitandam prouocat: & ecce confestim ingens fragor è propinquo monte, velut rupis excisæ auditur, statimque Fratres ad Conuentus ianuam conuolant, vt periculum, si quod est, deuient. Porro ostio aperto, nihil præter prægrandem saccum pane refertum, è Cœlo ministratum, inueniunt. Huius Viri sanctitatem, Deus plurimis Miraculis testatam esse voluit; ex quibus multis præteritis, nonnulla placet referre. Atque in primis Operarium quendam febricitantem, vt ligna Conuentus vsui præscindere valeat, à febre liberat. Cumque in Conuentu Forosempronij, Guardiani munus administrat, Mulieri iam quadriduo grauissimis partus doloribus vexatæ, summoque in vitæ discrimine versanti, incolumitatem impetrat, Maritoque ipsius

Spiritu

Spiritu Prophetico, Vxorem masculum peperisse nunciat. Telā Sorori, suā oratione multiplicat. Alteri Mulieri quæ cum nihil apud se telæ reliquum, præter lini fasciculum haberet, Viro Dei tamen telam ab eo postulanti, cum partem tradidisset, postea diuinā virtute, eidem instauratam reddit. Iosepho ægotante, in illius subsidium vini dolium, vino vacuum, diuinā virtute, plenum reperitur. Camerini, leprosum Signo Crucis sanat. Illud quoque memoriā dignum est, quod Fabriani, toto spectante Populo, Dei virtus ad Serui sui commendationem ostendit. Cum enim is eleēmosynam Patriæ more, Capucinis consueto, in Urbis plateā petit, Puer, qui Iosephi vocem perfenserat. Cum è domus fenestrā longius corpus protendit; ab eā dilapsus, caput in stratum lapidem ita collidit; vt eo in duas partes descisso, cerebrum flueret: mox vniuersi ad Puerum accurrunt, frustra quæ remedia parant, collisionis enim vulnus & sanguis vndique fluens, cum omne medicamentum respuerent, proximum Puero interitum minabantur. Inter hæc, Iosephus aduentans, miserandum Pueri casum percipit statimque ad eum accedens, caput vtrāque manu constringit disiunctasque partes copulans, Signum Crucis, bis terque, super eas multiplicat. Pròh, mirabilis Dei Virtus! defluens protinus sanguis sistitur, capitis partes intimè, vti prius, connectuntur, Puer velut è somno excitatur atque in omnium oculis surgit incolumis. Neque illud postremò prætereundum, quod, cum Fratris sui Filia, adhuc paruula, clauda, gibbosa ac tot corporis incommodis affecta esset, vt Mater aliquandò, cum Iosepho conquereretur, eam neque mundo neque Deo aut vllius cultui ob deformitatem aptam esse: eam verò, vbi Vir Dei consolatus esset, paruulam in sinum accipit, quasi ei ablandiri vellet, latera contrectat, humeros componit, tibias æquat ac Signo Crucis consignat: quod, cum bis vel ter præstitisset, paruula è sinu demissa, protinus rectà progredi ac integrā valetudine frui coepit. Illis, & plerisque alijs diuinæ virtutis testimonijs, cum Iosephi sanctimonia omnibus probata esset, in Conuentu Forosempronij, Guardiani & Magistri Nouitiorum munus gerens, cum supremæ retributionis diem sibi imminere Deo reuelante, percepisset, cuidam Nouitio alijsque haud obscure significat. Posthæc verò cum consuetā noctis horā, Orationi incumbit, en ingens pituitæ cumulus è cerebro fluens; illius repente fauces occupat: huic cum febris successisset, Medicus morbum paruipendens, breui illi incolumitatem pollicetur. Cui Iosephus, Falleris, ait, nec quod in morbo diuinum est, agno-

T ;

scis, quid

scis, quid pharmaca ad incolumitatem paras? para Morituro sepulchrum, hæc enim ægritudo, supremum mihi ex Dei decreto, diem indicit. Quamobrem, Sacramentis summâ religione susceptis, ad Domini occursum summis suspirijs anhelans, vbi circumfusus Fratres salutaribus monitis instruxit, tandem obdormiens, in Dei finem, vt creditur, coronandus concedit. Post huius S. Viri obitum, cùm Fratres ob communem sanctitatis opinionem, de eo apud omnes conceptam; vererentur, ne euulgato ipsius transitu, nimia Populi frequentia in eos exundaret, persolutis illi ante lucem funeribus, Corpus in commune sepulchrum condendum, curant: At minimum ea diligentia profuit; nam manè Populis vndique ex Vrbe erumpentibus, ac tumultuantibus, Corpus extumulare atque exoscilandum, in publicum proferre compelluntur. Porro Iosephi facies post obitum pulchrior, quàm cùm viueret, apparet: genæ enim non squallidæ, aut pallentes, sed rubore perfusæ conspiciuntur. Tumulato itaque iterû Corpore post 4. sepulturæ dies, domus Superior, Iosephi corpus, in alterum tumulum, in quo duo alij Fratres Iosephi Socij, simul in eodem Sarcophago occlusi iacebant, inferre cogitat: reluctantur Fratres, sarcophagumquæ tam angustum esse affirmant, vt tres haudquaquam capere posset: vincit tamen Deo volente, Superioris sententia, quapropter aperto Sarcophago, duo illa mortuorum Fratrum corpora ad arcæ latera secessisse, mediumquæ Iosephi Corpori locum reliquisse animaduertunt. Cùm igitur inter ea medium, Iosephi corpus, collocatum esset, protinus tam suavis ex Iosephi, & aliorum corporibus odor diffundi cœpit, vt sæculares homines ad Ecclesiam conuenientes, eum absque dubio è tumulto emanare perciperent. Obijt Vir Sanctus.

Anno 1557.



FRA-



FRATER BERNARDINVS A ALBANO FRATRVM
CAPVCINORVM GVARDIANVS

FRATRIS BERNARDINI, à BALBANO, GVARDIANI
VITA, ET GESTA.



RATER BERNARDINVS à Balbano, doctrinâ, & prædicatione clarus, velut nouus Apostolus, multas Apulie, Calabrie, ac Salentinorum Vrbes, Euangelio percurrit. Hic autem, dum vitæ austeritatem, abstinentiam, ac morum sanctimoniam, cum Dei Verbo coniungit, plurimam, ad hominum animos ad pœnitentiam prouocandos, à Deo vim assequitur. In Catholicâ Fide tuendâ, ac propagandâ acerrimus, Hereticos tam strenuè insequitur; vt, cum Aletij apud Salentinos, Dei Verbum disseminat, exortam ibi Hereticorum sectam, non sine vitæ periculo, vi prædicationis extinguat. Cumquæ semel peractâ Concione, ad Conuentum rediret, en Stannearius ex insidijs erumpens. Bernardinum ferro aggredditur, atque interficere conatur. At Bernardinus, nihil periculum veritus, inermis, aggredientem, diuinitus stupore perculsum, apprehendit, ferrumquæ de manu eripit: qui factò obstupescens, animo, ad sua confusus, ac perterritus redit. Quàm verò illius prædicatione Deo grata, ac Spiritu S. plena esset, illud profectò indicat, quod eo prædicante, sæpè candidissima Columba, circa eum volitans, conspicitur, quæ tandem in ipsius capite quiescere videtur. Vnde Verba illius non ab humano, sed à diuino Spiritu profecta creduntur. Tam præclarâ quoque Bernardinus Dei luce perfunditur; vt eâ interdum quæ longius absunt, conspiceret, & quæ cæteris occulta sunt, diuinâ illi virtute pandantur. Dùm semel Cosentiae Dei Verbum disseminat, Matris obitus illi inter prædicandum à Deo reuelatur, quem cum is eodem tempore auditoribus indicasset, Populum excitat, vt pro eâ Dominicam Orationem, cū Salutatione Angelicâ, Deo persoluat. Dû Anno 1554. Potentiæ Conuentum, Guardianus administrat, quo tempore ob ingentem niuis copiam (quæ vias omnes intercluserat, quò minus ad Oppidum pro eleëmofyna accedere valeret) Familia omni victus prouisione destituta, in summo vitæ discrimine versabatur: Bernardinus verò cunctos ad Dei misericordiam confugere, neque vllâ ratione de ipsius ope illis desperandum esse monet. Nocte igitur cum de more ad matutinas Horas

surrexif-

furrexissent Dominoque Psalmos decantarēt; En Frater Vitus, Laicus, qui in Ecclesiam oraturus recesserat, ingentem calathum, pane recenti plenum, in Altari collocatū cernit. Quo ille admiratus, cum rem ad Guardianum detulisset, ei ipse silentium indicens, matutinas Horas usque ad finem persoluit: tūc ad Altare cum reliquis accedēs, coelestem annonam à Deo missam videt, ac Hymnum Te Deum laudamus, omnes vno ore personantes, Dei benignitatem diuinis laudibus efferunt. Cosentia tandem cum grauissimè ægrotans, iam extremo agone cum morte colluctaretur, ab humani generis hoste, de Sanctissimæ Trinitatis Mysterio tentari incipit, quo tempore cum lingua effari non posset, nunc tres, nunc vnum tantummodò digitum altius extollens; Personarum Trinitatem, cum essentia unitate coniunctam, eo signo palam profitetur. In ipsa verò sui transitus horâ, Frater quidam, virtute præclarus, qui in Romano Conuentu moribundus iacebat, cum Bernardini Animam Cælum scandentē conspiceret, protinus exclamare cœpit: Expecta Bernardine, expecta, donec & ego tecum veniam. His verbis præsens aderat, quidam Romanæ Curia Prælatus, qui, cum morientem interrogasset, quemnam ille his verbis innueret, respondit: En modò Bernardini à Balbano Anima Cælum conscendit quam & ego, Deo iubente, sequor. Quo dicto, is quoque Deo Animam reddit. Sūmā porrò diligentia tunc ab eo Prælato agitur, vt certo nuncio, Bernardini à Balbano obitus hora, ac momentum sibi perspectum fiat: quod illud planè esse comperit, in quo alter Romæ diem suum obierat. Nōnulla hic Seruus Dei deuotissima, ac omni pietate refertissima, opuscula edit: in his sunt Methodus orandi. Libellus de prædestinatione. Meditationes de Vitâ Christi. De 9. effusionibus Sanguinis Christi. De 7. Regulis benè viuendi: atque alia quæ etiamnum inter hominum manus versantur. Obijt Anno 1558.

FRATER PAVLVS de ARENARIO,
GVARDIANVS, ABSTINENTIA

ILLVSTRIS.



FRATER PAVLVS de Arenario, Scandriliæ Conuentus Guardianus, Vir omnium virtutum ornatissimus, ac tam singularis abstinentiæ, vt per aliquot annos, quotidiano victui, vnum tantum, vel duo ad summum leguminum pugilla, & aquam adhibeat, cunctaque temporum spatia sibi ad orandum

randum data existimet. In eodem Conuentu maximam coruorum, miræ magnitudinis, ac horribilis aspectus, multitudinem; hortum, tecta, arboresque implentem, horridoque strepitu crocitantem conspicit, Dæmones: Fratribus insidiantes, esse, diuinâ reuelatione, dū orat, accipit: quos suo consilio, prudentiâ, & oratione fugat, ita quod maximo cum strepitu abeuntes, rostra, vnguesque in mutuam cædem conuertentes, se ipsas discerperent, volatuque celerrimo in propinquam vallem præcipites secederent. Obijt

Anno 1558.





FRATER PETRVS A MARTINA FRATRVM
CAPVCINORVM GVARDIANVS

FRATRIS PETRI à MARTINA
GVARDIANI, & MAGISTRI
NOVITIORVM
VITA, ET GESTA.



RATER PETRVS à Martinâ, honestis Parentibus pro-
genitus, cùm ad iuuentam peruenisset, fortè accidit,
vt rixâ cum Rivali excitatâ, ab eo haud leue vulnus
acciperet. Interea verò dum Physicorum opera vul-
neris curationi vacatur, is varia animæ, corporisq̃ue
pericula, mente obuersans, animi vulnus curare co-
gitat. Quare Hoste accersito, vtrò illi iniuriam, atque illata damna
condonat, veniamq̃ue vicissim ab eo quærens, priorem cum eo ami-
citiam instaurat. Tùm secum de cauendis mundanæ conuersationis
periculis, consilium init, illudq̃ue integrè, dum à vulnere conuale-
scit, exequitur. Tum in Minorum Observantium Familiam ascri-
bi festinat. Paucos in eâ Religione annos exigit, cùm ad perfectio-
rem Regulæ obseruantiam anhelans, iam Sacerdotio inunctus, ad
Capucinos se confert: vbi tam præclarum, in sui abiectione, humili-
tate, abstinentiâ, austerioris vitæ cultu, perpetuâ oratione, charitate,
ac cæteris Virtutibus omnibus, vitæ Tyrocinium instituit, atque ad
eum perfectionis apicem conscendit; vt apud omnes ipsius sanctita-
tis opinione percrebescente, frequentissimè illi Nouitiorum cura, &
institutio à Patribus credatur. Mira huius S. Viri in educandis, ac
instruendis Nouitijs diligentia, ac sollicitudo elucet: quam cùm
molestissimè Sathanas ferret, ipsum sæpissimè sub visibili formâ mo-
lestat, Sacra celebrantem perturbare conatur, frequenterq̃ue Dei
Seruum (Deo id ipsum ad maiorem ipsius perfectionem, & coro-
nam permittente) verberibus & flagellis oppetit. Verùm nec minus
Petrus in Dæmonem agit, cùm eum durius suis orationibus flagel-
lat, atque ex hominum tùm animis, tùm corporibus pellit, quod plu-
ribus exemplis comprobatum fuit. Nihil Seruo Dei iucundius, nihil
frequentius, quàm orationis studium est, in quâ rerum diuinarum
sibi arcana ex Dei benignitate panduntur, præstantissimisque Dei
donis potitur. Dum semel in Conuentu Budiorum, Guardiani, &
Magistri Nouitiorum munus obit, quâdam die sub vesperum, Eleē-
mosynarij è mendicatione redeuntes, ab eo benedictionem quæ-
runt; Pe-

runt; Petrum in Ecclesiâ orantem, & candidissimâ nube septum conspiciunt, quo illis planè indicaretur, ipsius tunc mentem totam in diuinæ lucis caliginem transfusam esse. Hinc sæpè fit, vt Deo reuelante, pleraque occulta agnoscat, ac nonnunquàm futura prænuntiet. In Conuentu Potentiæ, Guardianus existens, quodam mane cum Fratribus in Choro primam Horam persoluens, ex diuinâ reuelatione accipit, nonnullos homines qui mutuas inter se similtates gerebant, haud longè à Conuentu, strictis ensibus, ad necem vsque digladiari; Quamobrem mox intermissâ Horâ, Fratres compellit, vt eò omnes confestim accedant, mutuamque illam cladem auertant: Eamus, inquit, Filij, ne vereamur, coeptum Dei opus, vt tantum scelus impediamus, deferere. Etenim, Deo gratius est, tot animas Orco eripere, quàm ipsi laudes, ijs neglectis, persolvere. Ad locum igitur festinant, digladiantes homines offendunt, quos Vir Sanctus, non modò à mutuâ internecione auocat, verùm & ad reconciliationem, reciprocamque beneuolentiam compellit. In eodem Conuentu, cum semel aditus omnis ad mendicationem magnâ niuis copiâ obstructus esset, Fratresque extremâ victus inopiâ laborarent, Petrus Guardianus, omnes ad Deum iubet confugere, & ab illius prouidentia pendere: adhuc orationi instant, cum ianua pulsatur, mulusque pane, & vino, & alijs onustus in ipso ostij limine cernitur, cuius cum nec vestigia in niue conspiciuntur, neque vnde eò appulerit, cuiquam exploratum esset; manifestum diuinæ liberalitatis Miraculum *supremis laudibus effrentes, dapes è Cœlo missas recipiunt. Præter hæc, alijs quoque Deus Seruum suum Miraculis illustrat, in quibus præclarum illud est.* Quò tempore Vir Dei Potentiæ Monasterio præest, Anno scilicet. 1558. accidit, vt non longè à Potentiæ Vrbe, quidam vastæ magnitudinis Serpens iuxta Comitæ Potentiæ prædium, in quodam montis antro delitesceret, ex quo sæpè emergens, quamplurima pecoribus, atque armentis, interdum etiam hominibus damna inferebat. Eâ re, cum & Comes, & Incolæ grauiter affligerentur, atque eò maximè, quod omnibus iam machinis ingentis illius belluæ internecione tentatâ, in ijs frustra operam insumpsissent, omnemque tanti mali euadendi spem animo abiecissent: Comiti autem cum haud ignota esset Petri sanctitas, quam fama vbi-que prouulgauerat, illi haud difficile fore arbitrabatur, tanto huic malo mederi. Quapropter ad Virum Dei confugiens, ab eo summis precibus poscit, vt desolatis rebus aliquod à Deo solatium postulet; tam commune ergo malum pia Petri viscera ita commouet, suam

apud Deum, Comiti operam polliceatur; Mox diuinam clementiam pijs clamoribus excitat, orationibus pulsat, lachrymis ad misericordiam compellit: tùm verò diem decernit, quò ipse ad Serpentē pergere & cū eo solā Dei virtute pugnare statuit. Adfuit statuta dies, cū Petrus, post Sacra Mysteria Deo oblata, diuinā virtute armatus ad locum pergit, rupem, quæ è regione antri imminebat, conscendit: ibique orans, Serpentem egredientem expectat. Eò quoque Comes conuenit, armatā hominum cateruā stipatus, innumeraque præterea plebs ad spectaculum confluit. Dum igitur in rupe Vir Dei ardentius orat, D. O. M. (cui & præclara Serui fui apud se merita cunctis declarare & afflictæ plebis animos in meliorem spē inducere propositum erat) Virum Dei, toto spectante Populo, in aëra efferri, ac plerisque cubitis altius è rupe, diuinā Virtute, extolli voluit. Interea è specu Serpens, erecto collo, tumidâ ceruice, ardentibus oculis, multoque strepitu, ac sibilo horribilis erumpit. Mox horrere omnes, trepidare animo, fugam parare: at simulatque eum Vir Dei animaduertit, protinus è rupe descendens, ad eum intrepidus pergit, Crucis Signo aggreditur, vocis imperio domat, funeque, quo præcinctus erat, ad illius collum alligato, domesticum, ac mansuetum reddit; Deinde alligatum Serpentem, Petrus, ad Comitem ducit, qui illius magnitudine, & aspectu exterritus, cū ab eo fugam meditaretur, à Dei Seruo confirmatus, propius ad Serpentem accedit, mitem accipit, Dei potentiam, & Petri Sanctitatem commendat, ac tandem bombardarum ictibus interficiendum curat. Hoc pacto, cū Deus insignem Petri sanctimoniam, tam celebri Miraculo illustrare voluisset, breui etiam illum posthæc è mortalium numero, ad immortalium coetum euocandum præmonet. Quintâ decimâ etiam ante suum obitum die, cū iam ægrotus in lecto iaceret, à B. V. sibi apparente, discit, vnum ex illius Conuentus Familiâ, intrâ quindecim dierum tempus, ex humanis excessurum. Nouitijs postmodum ad solatium ipsorum, sibi diuinitus significatum fuisse affirmat, tres in illo Conuentu electissimas Dei animas esse, quæ intrâ quindecim dierum spatium, Coelum conscensuræ essent; quod rei euentus probauit. Nam postridiè illius diei, Laicus quidam, qui Ianitor erat, Vir eximiæ virtutis, in morbum incidit, quem paulò post, Fr. Bernardinus Tarentinus, Clericus, subsequitur, qui eam perfectionis metam attigerat; vt orans frequenter in mentis excessum raperetur, quo tempore tam insensibilis fiebat; vt quamuis colaphis cæderetur, ac toto corpore discerperetur, vel in alia loca transferretur, nihil

tur, nihil eorum penitus aduerteret. His igitur (cùm ante præstitutos dies, ambo, sancto fine, vitæ periodum terminassent) Petrus tertius accessit, qui, ybi Fratribus, sui obitus horam, quæ sequenti Dominicâ die, post Conuentualem Missam, à Deo præstituta erat prædixit; ipsâ quintâ decimâ luce, post Sacramenta deuotissimè suscepta, Fratresquæ, ac Nouitios sanctis monitis, ac supremis hortationibus instructos, omnium postremus ad Superos migrat. Anno 1559.

FRATER ANGELVS ASTENSIS
GVARDIANVS, VIRTUTE
INSIGNIS.

FRATER ANGELVS Astensis, diuini Verbi Concionator eximius. Hic cùm inter Minores, qui de Obseruantia nuncupantur, plerosquæ annos magnâ cum eruditionis laude traduxisset, atque etiam inter Sorbonicos Doctores cooptatus, Doctoralem Lauream, in Facultate Parisiensi adeptus fuisset, horrendo spectaculo, ac formidabili casu cùm grauitè commoueretur; protinus sibi à periculo cauendum censuit. Quapropter morâ nullâ interpositâ, ad Capucinorum Ordinem migrans, in eo doctrinâ, prædicatione, Regulari obseruantia, ac plurimis alijs virtutibus floruit: ac tandem Genuæ, dum in Conuentu S. Barnabæ Guardiani officio fungitur, vitam magnâ cum sanctimoniâ actam, beato fine concludit. Anno. 1560.

FRATRIS IACOBI à MELPHICTO,
GVARDIANI
VITA, ET GESTA.

FRATER IACOBVS à Melphicto, Vir doctrinâ, consilio, prudentiâ, Regularis obseruantia zelo, patientiâ, ac multis alijs virtutibus clarus. Hic inter Obseruantes, suâ tempestate, doctrinâ, ac eruditione celeberrimus fuit, atque inde sapè Prouincialis munus in suâ Prouinciâ, magnâ cum prudentiâ laude administruit. Cùm autem Melphicti semel Guardianus esset, geminique Fratres Capucini à Ludouico Rhegino, qui tunc Calabria præerat, ad Religionem ijs in locis propagandam missi, ad Monasterium illud sub solis occasum accessissent, eosquæ tam appositè, ac sapienter de præscriptâ Regulæ obligatione, atque illius obser-

uantia

uantia differentes audiisset, is qui in Theologicâ scientiâ doctissimus erat, Regulæ disciplinam necdum se affecutum agnouit: quare cum ab eo tempore animum magis ad Regularis disciplinæ studia intendisset; tunc primum, & pericula in quibus versabatur, coepit animaduertere, ac rebus suis prudentius consulere, sibi in animum induxit. Hoc itaque maturè secum deliberato, Ministri Prouincialis aduentum captat, & cum eo pluribus verbis de Reformandâ Prouinciâ agit, eamque tandem impetrat. At Reformatione, necessitate quâdam extortâ, cum virtutis humore careret, breui aruit, vixque ad sextum vsque mensem peruenit. Id cum Iacobus ægrè ferret, Apuliæ Prouinciâ relictâ, ad Neopolitanam se confert, vbi aliquamdiu Theologicis disciplinis tradendis vacat: sed cum Reformationem bis, terque in hâc quoque Prouinciâ tentatam assequi minimè posset; absoluto Neapoli quadragesimalium prædicationum cursu, is cum Socio, ac nonnullis alijs S. Theologiæ candidatis, ad Capucinorum Religionem conuolat. Erat Iacobus multis corporis incommodis affectus, quod sanè haud leuiter ipsius animum afflictabat, ac metu exagitabat, ne austerioris vitæ asperitates, quas sibi apud Capucinos obeundas non ignorabat, ferre valeret. At (qui debiles confirmat, & ijs quos vocat, nouam è Cœlo fortitudinem præstat) D. O. M. eam Iacobo post Religionis ingressum, corporis incolumitatem contulit; vt vniuersas Religionis austeritates, non tam æquo, quam alacri animo sustineret. In nouâ hâc apud Capucinos vocatione, Iacobus tam præclarum Regularis obseruantiae, ac prudentiæ specimen edidit; vt in Neapolitanâ Prouinciâ, nihil sine ipsius consilio fieret. Euangelicum prædicationis munus, quo iam antea egregiè præcellebat, post suum ad Capucinos accessum, tam ardentè, atque Apostolico spiritu profectus est; vt Foroliuium, à Francisco Æsino Generali missus, cum Urbem quorundam operâ nonnihil Hæretico errore imbutam offendisset; tum publicis Sermonibus, tum priuatis disceptationibus, ita in errores inuehitur; vt, cum nihil studij, aut operis prætermisisset, eam Urbem tandem ab eâ tabe expurgauerit. Ferariam deinde profectus, ibi cum in Concionibus suam, tum in fidei rebus pertractandis, tum in doctrinâ explicandâ præstantiam perspectam præbuisset; inde Epidaurum profectus, tantam sibi apud eam Rempublicam, & Populum suâ prædicatione gratiam conciliauit, vt eum sibi Episcopum à Pontifice postulauerint; at eo constanter Episcopatum recusante; Pontifex, tametsi ad Reipublicæ petitionem propenderet, inuitum tamen ad id munus compellere noluit. Epidauro

igitur

igitur digressus, Iacobus Venetias proficiscitur, vbi dum Euangelici Agricolaë instar diuini Verbi semina spargit, Generalis Minorum Obseruantium minister, cum ad suos Iacobum reuocare cuperet, is, Clementem à Moneliâ, ex Socijs præcipuum, ad eum mittit, qui suo nomine multis eum pollicitationibus ad prioris Ordinis reditum alliciat. At Vir grauissimus, cum hanc tentationem deuicisset, exutum omni ambitione animum, constantissimumque in assumptâ Religione mentis propositum, nunquam satis laudandum declarauit. Post hæc, Aletium venit, vbi foeneratores, quos ibi copiosos reperit, ita infectatus est; vt, Deo præsertim opitulante, omnia inde foeneratitia pacta, & contractus abstulerit. Cum verò acrius quâdam die pro suggestu vsuras exagitaret, Vir quidam Foenerator in Vrbe potens, ea velut sibi dicta accipiens, de ipso apud Proregem conqueritur. Iacobus verò eò vocatus, vbi se nullius singularis personæ vitium publicè attigisse, sed in genere tantummodò foeneratorum scelus profecutum fuisse ostendit, ad Foeneratorem conuersus ait: Ego quidem nè publicum scelus tuum palam arguerem, tuo honori, ac exultationi dedi: At quid? an non tu Vir ille es, qui in alis, ac vestibis tuis pauperum sanguinem geris? Iam tuum mihi pallium cede, ita me Deus adiunet, ni ex eo viuum pauperum sanguinem exprimam. Cumque manum ad Foeneratoris pallium extendisset, sanctitatem Iacobi agnoscens, exterritus ille, mox aufugit, ne Dei iudicium scelus ipsius aperiret. Mirum planè erat, quàm liberè, quàm grauer, quàm seuerè, Vir hic Euangelicus, ipsa quoque Potentium vitia increparet. Marchio Vritanus, qui & eo tempore Frentani dominabatur, cum varios errores hauisset, eos clam per Hæreticum Ministrum disseminabat, quem cum Iacobus multis argumentis conuictum, ab Hæresi reuocare non posset, grauius increpat: rem verò Marchio tam ægrè tulit, vt etiam in mortem ipsius conspirauerit. At Deus, qui pro Iacobo sollicitè inuigilabat, euntem, redeuntemque ijs inuisibilem præstat, qui in ipsius cædem conspirauerant. Intrepidum igitur Iacobi animum nullæ minæ, nullaque vitæ pericula terrebant. Hinc D. O. M. qui ardentiori hoc illius zelo, ac charitate delectabatur, ipsius mentem, tanta sapientiæ luce illustrabat; vt futuros quoque, diuino Spiritu rerum euentus prenoscere, ac præsignificare: Dum enim Melficti, Dei Verbum disseminaret, maximèque in foeneratores inueheretur, publicus quidam in Vrbe Foenerator erat, qui quò acrius ab eo increpabatur, eò magis in risum, & cachinnum effundebatur. Cui la-

cobus: Caue tibi, inquit, ne Latrunculis ludentem te Diabolus aliquandò infano ictu intercipiat. Nec frustra prolatum verbū. Paucis enim vix elapsis diebus, cū Latrunculis luderet, eo ipso temporis momento, quo à colludente, supremus, Regi, fugiendi aditus intercluditur, repentinā morte correptus, vitę illi cursus abruptitur. Plurimos iam suę etatis annos Iacobus exegerat, cū vltimā lineā appropinquante. Deus Seruum suum, quem fidelem in multis agnouerat, supremā tentatione probare voluit, vt ampliori coronā donaret. Hidruntinæ Prouinciæ Proregem Iacobus grauitur læserat, eò quod ipse in iustitiā administrandā oscitantiam publicè arguisset. Quamobrem Prorex aliā occasione captatā, Iacobum, iniustam exilij damnationem, quę postremam illi gloriam adferret, infontem subire cogit. Exul itaque ob prædicatę Veritatis testimonium, Messapium proficiscitur: vbi post biennium annosus, probatus, meritis, ac virtutibus clarus, Deo spiritum reddit. Tantaque fuit illius sanctimonię fama, vt Messapię publicè illi Statua erecta fuerit. At neque ea diuino testimonio vacauit. Nam quatuor post ipsius obitum annis, cū ipsius Corpus exhumatum fuisset, integrum, ac incorruptum apparuit, suauissimo semper odore fragrans. Nonnulla is Opuscula edidit, quibus præclarę eruditionis cunctis monumenta reliquit. In his sunt: Commentarius in Decalogum. Alter in psalm. Domine quis habitabit, &c. Opus in symbolum Fidei. Aliud, De mortificatione carnis. Postremum, de Concept. Virginis. Hoc pacto, cū vtroque, vita, & doctrina clarus ad Deum conscenderit, illud quoque Euangelicum Elogium iure sibi vendicat: *Qui autem fecerit & docuerit, hic magnus vocabitur in Regno Cælorum.* Obijt. Vir Dei. Anno 1561.

FRATRIS BARTHOLOMÆI HISPELL-
LENSIS, GVARDIANI
VITA, ET GESTA.



RATER BARTHOLOMÆVS Hispellensis, ab adolescentiā iugum Domini in Minorum Obseruantium Ordine ferre discit: at prioris, ac purioris obseruantię studio ductus, ad Capucinos se confert. Fulgini, secundus Guardianus instituitur. Seraphicę paupertatis zelantissimus: inter asperrima hyemis tempora, vilissimus illi tantum habitus, absque tunicā, sufficit. Plurimā in victu temperantiā elucet: quā non solum à geminā in

corpus

X

die

die comestione, verum etiam à saturitate sibi perpetuò cauere: atque vt omnem gustus sensum, à se longius expellat, pulmenta, si quando ijs vescitur, aqua superinfusa, insipida reddit. Perpetuam linguæ, custodiam Virum Dei ad arctissima silentia compellentem, perpetuo solitudinis cultu, atque hominum fugâ, fouet. Plurima quoque illi infidet humilitas, quæ assiduam, ac nunquam intermissum orationis studium illi in animo generat, ita quod meritò inter Illustriores Regulæ cultores, qui eo potissimum æuo florebant, locum sibi vendicet. Inter furibundas illas Religionis tempestates, plurimos suis exemplis ac exhortationibus ad constantiam prouocat. Diuinâ charitate æstuans, Martyrijque pro Christo subeundi summâ cupiditate flagrans, sæpius petitâ facultate, ac denegatâ, ingens saxum, semel ex alto ruens, Dei Seruum ferè suo pondere opprimit, totque corporis ipsius ossa confringit, vt cum plerosque in maximis doloribus dies duxisset, in quibus mira ipsius patientia enituit, ab ijs tandem consumptus, velut domestico Martyrio sublatus, in Domino obdormit. Anno 1562.

FRATER IOANNES à CORLEONE,
GUARDIANVS, SANCTITATE
CONSPICVVS.

FRATER IOANNES à Corleone, Sacerdos, abstinentiâ, vitæ austeritate, charitate erga infirmos, silentio, solitudine, atque oratione imprimis insignis, apud Ordinis monumenta celebratur. Huius Viri sanctimonie præclarum testimonium fuit, quod cum in Gibelmannæ Conuentu (vbi is Guardiani munereungebatur, ante quadragesimale ieiunium ex antiquo Patrum usu, animi remissiones celebrabantur) Ioannes in Ecclesiam ad orandum secessisset, ei Dominus in oratione apparens, quænam honestæ, atque à Deo probatæ animi recreationes censendæ sint, reuelauit. Obijt Anno 1562.

FRATRIS ALEXANDRI à FANO,
GUARDIANI
VITA, ET GESTA.

FRATER ALEXANDER à Fano, cum inter Minores Conuentuales conscriptus vitam duxisset, Regularis obseruantie studio incensus, ad Capucinos se confert, atque adè in omni virtutum genere proficit, vt perfectam Regularis disciplinæ normam, in se ipso præferat, à carnis enim mortifi-

catione exorsus, eâ corpus inediâ domat; vt vniuersa Regulæ ieiunia, atque alia quamplurima, solius panis, & aquæ refectione celebret carnem quotidianis ferè flagellis atterat, humilitate, atque sui abiectione summoperè delectetur. Nihil denique hoc Viro modestius, nihil honestius est: Mulierum adedò consortia deuitat; vt etiam ad eas propius accedere vereatur. Studium verò, quo orationem, ac rerum diuinarum contemplationem prosequitur, tam illi assiduum, & familiare est, vt coelestium rerum potius, quàm humanarum spectator videatur. Diu, noctuq; cum Angelis versatur, Deoq; dicatæ solitudini, vt plurimum vacans, Dei colloquijs familiariter fruitur. Quâobrem tantæ illius, tû apud Fratres tum seculares Sâctitatis fama diffundebatur, vtcuncti illum, velut totius Sâctitatis exēplar, suspicerent. Atque indè quàmplurimi, qui varijs languoribus afflictabâtur, ipsius Sâctitatis odore attracti, ad eum confluebant, quos Vir Dei, Crucis signaculo muniens, ab ægritudine liberos reddebat. Accidit autem, vt ad Castellum quoddam accederet, vbi geminos cuiusdam Mulieris viduæ filios, grauissimâ ægritudine laborantes offendit: quâobrem cû Mater acerbissimè discruciaetur, Alexâder ei ex animo compatiens, vt animum cum Dei beneplacito componeret, hortari coepit. Neque enim id fieri posse affirmabat, vt à Deo opem expectaret, nisi prius cum Dei voluntate conueniret. Id cû à Muliere Vir Dei tandem affecutus fuisset, mox ad Liberos extremâ valetudine laborantes accedit, Signo Crucis benedicit, ac protinùs Matri incolumes, Dei virtute, restituit. Hic tandem meritis diues, ac sanctis operibus plenus, cû vsque ad canos, vitam cum magnâ sanctimonix laude transegiisset, Maceratæ diem extremum claudit. Anno 1564.





FRATER PACIFICVS FANESTRIS FRATRVM
CAPVCINORVM GVARDIANVS

FRATRIS PACIFICI FANESTRIS
GVARDIANI
VITA, ET GESTA.



FRATER PACIFICVS Fanestris; Sacerdos, cùm aliquandò sub Tertij Ordinis S. Francisci habitu, aliquamdiu Francisco à Cartoceto, Ordinis Observantium Viro sanctimoniâ claro, qui Eremum S. Iacobi incolebat, suam operam exhibuisset: eo ex humanis sublato, ad Minorum Observantium Familiam, præclaris illius vitæ exemplis permotus, se confert: vbi primis illis virtutum rudimentis, quæ ex Francisci disciplinâ hauferat, perfecta religiosæ vitæ ornamenta superaddens, in eâ tam dignè versatur; vt cùm semel in Cathedrali Fani Ecclesiâ, sacris Mysterijs incumbens, in extasin raptus, humi prolaberetur, ijque qui præsentès aderant, cùm syncope, ac animi deliquio correptum credentes, eum efferendum curarent; tam grauis diuinâ virtute euaserat, vt nullâ vi ex eo loco dimoueri posset: at paulò post ex excessu rediens, cùm eorum, quæ tunc ei à Deo demonstrata fuerant, terrore perculsus fuisset, statim ad Capucinos transuolat. Viderat quippè Deo ostendente, vt idem post, haud absque lachrymis, affirmabat, maximam hominum, mulierumque turbam, velut pluuiæ guttas, ad Inferna descendere, paucissimosque in æthera sustolli, plurimos etiam ex Minoribus, ac cæterorum Religiosorû Ordinibus, qui Regulari obseruantia non studuerant, in Tartara mergi. Quamobrem cùm id velut cœleste Oraculum accepisset, quò ad perfectam Regulæ obseruantiam se ipsum transferret, protinùs ad Capucinos confugit, inter quos eam vitæ rationem instituit, quæ vniuersos ad sui imitationem compellebat. Crebra enim panis, & aquæ ieiunia, parcissimus somnus, prolixiores vigiliæ, carnis macerationes, austerissimus denique corporis cultus, quæ tum ad vitia edomanda, tum etiam ad cœlestium contemplationem aptandam, sibi consciuerat; adeò ipsius carnem exedunt, vt extremam ferè illi maciem concilient. Verùm quò magis caro ieiunijs, atque asperitatibus conficiebatur, eò lautius mens in oratione, ac rerum diuinarum meditatione epulabatur, & pinguescebat: quarum ita studio accendebatur, vt omne, & stans, & sedens, & ambulans, ac negotia gerens, tempus orationi daret. Hinc perinde ac si tota illius conuersatio in Cœlo esset, eò sem-

per o-

per oculis spectabat, quò mens fixa cogitatione ferebatur. Quamobrem pius Dominus qui ardentiori suorum charitate maximè delectatur, feruentiora hæc Pacifici studia cœlestium reuelationum dono prosequeretur. Etenim cùm Eugubij aliquandò Guardiani munere fungebatur, in ipsâ immaculatæ Conceptionis Deiparæ Virginis solemnitate, dum post Matutinas Horas in Ecclesiâ attentius orat, Immaculatam Virginem maximam ex se cœlestium odorum fragrantiam effundentem, è Cœlo dilabi conspicit: quo tempore Sacrista, qui (vt Altaria ob diei solemnitatem decentius exornaret) ante alios confurrexerat; cùm Ecclesiam ingressus, eam insolito, ac suauissimo odore fragrantem perciperet, eò maximè admirabatur, atque vnde tanta illa odoris suauitas emanaret, ignorans, Pacificum orantem adit: ab eoque tantæ suaueolentiæ causam sciscitatur. Cui Pacificus: Ne mirèrè (inquit) non est hic aromatum, aut thymiamatis, quæ apud nos oriuntur, mortalis odor, è Cœlo hæc aromata prodire, veruntamen audita contine: Nuper hîc Cœlorum Regina descendit, cumque pleraque ad suam ipsius dignitatem spectantia, quæ antea ignoraueram, indignum Mysteria docuisset, illud inter alia explicauit: Se in primo Conceptionis suæ articulo, ab omni prorsus peccati Originalis labe, Dei gratiâ immunem fuisse: cuius rei testimonium est, hæc suauissima odoris fragrantia. Vitam denique cùm sanctus hic Vir, ad extremos vsque canos magnâ cum sanctimonie laude perduxisset, eam quoque Sanctorum fine concludit. Anno 1566.

FRATER NICOLAUS ab ANTIO NO-
VO GVARDIANVS SANCTIMONIE
LAUDE CLARVS.

FRATER NICOLAUS ab Antionouo, Tiburtini Conuentus Guardianus, nec non F. Ioannes Viterbiensis Romanæ Prouinciæ Prouincialis, è corporeo carcere soluti, cœlestis patriæ munera, eodem die, Anni 1569. subeunt. Hi cùm virtute illustres, maximisque in rebus probatissimi, plurimum in Regularis obseruantie cultu laborassent, magnamque apud Fratres sanctimonie laudem consecuti essent: post mortem F. Tholomæo seni, annoso, qui Tiburi ægrotus iacebat ambo gloriosi, ac plurimâ luce circumfusi apparentes, has simul voces effundunt: Vale Tholomæe, iam vnâ Cœlum conscendimus.

FRA-



FRATER SEBASTIANVS AGRAT TERIO FRATRV
CAPVCINORVM GVARDIANVS

FRATRIS SEBASTIANI à GRATTERIO,
GVARDIANI
VITA, ET GESTA.



RATER SEBASTIANVS à Gratterio, Vir sanctimoniâ, ac Miraculis illustris, ex Minorum Ordine qui de Obseruanriâ nuncupantur, inter ipsa Religionis primordia ad Capucinos accedit. Admirabilis in eo relucet vitæ rigor, incredibilisque in seipsum austeritas: quò fit, vt non modò quæ honestæ voluptatis sunt, corpori deneget; verùm & quæ necessaria videntur, naturæ subtrahat: à carnibus enim præterquàm in Paschatis, Pentecostes, ac Natalis Domini diebus, ob sacrorum illorum dierum lætitiâ, tametsi perpetuò abstineret, ac quotidianis inedijs ijsque vt plurimùm ad solum panem, & aquam contractis vacaret; hæc sibi tamen ad carnis macerationem haud sufficere putabat, nisi integros quoque tres hebdomadæ dies, nullo cibi esu transigeret: Cumque hæc corpus inediâ affligit, carnem tam dirâ, singulis noctibus, flagellatione cædit; vt totum circumcirca flagellationis locum sanguine conspergat: Sacro tamen Veneris die, ob Dominicæ Passionis memoriam, familiari flagello, alterum singulare addere solitus est, ex spinosi malogranati virgis confectum, quo tam seuerè seipsum excarnificabat; vt dorsi cute disruptâ, perpetuam ferè in scapulis plagam gereret. Nihil hæc flagellatione Satanæ molestius erat, quàm cum ipse acrius flagellaretur, odium in eam conceptum aliquandò hoc facto declarauit. Semel enim peractâ flagellatione, cum Sebastianus habitum, quæ exuerat, nullibi reperiret; Satanæ artem esse suspicatus, face accensâ omnes Ecclesiæ angulos, ac secreta frustra rimat: tùm fortè oculos altius attollens, eum à Dæmone in excelsam Ecclesiæ trabem delatum esse cernit. Inuidus siquidem Satan, cum Virum Dei aliâ ratione à flagellatione prohibere non posset; hæc saltem arte deludere, atque ab eâ absterrere nititur. At neque his carnis afflictationibus, ardens Sebastiani Spiritus contentus est: vt enim omnem in dormiendo, corpori, quam honestè illi indulgere poterat, voluptatem subtrahat, non stramen, neque foenum, sed nudas tantùm tabulas sibi substernens, lignumque capiti supponens, ita sedens quiescit; vt ad meditationem potius, quàm ad quietem compositus videatur. Hoc modo cum parcissimo somno utitur, longiùs in oratione, quæ vbique il-

li familiaris erat, vigiliis ducit, in quâ tanto in Deum charitatis æstu fertur; vt plerumque in mentis excessum rapiatur. Gloriosissimam Cœlorum Reginam, præcipuâ religione, ab initio ita colere instituit; vt quoties illi per Ecclesiasticas leges liceret, Sacra semper ad ipsius honorem faceret. Sextâ verò Feriâ, Missâ de Passione Domini, tanto pietatis sensu, celebrare solitus erat, vt copiosos semper in eâ lachrymarum imbres effunderet. Hinc contigit aliquandò, vt illius celebrationi incumbens, cùm ad eam missæ partem peruenisset, in quâ, ter Agnus Dei inuocatur; Christus Dominus purpurâ indutus, spinis coronatus, ferreâ catenâ à collo pendente, manibusque post terga reuinctis, totus sanguine conspersus illi in hostiâ apparet: eo planè modo, quo eum Pilatus ad Populi conspectum perduxerat, cùm diceret (*Ecce Homo*) Quo aspectu tam ingenti dolore mens ipsius protinus liquefacta fuit, vt immensos singultus, ac lachrymas complens, verba vltèrius proferre non potuerit, donec Hostiâ ad propriam accidentium formam redeunte, flebile illud Domini spectaculum ab eo recessit: atque indè factum est: vt nunquàm deinceps Sacra celebraret, quin ab ipsius oculis copiosa lachrymarum flumina erumperent. Plerumque etiam Beatissimæ Virginis, ac B. P. Francisci aspectu, ac colloquio potitur, quo feruens ipsius Spiritus magis indies ad Dei charitatem accenditur. Gibilmannæ; cùm aliquandò grauissimè ægrotans, ardentissimo febris calore æstuaret; fontis, qui propè B. V. Ædem defluebat, aquam peroptabat. Hyemis tunc tempus erat, Regioque circumquaque niue obsessa, viam Fratribus intercluserat, quâ ad fontem pergere, ex eoque aquam haurire possent: Veruntamen haud Viro Dei, quæ afflictorum consolatio est, Deipara defuit, quæ ægrotanti seruulo suo apparens, vas illi cœlestis aquæ propinat, quam dum sitibundus ebibit, mox incolumis è lecto surgit, suæque liberatricis benignitatem pijs laudibus, ac gratiarum actionibus prosequitur. Post hæc accidit, vt per Fretum Siculum nauigans, in quâ vehebatur, naus in Piratas incideret, qui cùm vndique nauigantes sagittis inuaderent, Vir Dei se ex opposito in hostium conspectu collocans, iacula quò minùs cæteros ferirent, prohibebat: cumquæ tot sagittæ in eum eiacularæ essent, vt nulla ampliùs hostibus superesset, cunctæ ad ipsius pedes cadentes, nullum, neque ipsi, neque alijs vulnus intulère: quo factum est, vt Piratæ, præda tandem desperatâ, abirent. Porro qui in naui erant, B. P. Franciscum, ante Virum Dei stantem, ac hostium sagittas pallio excipientem conspiciebant, ex quo maximas Deo, ac eorum liberatori

gratias

gratias reddidère. Prophetico etiam Spiritu clarus, quæ in Dei consilio latent, sæpè prædicit. In his fuit maxima quædam hominum strages, quæ pestifero morbo grassante, Castroboni postea secuta est. Cum etiam Gibilmannæ Guardianus, Nouitiorum educationi incumbit, Nouitium quendam incolumem, ac benevalentem intuitus ad Nosocomium mittit, statimque illi peccatorum Confessionem indicit, sacro Viatico refici iubet, atque etiamnum incolumi, tertium diem supremum fore nunciat. Ridebant Fratres Senis imperium, cum Nouitium optimè valentem, ac robustum cernerent: at dictorum veritatem paulò post rei exitus confirmavit: tertia enim dies Nouitium è medio tollit. Pleraque alia Spiritu Prophetico prænunciat: multaque tum viuens, tum mortuus Vir Sanctus Miracula edit: inter quæ illud enumeratur. Dum Castroboni Capucinatorum Conuentus ædificaretur, infans quidam, mentis furore correptus, muro conscenso tegulas comminuebat: cum Vir Dei cum alijs Familiæ Fratribus eò accurrens, mente captum nomine proprio vocans, ad se accedere iubet: is Patris vocem audiens, confestim è tecto descendit, atque ad illius se pedes prosternit. Cui Sebastianus: Cur sic Fili mi, pauperum domum destruis, num ad hæc te amentia compellit? Verum iam mentem accipe, ut à cœpto desinas, dextrâque illius capiti impositâ, integra, ac sana mens illi restituitur. Aliud quoque illustre Miraculum ab eò patratum narratur. Cum enim Vir quidam, qui tam graui oculorum morbo laborabat, ut eorum penè usu caret, ad Virum Dei venisset, ab eoque ut Signum illi Crucis impertiret, multis precibus postularet: Vir sanctus frontem illius quasi festiuus vnâ manu comprimens, alterâ Signum Crucis oculis impendit: quo facto cæcitas repente ab eo fugata fuit. Magna quoque in hoc S. Viro erga Deum fiducia, ac mira in eo orationis virtus elucebat, quâ vniuersa à Deo impetrare se posse confideret. Id exemplo manifestum fuit: Nam in Gibilmannæ Conuentu, cum in sacro Dominicæ Resurrectionis die nihil Fratribus obsonij suppeteret, quo Familia in tam solempni die recreari posset, Vir Dei oculis in Deum sublati, ad diuinæ benignitatis penum confugit, moxque magna palumborum multitudo altius in aëra euolare conspicitur, qui ubi supra Conuentus claustra volatu peruenire: En repente ferox quidam Accipiter à tergo erumpens eos insequitur, totque ab eo intercepti inter monasterij claustra cadunt, quod in eâ Familiâ Fratres eo tempore numerabantur. Quo pacto Fratres velut Dei conuiuæ, corpus, animumque coelesti dono recrearunt. Hoc ipso in Conuentu,

eodem Guardiano accidit, vt ob niuis copiam, quæ viam ad mēdicationem obstruxerat, Familia omnibus vitæ tuendæ necessarijs caret. At Sebastiano ad Deum precibus clamante, sportâ, pane candido, ac recenti plena, in ipso Ecclesiæ limine reperitur, nullo penitus hominis vestigio, cuius opere ea delata fuisset, in niue deprehenso. His itaque Vir Dei tot diuinis testimonijs confirmatus, tandem in Conuentu Castroboni, aduersâ valetudine afflictatus; eâ ingrauescente, cum languor supremum illi diem indiceret, eo tempore tam verbis, ac vultu iucundus apparere, totque Dei laudes occinere cœpit, vt mortem, tanquàm vltimum terribilium non horrere, sed tanquàm ad immortalem vitam viam expetere videretur. Hinc ea sæpè Apostoli verba in ore repetebat: *Cupio dissolui, & esse cum Christo.* Denique Fratribus omnibus valedicto, ex huius corporis domicilio migrat, sempiternam in Cœlo vitam acturus. Cuius rei testis fuit Frater quidam, qui in Corsicæ Prouinciâ, quo tempore Castroboni è viuis excessit, Sebastiani Animam inter Beatorum Choros in Cœlum ferri conspexit. Porro vix Sebastianus humana deseruit, cum lues, quæ eousque Castrobonum occupauerat, abscessit ac velut huius S. morte defuncta est. Caro verò ipsius post mortem tam mollis, ac tractabilis euasit; vt infantilem teneritudinem præferret. Cum autem maximâ apud omnes de Sebastiani Sanctitate opinio percrebuisset; vix illius ad Deum transitus fama in Vrbe audita est; cum turbæ ad Defuncti Corpus confluentes, illius habitû, capillos barbam, vngues, summâ deuotione præscinderent, tantoque impetu in Corpus ruerent, vt vix illud Fratres è turbarum manibus eripere, neue in frustra discerperent, prohibere possent. Neque id frustra: Plurimi enim ægrotantes, qui has S. Viri Reliquias contigerunt, illius apud Deum merita implorantes, sanitatem consecuti sunt, Deo signis, ac virtutibus Serui sui sanctitatem ad ampliorem sui gloriam contestante. Obijt Vir Dei. Anno 1572.

FRATRIS PAULI FERRARIENSIS,
GUARDIANI
VITA, ET GESTA.



RATER PAVLVS Ferrariensis, Sacerdos, prudentiâ, ac virtute clarus, cum primùm ad Religionem accedit, id à Domino multis precibus petit, atque assequitur: vt totidem annis in poenitentiâ, & lachrymis Deo in Religione famularetur, quot Dei Filius in hac mortali vitâ pro hominum salute

consumple-

consumpserat. Guardiani sæpè officio functus, Regularis obseruantia acerrimus propugnator existit. Vir maximâ integritate, ac vitæ innocentia præditus, cuius illud summum, ac iucundissimum studium esse videtur, Orationi, ac diuinarum rerum contemplationi vacare. Hic, cum F. Basilius Sacerdos, tertianâ febre laboraret, in virtute S. Obedientia illi præcipit, vt cum primùm febris accesserit, nullum ei locum præbeat, antequàm ad ipsum pro benedictione accesserit. Mirabile dictu! Febris, quasi Pauli conspectum metueret, ad Basilium accedere verita fuit, atque eū pariter deseruit. Bononiæ tandem Guardianus, magnâ cum virtutum laude, ac sanctimonie famâ vitâ excedit: cuius Corpus, multos, post sepulturæ menses, incorruptum reperitur, pedesque abscissi, & in capsulâ à Fratribus repositi, suauissimum odorem efflant. Obijt Anno. 1574.

FRATRIS IOANNIS BAPTISTÆ
SAONENSIS, GVARDIANI
VITA, ET GESTA.

RATER IOANNES BAPTISTA Saonensis, Sacerdos, Vir dignitatibus clarus, ac regularis obseruantia, atque omnium virtutum laude celebris, maximâ verò patientiâ insignis, quam in diuturna annorum paralysi inuictam exhibet. Huius sanctitati tribuitur, dum in Genuensi Conuentu Guardianus existit, viâ ad mendicationē gelidissimâ hyeme penitus occlusâ, cum Familia in ipso Natalis die, omni victus annonâ carere cogeretur, vox præ Monasterij foribus auditur, clamantis: Patres, ô Patres: quam cum Ianitor percepisset, egeni alicuius esse suspicatus, qui ob Coeli inclementiam, frigore enecaretur, ad fores accurrit: vbi hominem aspectu decorum, pane, vino, carnibus, alijsque ad vitæ vsum necessarijs onustum offendit, quem cum ijs omnibus exonerasset; in aduenarum hospitium introduxisset; debitaque illi charitatis officia persoluisset; manè, vbique diligentissimè conquisitum, nullibi reperit, neque vlla Viri fama, aut notitia haberi potuit: ex quo Angelum illum à Deo missum fuisse, omnibus persuasum fuit, ne tam solemnem diem, quæ ex coelesti Dominicæ Natalis dono cunctis lætitiæ causa suggeritur, quæque omnibus lætus esse solet; Fratres absque victu, cum tristitiâ transigerent. Anno igitur 1575.

Vir hic Sanctus præclaram iustitiæ coronam
assequitur.



FRATER HIERONYMVS A PEDONA FRATR
CAPVCINORVM GWARDIANVS

FRATRIS HIERONYMI à PEDONA,
 GVARDIANI, ac MAGISTRI
 NOVITIORVM,
VITA, ET GESTA.



RATER HIERONYMVS à Pedona, signis, & Miraculis à Deo probatus, illustre sibi sanctitatis testimonium vendicat. Hic cum in Minorum Obseruantium Familiâ prima virtutum fundamenta iecisset, ad Capucinorum Religionem, ætate prouectus, se confert: in quâ tantâ sensuum mortificatione, oris custodiâ, sui ipsius contemptu, honoris fugâ, humilitate, paupertate, abstinentiâ, vitæ austeritate, orationis studio, charitate demum vitam instituit; vt nihil illi ad cœlestem quandam perfecti hominis formam deesse videatur. Honestatis, ac pudicitia, tam seuerus cultor existit; vt per quatuordecim annorum curricula, nullius vnquam, aut Viri, aut Mulieris vultum conspexerit. Orationem verò tam ardenti studio prosequitur; vt cum in eâ maiorem diei, ac noctis partem consumeret, cum oculis fœdus pepegisse videatur, vt ij plus lachrymarum funderent, quàm somni caperent. Eam verò in dormiendo compositionem seruat; vt nunquàm iacens, ne totus obdormiat, sed sedens, capite parieti, vel manui innixò, somnum conciliet; ita vt orans potius quàm dormiens videatur. Cum Vir prudens, ac sapientiâ plenus eisset, sæpè Nouitiorum curam agit. Patientiâ, ac rerum aduersarum tolerantia, quâ electi sæpè numero à Deo probantur, præclarus hic Dei Famulus tam insigniter præfulsit; vt non solum non seipsum defendere, non obiecta refellere, non accusatorem coarguere, sed rei potius poenâ plecti voluerit, donec Sole clarior ipsius vitæ candor, ac innocentia erumperet: quo tempore, nulla non modo in accusatorem irâ, aut odio commotus fuit, verum pro eo trium mensium spatio, preces, ac lachrymas ad Deum fuderit. Dum è Conuentu Montisfilatrani aliquandò cum Fratre Vincentio Portiano, ac alijs, Maceratum, æstiuo tempore proficiscitur; Socij, pallium quo Hieronymus iam senex grauabatur, sublatum, secum ferunt. Dum igitur Hieronymus absque pallio in via Socios antecedit, En repente aër nubibus obtenebrari, ac multus è Cœlo imber effluere coepit: ijs verò magnoperè ob Senis, quem totum imbre per-

bre perfusum arbitrabantur, incommodum afflictatis, is diuinâ virtute, melius quàm pallio contextus, sine imbre præcedit. Verùm id mirabilius accedit, quod cùm ad Fluium, qui viam intercidebat, ita aquis tumidum, vt non nisi difficilè transuadari posset, peruenisset; Crucis Signo sibi adhibito, liberè super vndas incedit, totumque Fluium sicco pede traiecit. Socij itaque vbi Maceratam multo imbre madefacti peruenire, Hieronymum reperiunt, cuius habitum ne gutta quidem contigerat, nec sandalia lutum vel minimùm sordidauerat. Idipsum illi iterùm cùm Montem Granarium, quo loco Capitulum celebrandum erat, cum alijs pergit, contigit: pluuiâ namque in itinere exortâ, cùm cæteri imbre perfusi immadescerent, solus, inter medios imbres ab ijs immunis incedit. Dũ in Montis Casalís Conuētū, Guardiani munere fungitur, Dominicū quendā anginâ, quæ ob epiphoram, ac copiosorem humoris fluxum, illi fauces occupauerat, periculosè laborantem; Signo Crucis illi adhibito, incolumem reddit. Nobili Æsino ex Saluinorum prosopiâ, qui se Viri Dei precibus commendauerat, petitionis effectum suâ oratione impetrat. Prophetiæ Spiritu quo futura prænosceret, tam abundè illustratur; vt nihil illius notitiam subterfugere videatur. Diuinâ, præter hæc, Vir Dei sapientiâ præditus, internas hominum cogitationes, & cordis abstrusa penetrat, ac peccata detegit. Denique cùm quadragessimum in Religione annum maximâ cum vitæ Sanctimoniâ exegisset, in Fanestri Conuentu, septuagenario maior, temporalis vitæ spatium peragit, æuo aquod Deum immortalī fruiturus. Cuius rei, præter vitam omni cum virtutum laude transactam, ac Miraculis probatam, illud testimonium fuit: quod pulchrior post obitum, quàm cùm viueret, appareret: gibbusque quem à tergo sedendo dormiens contraxerat, post mortem euanescens; rectam corporis formam intuendam reliquit, ac post secundum mensem illius Corpus, cùm in sepulchro iacuisset, cæteris putredine consumptis, illud tam incorruptum visum fuit, ac si eodem die tumulatum fuisset. Obijt Vir Dei Anno

1576.



FRA.

FRATRIS ARCHANGELI PANORMI-
TANI GVARDIANI
VITA, ET GESTA.

PRATER ARCHANGELVS Panormitanus, Concionator, ex illustri Vrbis familiâ, quæ Caprona nuncupatur, progenitus, cùm se Deo in Capucinatorum Ordine perpetuò deuouisset, tam constanter in proposito perstitit, vt cùm Pater id ægrè ferens, complures Theologos collegisset, qui ob ætatis defectum eo illum voto non adstringi, pluribus illi persuaderent, ille ijs præsentibus oculis in Cœlum sublatis: ego (inquit) Deo Omnipotenti voueo, me in Capucinatorum Ordine ad mortem vsque famulaturum. Iam verò ad eos conuersus: si primum votum infirmum fuit, hoc firmum, & validum esto: quo sanè omnem priorem dubitationem sustulit, stabileque animi sui propositum declarauit. Hoc pacto, Capucinatorum numero adscriptus, tam admirabiles in omni virtutum genere profectus edidit, vt quos alij non nisi difficile, ac diuturno tempore, improboque sibi labore comparare valent, is in ipso sui Tyrocinij exordio, virtutes affecutus videretur. Ad Sacrarum Literarum studia promotus, ac dein ad Concionatoris officium vocatus, planè incredibile est, quàm ardentem Dei Verbum diffeminaret, qualesque in hominum animis ad pœnitentiâ, & pietatem, motus excitaret. Verba quæ in suggestu proferebat, ignea quædam iacula, ac fulmina videbantur, quæ audientium corda ita inflammabant, vt ijs omninò obediendum ducerent, quæ ab eo vel ad publicam, vel ad priuatam cuiusque correptionem, ac commodum amplectenda proponebantur. Cùm Drepani Dei Verbum prædicaret, tres ibi Sodalitates instituit: Primam, quæ ægrotantibus in domo Hospitali, Spiritualia in morte suffragia persolueret: Secundam quæ Mons pietatis nuncupata, pauperum inopiam subleuaret: Tertiam tandem, quæ carcere detentis necessaria ministraret. Porro his, quâlibet die octauâ indictum erat, vt ad pœnitentiæ, & Eucharistiæ Sacramenta accederent, quater in hebdomadâ carnis flagellationi incumberent, quadraginta horarum sæpè Orationem celebrarent, atque alia huiusmodi pietatis opera præstarent. Fœminis quoque Nobilioribus persuasit, vt Hospitalem domum ad ægrotorum conualescentium solatium construerent. Mira sunt quæ Vir hic Dei cœlesti prorsus eloquentiâ in eâ Vrbe persuasit, egit, confecit: quæ eousque ipsius prædicatione commota fuit; vt plerique Adolescentes ad Religiones conuolarent, Virgines non paucae Deo Virginitatem in

Z

tem in

tem in Monasterijs consecrarent, tantaque per aliquot annorum spatia, Virorum, ac Mulierum ad Sacramenta frequentia esset; vt Vrbs, Religiosæ potius, quàm Secularis Reipublicæ formam præferret: Tanto is animarum zelo feruebat, vt quâ die Verbum Dei non disseminasset, eam prorsus sibi perijsse putaret: in Prædicatione verò nullius, nec Magnatis, nec Potentis vultum reformidans, vitia, ac scelera intrepidus reprehendebat. Neque ob assiduam Prædicationis laborem, communis vnquam Orationis, aut Chori studium, diu, noctuque prætermittebat. Tanto humilitatis desiderio aestuabat: vt cum semel cum Eleëmofynario ad mendicationem pergens, panem proprijs humeris ad Conuentum deferret, aliquis mulum ei ad onus vectandum offerret, cui lepidè Archangelus: Tuus (inquit) tibi mulus esto, ego non mulo, sed mihi huius laboris meritum volo. Nobilem Mulierem quæ eum semel ad turpia sollicitare ausa est, acri reprehensione ad poenitentiam compulit. Tantæ in Pauperes charitatis fuit; vt nihil vnquã vlli denegaret, quod pro Dei amore ab eo quæreretur. Contigit aliquandò, vt cū Alcamo, Drepanum, ieiuniorum tempore profecturus esset, Socius sex sibi panes pro vtriusque refectione in viâ peragenda reponeret (ingens enim tûc famæ Regionem inuaserat quâ fiebat, vt panis difficilè inueniri posset) vix viâ aliquantulum confecerant. cū geminos pauperes sibi obuiam habent, qui ab ijs eleëmofynam quærunt, quibus Archangelus duos panes erogari iubet: paululum cū in viâ processissent, duos quoque alios pauperes offendunt, fame extenuatos, quorum Archangelus miseratus, duobus itidem panibus donat: lōgius verò cū progressi fuissent, en duo alij, propè fame enecati. se offerunt, panem ab ipsis mendicantes: tunc Archangelus ad Socium cōuersus: Quid cūctamur, inquit, en hi fame pereunt, si eos nō pascimus, occidimus, reliquos ijs panes tribue, nos Dei prouidentiâ nutriet. Reluctabatur nonnihil Socius, eò quod nulla ijs, in eâ viâ, panis mendicadi spes esset: cui Archangelus: Ne diffidas, ait, Frater, in Deum tantummodò cogitatum iacta, ipse nos enutriet. Panibus itaq; exonerati, cū leuiore interprosequerentur, incalescente iâ die, & ipsi fame afflictiari cœperunt: At D. O. M. qui priores pauperes, pauperum eleëmofynis subleuauerat, voluntarios Christi Pauperes suæ prouidentiæ commissos, haud deferit: dum enim fame, atque itinere languentes, lentius procedunt; en repentè à pijs quibusdam Viris vocantur, qui tunc primum mensæ accumbere parabant. Eò vocati, Fratres accedunt, mensam splendidè paratam cernunt, ac tunc diuinę prouiden-

tiæ

tię conuiuium admirantur. Fame igitur cibo expulsâ, ac refocillatis viribus, cū iter prosequi vellent, ex ijs alter sex grandiores panes ijs offerens, ait: Patres, hos panes accipite, neque enim in hâc viâ alij vobis ministrari poterunt. Tunc Archangelus ad Socium conuersus: Quid, inquit, Frater iam de diuinâ prouidentiâ sentis? Etiânum de eâ diffides? Vides, quàm liberalis ergâ nos Deus fuerit, cui haud satis fuit, quod conuiuium nobis absque sollicitudine parauerit, verum meliores, ac crassiores, quàm, quos dedimus, panes reddit. Fraterne quoque charitatis ardore tam incensus erat, vt si quando Frater quispiam habitu indigeret, quem ex vestiario ob inopiam sibi vendicare non posset, is sæpè proprium habitum exueret, ac in vestiario reponeret, vt eo Frater absque vlllo pudore vti posset, ipseque sibi lacerum aliundè parabat. Nullos pro aliorum salute, aut vtilitate, labores subire vnquam renuit, melioremque aliorum vitam, quàm suam existimans, omnia se illis debere putabat, pro quibus Dei Filius vitam cum sanguine fudit; atque hinc totum in aliorum commodū se effundere optabat. Postremò, cū tam ingenti Dei amore flagraret, vt vultu semper atque animo in Cœlum sublato, præsentem vique Deum contemplari videretur; hoc virtutum cursu ad ultimam vitæ lineam peruenit, ac cœleste tandem à Domino præmium consequitur. Anno 1577.

FRATRIS ANTONII MONOPOLITANI, GVARDIANI
VITA, ET GESTA.

FRATER ANTONIVS Monopolitanus, Sacerdos, abstinentiâ, paupertate, patientiâ, ac rerum aduersarum tolerantia celebris, Guardiani officio sæpè fungitur, in quo tanta Regularis obseruantia disciplinâ Familiam administrat, totque præclaris vitæ exemplis cæteros antecedit; vt plurimam apud omnes sanctimoniam existimationem sibi comparet. Prophetiæ dono præclarus (inter alia) in Oppido Castaneæ, Nobili Viro Antonio familiari suo, Vxoris grauiter laborantis incolumitatē, Filij verò incolumis, mortē prænunciat: Cumq; semel per idem Oppidū incederet, Mulieris cuiusdā, quæ iam diu partus doloribus cruciabatur, nec vlllo modò ab ijs liberari poterat, clamoribus perceptis, illius, Antonius, obsecratione permotus, funem, quo præcinctus erat, ad eā protinus mittit, quo cū Mulier cinctâ fuisset, confestim salua Filium peperit. Tandē Vir Dei in Cōuētū Tutici carnis vinculis absoluitur, meliori, ac foelicioris æui libertatem, omnium opinione consecutus an. 1579.

FRATRIS PAULI BERCELLENSIS
 GVARDIANI, & MAGISTRI NO-
 VITIORVM
 VITA, ET GESTA.

PRATER PAVLVS Bercellensis, Sacerdos, vitiorum hostis acerrimus, quæ prius in seipso durâ carnis, ac sensuum castigatione (cui usque ad veteris hominis interitum, incumbit) interimere contendit. Duplicem vitæ normam Nouitijs amplectendam proponit: vnâ, quam ex illius verbis ac spirituali disciplinâ addiscerent; alteram verò quam ex præclaris ipsius virtutum exemplis haurirent. Vir singularis prudentiæ, & diuino spiritu illustratus, plurimas in oratione cum Deo vigiliâs ducit. Quapropter cum ab omnibus Vir Sanctus haberetur, hæud sanctitati ipsius testimonium defuit: cum enim Fr. Euangelista à Maraddo Nouitius, tertianâ febre laboraret, aliquândò in magistrû incidit, à quo de corporis statu interrogatus, respondet ille: Eatenus se cum febre disceptasse: Cui Paulus: Ecquisnam ait, victoriam tulit? vicit illa (inquit) Nouitius, iacentemque, ac prostratum me hætenus oppressit: Itane tam ignauus Athleta es (subdit Magister) vt imbelli febri succumbas? Vis vt tibi suppetias feram? Cui Nouitius: Vt lubet Pater. Iam ergò febris inquit, Dei imperio cedat, atque ab eâ deinceps liber esto, Crucisque Signo munitum dimittit. Paruit febris, Magistrique imperio victa discedens, Nouitium deinceps liberum reliquit. Denique cum multos B. P. Francisco Filios, ac veros Regulæ cultores peperisset, dum Bononiensem Conuentum Guardianus moderatur, ad cœlestium, terrestriumque moderatorem, sanctimoniâ clarus conscendit. Anno 1579.





FRATER ANTONIVS A MONTE-SICARDO FF^{um}
CAPVC^{um} NOVITORVM MAGISTER

FRATRIS ANTONII à MONTE SICARDO, MAGISTRI NOVI-
TIORVM
VITA, ET GESTA.



PRATER ANTONIVS à Monte Sicardo, ab adolescentiâ iugum Domini ferre discens, annos vix decem & octo natos, graui sæcularis iugo excusso, leui Domini oneri in Minorum Obseruantium Ordine humeros supponit. In quo tam alta in sui ipsius contemptu, ac profundâ animi humilitate, perfectioris vitæ fundamenta ponit quod eò nunquam adduci potuerit, vt vllû Prælationis genus, ei licet oblatum, acceptaret: dicere enim familiaribus solebat, vbi integra Regulæ obseruantia non viget, in tuto Prælationem administrari non posse. Denique cum tam perfectâ Regularis disciplinæ obseruantia, atque virtutum omnium studio alios antecelleret, id sibi, apud Obseruantes, nomen comparauerat, vt in Piceni Prouinciâ, nemo illo sanctior, aut perfectior haberetur. Per id tempus, Capucinatorum famâ ad Antonium perlatâ, ad eius amplexum vehementer illius animum sollicitabat; at cum Dæmonis insidias pertimesceret, Deum assiduè suis lachrymis deprecabatur, vt consilium suum dirigeret, & quid sibi sequendum esset, demonstraret: inter hæc accidit, vt cum Antonius cum plerisque sui Conuentus Fratribus, de Capucinatorum reformatione colloqueretur, alij eam præ Obseruantium reformatione commendabant, alij contrâ, illi propriam reformationem præferebant. Quo tempore, quidam Puer pauperculus, graui capitis scabie laborans, quotidie ad Conuentum curationis gratiâ accedebat: hunc cum Antonius vidisset, B. P. Francisci exemplo edoctus, qui ab huiusmodi puero Dei voluntatem ad Socios sibi eligendos exquisierat, Puerulum ad se vocat, alijsque adstantibus Fratribus, illum his verbis compellat: En Puer, duæ sunt Fratrum reformationes, altera nostrorum Fratrum reformationum, aliorum altera, qui Capucini nuncupantur; iam tibi in nomine Domini præcipio, vt dicas nobis, quænam harum vera B. P. reformatio sit, ac Deo magis placeat: Mirabile dictu! vix ea Antonius & fatus est, cum Puer totus vultu instar flammæ incensus, ac velut Dei Spiritu agitato, elatâ manu, atque extento digito, claustra per-

currere

currere coepit. quâ maiori poterat, voce exclamans : Capucini, Capucini, Capucini : cùm tamen ne Capucinatorum quidem nomen antea audiisset, Id protinus, cùm ab omnibus diuino operi, ac miraculo ascriptum esset : En, inquit, ex ore infantium, & lactentium, Deus veritatem nobis ostendere voluit : ac tunc de diuinâ voluntate certior factus. cùm pluribus eiusdem Conuentus Fratribus ad Ludouicum Forosempronianum accedens, Capucinatorum Congregationi adiungitur. Inter Capucinos autem adnumeratus, summam vitæ austeritatem, cum summis virtutibus coniungit : nam vnicâ in die, ac parçâ refectione contentus, vniuersas B. P. Francisci Quadragesimas (quæ 5. enumerantur) peruigiliaque festorum Domini, & B. Mariæ Virginis panis, & aquæ ieiunio consecrat. Animum intereâ rerum diuinarum contemplatione impinguans, nudis etiam pedibus, absque sandalijs gradiens, expeditior vniuersam Domini mandatorum, ac consiliorum viam, Dei Spiritu plenus, percurrit. Paupertatis obseruantissimus, toto vitæ suæ tempore, vnico tantùm habitu, eoque maiori ex parte præsegminibus compacto, vtitur. Mentem præclaris patientiæ, mansuetudinis, charitatis, ac reliquarum virtutum indumentis exornat. Postremò, dum carnis petulantiam diris flagellis, vigilijs, aspero cilicio, alijsque seuerioris disciplinæ rigoribus domare satagit, Spiritum ad Cœlestia liberiores, & ad Dei dona capefcenda aptiores, parat. Abstinentiâ tam admirabili excellit, vt in vtrâque & Reformatorum, & Capucinatorum Religione, triginta circiter annos, in panis, & aquæ ieiunio expleat : cuius ita obseruans existit, vt neque ægrotans, neque iter faciens, ab eo declinare velit. Semel longum iter faciens, cùm neque panem in viâ deferri permisisset, viribus illi ad iter prosequendum deficientibus, oratione factâ, panis illi à Deo ministratur. Ob præclaras eas animi virtutes, cùm Nouitiorum aliquandò illi cura, & educatio commissâ esset, quò melius suo munere fungi possit, Dæmonem, sub visibili specie, Nouitium tentantem videt. Quâdam etiam die cùm in communi mensâ cum cæteris Familiæ Fratribus assisteret, tam ardentem sursum agi coepit; vt corpore altius è solo exurgente, Vir Dei totâ spectante Familiâ, in aëre subsisteret, tam diuque in eo corporis statu persisteret, quoad absolutâ refectione, Familia consuetas Deo gratias persoluisset. Guardianus verò, qui Antonij Spiritum, nùm ex Deo esset, obedientiâ, atque humilitate probare decreuerat, simulatque ex extasi reuocatus fuit, his eum verbis compellat : Iam Antoni nunc operâ tuâ indigeo, vt opus, quod manè in horti culturâ imperfectum

fectum deserui, mecum perficias: Cui Antonius: En præstò sum Pater, arreptoque ligone, tametsi præ senio viribus imbecillis esset; Guardianum sequitur. At Guardianus necdùm eo contentus, vt fraternam in eo charitatem experiretur, seorsum eum assumens, ait: Antoni, est mihi in hoc Monasterio Frater quidam moribus dissolutus, atque indisciplinatus: Antonius verò cùm à murmuratione, angue peius abhorreret, simulatque prima hæc Guardiani verba percepit, protinùs adgeniculans, ait: Memini, Pater me necdùm Afino lectum strauisse (curam enim cuiusdam Afini gerebat) si placeat meo muneri satisfaciam. Hoc pacto à Guardiano declinat, qui cùm illum ad stabulum vsque eminùs profecutus fuisset, genuflexum tandem in stabulo, atque in oratione defixum, paulatim se in aëra extollemtem cernit: quò obstupefcens, cùm veram illam sanctimoniam esse certo testimonio comprobasset, maximà deinceps Virum in veneratione habuit. Antonij igitur Sanctitate longè, lateque per Piceni agrum peruulgatà, omnes ferè illius Regionis ægri, præsertim ex Petræ rubeæ Oppido, ad eum confluebant, qui exiguam chartulam, in quâ Sancta nomina, Iesu, Mariæ, & Iosephi manu suâ conscripta erant, ab eo accipientes, protinùs corporis incolumitatem consequerantur. Rusticus quidam ex Foroliuensi agro, qui hydropisi, & crurum dolore grauiter laborabat, celebri eius nomine audito, cùm iter ad eum auspicatus fuisset, vix duo, aut tria millia passuum confecerat, cùm repente ab vtroque morbo liberatus, ita se toto corpore incolumem sensit; vt plurimos deinde annos absque vllâ morbi afflictatione transegerit. In Asculanâ Vrbe, mortuum puerum suâ oratione ad vitam reuocasse, constans omnium fama fuit. Narniæ, cùm à quodam Pastore, casu, sylua quæ Conuentui nostro proxima erat, horribili incendio succensa esset, propiusque Conuentum flamma accederet, Fratribus omnibus è Monasterio fugientibus, vltimus tandem Frater Antonius, qui cùm senio grauaretur, lentiùs cæteris gradiebatur) vbi is flammam conspexit, subridens, ac manu capitilique motu, lætitiæ signa edens, mox ad Monasterium redit. Antonium sequitur F. Angelus à Colle scipulo, vt, quid ab eo fieret, curiosius exploret: vix Antonius ad cellam peruenit, cùm eum flexis genibus Deum cum lachrymis orantem cernit, moxque eo orante incendium mitescit. Porro necdùm ab oratione surrexerat, cùm (vt clarior Dei virtus, atque Antonij orationis vis elucesceret) incendij flammæ inter quædam sicca folia, atque aridos arborum ramos, penitus extinguuntur. Iam verò Sanctus hic Dei Seruus, multos sene-

Et utis

Et utis annos, pari vitæ austeritate traduxerat, cum paucis ante obitum annis, certæ suæ electionis, ac prædestinationis à Domino signa accepit. Quæ is, sub incertæ personæ nomine, aliquandò nonnullis familiaribus, his verbis declarauit: Noui hominem, inquit, qui cum per annos quatuordecim post matutinas Horas, insomnis totum illud noctis spatium in oratione insumpisset, nocte quâdam orans, sub aurore crepusculum, vtrasque Ecclesiæ fores patefieri, formosissimorumque hominum supplicationem Ecclesiam ingredi conspexit, Postremus verò Vir omnium nobilissimus, ac speciosissimus, tantâ cum maiestate gradiebatur, vt facile omnium qui in supplicatione erant, caput agnosceretur. Hi cum ad Sacrosanctæ Eucharistiæ Altare peruenissent, cuncti adgeniculantes, Sacram Eucharistiam adorant, eo vno Illustrissimo Viro excepto, cui ab Adolescentibus quibusdam, qui Sole fulgidiores erant, aurea sedes in ipso scabello Altaris paratur: in eâ cum Vir ille sedisset, protinus iubet Fratrem, qui in extremo Ecclesiæ angulo orabat, ad se accersiri: qui cum claro intus mentis lumine illustratus, Virum illum in throno sedentem Dei Filium esse intelligeret, capite vsque ad terram demisso, ad eum accedens, pronus ante illum iacebat. Cui Dominus: Plurimum Fili mi (inquit) in amplificandâ ac propagandâ Maiestatis meæ gloriâ laborasti, dura multa pro nomine meo tolerasti, quale ergo nunc præmium accipies, iam pete, quod vis, vt illud ex benignitate meâ assequaris. Cui ille: id tantum Domine supplex peto, vt culparum mearum fasciculos, quos impiè collegi, dissoluere, ac tuo sanguine ita placeat delere, vt ne quidem vna maneat superstes: Post hæc verò ita me tuâ gratiâ, ac beneuolentiâ dones, vt ab eâ nullo vnquam tempore excidere valeam. Dominus autem illum placido vultu intuens, ait: Gratum est mihi, quod petis, moxque ad Angelos conuersus, afferte, ait, ad me Librum vitæ: quo statim oblato, alteroque Angelo, Domino calamus administrante, cum ipse atramentarium gestaret, Dominum, proprium ipsius nomen in Libro vitæ scribentem, suis oculis conspicit: quo facto, Dominus eidem benedictionem impendens, repente cum illâ coelestium hominum, & Angelorum coronâ ad superna se confert. Ineffabili ergo hoc dono à Domino accepto, Antonius, ne superbia immutaret intellectum eius, grauissimâ carnis tentatione à Deo probatur. Pugnât Senex contrâ adolescentiæ vitium, iam illum nec panis, nec aquæ ieiunia, neque vsque ad sanguinem flagellationes, neque aspera cilicia, neque ardentissima ad Deum suspiria, aut profusæ in Oratione la-

chrymæ, quibus hostem edomare consueuerat, quicquam eum illo tempore iuuant. donec tandem terribili hâc tentatione aliquo tempore probatus, Fidelis Deus, qui non permittit nos tentari supra id quod possumus, non modò tantummodò tentationem abstulit, sed & cum tentatione prouentum dedit, vt Iacobi Apostoli vox obtineret dicentis: *Beatus Vir qui suffert tentationem, quoniam cùm probatus fuerit accipiet coronam vitæ*: Paucis enim post hæc diebus elapsis, Maceratae in morbum incidit, ac singulari animi præparatione, & Sacramentorum perceptione, ad superna dispositus, hinc purus migrat, vitamque magnâ cum sanctimoniæ famâ transactam, beato fine concludit. Anno 1550. denique pro breuissimo tentationis labore, perpetuam vitæ coronam accipit.





FRATER FRANCISCUS NOVARIENSIS FF.^{um}
CAPVCIN.^{um} MAGISTER NOVITIORVM

FRATRIS FRANCISCI NOVARIEN-
SIS, MAGISTRI NOVI-
TIORVM
VITA, ET GESTA.



FRATER FRANCISCUS Nouariensis, Torniellorum Familiâ ortus, diuinis benedictionibus præuentus, præclara, ab ineunte ætate, futuræ virtutis præludia edit. Puer enim à Parentibus, optimis moribus imbutus, inditam quandam à Deo ad diuina propensionem fortitur, quâ à puerilibus abstinens, senilia tantum animo versat. Hinc sacris delectari, puerorum vitia fugere, & cum adoleuit, deuotos libros reuoluere, sæpè ad Sacramenta accedere, honestatem, ac modestiam in omnibus præferre videtur. Vix sextum decimum annum attigit, quum Sæculo, cum suis delitijs calcato, Mundo maior, Deo, se in Ordine Minorum Obseruantium maturius consecrat, atque aded se in summis religiosæ vitæ virtutibus exercet: vt grauius inter Obseruantes Vir habeatur. Cum verò Regularis obseruantie studio teneretur, cum alijs plurimis ad Capucinorum Religionem euolat. Vir ad omnem virtutem compositus existit, nihil in ipsius moribus, aut actibus, nisi graue, nisi honestum, nisi virtute dignum elucet. Humilitate, abstinentiâ, vitæ austeritate, corporis maceratione, silentio, linguæ custodiâ, oratione, ac præterea grauitate, & prudentiâ, tantoperè inter Capucinos enitet, vt cum totius regularis disciplinæ norma esset, Nouitiorum vt plurimum ei cura, ac educatio committatur: quo in munere, plurimis, ac præclaris religiosæ vitæ præceptis, Tyrones ad perfectam spiritualis vitæ formam efformat. Oratio illi tam familiaris, ac lachrymosa erat, vt cum præter statuta Orationis tempora fursum animum vbique in Deum ageret, lumina semper fletibus madida circumferret, quibus aded in diuinissimâ præsertim Sacrificij Incruenti oblatione affluebat, vt ab eâ nonnunquam ad effugiendum spectantium oculos abstineret. Nouariam missus vt Capucinorum Familiæ in eâ Vrbe locum pararet, quò se mortuis mortuum ostenderet, Vir humilis nunquam apud Propinquos, in eâ Vrbe potentes, hospitari voluit, sed in veteri quâdam æde, hospitio sibi delecto, in eâ velut in Monasterio, ac pauperum domicilio, diuersatur. Itaque cum per aliquod

tempus

tempus ibi tam religiosè conuersatus esset, vt bono virtutum odore, ac præclarioribus vitæ exemplis, patriam Urbem illustrasset; tandem in morbum incidit, quo cum diutius detineretur, tot in eo languore, qui illi supremus fuit, Vir Sanctus, sui ipsius contemptus, patientiæ, ac cæterarum virtutum exempla exhibet; vt faciliè omnibus exploratum esset, solida illum, & abundantiora mentis bona possidere, infirmitatemque non tam ad mortis occasum, quàm ad virtutum exercitationem, ei datam esse. Porro ingrauescente morbo, cum se ad vltimam rerum lineam properantem cerneret; vbi se diuinorum Sacramentorum armis aduersus hostem communiuit, in nudâ humo se collocari curat, vt se fortem Christi Athletam esse ostenderet, qui in arenam aduersus humani generis hostem descenderet, verumque se B. P. Francisci imitorem demonstraret, qui extremum cum morte conflictum in puluere, ac summâ rerum paupertate confecit: ac demùm vt nihil se cum mundo, & humanis rebus commune habere, declararet. Hoc pacto, ab omnibus liber, ac solutus, Franciscus ad Dominum celerius migrat. At, qui vitam tot virtutum sanctimoniâ insignem duxerat, ac diuini nominis gloriam inter viuos omni studio profecutus fuerat, haud debitâ sibi in morte gloriâ carere debuit. Quapropter vix Franciscus ex hominum consortio sublatus erat, quùm D. O. M. Serui sui Sanctitatem, præclaraque ipsius apud eum merita, Miraculis illustrare cœpit. Quidam enim Cathedralis eiusdem Urbis Canonicus, Carolus nomine, qui tam graui dolore diu laborauerat, vt à Sacro Mysterio celebrando, ob languoris grauitatem abstineret; quam primùm eâ, quâ defuncti Frâncisci Corpus ablutû erat, aquâ, caput sibi lauisset, protinûs ab omni capitis dolore tam liber euadit, vt eo deinceps nunquàm prægrauatus fuerit. Id cum quidam Calceolarius, qui crura tuberibus, ac pustulis plena gestauerat, factum rescuisset eandem sibi aquam adhibet, crura lauat, confestimque ea velut pueri sana recipit. Necdùm B. Viri Corpus tumulatum fuerat, cum Miraculorum famâ per Urbem diffusâ, lis inter Cathedralis Ecclesiæ Canonicos, Minores Conuentuales, & Obseruantes, de illius sepulturâ exoritur. Cum enim necdùm ibi Capucinatorum Conuentus exstructus esset, Canonici velut peregrinum in priuatis sæcularium ædibus defunctum, sibi deberi asserebant. Contrâ Obseruantes, cum eum olim ex eorum Familiâ extitisse contenderent, indè vt suum repetebât. Tertiò quoque Minores Conuentuales, meliori (vt videbatur) ratione, Capucinatorum Religionem (tunc temporis) quodâ iure subiectionis, ac de-

pendentiæ ordine, sibi connexam affirmabant. ex quo Francisci sibi Corpus vendicarent. Lis hæc suborta, funus ad tertium vsque diem distulit, quo tempore tota Vrbs ad B. Viri Corpus venerandum confluit, & quàm plurimi, qui, vel ipsius Reliquias contingebant, vel ipsius merita inuocabant, à varijs corporis morbis conualescunt. Lite tandem à Nouariensi Episcopo dirempta, Tumulus quidem in Minorum Conuentualium Ecclesia, Corpori adiudicatur, feretrum verò Sacrà illà Corporis sarcinà onustum, Capucinis qui aderant, Obseruantibus & Conuentualibus deferendū traditur: Clero, Regularibus, ac totà Vrbe ad funus confluentibus. Dùm verò B. Viro funera persoluuntur, Damianus, quidam Calceolarius, qui, cùm vnus oculi luce prorsus careret, alterius vix vsu fruebatur, ac insuper graui capitis morbo afflictabatur; Francisci merita apud Deum sibi propitia inuocat ac repentè capitis dolore effugato, clarum vtriusque oculi visum recipit, quo deinceps ad vltimum ætatis senium, absque vllà ipsius diminutione integrè potitur. Obijt Vir Sanctus. Anno 1562.

FRATER BARTHOLOMÆVS GAL-
LVVS, MAGISTER NOVITIORVM,
SANCTIMONIA CLARVS.



FRATER BARTHOLOMÆVS Gallus. Sacerdos, in Neapolitana Prouinciâ aliquamdiu Magistri Nouitiorum munere functus, quâ plurimos Religioni perfectos Regulæ cultores, suâ virtute, consilio, ac exemplo parit: Vir profundissimæ humilitatis, ac perpetuæ orationis existit: cuius singularem apud Deum sanctimoniam, perfectissima Regulæ obseruantia, vitæque præclaris virtutibus exornata testantur: quam etiam Deus præclaro post mortem testimonio declarare voluit. Cùm enim in Conuentu Beneuenti, in quo is inter viuos agere desijt, Sepulchrum necdum effossum fuisset, defuncti Corpus sub aquæ benedictæ pilâ cõditum fuit, sed post annum extructo Sepulchro, dum illius ossa in illud inferenda quærantur, integrum illius Corpus, ac tam incorruptum à Fratribus reperitur, ac si eâ die ab humanis decessisset. Tàm suavis præterea ex eo odor effundi coepit, vt faciliè perspici posset, diuina hæc illius Sanctitatis, ac regnantis apud Deum Spiritus, argumenta esse. Obijt Anno 1566.

FR A-



FRATER RUFFINVS A^{to} VRSO FRATRVM
CAPVC^{um} MAGISTER NOVITIORVM.

FRATRIS RVFFINI à SANCTO VR-
SO, MAGISTRI NOVI-
TIORVM
VITA, ET GESTA.



RATER RVFFINVS à Sancto Vrsò, Vir multarum virtutum, velut gemmarum varietate emicans, quasi arcus inter nebulas gloriæ effulget, & quasi virgula fumi ex aromatibus myrrhæ, & thuris & vniuersi pulueris pigmentarij compacta, Religionem suauissimo omnium virtutum, ac sanctimonix odore complet. Ac primùm B. P. Francisci vestigia sectans, carnem tanto abstinentiæ freno edomandam aggreditur; vt quotidianis ferè ieiunijs (quibus vix aliud vnquam præterquàm panis, quantum ad necessitatem, non ad saturitatem satis esset, adhibeat) carnem castiget. Somni tam auarus existeret; vt cum eum vix vnquam ad tertiam horam perduceret, sæpè etiam se obdormiisse suspicaretur, potius quàm sentiret. Rerum diuinarum tanto studio afficiebatur; vt maiorem semper noctis partem, interdùm etiam integras noctes in eâ consumeret. Hinc ei profunda humilitas, hinc altissima paupertatis studium, hinc perfecta sui abnegatio, hinc pudicitix præsidium, hinc Dei, ac proximi charitas, hinc iræ moderatio, hinc inuidiæ profligatio, hinc cunctorum malorum subuersio, & Virtutum omnium progressus, & incrementum sibi administrantur: eoque fit, vt qui atèa in Religionis palæstra Tyro, ac discipulus fuerat, dein perfectus Magister euadat, Nouitiorumque illi educandorum cura concredatur. Is verò, perfecti Magistri muneribus tam copiosè instructus erat; vt admirabili Dei beneficio, ad huiusmodi Nouitiorum Magisterium, perfectè formatus, ac sculptus videretur. Occultissima cõsilia, atq; integras cogitationes, quæ Nouitiorum animos agitant, diuinâ virtute rimatur, illisq; aperit. Nouitium per octo dies graui tentatione percitum, Crucis Signo in fronte impresso, à tentatione liberat. Alteri, ab Ordine discedenti, prophetico Spiritu infaustum exitum prædicit: qui postridiè ad Sæculum rediens, ac facinorosis hominibus iunctus, cum ijs post aliquod tempus extremo iudicio plectitur. A Nobili Muliere quæ filium sibi ab eo subreptum esse, magnis vocibus querebatur, compressâ palmâ pugno percussus, Mulie-

rem ad-

rem admirabili suâ patientiâ, facti poenitentē, à se dimittit. Multas, Sanctus hic Vir, dies, noctesque in oratione insomnes ducens, in eâ quoque coelestes raptus, ac extases frequentissimè patitur. Eum aliquandò, Sacrista, in Conuentu Veronensi, cum sapius extrâ se raptum cerneret, nùm adhuc sensibus inhæreret periculum facturus, illum manibus trahit, concutit, atque in diuersa rapit: at is haud secus, quàm si lapidea quædam statua esset, omni prorsus sensu carere videtur. Haud rarò etiam in aëra toto corpore suspensus, conspici- tur. Fr. Camillus Venetus, eiusdem Patris Nouitius, curiosius Magi- stri facta exploraturus, post matutinas Horas, se intrâ Chori sediliâ abscondens, in orantis actus inuigilat: paululum cum temporis ef- fluxisset, Ruffinum in extasim raptum, atque altius è solo diuinâ vir- tute sublatum cernit: Ruffinus verò, Vir humillimus, rem diuinitus agnoscens, Camillo, ac cæteris prohibet, nè ipsius facta de cætero curiosius inquirant. Alter quoque Nouitius, Leander nomine, elabente Sacrorum tempore, cum eum ab extasi reuocaret, ad seipsum rediens: Heu (inquit) quàm citò tempus elabitur, cum tamen to- tum illud matutinum tempus, ei sub illo raptu effluxisset. His, & Fr. Daniel Venetus, eiusdem Patris Nouitius accedat, qui eum frequen- ter in extasim raptum, atque ante Sacrosanctæ Eucharistiæ Altare, in aëra sublatum cernit: quod eidem etiam pluries iter facienti con- tigit. Hæc Dei dona, cum Augustino Valerio, Veronensi Episcopo, Viro præclarissimo, qui pijs Ruffini sermonibus plurimum oblecta- batur, manifesta essent; si quandò aperto ostio, vti sæpè contingebat, eum mente excedentem, inter Superos versari animaduerneret, clau- so ostio recedens, hæc eximius Antistes dicere solitus erat: Haud fas est, cum Deo agentem, ad homines reuocare. Tantâ denique, Sanctus hic Vir, diuina Mysteria veneratione prosequabatur; vt ad ea nunquàm, nisi post integram orationis horam accederet, in quâ rerum altissimarum, quæ in ijs latent, contemplatione ita afficieba- tur; vt absque lachrymarum copiâ, ijs celebrandis non incum- beret. Plerumque etiam cum Sacrum Domini Corpus spectandum attollebat, vultum, Solis instar emicantem, præferebat. Porro Sa- cris Mysterijs peractis, tanto illius mens amoris impetu in Deum fe- rebatur, vt humana excedens, per aliquot horarum spatia, solo Spiri- tu in rerum diuinarum contemplatione versaretur. Miserorum æru- mnis tantâ pietate commouebatur; vt verum Miserorum se Patrem ostenderet. Coelesti suâ facundiâ geminas Adolefcētulas, vanas, quæ Veronæ, auro onustæ, ac crine retorto, magno vestium luxu incede-

B b

bant, eò

bant, eò compulit, vt nullâ interpositâ morâ, auri, vestiumque vanitatem abijcientes, Deo, Virginitatem consecrarent. Plurimos quoque grauitè agrotâtes, Signo Crucis incolumes reddidit. Postremò cum vitæ finem sibi instare intelligeret, quatuor à Deo summis precibus postulat. Primum, vt ad annum Iubilei consequendum, Romam sibi per obedientiam proficisci liceret. Secundum, vt S. Marię Angelorum indulgentijs pręsens Assisij frueretur. Tertium, vt in Assumptione B. M. V. extremum diem suum clauderet: Ac vltimo, vt in Prouinciâ S. Francisci, grauem corporis sui sarcinam depone- ret: quę omnia à Deo benignissimè eodem anno impetrat, ac tan- dem Perusium (qui Prouincię S. Francisci Conuentus est) profe- ctus, quâ die Virginis Deiparę Spiritus, corpore in societatis colle- gium assumpto, Coelos conscendit; eodem, Ruffinus, corruptibili corporis indumento deposito, pię, post eam in Coelum, Animâ as- sumptus, creditur. Anno 1575.

FRATRIS IOANNIS ANDRÆÆ à RO-
DIGIO, MAGISTRI NO-
VITIORVM
VITA, ET GESTA.

FRATER IOANNES ANDRÆAS à Rodigio, Sacerdos, Vir in-
tegerrimus, grauis, prudens, moderatus: tamque Angelicâ
morum honestate, & venustate pręditus; vt cœlestem po-
tiùs, quàm communem hominum, inter Fratres, vitam re-
ferat. Tanta denique, ac tam præclara omnium virtutum lux, à pri-
mis Religionis annis, ex hoc Viro cœpit erumpere; vt vix nonum in
Religione annum attingeret, cum à Prouincię Patribus, ad Noui-
tiorum educationem vocatur: quo in munere, non modò summam
apud omnes laudem consequitur, verùm etiam plurimam optimo-
rum Virorum prolem Religionis efformat. Nouitium, qui inter diui-
nos complexus, in falsâ extasi, se quiescere arbitrabatur, à Dæmone
illusum, diuinâ reuelatione agnoscit. Eiusdem, qui ob corporis infir-
mitatem ad suos remeare compellebatur, à Religionis tamen sinu
diuelli non ferebat, Magister lachrymas miseratus, cum pro illo
Deum rogasset: Vade, inquit, Fili, bono animo esto, dabit Deus, vt
mors te, neque extrâ Religionis sinum, neque extrâ ipsius habitum
intercipiat: quod ita planè postea contigit. Cum enim Patavium,
necdum Nouitiorum exutus habitum ad suos missus fuisset, quâ die
ad Con-

ad Conuentum appulit, tam morbo grauari cœpit; vt tertio post illius aduentum die, in eo Conuentu, professione emiffâ vitâ excefferit. Neque ex Nouitio duntaxat fed ex alijs quoque, quorum occultas cogitationes. atque animi confilia peruadebat, familiares illi Dei reuelationes fuiſſe perſpectum fuit. Vir erat altiffimâ contemplatione præditus, in quâ ſæpè extaſes & raptus patiebatur. Cœleſtibus itaque hiſce Dei donis, & virtutibus exornatus, cùm Ioannes ad quadrageſimum vſque annum vitam perduxiffet, in Vicentino Conuentu, Sanctimoniâ clarus, Anno 1576. vitæ curriculum abſoluit.





FRATER ANGELVS FERRARIENSIS FRATRVM
CAPVC. ¹⁰¹⁰ MAGISTER NOVITIORVM.

FRATRIS ANGELI FERRARIENSIS,
MAGISTRI NOVITIORVM
VITA, ET GESTA.



FRATER ANGELVS Ferrariensis, Sacerdos, ob præclaram vitæ sanctimoniam, illustre sibi apud omnes nomen comparat. Hic abstinentiâ, sui ipsius odio, vitæ austeritate, ac seuerissimâ Regularis obseruantia disciplinâ insignis, diu Magistri Nouitiorum munus exercet, in quo maximè illius prudentia, feruentissima charitas, assiduum orationis studium, præclarissimaque omnium virtutum exempla elucet. Quanti apud Deum huius S. Viri merita extiterint, plerisque argumentis declaratum fuit: ac primò quidem Fr. Ioannem à Cintiano Nouitium, plerumque à grauissimis Dæmonum tentationibus, Signo duntaxat Crucis in fronte impresso, liberat. Cumque grauis oculi Epiphora eidem Nouitio cœcitatē minaretur, indicto illi tantummodò aquæ benedictæ lauacro, humorem fluentem cohibet, Nouitiumque incolumem præstat. Fabianus quoque puer, cum Montepolitiani ex alto dilapsus, caput in arcam collidisset, quo ex vulnere perfracto Capite mortuus crederetur, eò Angelus à Matre accersitus, pro puero orat, eique absque vllâ vulneris curatione à Deo sanitatem suis precibus impetrat. Eadem quoque in Vrbe, Cinthia Ceruina, Nobilis scœmina, grauiter ægrotans, cum Angeli suffragia implorat, eo orante incolumitatem recipit. Hoc pacto etiam Pistorij, Agricola, qui morbo acerbè discruciabatur, suâ oratione ad perfectam corporis valetudinem reuocat: ac tandem cum in antiquo Pistorij Conuentu, is, Nouitiorum curam sustinet, Catharina quædam, duorum Capucinarum Fratrum Mater, acutâ febre ad mortem vsque laborabat, quæ, cum Angelo accito, se illius precibus obnixè commendasset, pollicetur ille, se cum Nouitijs suis Deum rogaturum. Porro eâ nocte, in quâ Angelus, cum Nouitijs, pro ægrâ Deo preces fundit, S. Pater Franciscus, Catharinæ apparet, ac precantium merito, ægrotanti sanitatem restituit. Prophetico etiam Spiritu nonnulla prædicat in his, trium Adolescentium conuersio recensetur, quos cum ad Capucinarum Religionem accessuros præsignificasset, haud multò post rem exitus (ijs ad Religionem conuolantibus) comprobauit. Senex

tandem immortalī suā memoriā relictā, obiit annis, virtutibus, & Miraculis clarus. Anno 1576.

FRATRIS VALERIANI à CASTRO-
BONO, MAGISTRI NOVI-
TIORVM

VITA, ET GESTA.

PATER VALERIANVS à Castrobono, Sacerdos, in Pro-
uinciā Messanenſi diu Magistri Nouitiorum curam ge-
rit, multisque virtutibus clarus, coelestem propè inter
homines vitam ducit. Dum Messanæ, peste laborantium
curæ, ac ministerio, omni studio incumbit; morbo affectus, tam ar-
denti animo pro Christo mortem appetit; vt in extremo vitæ spiri-
tu è strato exiliens, atque humi genuflectens, inter lignei Crucifixi
amplexus, Deo gratias agens, animam exhalet. Quo tempore, cum
B. P. Franciscum sibi apparentem, viamque ad Cœlum carpentem
conspiceret, exclamare cœpit: Me Pater expecta, en venio. Qui-
bus in verbis, soluta è corpore anima, B. P. viæ ducem sequitur.
Anno 1576.

FRATRIS IOANNIS à FOROLIVIO,
MAGISTRI NOVITIORVM
VITA, ET GESTA.

PATER IOANNES à Foroliuio, Sacerdos, diu in Bo-
noniensi Prouinciā Nouitiorum institutioni vacat.
Hic perfectissimus fuit Regulæ cultor, non legis auditor
tantum, sed factor operis: neque alios tantummodò
verbis erudiens, sed illustrissimis vitæ exemplis confirmans. Verè
Nouitiorum Pater, ac Magister fuit: qui Religionis plantulas è sæ-
culo erumpentes, non modò suā doctrinā, ac eruditione excolet; verum etiam coelesti suarum virtutum rore irrigaret, & ad incre-
mentum compelleret. Plurima de huius Viri Sanctimoniā, apud o-
mnes fuit existimatio, de quā tamen pauca, propter Scriptorum ino-
piam, narrantur. Inter alia verò plerasque à Deo reuelationes acce-
pisse, velut certum asseritur, cuius illud argumentum fuit: quod
eo ad mortem, in Fauentiæ hospitio, agrotante: cum iam Spiri-
tum redditurus esset, adstantibus Fratribus ait: Citò Fratres mei,
ad Conuentum festinate: nam N. Nouitius (illum ex nomine in-
dicans)

cans) iterum ad Sæculum redire cogitat: satagite, vt illi opem adferatis: quod cum res ipsa probasset, his dictis, magnâ cum sui nominis famâ apud Fratres relictâ, hanc lucis vsuram reddidit. Anno 1580.

FRATRIS MATTHÆI LEOPOLYTANI, PRÆDICATORIS
VITA, ET GESTA.



RATER MATTHÆVS Leopoltanus, nobili genere ortus, cum 17. annum attigisset, maturè Sæculo valedicens, ac spretâ Paternæ Nobilitatis origine, maluit inter Minores de Obseruantia pauperem, & abiectam vitam agere, quàm in Paternis laribus, mundanis opibus affluere. Ibi verò cum solempne Professionis votum emisit, humanarum, ac diuinarum Literarû studijs addictus, in ijs non minùs pietatis, ac Regularis obseruantie, quàm literarum studiosus, eam breui eruditionis excellentiam, & in prædicando gratiam assecutus est; vt in Concionatorum numerum coaptatus, magnâ cum audientium oblectatione, atque utilitate Verbum Dei disseminaret. At cum Regularem obseruantiam in Ordine dilabi, ac pessundari, nemine opem ferente, intueretur, variaque Reformationum corpora in Ordine vix orta interire, nec vllum diu consistere, conspiceret; consilio cum alijs quatuor Fratribus, nimirum Petro Appinianense, Bernardo Ossidano, Antonio à Pennâ Biliorum, & Paulo à Colleamato communicato, cum eadem eos prorsus mente, ac studio præditos offendisset; in eam deliberationem venêre, vt commune Diploma ab Apostolicâ sede peterent, quo illis sub Fratrum Min. Conuentualium obedientia, & Eremitico titulo, Regulam in Eremitis obseruare liceret. Optato igitur Diplomate potiti, cum ad Eremitum professionem pararent, Ludouicum Forosempronianum, ab Apostolicâ sede, institutæ Reformationis, confirmationem, ac propagationis facultatem, bullâ tulisse intelligunt. Quapropter consilium mutantes, maturè ad eum accedunt, ab eoque in Capucinorum albo describuntur. Matthæus igitur vbi optatâ diu Reformatione se potitum videt, tantâ protinùs vitæ austeritate, corporis maceratione, sensuum custodiâ, orationis studio, ac præsertim ardentissimâ quæcunque aduersâ pro Christo tolerandi cupiditate efferuere cœpit; vt cunctis admirabilis videretur. Oratio in primis, ac Dei colloquium, tam illi suaue, ac familiare erat,

vt cum

vt cum ab eo ægrè diuelli posset, idcirco vi quâdam ad naturæ necessitates traheretur. Quapropter, à somno, cibo, atque alijs naturæ ponderibus liber esse optabat, vt cœlestium duntaxat contemplationi vacaret. Hinc solitaria loca, tanquam orationis amica, plurimum amabat, hominumque consortia adeò fugiebat; vt præterquam Prædicationis tempore, aut alio charitatis officio, vix unquam inter homines versaretur. In Dei Verbo disseminando tam efficax, tam ardens, tamque suavis Populo erat, vt velut funiculis aureis, charitatis vinculis audientes ad conuersionem, morumque correctionem attraheret. Hoc porro tempore, cum vsque adeò Ordinis persecutores in Capucinos defœuissent; vt quandoque soli, interdum cum Socio, per nemora, ac solitaria loca fugientes, deserta incolere cogerentur. Hinc Matthæus Vrbes fugiens, plerumque solus nunc Fabrianensem, nunc Camerinensem agrum prædicando peragrabat. Inter hæc, tantâ corpus inediâ extenuabat; vt præter panis communis frustula, quæ aliorum Pauperum more ostiatim mendicabat, & aquam, vix aliud sibi ad vitæ alimentum adhiberet. Cum necessarius somnus oculos inuaderet, vel quercus in agro tectum dabat, vel in Oppidis stabulum paleis stratum, lectum ministrabat: nec tametsi corpore delicatus esset, laboribus vllis terrebatur, quibus nunc prædicando, nunc fugiendo, nunc carnem varijs modis vexando, defatigaret. Illud verò inter hos persecutionum labores, illi singulare fuit; vt quantò acrius in eum persecutio ferueret, tantò ardentius pro ipsis Persecutoribus, ad Deum preces funderet: ita vt Matthæi animus, in hac oratione, præ charitate penè colliquefieri videretur. Dum igitur inter has vitæ, ac victus austeritates, nec non assiduos persecutionis labores, Dei Seruus in Oppidulo, quod Camerini proximum erat, Dei Verbum disseminaret, in supremum morbum incidit. At vt in supremo hoc vitæ discrimine extremam mendicitatem, ac paupertatem, quam sibi altè animo infixerat, quamque eousque summo studio coluerat, ad vltimum vsque Spiritum prosequeretur; in veterem quandam domunculam, quæ cum semi diruta esset, tunc à nemine habitabatur, in vltimo suburbio sitam, deferri se postulat: vbi cum piorum aliquot eleëmofynis, quibus Viri Sanctitas haud ignota erat, necessaria illi quotidie administrarentur, ijs tamen tam parcè, ac tanto paupertatis studio utebatur; vt cum puluinarîâ, aut laneæ culcitra, ac meliores lodices, ad corporis ægotantis solatium illi offerrentur, vniuersa recusaret, nihilque præter lectum paleis stratum, stragulumque obsoletum, quo operiretur, ab ijs acci-

pere

pere vellet, satis superque sibi sufficere existimans, si præter hæc, pallium, quo is vti consueverat, pulvinaris loco sibi capiti substerneret. Ingrauescente porro morbo, cum sibi vitæ finem instare animaduerteteret, sacro imprimis Pœnitentiæ Sacramento purgari, diuinissimoque Christi corpore refici, ac tandem extremâ Vnctione muniri voluit. Post hæc, adeò rerum diuinarum contemplationi, atque intimæ cum Deo vnioni, Dei Seruus vacare cœpit; vt alterius S. Martini instar, oculis, ac manibus semper in Cœlum erectis, supinus assidue oraret, neque ob morbi vim, Spiritum iam ad superna festinantem, ab oratione vnquam reuocaret. Atque indè factum est, vt dum per vnus, aut alterius diei spatium, hac Spiritus quiete frueretur, solus, pauperrimi instar, ac sine comite, ex rerum humanarum tumultu, ad immortalis quietis possessionem emigrauerit. At S. Viri mortem, quæ velut ignobilior, nullo teste, nulliusque præsentia digna habita fuerat; publico, ac illustrissimo præcone, Deus testatam esse voluit: nam in ipsâ sui obitus horâ, omnes Ecclesiæ S. Francisci Camerinensis Vrbis campanæ, nullo, præterquam Angelorum ministerio pulsata, totam Vrbem commouerunt. Cumque omnes animo suspensi, quò prodigium illud spectaret, perquirerent, quique Viro Dei necessaria subministrabant, vnâ conuenientes, inuicem percunctarentur, num Vir ille Sanctus, qui in suburbij domo iacebat, fortè obiisset, celeriterque eò properarent; vix domum ingressi, Virum Dei in lecto iacentem, ac manibus suo more in Cœlum erectis, exanimem vident. Quæ res cum ad Episcopum, & ad Catharinam Ducissam delata esset: Episcopus, cum Clero ad domicilium conuenit, totaque Vrbe, cum Ducissâ confluente, venerandum illud Corpus cum luminaribus efferunt, & in S. Francisci Ecclesiâ, quæ Minorum Conuentualium est, & in quâ campanarû sonitus, Angelorum ministerio editus fuerat, honorificè conditur. Hoc pacto, Matthæus, cum plurimo, nouæ Reformationis incunabula, virtutum, ac Sanctimonix odore reperisset, cœlesti testimonio clarus, ad Superos abiit. Anno 1531.



FRATRIS MARIANI CYRNÆI, PRÆ-
DICATORIS

VITA, ET GESTA.

RATER MARIANVS Cynæus, è Corsicâ oriundus, ex-
imius diuini Verbi Prædicator, in eâ Insulâ ferocem
Populum, non vi, aut ferro, sed Spiritu, ac diuini Verbi
virtute, præclarisq̃ue sanctioris vitæ exemplis, aggre-
diens; ab odijs, vindictis, mutuisq̃ue cædibus reuocat. Atque eò fa-
ctum est, vt Deo, Religionis tunc primordia fouente, & ad propaga-
tionis profectum prouocante, totâ penè Insula, sedatis omni ex par-
te discordijs, summâ pace, ac concordia frueretur. Iactis ergò Cyr-
nææ Prouinciæ fundamentis, Marianus, post multos pro Christo ibi
exantlatos labores post plurimos Orco ereptos, atque à perditionis
viâ, ad salutem reuocatos; denique post vitam in perfectâ Regulæ
obseruantia, ac summis virtutibus transactam; meritis clarus, haud
longè posthæc tempora, Anno scilicet. 1540. è terrenâ, ad coelestem
Patriam concedit. Cuius Corpus, cùm humi conditum fuisset, ex eo
nouî generis Flos, fragrantissimi odoris, ad Lilij formam erupisse fer-
tur, quo varijs morbis ægroti sanati fuere.

FRATRIS IOANNIS BAPTISTÆ
FLORENTINI, PRÆDICA-

TORIS

VITA, & GESTA.

RATER IOANNES BAPTISTA Florentinus, ardentissimus
diuini Verbi Prædicator, & eximie virtutis Vir: cùm se-
mel Vici Arcem, Carolus quidam Drosius, Gallorum no-
mine occupans, maximam in Oppidaños, Tyrannidem
exerceret; contigit, vt eò ad prædicandum accederet: qui cùm de-
plorandas Populi voces ob durum Viri illius iugum, immaniaq̃ue
oppressionum genera (quibus omnium hominum sæuitiam, im-
probitatemq̃ue supergredi videbatur) perciperet; his animo com-
motus, Carolum intrepidè adit, diuinamq̃ue illi breui ultionem
comminatur, nisi à tantâ Populi Tyrannide animum coërceat. At
perditus Vir, cùm nec Deum timeret, nec Religiosum hominem ve-
reretur, Patris increpationem contemnens, in peius semper proficie-
bat. Quamobrem, Ioannes Baptista, pro Concione in eum inuehi
cœpit,

coepit quod cum ille à necessarijs didicisset, iracundiâ feruens, nuncios ad eum mittit, qui ei suo nomine comminentur, nisi quæ in eum pro suggestu dixerat, publicè recantaret; barbâ illi è mento euellendam fore, intelligeret. At ille, Viri minas contemnens: Rehūtiatē, inquit, Domino vestro, nihil minus me quàm barbâ pilos, vitamque ipsam curare, præsertim cum de diuini Nominis gloriâ, atque officij mei munere agitur: veruntamen si crastinâ die, futuræ Concioni meæ interesse voluerit, me illi eo planè modo satisfacturum sciat, quo Deo Opt. Maxi. gratum fore intellexero. Carolus igitur crastinâ die, armatis (vti solebat) militibus stipatus, ad Ecclesiam concedit: quibus ille imperat, vt si Concionatorem in eum dicere perciperent, statim è suggestu deijcerent, cunctosque barbâ illi pilos è mento euellerent. Sedet in Ecclesiâ Vir ferus, altum premens sub pectore virus: Prædicator verò vt suggestum conscendit, detecto capite, & facie ad lignei Crucifixi imaginē, quæ in eo suggestu defixa erat, conuersâ, sic in ipso sermonis exordio Christū alloqui coepit: Altissime hominum Redemptor, haud ignoro, quamprimum me ad hoc Prædicationis munus vocasti, te mihi, vt veritatem vbique ita liberè, ac constanter annuntiarem, iussisse; vt neque tribulatio, neque angustia, nec periculum, nec gladius ab eâ prædicandâ deterrent. Tu enim ipse Veritas es, quem qui palâ cōfiteri erubuerit, hoc profectò nomine, ac munere indignus est. Certè Domine, qui omnium cognitor es, nosti quàm purè, quàm candidè, quàm sincerè, & ex charitate veritatem annunciauerim, publica duntaxat scelera arguerim, hominem vt resipisceret, increpauerim: iam verò, vt quæ vera, te auctore, prolocutus sum, apud homines retractem; ferus homo, curationis impatiens, minis, ac terroribus suadere nititur. Age tu, Altissime Deus, quid facto opus sit, indica, nùm à coeptis desistere, nùm vera reuocare. nùm impij hominis dicto parere debeam? Tu ipse iube impera: neque enim vllis, aut minis, aut periculis moueor, sed tuis tantum, non hominis placitis obtemperō. Horrenda prorsus, ac pauoris plena tunc res vita fuit. Vix enim Prædicator hæc ardentissimo Spiritu protulerat, cum illa Christi Crucifixi Imago, quæ prius conuersâ facie, Concionatorem spectare videbatur, quasi id facinus horreret, ac veritatem ab eo recantari detestaretur, vultum in alteram partem, horribili stridore inflectit. Quæ res hominem tanto terrore affecit, vt eum à concepto scelere, atque ab omni vi inferendâ abstinere coegerit. At Concinator ob id magis diuinâ virtute confirmatus, ac vberiori Dei lumine perfusus Tyrann-

no comminatur, eum, nisi illata Pauperibus damna refarciret, ac deinceps ab oppressionibus abstinere, à Dei irâ consumptum iri: breuique futurum esse, vt cœlesti fulmine icta arx illa rueret, quæ Viro, tot Pauperum sanguine madenti, domicilium præberet. Quod nè frustra, aut leuiter dictum ab eo fuisse quisquam existimaret, non multo post tempore id rei euentus comprobauit: Etenim posthæc, homine in scelere computrescente, sereno Cœlo, cum sub vnius diei vesperum nubes densa, atque atra, spectante Populo, Arci insedisset; tam durum, ac horrendum fulmen euomuit; vt cunctis qui in Arce erant interfectis (paruulo duntaxat infante, ac nutrice exceptis, qui, ab ingenti trabe tutati, incolumes euaserunt) Arx ipsa ad solum vsque diruta fuerit. Carolus verò, cum eo tempore è Castro abesset, paulò post in Ceresoliæ conflictu miserè interemptus, asini sepulturâ, in agro tumulatus fuit. Anno 1540.

FRATRIS HVMILIS OFFIDANI,
PRÆDICATORIS
VITA, ET GESTA.

FRATER HVMILIS Offidanus, virtutum splendore, ac sanctimoniâ clarus, cum Sacris initiatus, ac Sacerdos inunctus esset; vt res ipsa nomini responderet, tantâ præ cæteris humilitate, ac sui ipsius contemptu affulgere cœpit; vt nihilo magis, quàm sui ipsius despectu, ac contemptu delectari videretur, cunctosque honore dignos, se solum ignominiâ afficiendum existimaret. Orationis studio se tantâ assiduitate muniendum censuit; vt omnem temporis partem, quam in Obedientiæ, aut charitatis officijs non impendebat, in oratione, ac præsertim in Dominicæ Passionis contemplatione expenderet: hanc, diu, noctuque sibi amicam, ac familiarem conciliabat, hanc vberimis semper lachrymis prosequabatur: nemo vacantem, nemo confabulantem, otiosum nemo vnquam vidit. Quapropter, Fratrum consortia fugiens, orationis, quam pretiosissimum animi thesaurum habebat, cum primis studio vacabat. Ad Prædicationis officium vocatus, cum totus Dei charitate flagraret, tam feruenter Dei Verbum disseminabat; vt & audientium animos ardentius ad virtutem accenderet, & sūma sæpè odia, & inimicitias extingueret. Prædicationem verò, non Rhetorū eloquentia, sed singularis vitæ austeritas commendabat, cū perpetuâ pedum nuditate, ac frigoris tolerantia, brumali potissimum tempore

(in quo

(in quo, absque sandalijs incedens, solo habitu absque tunicâ utebatur) carnem premeret; quotidiana quoque ieiunia, quæ sæpenumero, ac præsertim cum B. P. Francisci quadragesimas ieiunaret, ad solius panis, & aquæ victum contraheret: prolixas itidem in oratione vigilas, ac plerasquæ alias corporis macerationes coniungeret, quibus, prædicationem suam, vberissimo semper animarum lucro, ditabat. Plerasquæ hunc Virum Dei, à Deo reuelationes, atque alia diuinæ amicitie signa accepisse, communis fama fuit. Quamobrem, haud vulgaris de illius Sanctimoniâ, vbique opinio disseminabatur. His, & alijs præstantioris vite virtutibus, cum Humilis animum exornasset; in Monasterio S. Benedicti Montis Cassini in morbum incidit: cum autem morbo ingrauescente, vite finem sibi imminere intelligeret, Sacramentis omnibus munitus, illustrioribusquæ patientie, & charitatis exemplis, Monachorum animis impressis, depositis mortalitatis exuvijs, ad Superos euolat. Cuius rei signum fuit: quod illius Corpus, quod in communi Monachorum Sepulchro conditum erat, ceteris corruptione exesis, integrum post multos annos, ac in nullo à priori statu immutatum, perinde, ac si eo die tumulatum fuisset, à Monachis conspicitur: ut eo testimonio, animam apud Deum in Cælo gloriosam agere, ac regnare cunctis exploratum esset. Obijt Anno

1541.



Cc 3

FRA-



FRATER IOANNES A METYMNIA FRATRVM
CAPVCINORVM PRÆDicator.

FRATRIS IOANNIS à METYMNIA
CAMPESTRI, PRÆDICA-
TORIS
VITA, & MARTYRIUM.

FRATER IOANNES à Metymniâ Campestri, Hispâniæ Oppido, Nobili stirpe progenitus, à pueritiâ in benedictionibus dulcedinis tam suauiter à Deo præuenitur; vt ergà res diuinâs, ac præsertim Sacrosanctæ Missæ Mysteria, suprà etatem, animo afficeretur. Adolescens, vana aliorum consortia, ac iuuenilis etatis illecebras fugiens, frequens in Ecclesijs, oratione tantummodò, rerumque diuinarum contemplatione delectari videbatur. Quamobrem, cum mentem iam ab humanis rebus penitus alienam, ad Deum transferre cogitasset; ad Obseruantium Familiam se confert. Hic, nouellus Tyro, vt solidiora virtutum fundamenta iaceret, in ipso Nouitiatus anno, obedientiam, humilitatem, paupertatem, abstinentiam, Regularem disciplinam, ac reliquas perfectioris vitæ virtutes studet acquirere. Transacto verò probationis anno, cum ad seueriorem huius Tyrocynij disciplinam anhelaret, facultate obtentâ, indè ad Reformatos migrat, inter quos eam vitæ rationem instituit, quæ omnibus admirabilis videtur. Nam à vino, & carnibus abstinens, pane tantum, & iusculo semel in die vescitur. Oratio, quæ Puero familiaris esse coeperat, iam Religioso tam assidua est; vt nisi ab eâ, illum vel obedientiæ opus, vel naturalis necessitas auocet, ipsi perpetuò inhæreat. Pauperiora loca eligens, magnâ in paupertate vitam ducit. Ob singularem Viri Sanctitatem, Sanctimonialium curæ Præfectus. Monialem, cuius probè virtutem, & apud Deum merita nouerat, aliquandò compellit; vt à Deo obnixè petat, quo in statu, aut loco is perfectius Regulam obseruare posset, diuinumque, quoad licet, responsum impetret. Paret Monialis, cumque pluribus ob id diebus orationi vacasset, Deo tandem reuelante discit, Regulam illam perfectius obseruaturum, si Italiam peteret, & Capucinatorum Congregationi se adiungeret. Haud longius Ioannes rem differt, aut vllâ expectatâ morâ diem procrastinat: Dei enim beneplacito perspecto, mox in Italiam proficiscitur, Capucinatorumque institutum amplectitur. In Tusciæ Prouinciâ missus, in Conuentu Montis politiani cœ-

ni cœlestem propemodum vitæ rationem instituit: vt enim perfectam rerum diuinarum contemplationem ad quam à Deo se vocari præsenserat, melius assequatur, solus semper ad solitaria loca, orationis amica secedens, rarò cum Fratribus colloquitur. Quapropter, cum nihil Ioanni iucundius esset, quàm in solitudine diuinis colloquijs vacare, hinc ex consortio sermonis Dei, tantum ipsius verba apud alios diuinæ lucis, ac virtutis sibi hauriunt; vt Angeli potius, quàm hominis voces cunctis videantur. Res planè omnibus admiratione digna, delicatum hominem, non fortem, non robustum, tam strenuè, ac viriliter aduersus omnes carnis cupiditates decertantem conspiciere; vt nè vni quidem vel minimæ locum relinquat. Corpus inter asperrimi Cilicij puncturas, velut inter spinas, diu, noctuque volutans, neque sub cilicio, vel aliundè sibi solatia, nedum delicias quaerat. Inter ipsas niues, & glaciales boreæ flatus, cum hyemali tempore cuncta penè frigore rigent, vix habitu, eoque obsoleto, ac plurimis præseginibus variegato, obtegit: nudis pedibus, soleas, aut sandalia nullo vnquam tempore admittit. Denique, vt corporis petulantiam edomet, crebris illud flagellis cædit, vigilijsque, fame, siti que propè enecandum curat. Abstinenciam hoc tempore tam rigidam colere incipit: vt nunquam nisi semel in die panem, & aquam ad cibum admittat. Cum trium, vel quatuor horarum spatio, ante Matutinas Horas necessariò somno indulget, reliquum noctis tempus, ad auram vsque, in diuinis contemplationibus infumit. In aurorâ verò, diuinissimum Missæ Sacrificium, quotidie, tantâ mentis deuotione, atque exterioris hominis compositione offert; vt audientium animos, vi quâdam, ad tanti cœlestis Mysterij contemplationem fursùm efferat. Hoc pacto, etiam cum Horas Canonicas persoluit, tantâ animi attentione res diuinas contemplatur; vt ferè semper sensibus excedere videatur. Reliquo verò diei tempore, quod vel obedientiæ, vel charitatis operibus, vel ipsis naturæ necessitatibus superest, ad solitaria loca secedens, diuinis meditationibus dare solitus; interdum ad decimam, ac vndecimam vsque horam, vultu in Cœlum defixo, immobilis perseuerare videtur. Hinc Patres, cum eximium illud contemplationis donum, in eum tam copiosè collatum cernunt, quò liberius seorsim Deo vacare possit, eundem à Chori obligatione absoluunt, tantamque, tam apud Fratres, quàm Sæculares homines, sibi Sanctitatis existimationem comparat; vt non alio quàm Sancti Hispani nomine, ab omnibus appelletur. Quò fit, vt Æsinus Generallis, cui, Viri Dei Sanctimonia perspecta erat, cum Religionem tot, tantisque

tantisque calamitatibus perturbatam videret, ut de illius stabilitate propemodum dubitaret: Dei mentem, ac consilium, tanti Viri operâ sibi explorare decreuerit. Ioannes igitur, dum in solitariâ Cellâ, quam sibi ex luto, & arborum ramis seorsum extruxerat, in arcto, & quotidiano panis, & aquæ ieiunio, & lachrymis Dominum obsecrat; Clementissimus Dominus, diuinâ vndique luce circumfusus, oranti adest, illique affirmat, inter alia omnia Religiosorum instituta, hanc illi gratissimam, acceptatissimamque Congregationem esse, quam tanto amore prosequeretur; ut haud secus quam Mater amantissima, sollicitam semper illius curam gereret: neque vllâ inter homines propaginem, quantumlibet sanctam esse, ipsi persuasum vellet; quæ (ut olim B. Francisco suo aperuerat) veris huius Regulæ obseruatoribus, ipsi gratior, aut charior existat. Eadem quoque alias, dum oraret, iterum humanioribus verbis refricans, sæpè Dominus Ioanni apparet, illiusque animum diuino lucis fulgore (cui falsum subesse non potest) illustrans reuelat: quo tempore, lumina, ac facies in ipso Conuentus tecto ardere conspiciuntur. A Fratribus, Ioannes, aliquandò interrogatus, quàm diu Capucinatorum Religio in suavi illâ Christi dilectione, ac beneuolentia stabilis permanens esset, his verbis respondit: Quamdiu non erit qui destruat, & ædificet: qui doceat, & nunquàm discat: qui currat, & non vocetur: qui comedat & non satietur, & qui igni proximus sit, & non calefiat. Præter reuelationes superiùs enarratas, pleraque alia S. huic Viro reuelata fuisse, omnibus certum est: præsertim in Conuentu Cacerellarum Asisij, in quo is vitam planè Angelicam aliquandò duxit: quas tamen is ex Christi præcepto, alto semper silentio obtexit. Ardebat prætereà in Ioannis animo, maxima Martyrij, pro Christo subeundi, cupiditas: florebat quoque, hoc ipso tempore, inter Laicos, virtute plurimùm, ac vitæ sanctimoniâ Fr. Ioannes Appulus, qui cùm eodem sanguinis pro Christo profundendi studio duceretur; Generalem ambo ad eunt, humiliterque mentis propositum aperiuunt. Cumque Sanctissimi facultatem, ac Generalis literas accepere; vix credibile est, quàm ingenti voluptate perfusi, Constantinopolim adnauigent. Ibi verò cùm antiquam Vrbem, olim fidelem, tam altâ in infidelitate sepultam cernunt, neminèque esse, qui Fidei lucem illis annunciet, summa in eam commiseratione commoti, in Vrbis medium prodeunt, ac ubique Sarracenos collectos vident, illis Christum maximâ libertate annunciant. Principio quidem, Infidelium plebs, cùm illos nudipedes, habitu cilicino indutos, ac Capucio illo acuminato conspicit,

D d

quasi

quasi stultos deridere, ac cachinnis prosequi incipit, at cum primum constantes eos Christi fidem, ad salutem necessariam prædicare, Mahometem verò Pseudoprophetam, ac delusorem proclamare audiunt; protinus in furorem versi, pugnis illos, ac fustibus oppetitos, ac varijs contumelijs affectos, ad Iudicem ducunt: qui cum eos Christum constanter prædicantes audisset, multis verberibus affectos, in carcerem detrudi iubet. Interea Christiani Mercatores, Iudici quâdam pecuniarum summâ oblatâ, Sanctos Confessores è carcere extractos, ad discessum compellunt: Illi verò eò maximè exultantes, quòd iam digni haberi coepissent, pro Nomine Iesu contumeliam pati, nauigium nacti, in Palestinam vehuntur: Sancta illa Hierosolymorum loca venerantur, Beatissimi què P. Francisci potissimum exemplo ducti, qui Babiloniæ, Sultano, Christi Fidem prædicauerat. Memphim, seu Babilonem profiscuntur. Huc igitur cum appulissent, ac aliquot dies in obsecrationibus exegissent, cum Babilonicum idioma ignorarent, Populis què Italica Lingua ignota esset; Deo illis consilium ministrante, velut opportunum sibi in animum inducunt, Bassam, Urbis Governatorem, qui Italicæ Linguae haud ignarus erat, adire, eumque à falsâ Mahometarum Sectâ euocare, & ad Christi Fidem trahere, quo reliqua plebs, quæ ad Regis exemplum componitur, Christo facilius nomina daret. Iudæi ergò hospitis operâ, coram Bassa sistuntur: At Ioannes cum se Bassæ conspectu, quem tantoperè optauerat, tandem frui videt, Christum constantissimè prædicans, Mahometem deceptorem, ac delusorem affirmat: quod Ioannes tam feruido effectû effatur, tantisque rationibus comprobat, ut Bassa, Viri audaciam, ac libertatem in dicendo admiratus, irâ primùm efferueret: at eorum vultus macilentos, ac extenuatos contemplans, cum eos præ inediâ, ac longâ rerum tolerantia, delirare existimaret; iram comprimens, ipsos detineri, ac melioribus cibus refocillari iubet. Cum autem aliquot dies effluxissent, ante Iudicem vterque sistitur, quos cum Iudex placidis primum verbis interpellans, quinam, & unde essent, quorsum què Memphim venissent, denique an non magni Prophetæ Mahometi serui, ac cultores esse vellent, singillatim interrogasset; intrepidi respondent: Se Christianos esse, ac Christum colere, Mahometem verò, non Prophetam, sed Pseudoprophetam agnoscere, atque ob eam tantum causam, se tam longam peregrinationem suscepisse, ut qui ab eo decepti, inter densas infidelitatis tenebras versantur, eorum prædicatione diuinam tandem Christianæ Fidei lucem assequan-

tur. His

tur. His igitur, quamplurimisque alijs contrà Mahometem, atque illius Legem dictis, adeò irà Iudex exarsit, vt protinus vtrumque dirissimis flagellis cædi imperarit, quo in supplicio, Sancti Martyres, laudes ex animo Christo decantantes, impiæ turbæ inter flagella Christum prædicant. Post hæc, in arctum, & tenebrosum carcerem detrusi, quotidianâ, impij Iudicis iussu, inediâ afflictiuntur: ij verò se inuicem in Domino confortantes, lætissimi, quasi ad delicias inuitati essent, inedias, flagella, carceres, squallores, pro Domino sustinent, duriora, atque arctiora pro Christo subire parati. Interea, post aliquot dies, manibus post terga reuinctis, ad Iudicem ducuntur, quos cum is interrogasset, num ad saniolem mentem reuersi, quæ aduersus eorum Prophetam, atque illius Legem protulerat, irrita esse, atque inter illius cultores adnumerari, vellent? His, illi vno ore respondentes, dicunt: Se Christum, ac Christianam Fidem colere, quæ sola cultores suos ad immortales gloriæ coronas ducit: pestiferam verò Mahometi Legem, abhorre, quæ cultores suos æternis supplicijs parat. His iratus Iudex, rursus illos durioribus flagris verberari, atque alijs cruciatibus examinari iubet: rursusque in carcerem reclusis, noua suppliciorum genera parat, quibus eos impia turba, totius humanitatis expers, prosequitur. Iudex, verò cum sæpius ad Tribunal vocatos, ac repetitis poenis affectos, ad Mahometicæ Legis cultum se illos pertrahere posse desperaret, perpetuo carceri, absque cibo, & potu, latâ Sententiâ adiudicat, vt tandè fame, & siti enecatî intereant. Porro auditâ hâc Iudicis Sententiâ, Martyres in carcere pariter genuflectentes, Deo ex intimis visceribus gratias agunt, ibique in oratione, atque diuinis laudibus vsque ad obitum perseverantes, coeptum agonem foeliciter consummant. Anno 1551. nonnulli manuscripti Auctores, hos Sanctos Martyres Constantinopoli publicâ capitis obtruncatione, Martyrium obiisse tradunt: quibus etiam alij addunt, Ioannis Sacerdotis caput, post abscissionem, per horam Christi Fidem Sarracenis prædicasse. Nos suam cuique fidem integram seruantes, quæ plurium testimonijs probata, accepimus satius hic inferenda duximus. Horum Martyrij meminit

Chronicon Ordinis. p. 3. lib. 9.

art. 34.

* *

*

D d 2

FRA -



FRATER ANGELVS SAONENSIS FRATRVM
CAPVCINORVM PRÆDICATOR

FRATRIS ANGELI SAONENSIS,
PRÆDICATORIS
VITA, ET GESTA.



ERATER ANGELVS Saonensis, nobili genere progenitus, ab adolescentiâ Domini iugo assuescens, vix septemdecim annos natus, in Minorum Obseruantium Familiam ascribi festinat. Ex quâ post expleta Theologiæ studia, ad Capucinos migrans, plurimum Regulæ obseruantia, ac cæteris virtutibus præcellit. Tantâ vultus venustate, morum suauitate, atque affabilitate præditus erat; vt nemo tam tristis, & afflictus cum eo loqueretur, qui ab eo non recederet consolatus, & lætus. Erat staturâ altus, colore albus, facie hilaris, ac semper iucundus. Multis Urbibus gratus, ac Venetijs, & Romæ præsertim: Bononiæ etiam per integrum annum Verbum Dei annunciat, in Ecclesiâ magnâ S. Petronij, & S. Petri. Demum Neapolim, Maceratam, Asculum, ac plerasque alias Ciuitates prædicando peragrat: quas non solum diuini Verbi prædicatione, sed præclarissimis quoque vitæ exemplis, ac notâ vitæ Sanctimoniâ, ad vberes virtutum fructus prouocat. Hinc illum quoque D. O. M. signis haud vulgaribus illustrare, illiusque apud homines Sanctitatem commendare voluit. In quibus illud aperto, & communi omnium testimonio probatum fertur. Quod cum Bononiæ apud Populum ageret, ac diuini Verbi semina diffunderet, semel ex hospitio (quod illi in Urbis vico, qui Lama dicitur, constitutum fuerat) digressus, ad Monasterium pergeret; in hominem incidit, tam grauius ab hostibus fauciatum, vt cranio capitis dissecto, in duas se partes disungeret: miseri igitur hominis casum Angelus commiseratus, ad eum accedit, vtramque capitis partem leuâ manu constringit, dextrâ verò, vulnus Signo Crucis benedicit: quo edito, mox simul dissectæ capitis partes diuinâ virtute coalescunt, vulnusque repentinè instauratur, vulneris tantum cicatrice in capite relictâ, quo illustrior diuini Miraculi maiestas sese efferret. Euulgato per Urbem Miraculo, cum Angelus post prædicationem ad hospitium rediret, Puer, qui in eâ viâ ad mendicationem iacebat, tam neruis attractus, vt ne quidem seipsum loco mouere posset, eo viso, statim exclamare cœpit: Vir Dei, me quoque ab infirmitate cura,

D d 3

sicut

sicut alterum curasti. Cui Angelus: Numquid medicus sum, Fili? Ad Physicum perge: Non, Pater mi (ait Puer) sed tu Crucis Signum mihi adhibito, ut ex morbo conualecam. Cumque fortius Puer pro Signo Crucis obtinendo inclamaret, illi tandem Angelus ait: Puer mi, si te Deus, pro sua benignitate, Signo Crucis sanare voluerit, et Signum Crucis, secundum fidem tuam fiat tibi. Cumque illum Signo Crucis consignasset, statim Puer exiliens, integræ incolumitati restitutus, ad Matrem currit, exclamans: Miraculum Mater, Miraculum Mater, en ego incolumis sum, ille Dei Seruus, me Signo Crucis sanauit. His, aliisque Miraculis, Deus, & Serui sui merita, & animarum incolumitatem, quam plerisque suâ prædicatione præstabat, commendare voluit: quibus etiam permoti Bononienſes Ciues, qui prius animum minus erga Capucinos propensum gerebant, ad Religionis cultum, ac deuotionem accessere, diuulgatisque per Urbem Miraculis, Religionisque Sanctitate cœlesti testimonio perspectâ, tanta in Fratres, Urbis deuotio efferbuit; ut cum quotidiano Populi ad Conuentum confluxu, ac frequentia, Officia, ac Orationes interturbarentur; Guardianus, scripto ad ianuæ frontem affixo, quo Populo haud defutura illi Fratrum suffragia pollicebatur, confluentis Populi multitudinem ab eâ frequentia reuocare coactus fuerit. Postremo, cum Sanctus hic Vir, in Piceno per aliquot annos Dei Verbum, maximâ cum audientium vtilitate, disseminasset; in Conuentu Æsij, multiplicato talentorum fœnore, meritis diues ad Dominum migrat. Anno 1556.

FRATER LVDOVICVS VRBINAS,
PRÆDICATOR, SANCTIMO-
NIA CELEBRIS.

FRATER LVDOVICVS Vrbinas, Vir virtute illustris, Sanctimoniâ clarus, humilitate, abſtinentiâ, vitæ austeritate, altissimæ paupertatis cultu, animi constantiâ, prædicationis vero zelo potissimum floret. Paupertatis tam studiosus fuit, ut vno, soloque habitu, eoque obsoleto contentus, alterum per viginti quinque annorum spatium, quo inter Capucinos vixit, nunquam admiserit. Solius panis, & aquæ victus, post quotidiana ieiunia (quæ somni parcitate, & prolixioris orationis studio suauia reddebat) sæpè illi familiaris erat. Regularis obseruantiae zelator, cum vilibus Domus exercitijs sedulo seipsum exercet; Dæmon ipsius humilitati, ac paupertati inuidens; ut eum aliquandò ad auri cupiditatem alliceret, dum

rat, dum semel in horto, ligone tellurem fodit, ingentem illi auri, & argenti thesaurum aperit: quo ille viso, tantoperè exhorruit; vt illum confestim terrâ opperuerit: eas verò Dæmonis artes fuisse, vt eum ad auri desiderium impelleret, planè indicauit; quod Fratribus in eodem loco altè fodientibus, idque pluries, nullus tamen deinceps ibi thesaurus repertus fuit. Tandem Firmi in Piceno, magnâ cum sanctimonie famâ diem vltimum claudit. Anno 1560.

FRATRIS NICOLAI ANCONITANI,
PRÆDICATORIS
VITA, ET GESTA.

RATER NICOLAUS Anconitanus, Verbi diuini Concionator, cum Eusebio Anconitano, & alijs ex Observantium Familiâ, ad Capucinos migrat. Vir hic, Regulâ cum primis obseruantissimus fuit: adeoque paupertatis amicus, vt detritis tantummodò ac vetustate exoletis vestibus vteretur. Carnem asperrimis flagellationibus, vigilijs, ac præsertim ieiunijs, vt Spiritum ad diuina contemplanda, puriorem, ac liberiores sibi vendicaret, afflictabat. Familiare id sibi adsciuerat; vt tres cuiuslibet hebdomadæ dies, panis, & aquæ abstinentiâ, consecraret. Orationi, ac rerum diuinarum contemplationi, plurimum deditus, solitudini inhærebat, ac linguæ custodiæ diligentissimè inuigilabat: nec minor erat in Nicolao, in Verbo Dei disseminando, charitatis æstus. Dominus quoque, qui simplici suorum prædicatione, & meliori Prædicantium vitâ delectatur; signis, ac virtutibus Serui sui dicta confirmabat. Etenim plerique qui morbo aliquo afflictabantur, vt ipsius benedictione fruerentur, ad eum post prædicationem accedentes; cum eos pius Pater Signo Crucis muniret, ab ægritudine liberi dimittebantur. Horum sanè tanta copia fuit; vt numerosæ ægrotantium turbæ, ipsius benedictionem expetentes, interdum ad Monasterium confluerent. Cum verò nostris, eo tempore, nulla non modò cura, aut sollicitudo esset, ob nimiam multitudinem, singulæ sanitatum munera conscribere eorum duntaxat in genere, memoria ab antiquis monumentis nobis consignata fuit. Obijt pretiosâ morte Sanctorum hic S. Vir, post. 55. suæ ætatis annum, in Conuentu Montis Veteris. Anno 1563. Triginta in Religione annis, maximâ cum Sanctitatis, ac Religionis gloriâ transactis.

FRA -



FRATER IOANNES ALEONISSA FRATRVM
CAPVCINORVM PRÆDICATOR.

FRATRIS IOANNIS à LEONISSA,
PRÆDICATORIS
VITA, & GESTA.



RATER IOANNES à Leonissà, Concionator, ex Minorum Conuentualium Familiâ, Matthæi fratris potissimum precibus ad Capucinos vocatus, inter eos inculpatam, ac virtutibus præclaram vitam ducit. Feruentissimus diuini Verbi Præco existit, atque adeò sermone potens; vt ipsos quoque improbos, ac corruptos animos ad virtutem prouocet. Inter alia verò illud tam singulare, ad dissidia componenda, donum accipit; vt innumera- biles propè, ac inueteratissimas Ciuium, ac Urbium similtates, suâ tempestate grassantes, extinguat, atque ad mutuam amicitiam com- pellat. Dum Tipherni, semel Sacrum Missæ Sacrificium offerret: nonnullique Sacro audiendo interessent, qui antiqua, & inueterata o- dia inter se fouebant; hos Ioannes, vt ad mutuam concordiam, & beneuolentiam adducere posset; vbi ad ea Dominicalis Orationis verba peruenerat: *Et dimitte nobis debita nostra, sicut & nos dimittimus de- bitoribus nostris*: diuino velut cæstro percitus, faciem, & verba ad cir- cumstantes conuertens, tam efficaciter de inimicorum dilectione disserere cœpit; vt necdum sermone peracto, qui intestinis inter se odijs ardebant, mutuis se osculis exciperent, ac stabili deinceps vin- culo inter se colligarentur. Post hæc Rusticus quidam Visini Comi- tatus, cuius germanus Frater nuper à quodam Ciue interfectus fue- rat, adeò ad pacem ineundam durus, & inexorabilis erat; vt nullis vnquam, aut amicorum, aut Nobilium, aut Potentum precibus ad- duci potuerat; vt animum ad concordiam componeret. Cum igitur Ioannes semel ad Sacra celebranda se contulisset, atque etiam inter alios, Rusticus conuenisset, eaque similtas cunctis manifesta esset; res ad Ioannem defertur: qui Sacras adhuc vestes indutus, de in- iuriarum remissione, & fraternæ charitatis bono tam efficaciter age- re cœpit; vt Rustici animo commoueri incipiente, Ioannes eum no- mine proprio vocans, ad se accedere iubeat, & ab eo quærat: An non cum Fratris sui interfectore, qui & præsens in Ecclesiâ aderat, pa- cem inire velit? cui cum Rusticus, præter omnium expectationem, promptum se exhiberet; ipso tempore pax, & amicitia nullo labore inita, ac stabilita fuit. Hoc planè modò alias quoque, Virum quen-

E e

dam, pu-

dam, publico scelere obstrictum, qui Sacramenta refugiebat, ad poenitentiam compulit. Cum enim Sacris Mysterijs incumbens, illum adesse intelligeret: ad Populum, post Missæ finem, conuersus ait: Amabò, Fratres, quinquies Orationem Dominicam, & Salutationem Angelicam, pro perduto homine vno, omnes perfoluamus, cuius tanta infania est; vt potius in profundum Tartarum demergi, quàm peccata sua Cõfessione expiare, & inter Dei filios adnumerari sibi eligit. His dictis, Ioannis, Populiq̃ue orationibus, tantoperè is animo compunctus fuit; vt peccata sua lachrimis, & Poenitentiae Sacramento quàmprimùm delens, vitam in melius commutarit. Intestina quoque odia. ac mutuas cædes, inter duo Vallis Spoletanæ Castella, in quibus componendis, quàmplurimi Ecclesiastici, & Potentes, diu frustrà operam insumpserant; diuinâ virtute, nec non suâ oratione, & prudentiâ, Ioannes ita componit, lites dirimit, dissidia fugat; vt res, humanum penè modum excedere videretur. Hinc D. O. M. qui Ioannis animum, & gesta moderabatur; vt se horum Auctorem ostenderet: si qui, vel illius dicta contemnebant, vel monitis aduersabantur; haud impunes esse sinebat. In Oppido enim Siliani, Ciui pacem refugienti, necem certo loco futuram prædicit: alteriq̃ue concordiam recusanti, repentinum obitum prænunciat. In Oppido quodam Vallis Spoletanæ, quod Passum appellatur, Aleatoribus (quos sæpè Ioannes, & aleas fugere, & à publico Oppidi scandalo abstinere hortatus fuerat) Sancti Viri monita aspernantibus, & irradientibus, repentinum exitum præsignificat. Hæc cum Ioannes publicè comminatus esset; vt non hominis, sed Dei voces quisque esse intelligeret; iuxta Viri Dei comminationem, adamussim acciderunt: ac præsertim, rixâ inter prædictos aleatores exortâ, cum omnes sibi mutuò necem intulissent; Propheticam illam Ioannis vocem fuisse, ac Deo auctore profectam, cunctis non obscure perspectum fuit. Hoc ipso Prophetiæ spiritu, cum pleraque in Religione prædixisset, Vir Dei in morbum incidit: ac tandem supremum huic Mundo, ærumnarum pleno, valedicens; Iustorum morte ex humanis tollitur. An-

no 1565.



FRA-



FRATER HIERONYMVS A FOROLVIO FRATRVM
CAPVCINORVM PRÆDicator.

FRATRIS HIERONYMI à FOROLIVIO, PRÆDICATORIS
VITA, ET GESTA.



HRATER HIERONYMVS à Foroliuio, Sacerdos, ex Nobili Tarellorum Familiâ ortus. Hunc ex matris utero segregatum, & in partem sortis Sanctorum, secundum propositum à Deo vocatum fuisse; præclara Sanctitatis præludia, quæ in ipsâ ineunte ætate præfulgent, facile declarant. Tanta enim, à teneris annis, rerum coelestium cupiditate teneri coepit; ut quæ puerorum sunt, fastidiens; nihil præterquam diuina appetere videretur. Puerulus, alterius Nicolai instar, ter in hebdomadâ; quartâ nimirum, & sextâ Feriâ, Sabbatho adiuncto, tam arctâ abstinentiæ lege sibi ieiunandum præstituit; ut sæpè præter panem, & aquam nihil ijs diebus sibi ad victum adhibeat. Cumque necdum caro blanditias, ac illecebras persuaderet; ipsa carnis semina nondum excitata, ne pullulent, abstinentiâ præfocat. Gratosus Puer, vix quartum, aut quintum annum attigerat; cum Beatissimæ Virginis deuotionem tam altè sibi in animo insculperat; ut ad eam velut ad Matris gremium tener adhuc suspiraret; cunctaque illius Festorum peruigilia, in eâ ætate, quæ adhuc ieiunia nescit, perpetuo panis, & aquæ ieiunio consecraret. Denique cum vultu decorus, aspectu mitis, facie verecundus, innataque oculorum modestiâ præditus esset; tantus in eo elucebat puritatis, ac innocentie splendor; ut nihil eo amabilius, nihil dulcius, gratiosius nihil eo quicquam spectari posset: ita ut Angelicam potius, quam hominis speciem præferret. Adolescente verò ætate, cum eâ simul & pietas adolescebat, literariisque studiis addictus, incredibili morum grauitate, vana, & ludicra abijciens, nihil nisi senile pertractabat. Cû verò post literaria studia ad ludos & ad spectacula à commilitonibus prouocaretur; lepidè respondere solitus erat: Me isthic expectate, donec redeam; tûm domum pergens, occluso cubiculo, flagellis corpus cædebat, & necdum Sacerdos, seipsum Deo Sacrificium pro ijs offerebat, ne quid fortè, in diuini Nominis iniuriam, ab ijs, in puerilibus huiusmodi illecebris patratum fuisset. At his non contentus dilectus Deo, & hominibus adolescens, mollia omnia refugiens, duris tantum, & asperis delectatur. Nocte enim cum ad quietem secederet; ubi consueta à famulis obsequia accepit; clauso cubuli ostio, lintea, ac laneas culcitra subtrahens; sola que

strami-

stramineâ contentus, in eâ absque linteis recubat, ac flagello corpusculum cædens, maneque diluculo confurgens, ac lectum, vt prius sternens, nemini facti suspicionem ingerit. Cum autem Pater, hæc casu animaduertisset, id ægrè ferens; vt illius mentem à diuinorum occupatione auocaret, pretiosis vestibus indutum, in publicum prodire, ac venationi operam dare mandat. Paternis iussis obtemperat Hieronymus: at, cum Venatores, ob venaticæ prædæ fugam, in blasphemias erumpentes audisset; horrescens animo pius Adolescens, protinùs venatione relictâ, reque Patri narratâ, ab eo summis precibus impetrat, nè deinceps ad venationem compellatur. Cum autem præstantiori ingenio præditus esset; tantum in humanioribus, ac Philosophicis studijs, breui tempore profecit; vt quartum decimum tantum annum attingens, de ipsis aptè differere, ac disceptare valeat. Ad quintum, vel sextumdecimum verò annum perueniens, in eum Religionis statum se trāsferre cogitat, in quo perpetua carnis mortificatio, vniuersas carnis, ac Mundi cupiditates pellat, Christūq; illi propius imitandum præbeat. Hoc secum inito consilio, cū semel in Capucinos Fratres oculos coniecisset: protinùs, Deo igniculos excitante, in eius instituti formam ita animo exarsit: vt nullâ vitæ austeritate, à concepto mentis proposito deterreri vnquàm potuerit. Quapropter, tandem in Nouitiorum numerū adscriptus, mox velut Domini hortulus, tot cœpit virtutibus florere, vt vndiq; diuinos humilitatis, obedientiæ, paupertatis, propriæ abnegationis, patientiæ, charitatis, ac cæterarum virtutū flores emitteret. Vitâ austerissimus: prioritrium dierum ieiunio, quod à puero instituerat; quotidianâ ferè abstinentiam addit: quam cilicio, flagellis, vigilijs, atque alijs austerioris vitæ asperitatibus insuauiore reddidit. Rudi quoque, ac solâ tunicâ contentus, inter brumæ algores, vehementiores diuinæ charitatis flâmas, quibus calefiat, haud alioquàm assidue orationis, ac perpetuæ cuiusdâ in Deū aspirationis flatu, in animo excitat. Honestatis, ac pudicitie tã integer sēper custos existit, vt virginitatē, quā in Religionis ingressu, cum pudore, comitem habuerat. puram, & illibatam vsque ad mortē seruet. Nihil tandem eo conspicitur honestius, nihil humilius, purius nihil, ac Angelis similis: tantâ modestiâ, ac sensuū mortificatione seipsum gerebat, vt luminibus in terram defixis, nullius vnquàm faciē intueretur. Rerum omnium altissimam paupertatem; tam ardenti sibi amore copulauerat, vt præter Christum, nihil sibi habendū putaret. Interea, dū Hieronymi Pater, tãto furore in Capucinos insaniret, vt cū eo tempore in Franciscum à Funiano, Ordinis Concionatorem fortē

incidisset, multis eum iniurijs affectum, colapho etiā aggressus fuisset. Hieronymus impetratā à Vicar. Prouinciali licentiā, vt Patris irā placaret; ad Paternam domum se confert: Patremq; in cubiculo scribentem intrepidus adit: Cui Pater: Quis es tu? Hieron. verò: An nō, Pater, Hieronymum Filium tuū agnoscis? At protinus ille: Mentiris, inquit, non te Filium, sed Diabolū habeo, Religioso habitu coniectum: statimq; in furias actus, tam ingentē illi alapam impingit, vt eum humi impetu ruere compellat. At patiens Hieron. nihil eā re commotus, mox se erigens, ad Patris se pedes proijcit, ipsosq; cū lachrymis exosculans: Pater mi, ait, cur tantoperē excandescis? Si Pontifex me ad sua honoraria vocasset, an non inde maximam voluptatē caperes? Iam verò, cū S. Pōtifex Dom. noster, è Coelo, inter suos me familiares indignum coaptare voluit: quid est, quòd eo tantoperē stomacharis, ac te ignominia affectum putas? His verbis, ac Filij humilitate, ita Patris animus cōmouetur, vt sedatā prorsus irā, atq; in tenerum amorem cōmutatā, in Filij oscula, & amplexus ruat, Deoq; ipsius mentē in melius mutante, Filiū deinceps, ac Religionem summo amore prosequatur. Post hęc Hieron. Sacerdos inunctus, atq; ad concionandi officiū assumptus, tantā vtrumque munus dignitate obit, vt & S. Mysteriorū oblationem vix vnquā absq; lachrymis peragat, & Apostolicū munus tantā sermonis suauitate, & charitate administret, vt vberē semper ex eo fructū Domino referat. Vix tandem octauū in Religione annū attingerat, cū aduersā valetudine Foroliuij corripitur: quācū biēnio afflictatus fuisset, tot in eā virtutum, ac præsertim patientiæ exemplis, effulsit, vt præter Dei laudes, nihil ex ipsius ore efflueret, vniuersosque suā virtute ad salutis profectū instrueret. Insuper hoc tempore, tam illustria sanctimonię signa ab illo erumpunt, vt quamplurimi Vrbis Ciuēs, & Nobiles, ipsius Sanctitatis famā ducti, quotidie ad eum vētarent, ac pleriq; adolescentes ad suauem virtutum illius odorē accurrerent, quorum vni, Spiritu Prophetico, Religionis ingressum prænunciat. Ingrauescente porrò morbo, ac Viro Dei ad vitę occasum properante, octauo ante ipsius obitum die, dum is ad dilectissimi Domini occursum animū parat, ac æstuantib. desiderijs ad illius amplexū anhelat: En B. Cœlor. Regina, clarissimā vndiq; luce perfusa, vigilantī apparet, eumq; cœlestib. verbis, ad eternæ beatitudinis præmia allucit: mortis diem, achoram, quę Dominicā post die, ad vespertinū Angel. Salutationis signū futura erat, prænunciat, ac cœleste illi regnum pollicetur. Cui Hieron. vberiorib, lachrymis perfusus: Vnde hoc mihi, ait, ô inclyta Cœl. Regin. vnde hoc? vt Mater Dni mei, ac Domina

mea

mea, ad me miserum veniat? Quid ergò vnquam tale promerui, quò
 coelestis mihi beatitudinis corona debeat? tùm verò post ignitas
 gratiarum actiones, seipsum ad diuinas laudes, Prophetæ verbis per-
 urgens, addit: Iam ergò, *Benedic anima mea Domino, & omnia quæ intra
 me sunt, nomini sancto eius. Benedic anima mea Domino, & noli obliuisci o-
 mnes retributiones eius. Qui propitiatur omnibus iniquitatibus tuis, qui sanat o-
 mnes infirmitates tuas. Qui redimit de interitu vitæ tuâ, qui coronat te in miseri-
 cordiâ, & miserationibus.* Adfuit tandem supremus dies, quo hinc Ser-
 uo Dei foeliciter emigrandum erat: cum Deo ad maiorem ipsius co-
 ronam permittente, Dæmon, Hieronymum trinâ tentatione inua-
 dens, ab eo generosè superatur. Pulso igitur tentatore, cùm Dei Ser-
 uus integris sensibus ad vitæ finem properaret: Pater, qui à Filij mo-
 rientis latere non recedebat, his eum verbis compellit: Fili, si te
 Deus ad Coelestis beatitudinis Regnum adduxerit, aliquod nobis
 tuæ coronæ in morte testimonium præbe. Cui cùm Hieronymus
 annuisset; paruo post tempore elapso, dum primum Angelicæ Salu-
 tationis signum datur, fidelis Dei Seruus in eam Prophetæ vocem e-
 rumpens: *Laudate Dominum de Cælis, &c.* totoquæ illo psalmo integrè
 decantato, cùm ad ea verba peruenit: *Omnis Spiritus laudet Dominum,*
 foeliciter Deo Spiritum reddit. Quo tempore dexteram ad Christi
 Crucifixi imaginem, quæ illi à dextris pendeat, extendens; ac cete-
 ris digitis contractis, indicem tantùm explicans, quo dextrum vul-
 nus Saluatoris indicabat; illud Patri, ac reliquis, suæ salutis, atque
 adepti Regni testimonium relinquit. Post hæc S. Viri Corpus sum-
 mo honore tumulatur. Quo tempore Deus illius merita, ac sancti-
 moniam Miraculis testatam esse voluit. Quædam enim Adriani Bi-
 ci, nobilis Viri famula, quæ cancro in vbere laborabat, ad feretrum;
 accedens; dextram defuncti manum apprehendit, ipsius merita sibi
 propitia inuocans, illam morbofo vberi admouet: vixque mulier S.
 Viri manum vberi applicuit; cùm repentè se ab incurabili morbo li-
 beram sentit. Altera quoque eodem modo, atque eodem tempore,
 ab vberum tumore curatur. Tertia tandem, quæ graui vlcere affli-
 ctata fuerat; cùm aquâ, quâ ipsius Corpus post mortem ablutum
 fuerat, vlcus lauisset; ab eo statim morbo sanatur. Post verò Viri Dei
 obitum, cùm ipsius Corpus quinque, vel sex annos tumulatum ia-
 cuisset, aperto ore Sepulchri, tam integrum, ac incorruptum cernitur;
 vt eo die in Sepulchro conditum videretur. Cùm verò totus illius vi-
 tæ cursus vix ad vigesimum nonum annum perueniret; de eo illud dici
 potest: *Consummatus in breui, expleuit tempora multa.* Obijt Anno 1566.



FRATER FRANCISCVS A SORIANO FRATR^V
CAPVCINORVM PRÆDicator.

FRATRIS FRANCISCI à SORIANO,
PRÆDICATORIS
VITA, ET GESTA.



FRATER FRANCISCUS à Soriano, Adolefcens, cùm ingenio floreret, in Minorum Obferuantium militiam adfcriptus, plerofque in eâ annos, magnâ cum virtutum, & ingenij laude exegit: Concionatorque institutus, inter prifcos illos primæuos Patres, qui primo illo Religionis æuo, virtute ac Prædicationis dono floruere, tam insignis præluet; vt præftantiffimum fuâ tempeftate fibi nomen, in Chriftiano Orbe comparauerit. At cùm celebre Capucinatorum nomen audiuit, quorum vita vniuerfos ad fui admirationem compellebat; ardentiori Regularis obferuantia studio accenfus, ad eorum Religionem fe confert: in quâ Orationis præfertim, ac rerum diuinarum contemplationis amore ita afficitur; vt obftudium literarum, aut Prædicationis munus, nunquam orandi tempus amittat. Paupertate, obedientiâ, humilitate, fui contemptu, ac Regularis obferuantia cultu, haud mediocriter floret. Quod verò in eo præcipuum, ac fingulare virtutis testimonium effulgebat; flagrantiffima quædam charitas erat: quâ tum in Dei gloriam, tum in animarum vtilitatem, ftudio ferebatur. Magnâ ingenij facilitate, ac fertilitate præftans; tantum è Coelo lumen accipiebat, vt & de fummis quibusque Theologiæ quæftionibus, aptiffimè differeret. Pendebant ex ore illius Populi: vox illi quafi tonitruum nulli fuâ reprehenfione parcens: quin imò ita aliquandò in reprehendendis vitijs Dei Spiritu agebatur; vt cùm plerumque in acriores, Deo agitante, increpationes erumperet, quas nedum cogitatione conceperat; cùm de illis poft hæc mentio apud eum fieret, eas penitus ignoraret. Tanta denique, ac tam mira ipfius verbis à Deo Opt. Max. vis indita erat; vt in Urbibus, vbi is Verbū Dei diffeminat, odia & inimicitias aufugere, fœnora exulare, malè parta reftitui, adulteras, ac concubinas pelli, Confefiones generales institui, mores corrigi paffim viderentur. Cuius rei innumera, ex Romanâ, ac Neapolitanâ Vrbe, ac præterea Florentinâ, Ferrariâ, Perufiâ, ac præfertim Panormitanâ, ac cæteris Siciliæ Urbibus, exempla adferri poffent. Orationem quadraginta Horarum, à Fr. Iofepbo Fernenfi

institutam, mirum in modum illustrauit, tantaque inter prædicandum diuini Spiritus luce perfundebatur; ut non rarò quoque futura prædiceret. Teramni, quæ Siciliæ Vrbs est, Vir quidam præpotens erat, qui tot opes fœnore coaceruauerat, ut Urbis illius ditissimus haberetur. Hunc sæpè Vir Dei admonuerat, ut fœnore restituto seipsum è Diaboli faucibus eriperet: quod cum ille præstare negligeret; is tandem pro suggestu ad eum, sermonem conuertens; vbi illi proprias vsuras exprobrauit; diuinum illi iudicium sub Epulonis diuitis nomine, comminatur his verbis: Audi crudelis, quid de te Deus, è Cœlo decreuerit. Iudicium sedit, & libri tui aperti sunt: conteret te Deus velociter Spiritu oris sui, teque repentè intercipiet vltima dies, quæ adhuc multa de vsuris cogitantem, ad Orcum rapiet: idque tam insperatò, ut neque tibi diuini Nominis inuocandi spatium detur. Haud frustrà id à Viro Dei dictum fuit: nam postridiè, cum Diues in Pomario cum amicis deambulet, fulgur è nubeculâ erumpens, eum solum, inter cæteros, percussum interficit, ac velut ligni stipitem conflagrat. Iterùm, cum Foroliuij prædicat; alteri Fœneratori, qui pauperum sanguine sibi diuitias auxerat, proximum in futurâ nocte interitum prænuntiat: illa sæpè Euangelij verba eidem inculcans: *Stulte, hâc nocte repetent animam tuam à te, & quæ parasti, cuius erunt?* Quod illi in ipso noctis profundo, pituitæ fluxu præfocato, accidit. Ex quo id omnibus innotescit: Dei Virum non solum diuini Verbi comminatione; sed Prophetico quoque Spiritu, repentinum hominis interitum præmonstrasse. Tantâ igitur, ob communem sanctimoniam opinionem, in eum Populi, deuotione flagrabant; ut qui ægròtos, vel à Dæmone obsessos habebant; in vijs, ac compitis, per quæ is transiturus erat, collocarent: quos cum ille Signo Crucis benediceret; cunctos ferè incolumes dimittebat. Accidit aliquandò, ut cum illius aduentum, Urbis cuiusdam Populus, in campestri quâdam Ecclesiâ, vbi illi obuiam processerat, exspectaret; Mulier quædam à Dæmone obsessâ, simulatque Franciscum venientem, ac propius accedentem conspiceret; mox nefarius Spiritus exclamare coepit. En hostem, en omnium nostrum aduersarium: Quid hâc moror? O dura necessitas! Cumque illius præsentiam ferre non posset, statim Mulierem discerpens, eam ab obsessiōe liberam relinquit. Ex Siciliâ igitur, Generalis Vicarij præcepto, Neapolim, ad Dei Verbum prædicandum vocatus, nauigationem secundis ventis, ac tranquillo Mari prosperè inchoat: at repentè in Freto Siculo, tempesta-

te, Dæ-

te Demonum operâ, qui ipsius iter impedire conabantur, concitatâ; naus in certum, ac apertum naufragium ruebat: cum Franciscus, spem omnem vitæ sibi ademptam videns, ad Deum confugit, eumque his verbis precatur: Deus Omnipotens, cuius imperio Mare, & venti obediunt: si ex te orta est tempestas, manetque tibi altâ mente repositum, ut nunc vasto hoc gurgite demergar, non reluctor: fiat, Domine, voluntas tua: suscipe tantummodò Seruum tuum in pace. Veruntamen, tot hîc pereuntes Animas tuâ benignitate serua, ut laudent opera tua, ac mirabilia tua in profundo: sin Populo tuo adhuc sum necessarius, Tartareorumque hostium inuidiâ, procella hæc excitata est: tu aëris potestatibus impera, procellam cohibe, ne nos demergat tempestas aque, neque absorbeat nos profundum. Adhuc hæc orans, Franciscus, ad Deum verba effundit, cum repente vnda vento iactata, è Mari erumpens, eum è naui raptum, in salo sedentem collocat, nihilque incommodi passum, sed Deo laudes canentem, fluctus, quasi vehiculum substrati, suauiter ad littus exultantem perducunt. Dum verò de Socio sollicitus, quid de eo factum sit, ignorat: En illum procul, pallio inuolutum, perinde ac si aridus quidam truncus esset, à fluctibus ad littus deferri cernit. At nec Viri Dei preces, pro ceteris quoque nauigantibus apud Deum irritæ fuerunt: etenim nauicula, quâ vehebantur, cum fluctibus, in momento absorpta fuisset; mox super vndas resiliens, cum omnibus salua ad littus peruenit. Quodque haud minori admiratione dignum est: pera, quæ libros, ac scripta Francisci continebat, cum fluctibus diu circumagitata fuisset; ad littus tandem delata, nullâ ex parte madefacta apparuit. Franciscus itaque, diuinâ virtute, à tanto periculo liber, Neapolim venit: ubi tanquam nouus Apostolus habetur. Hinc in Umbriam profectus; cum in turpem quorundam vitam, acrius inuectus fuisset; venenum illi clam in vino offertur, à quo tamen diuinâ virtute seruatur. Hoc tempore quoque accidit: ut in Prouinciâ Romanâ, agrotus quidam Frater, qui ad vitæ exitum properabat, ab eo supplex peteret, ut circâ nonam horam, quo tempore sibi ex hac luce emigrandum esse, diuinâ reuelatione acceperat; Deo, Sacrum Missæ Officium pro eo offerret: id enim sibi à Deo reuelatum esse significauerat, se Purgatorij poenis tam diu detinendum esse, quoad vnum Missæ Sacrificium absolueretur. Cui cum Franciscus promptè annuisset, Sacrificiumque horâ nonâ, quâ Frater obierat, inchoasset; ac deinde persoluiisset, Defuncti vocem audit: Iam gratias Deo, ac tibi, nunc à poenis solutus, in Cœ-

lum conscendo. Pax tibi. His dictis euauit. Cumque Oropiti, in E-thruriâ, prædicationi incumbit. Cuius quidam, in odio pertinax; à Francisco sæpè admonitus, cū nollet acquiescere, Francisco sibi præ-nunciante, à Dæmone corripitur, ab eoque penè suffocatus, cum immensis clamoribus totum vicinium oppleret, nihilque aduersus Dæmonem, qui ipsius iugulum oppetierat, vniuersi suâ ope effice-rent; eò Vir Dei festinat: qui cum hominem Crucis signaculo con-signâssæt; Dæmonem compescuit, atque in fugam compulit. Ille verò graui periculo exterritus, & meliorem mentem sortitus, mox ad Francisci pedes prolabitur, præteritæ obstinationis veniam petit, pa-cem cum hoste componit, vitamque in meliorem frugem commu-tat. Perusiæ quoque, Mulierem in odio obstinatam, prodigio ad pa-cem compellit. Cumque ita plurimos ætatis annos, in Dominicâ Vi-neâ putandâ, purgandâ, excolendâ, illustrandâ consumpssæt; iam-que septuagesimum annum attigisset: Deus, ipsius vitæ finem, Fr. Bernardino Calabro, qui eo tempore illi Socius erat, illustri visione aperit. Quamobrem, cum à Romano Conuentu, Neapolim versus, profectiōē parat: foelicius illi iter, à Deo, ad Astra decernitur, quies-que illi à prædicatione indicitur. Diutinâ namque Romæ infirmi-tate probatus; cum in eâ summam semper patientiam, cum singulari pietate coniunctam exhibuisset: Sacris tandem omnibus in eum peractis, post labores coronandus, ad Deum conscendit, atque in Romano Conuentu sepelitur. Anno 1567.

FRATRIS PACIFICI LUGANENSIS,
PRÆDicatoris
VITA, ET GESTA.

PRATER PACIFICVS Luganensis, Vir omnium virtutum splendore illustris: cuius tam admirabilis abstinentia fuit; vt in ipso Prædicationis labore, sæpè victui panem, ac cætera subtrahens, fabis tantum, aquâ madefactis, & aquâ contentus; his totam Quadragesimam duceret. Ardens Regularis obseruantia, ac præsertim altissimæ paupertatis zelator, ac custos fuit: quapropter Syluestrum illum, qui Porcarie, seu Aquaspartæ Ecclesiam, præter paupertatis legem, iterum edificandam contende-bat; sapienter admonuit, vt à cœpto desisteret, ne in violatæ pauper-tatis crimen impingeret: cuius dum consilio Syluester minùs ani-mum intendit, horrendo hinc fine tollitur. Orationem, ac rerum di-uinarum contemplationem, tam ardenti animo prosequabatur; vt
diuinis

diuinis ubique flammis exustus videretur: atque eò factum; vt cum aliquando in Conuentu Bigorij solus oraret, Oppidani, flammam ex Ecclesię tecto euolare conspexerint: qui cum Ecclesiam conflagrare putarent, accurrunt quamplurimi, nullaque flammâ in Monasterio repertâ, solum Pacificum in Ecclesiâ, cœlesti igne flagrantem offendunt. Hic tandem, post diutinam prolixi morbi probationem, Sanctimonix famâ apud omnes clarus, Bigorij extremum vitæ diem conficit: nonnullisque post mortem Miraculis emicat, quibus Deus, & anteactæ vitæ Sanctimoniam, ac cœlestem post hęc gloriam, eidem collatam confirmat. Obijt Anno 1568.

FRATRIS ANGELI à FERNO, PRÆDicatoris
VITA, ET GESTA.

PRATER ANGELVS à Ferno, Concionator, Iosephi germanus, simul cum eo ex Obseruantium Familiâ, ad Capucinos se confert. Huius, tantus fuit in Dei Verbo disseminandi ardor; vt ingentes ubique in hominum animis motus ad pœnitentiam egerit. Mediolani prædicans, vno Sermone duodecim Adolescentes compulit, vt domo, parentibus, ac omnibus relictis, Capucinorum se Religioni cōsecraret. Nouarij, ac Bergomi, cum Verbum Dei proponeret, illarum Urbium calamitatem, quæ deinde secuta est; Prophetico Spiritu prænunciat: Chorearum ductori, qui Festiuo die choreas instituerat, neque ab illo correptus, vllâ ratione ab eis abstinere voluerat, diuinam ultionem prædicit: quæ non multò post eum comprehendit, cum ex alto cadens sibi crura confregit, pœnaque delicto proportionatâ. qui tibias ad profanum Chorearum vsum parauerat; earum ope ad naturæ vsum destitutus, mulctatus fuit: & qui tibijs malè vsus fuerat, tibias amittens claudus toto vitæ suæ curriculo incessit. Vir fuit singulari prudentiâ præditus: quò factum est, vt à S. Carolo tunc Cardinali, ac Mediolanensis Sedis Archiepiscopo, quarundam Ecclesiarum, quæ suæ Diœcesis erant, Visitator institutus fuerit: quo in munere tam præclare se gessit; vt Sanctus Cardinalis frequenter illius operâ vteretur. Denique cum tam assiduè, ac fideliter in Dei Verbo laborasset; vt illius Sermones ad triginta mille excreuissent: quibus plurima. ac ferè innumera animarum lucra Deo retulerat; in Conuentu Cardani postremum laboribus finem imponit; Deumque omnium mercedem accipit. Anno 1568.

FRATRIS FRANCISCI à MONTE PO-
LITIANO, PRÆDICATORIS
VITA, ET GESTA.

FRATER FRANCISCUS à Monte Politiano, Concionator, ex nobili Burratorum Familiâ ortus, Marcelli secundi (vt ferunt) consanguineus. Hic cupidissimus omnium virtutum sectator, castitatis præsertim candorem, tam illibatum seruare studet; vt non modò mulierum omnium colloquia, familiaritatem, aspectum, imò & memoriam deuitet, verùm neque eas nominari, neque de ijs sermonem institui, vllâ ratione ferre possit. A murmuratione angue peius abhorret. Regularis disciplinæ obseruantissimus, nullo magis, quàm rerum penuriâ delectatur. Dei Verbum tanto spiritus ardore, tamquæ ingenti diuinæ sapientiæ luce disseminat; vt inter prædicandum, futura quandoquæ prædicat. Dum Pisis, Verbum Dei, Populo proponit; Francisco Marzacho Pharmacopolæ, qui cùm ad medicorum vsquæ desperationem ægrotaret, se illius precibus commendauerat; futuram incolumitatem prænunciat, eamquæ suâ oratione restituit: atquæ eodem modo, plerosquæ ægrotos, impetratâ illis diuinitus sanitate, à morbo liberat. Postremò, cùm in Senarum Vrbe, ipso Aduentus tempore, Dei Verbum ministrat; mortalem vitam, quam in omni iustitiâ, & sanctitate duxerat: anno 1571. cum immortalis commutat. Pallium illius cùm post mortem in suorum propinquorum potestatem deuenisset, eo quàm plurimi ægrotantes diuinâ virtute curati, corporis incolumitatem accipiunt.

FRATER SEBASTIANVS AGRIEN-
SIS, PRÆDICATOR, VIRTU-

TIBVS CLARVS.

FRATER SEBASTIANVS Agriensis, Sacerdos, & Concionator, vbi multos docendo, & faciendo, annos in Religione, magnâ cum sanctimonix laude exegit; præsignificato sui obitus die, qui in Purificationis B. M. Virginis festo futurus erat; Agricij, carnis sarcinam deponit.

Anno 1571.

FRA-



FRATER ANGELVS A S^{to} MARTINO FRÆTRVM
CAPVCINORVM SACERDOS.

FRATRIS ANGELI à S. MARTINO,
PRÆDicatoris
VITA, ET GESTA.



RATER ANGELVS à S. Martino, dum puer, cum alijs coëtantis in eiusdem Oppidani agro colludit, ac feuerioris cuiusdam Viri minas extimescens, ab eo fugeret, in altum se præcipitium imprudens donat: à quo tamen B. V. illi apparentis ope, ac præsentia liberatur: quamobrem, vix sextum decimum annum attingens; coelestis haud immemor beneficij, diuinis se obsequijs mancipat, erumpenteque in Calabriâ Capucinorum Reformatione. primus inter sæculares homines in eorum militiam coaptatur. Primæuas, hic, illas persecutionum procellas, quibus illi Calabriæ Patres tam immaniter iactati fuere; intrepidâ, & incredibili animi constantiâ tolerat, tamquæ ingentia in omni virtutum genere dat incrementa; vt illum velut quoddam totius Religiosæ perfectionis prodigium, atque exemplar vniuersi suspiciant. Theologicâ post hæc disciplinâ imbutus, ad diuini Verbi prædicationem vocatur: quo in munere, cum perfectioris vitæ exemplum, cum Dei Verbo coniungeret; atque Euangelicam prædicationem, cum Apostolico coelestis conuersationis spiritu maritaret; ita excelluit, vt propè innumerabiles Christo filios generaret. Hinc tanta, illius verbis, vis indita erat; vt Ecclesiarum spatia sæpè, ob confluentes Populorum turbas, prædicanti nimis angusta essent: quò fiebat, vt nonnunquàm, vel in plateis, vel in agris Dei Verbum proponeret. Caulonæ, quæ Vrbs est Magnæ Græciæ, cum Dei Verbum disseminaret; Ecclesiaque innumeram Populi multitudinem, ad prædicationem vndiquæ confluentem, non caperet, in agro prædicare cogitur. Æstium tunc tempus erat, Solisque radijs aperto aëre exëstantibus, Populus calore exurebatur: cum Angelus nubecula, quæ procul distabat, conspectâ, breui Deum oratione ita precatur: Rex Cœlorum Deus, Tu olim filios Israël, per desertum incedentes, nube per diem, ne Solis ardoribus adurerentur, protexisti: haud te sanè, etiamnum tua potentia deseruit, aut clementia effugit: An non Populum hunc, quem ad diuinum Verbum huc audiendum adduxisti, his Solis ardoribus iam propè adustum cernis? Impera, obsecro, vt

nubes

nubes illa, quam procul in occidente conspiciamus, huc festina accurrat, Solis radios temperet, suumque nobis opportunè umbraculum præstet; donec diuini Verbi tui Prædicatio absoluator. Mira quidem, at vera refero: vix has Vir Dei, toto audiente Populo, Deo preces obtulit: cum nubecula illa repentino motu, ab Occidente recedens, Soli occurrit, ac velut tentorium in aëre expandens, Solares radios coercet: tam diuque Populum obumbrat, quoad peracto Sermone, Populus Miraculo obstupefactus, diuinam benignitatem commendans, abscederet. Hoc modo, cum Vir Sanctus Deum suæ Prædicationis testem haberet: eo fiebat; vt innumerabiles in hominum animis poenitentiae foetus ederet. Id cum Dæmon, hominum hostis, ac perpetuus diuinæ gloriæ perduellis molestissimè ferret; ac aliquandò Vir Dei in suâ S. Martini Patriâ, Verbum Dei in agro disseminaret; Satan, ingentem Coelo tempestatem parat, quâ Populum, iam vndique ad Dei Verbum audiendum collectum, à proposito exterreret. Animaduertit Vir Sanctus, diuino lumine perfusus, iniqui Satanæ consilium, vniuersosque qui iam fugam parabant, immotos, atque imperterritos stare iubet: mox ad nubes conuersus, in eas Crucis Signum vibrat: cuius virtute, illis, in quatuor partes, iuxta Crucis figuram quam formauerat, dispersis; tota illa tepestas, à Diabolo excitata, dissoluitur. Hic quoque subticendum non duxi, quod dum in fraternâ domo, cum germano Fratre colloquitur; Viri Dei Socius, qui plurimâ virtutum luce apud Dominum micabat, in secretum cubiculum ad orandum secederet: Fratris Vxor, illum in extasim raptum, ac toto corpore è terrâ sublatum cernit: quo aspectu Mulier perterrita, cum festina ad Virum Dei accurrisset, eique factum narrasset: Sile inquit Angelus) is cum Deo totus est; ne delitias eius perturba. Postremò, hic Dei Seruus, cum præclarissimis vitæ perfectioris exemplis, Calabriae Prouinciam, ac cum eâ Religionem, ac Dei Ecclesiam clariùs illustrasset: præsignificatâ, quam diuinitus acceperat. sui obitus horâ, Mileti in morbum incidit, morbiqûe, qui diutinus fuit, doloribus, ac molestijs patientissimè toleratis, ac optimè animo dispositus; cum iam instante morte, Dæmonem humani generis hostem videret; eidem his verbis insultare incipit: Ad froenum Satan ad froenum: tuus hic locus non est. Tum verò sublatis in Coelum oculis, cum Deo de collatis beneficijs, ac præsertim de vitâ in Religione transactâ, gratias egisset, atque illis Christi verbis, *Pater, in manus tuas commendo Spiritum meum*, animam commendasset; in Conuentu Mileti, ex hac lugubri vitâ de-

G g

dit, me-

dit, meliorem in Cœlo consecuturus. Post ipsius obitum, Fr. quidam Thimotheus à Galatro, nocte orationi vacabat: cùm in mentis excessum raptus, Angelum cœlesti luce affulgentem, in supremâ Sancti Sanctorum parte, altius eminere conspicit: quem cùm his verbis compellâset: Heûs Angele, quid est, quod tam excelsso loco stas? Respondet Angelus: In cœlesti Patriâ, inter Angelos sedeo. Obijt Vir Sanctus. Anno

1572.



FRA-



FRATER IOANNES A TERRA NOVA FRATRVM
CAPVCINORVM PRÆDICATOR.

FRATRIS IOANNIS à TERRA NOVA,
PRÆDICATORIS
VITA, & GESTA.



PRATER IOANNES à Terrâ Nouâ, propter exiguam corporis staturam, Ioannellus communi nomine appellatus: Concionator, Ludouicum Rheginum, ac Bernardinum Georgium, primos Calabrię Patres, ac Reformatores; quo tempore è Minorum Obseruantium Familiâ ad Capucinos accedunt, sequitur: Sequas illas nascentis Reformationis persecutiones inuictò animo sustinet, ipsiusque mens aduersis probatâ, in tantam virtutum propaginem excrescit; vt cunctis Regularis disciplinæ, ac Euangelicæ perfectionis norma sit: nihil eo pauperius, nihil humilior, honestius nihil; nihil denique magis ad omnem virtutum formam compositum apparet. Et quod alijs magnum sæpenumerò videtur, vt scilicet post carnis vitia resipiscant, ab ijsque animum compefcientes abstineant, quæ maiori olim cupiditate profecuti fuerant: is velut minimum ducens. Virginitatem ipsam, quam à Matris vtero acceperat, quæque hominem Angelis cognatum præstat; diuino munere, perpetuò illibatam seruat. Neque id mirum: vt enim pretiosum thesaurum. quem in vase fictili gerebat, tutius à Prædonibus custodiat; Mulierum omnium, ac cæterorum omnium, quoad fieri potest, colloquia fugiens; studiosissimè à periculis cauere. putrumque se ab hoc sæculo custodire curat. Itaque Sanctus hic Vir, Deo magis, quàm hominibus viuens, solitaria loca, orationis amica quærit, ea sacris hymnis consecrat, atque vt plurimum lachrymis, ac gemitibus complet. Sacra faciens, tot lachrymarum imbribus affluit; vt his Altare interdum, Sacramque pallam conspergat: nonnunquam etiam tam mente excedit, vt Mystéria diuina, non nisi post diuturnum tempus prosequi valeat. Feruido hoc spiritu imbutus, cum ad Dei Verbum disseminandum accedit; tantâ virtute Populos commouet; vt cunctos ad poenitentiae lachrymas, ac singultus propellat: neque vllus tam fero atque ferreo animo præditus sit; qui eo audito, sibi à vitijs abstinendum esse non statuatur. Quo tempore nonnullæ Italiæ Vrbes, Hæresis venenum hauserant; tam acerrimum Fidei Catholicæ propugnatorem se exhibet; vt Hæreticos verbo, ac scripto palam exagitet: ex quo à Sacrà Illustrissimorum

Inquisi-

Inquisitorum Congregatione, egregias sæpè laudes consequitur. Familiarem, illum, Prophetiæ Spiritum à Deo consecutum fuisse, ple-
raque exempla testantur. Ochini lapsum, longè antequàm eueniret,
diuino Spiritu prænoscent; Religionis procellas, quæ indè excitandæ
erant, non semel Fratribus prædicit. Donatæ Caraffæ, Mulieri
Illustrissimæ, ac nulli, pietate secundæ quæ Filiam, necdum nubilem,
illius precibus commendauerat; futura illius connubia, nedum cogi-
tata prænunciat: quæ deindè cum Buteræ Principe, vti prædixerat,
contrahuntur. Donatam verò ipsam, B. P. Francisco, sub Tertij Or-
dinis habitu aliquandò consecrandam fore prænunciat. Terræ
nouæ, Patriæ suæ deuastationem, quæ Proscriptorum postea
depredatione, sub Nino Martino, & Gonsaluo Marino secuta est;
diu antè prænoscit, atque è suggestu prædicat. Viuus tot Miraculis
claret; vt amplior eorum cathalogus confici posset, nisi antiqua illa
Patrum humilitas, quæ ab huiusmodi memorijs, velut à fastu ab-
horrebat, ab ijs abstinendum sanxisset. Illud tamen, tanquàm ab in-
cendio ereptum, cæteris famæ consecratis, integrum ad nos perue-
nit, quod de Agatio quodam Calceolario fertur: qui cum laterali
dolore, Galatri, grauissimè laboraret; is, eum ante sanctissimæ Eu-
charistiæ Altare ductum, vbi semel Dominicam Orationem, & An-
gelicam Salutationem recitare iussisset; Signo Crucis adhibito, ad
pristinam valetudinem reuocat. Annis denique, ac virtutibus ple-
nus; cum septuagesimum annum ageret, in Conuentu Galatri, febre
correptus, cum diuinâ reuelatione sui transitus horam agnouisset;
Sacris omnibus in eum peractis Mysterijs, ipso extremo spiritu cum
morte conflictans; Crucem, quam semper amauerat, quæque ex op-
posito lectuli pendebat, cum, impetu quodam Spiritus, amplexurus
è lecto surrexisset; mox corpore elanguens, Spiritus ad Crucis
Triumphatorem euolat, atque eodem tempore, vndique luce perfu-
sus, cuidam Fr. oranti apparet: cui cœlestia se à Deo præmia

assecutum esse significat. Obijt Vir Dei

Anno 1573.



FRATER SYLVESTER VTINENSIS,
PRÆDICATOR, VIR PRÆ-

CLARVS.

FRATRIS SYLVESTRIS Vtinensis, Concionatoris, in Pro-
uinciâ Mediolanensi floret memoria: qui post multos
virtutum odores, quibus vitam suam maximâ cum intê-
gritate transactam resperfit; Bugellæ, quæ amplum est
Insubriæ Oppidum, Anno 1576. viam ad immortales Cœli delicias
carpit: quod diuino planè testimonio declaratum fuit. Nam cùm
illius Corpus, octauum in sepulchro annum explêssset; præter natu-
ræ leges, ita integrum, ac incorruptum visum est, quasi eâ ipsâ die ex
humanis excessisset.

FRATRIS IOANNIS ILLIRICI,
PRÆDICATORIS
VITA, & GESTA.

FRATER IOANNES Illiricus, Concionator, cùm operum
luce, ac præclarissimis vitæ exemplis, totius Regularis di-
sciplinæ exemplar præferebat; plurimas quoque suâ prædi-
catione Iesu Christo animas parit. Sacriste, cuiusdam Or-
dinis, infausito, ac horribili casu, à gulæ vitio maximè absterretur. San-
ctum Ioannem Baptistam, Domini Præcursores, præcipuâ mentis
quâdam pietate prosequitur: à quo, & sui obitus horam, atque eam
prorsus quam optauerat, diem accipit. Quapropter, cùm ad vitæ fi-
nem properans, Monialem quandam S. Mariæ in Hierusalem (cuius
Monasterij, Neapoli, curam gerebat) grauissimè ægrotantem, Sacro
Oleo inunxisset; eandem his verbis consolatur: Ne timeas Soror,
longior adhuc tibi restat via: me enim præcedere oportet, te sequi.
Tum verò ad Conuentum rediens, egrotare cœpit: quo tempore
à Fratribus exquirat, quot usque ad S. Ioannis Baptistæ Festum, dies
superfint? Cui cùm Fratres, tres tantummodò esse responderent: is
manus supplices ad Deum tendens, Deoque ex animo gratias agens,
ait: Congaudete mecum Fratres, breue enim mihi iter superest: il-
la me dies hinc ereptum, meæ origini restituet. Porro ipso S. Ioannis
Natiuitatis die, cùm Sacra Eucharistiâ refectus, Sacroque Oleo in-
unctus, ad Domini se occursum parâssset; dum vespertinas Horas,
Clericis adiuantibus, recitat: Vix ad B. V. Canticum, *Magnifi-*
cat, peruenit; cùm Dominum magnificans, cum Angelis summam i-

pius

pius Maieſtatem perpetuò magnificaturus, ex hâc luce migrat. Anno 1577.

FRATRIS BARTHOLOMÆI à LUCINIANO, PRÆDICATORIS
VITA, ET GESTA.

RATER BARTHOLOMÆVS à Luciniano, Concionator, Vir omni doctrinâ, & eruditione clarus, cum prius inter Minores Conuentuales, publicè in Ticinenſi Vniuerſitate, Lectoris munus præclare obiſſet; perfectioris obſeruantiae ſtudio ad Capucinos migrans, poſt aliquod tempus, in Mediolanenſi Prouinciâ, Lector generalis inſtituitur: Cuius in munere tanta fuit humilitas; vt poſt lectionem, viliffima quæque domus obſequia præſtaret, nec ab ijs auelli poſſet. Quò factum eſt, vt doctrinam exemplo illuſtrans; quamplurimos diuini Verbi Præcones, doctrinâ, & virtute præſtantes, Religioni pepererit. Regularis obſeruantiae zelator feruentiſſimus, orationi, ac rerum diuinarum contemplationi, tanto ſtudio tenebatur; vt omnem in eâ animi ſui voluptatem collocâſſe videretur. Hinc, tam copioſè cœleſtium munerum affluentia fruëbatur; vt nonnunquàm dum oraret, candida columba circum volitare viſa fuerit; quæ nunc vni, nunc alteri ipſius humero incubans, eo ſignificare videbatur, diuini Spiritus dona abundè in ipſo requieſcere. Mediolani tandem, vitam ſummâ cum virtutum laude tranſactam, cum morte commutat.

Anno 1579.



FRA-



FRATER FRANCISCUS, A FVNIANO FRATRVM
CAPVCINORVM PRÆDICATOR.

FRATRIS FRANCISCI à FUNIANO,
PRÆDicatoris
VITA, ET GESTA.



FRATER FRANCISCUS à Funiano. è Sæculi naufragio, in ipso Adolescentiæ flore, ad fidam Religionis stationem vocatus; communi omnium sententiâ purus, ab omni carnis inquinamento, Virgoque è Sæculo emergit: tantus enim pudoris, ac honestatis candor in ipsius facie, ac moribus elucet; vt illius animum ab huiusmodi labe, alienum semper fuisse demonstret. Magno virtutum, ac sanctioris vitæ apparatu, cum ad Philosophica, ac Theologica studia Superiorum iussu accessisset; in ijs ob præclaram animi vim, summumque virtutis studium eam præstantiam assequitur; vt celeberrimus omnium, qui suâ tempestate florent, Prædicator habeatur. Mira sunt, quæ de cœlesti potius, quàm humana eius Viri eloquentiâ narrantur. Bononiæ, cum in pregrandi S. Petronij Ecclesiâ anno 1575. Verbum Dei disseminaret, vixque Templum illud augustissimum, ad turbarum multitudinem capiendam sufficeret; in medio Sermone, velut qui animo excedit, tam diu mutus, atque immobilis consistit; quoad quartâ vnius horæ parte elapsâ, ad se rediens, manuque suggestum pulsans, in hæc verba erumpit. Deo agamus gratias, Charissimi: Iam Laurentius Frater ad Superiora euolat. Nè me tacentem ægrè tuleritis: nam Frater, Fratri, suprema quæ optaueram, obsequia persolui: tum reliquum Concionis absoluit. His auditis, plerique Nobiles, inter alios Balthasar Camporius, rem per famulos, num vera sit, explorat, eamque prorsus ita esse, Laurentiumque eo tempore ex humanis excessisse audiunt. Inualuerat eo tempore Bononiæ, apud Nobiles fœminas, quidam vestium caudatarum abusus, quem cum penè omninò suâ Prædicatione de medio tulisset; Nobilis quædam Mulier, ex Vsellanorum familiâ, quæ posteriorem illam Laciniam necdum abiecerat, cum prolis sterilitate laboraret, ad Virum Dei accedit, eumque summis precibus rogat, vt aliquam illi à Deo suis precibus prolem impetret: cui mox Franciscus: Frustrâ rogas, ô Mulier, quamdiu laxè fluens ista vestis cauda, tibi à tergo humi serpit: Syrma obtrunca, tum masculum paries. Credit illa: Viri Dei consilio acquiescit: Syrmate se abstinet: tum intra anni spatium, quemadmodum Dei Seruus illi pollicitus e-

H h

rat, pro-

rat, prole masculâ potitur. Quamplurimas etiam in eadem Vrbe, ad honestæ vitæ rationem, Meretrices, suâ prædicatione conuertit. Cuncta enim huius S. Viri verba, quasi fulmina videbantur, quæ audientium animos simul & terrebant, & incendebant: nec mirum; cum ex diuinâ charitatis officinâ, ac proluxæ orationis studio, cui etiam aspera corporis flagellatio accedebat, prodirent: Ciuitate Ariminensi graui inediâ occupatâ, cum pauperes in Vicis passim languentes iacerent: Vir Dei, ex intimis visceribus commiseratus, ingenti Cruce in humeros sublatâ, per Urbis Vicos incedens, exclamare cœpit: O Ciues, ô Ciues. Christo pauperi succurrite, qui fame perit. Ab ijsque hoc spectaculo tantam grani, hordei, fabarum, atque aliorum leguminum eleëmofynam accipit; vt ijs quotidie pauperes alere valeret. Accidit autem, vt faccus fabarius illi ex eleëmofynâ superesset: quamobrem, à quodam Viro Agricola, agri partem impetrat, in quâ fabas ad pauperum victum seminat. Porro seminatae fabæ, cum mirum in modum copiâ, ac magnitudine excreuissent; Franciscus in publico suggestu vniuersos admonet, Fabarium illud in pauperum alimoniam cedere, mox pauperum multitudo ad fabas confluit: cunctique fabas ad saturitatem comedunt, secum tollunt, domum asportant, sæpè Fabarium repetunt; nec tamen fabas diminuunt, donec nouæ agris fruges succedunt. Cæterum, neque agricolæ pietati, diuina liberalitas defuit: tot enim post plures Fabarij vindemias, fabæ in agro reliquæ repertæ fuerunt; vt spem omnem agri superarent. Hoc ipso, ad pauperes alendos, fabarum Miraculo, anno 1570. quo tempore Foroliuium magna frugum egestas occupauerat, vtitur. Id autem in hac Ciuitate illi singulare fuit: quod cum is pane per Urbem in pauperum vsum mendicato duos saccos implisset, pauperibusque qui tricentesimum numerum excedebant, in Ecclesiâ congregatis, cuique duos panes manu propriâ distribuisset; id suâ apud Deum charitate meruit; vt qui vel tertiæ parti haud sufficere credebantur, diuinâ adeò virtute aucti fuere; vt cuique suâ panum portione dispertitâ, faccus etiamnum pane plenus superflueret. Atque vt Dei in eo luculentiùs virtus, ac liberalitas eluceret, paucis ex ijs, qui superfuerant, panibus in manticâ repositis, cum inde per Urbem incedens, nulli pauperum, panem denegaret; tot sibi in manticâ panes, hoc tempore, quot subleuandæ pauperum necessitati necessarij essent, à Deo multiplicatos sentit. Cum aliquandò Parma fluuius, qui Vrbi Parmensi nomen dedit, ita excreuisset; vt vndas ad Pontem vsque attolleret: Indeque illius ruinam,

ruinam, atque Urbis submerfionem vniuerfi formidarent; Vir Dei, ad medium vsque Pontem intrepidus accedit, manum in vndas tumentes extendens, ac Signo Crucis benedicens, cum in eas ceram à Pontifice benedictam immisisset; cessit repente tumor, atque in pristinum mox alueum, se fluminis vndæ continuere. Singulari S. hic Vir patientiâ præditus, cum à nefario quodam Viro, in Æmiliæ Opido, publicè colapho oppetitus fuisset; Euangelicus Vir, iuxta Christi consilium, alteram illi genam offert. Tàm denique feruido Dei Spiritu, Sanctus hic Dei Seruus. sursum agebatur; vt sæpè extases, ac coelestes raptus, inter ipsas hominum conuersationes, ac colloquia pateretur. Foroliuij, aliquandò dum per Urbem incedens in Deum animum intenderet; diuinam actionem præsentiens, mox in Familiaris cuiusdam domum se proripit, ac in secretum se cubiculum confert: quò, cum paulò post Familiaris ille, quid ageret, exploraturus, accessisset; Virum Dei in mentis excessum raptum, ac toto corpore è terrâ sublatum cernit. Tot igitur meritis, ac virtutibus clarus, cum Franciscus plurimos pro Ecclesiæ ædificatione, tum prædicando, tum operando, pie labores exantlâisset; laborum tandem mercedem, virtute, ac Sanctimoniâ apud omnes illustris, Anno. 1579. à Domino consequitur.





FRATER HIERONYMVS A BUTVNT OFRAIR
CAPVCINORVM PRÆDicator.

FRATRIS HIERONYMI à BUTUNTO,
PRÆDicatoris
VITA, ET GESTA.



RATER HIERONYMVS à Butunto, cuius virtutum odor, ab ipso sæcularis vitæ statu diffundi cœpit; dum in sæculo adhuc versatur, Medicinam artem tanto studio proficitur; vt egeños nullo modo pretio curet, verum etiam ijs ad pharmaca, & necessaria sibi edulia comparanda, pecuniam eroget. Hic igitur, dum in Neopolitanâ Vrbe, Medicinæ studijs, cum alijs eiusdem Patriæ municipibus, communi contubernio vacat; id inter eos conditum erat; vt singulis diebus vniuersi, vno eorum excepto, qui domi custos remaneret, sacro Mysterio interessent. Dum igitur quodam mane, quo domus illi custodiâ contigerat, in proximâ Ecclesiâ, in quâ sacra Missæ Sacrificia celebrabantur, signum ad sanctissimæ Eucharistiæ eleuationem dari perciperet; mox secum his verbis conqueri cœpit: Heu, cur mihi soli hoc mane, Christi præsentia frui non licet? cumque summâ, adorandæ Eucharistiæ, cupiditate flagraret, mox in genua procidens, Sacrum Domini Corpus absens adorât: quo tempore, interiectos omnes parietes aperiri, diuinamque Eucharistiam à Sacerdote eleuari conspicit: quâ eleuatione peractâ, protinus vniuersi ad loca pristina redeunt. Rursum Butunti, cum Sacrum auditurus, ad Capucinatorum Ecclesiam tardiusculè aliquandò accessisset, omnia Missarum Sacrificia peracta reperiens, eâ re valdè contristatus, post preces ad Deum effusas, rediens; audit in Vrbe, campanæ signum pulsari, quo Sacramentum in Missâ à Sacerdote attolli significabatur: protinus ille in genua corruens, absens Domini Corpus veneratur: quo tempore celebrans Sacerdos illi in aëre apparet, qui Domini Corpus sub panis accidentibus, quemadmodum in Missâ fieri solet, illi adorandum offert; cumque eodem modo Sanguinis quoque Calicem à Sacerdote eleuaturn adorâisset; euanesce visio, hominem adeò corde compunctum, ac nouâ pietate imbutum relinquit; vt mox sæculum deferere. Deoque famulari cogitauerit. Verum cum adhuc animus in eo hæsitaret, diuinæque vocationis ignorans, Deum ex animo rogaret; vt quænam potior, Sæculine, an Religionis illi via foret, signo aliquandò demonstraret: Moyse protinus à Deo signum accipit. Nam repente dex-

tram manum sibi leprâ albescentem cernit: quæ post aliquod temporis spatium, absque ullâ hominis operâ, ad pristinam incolumitatem redit: eoquæ signò intelligit Vir prudens, Domino præsertim mentem illustrante, vtriusque & Sæculi, & Religionis sibi statum insinuari. Cum igitur Hieronymus diuinæ Vocationis certus esset, haud diem procrastinat: sed quò Deus vocabat, protinus sibi eundem statuit, nullaquæ interpositâ morâ, Capucinorum se iugo subiicit. Hic igitur inter Seraphicos Christi Milites relatus, non vacuum nomen gerere, aut aërem pugnando verberare; sed Apostoli consilium secutus, carnem diris verberibus castigare incipit, ne insolescat: ieiunijs extenuat, ne contumacem experiatur: frigore, ac nuditate afflictat, ne inter commoda defluat: duris, ac asperis macerat, ne sub mollibus elanguescat. Denique ne in incertum, aut frustra currat, sæpè leprosam nequam huius sæculi manum, ex quâ liber euaserat, altè animo repetens, se ad maiores semper virtutum profectus prouocat. Rerum paupertatem, ac penuriam adeò diligit; vt superflua omnia refecans, nihil præter ea, quæ à Regulâ præscripturæ suo vsui, ac Superiorum licentiâ sibi vëdicet. Oratio illi ita assidua, ac frequens est: vt plures diei, ac noctis horas in eâ infumens, eam vt plurimum lachrymarum imbribus perfundat. Hinc assiduâ hâc rerum coelestium contemplatione, eam mentis in Deum suspensionem sibi comparauerat; vt cum diuinos Psalmos in Chorum cæteris decantaret, ab humanis prorsus abstractus, ac coelestibus Angelorum Choris, insertus videretur. Sacrosanctæ Missæ Mysteria, tantâ mentis pietate, ac Religione celebrare solitus erat; vt nunquàm sine lachrymarum effusione, ijs incumberet: quò fiebat; vt sæpè B. V. præsentia inter ea potiretur; pluraquæ à Deo, ob singularem ipsius in hæc sacra Mysteria reuerentiam, dona acceperit. Eluxit igitur inter nos Hieronymus, plurimâ apud omnes virtutum laude, ac Sanctimoniâ clarus: relictaquæ sui nominis apud mortales gloriâ; Aletij ad immortales conscendit, immortalem gloriam consecuturus. Anno

1580.



FRA-

FRATRIS MICHAELIS à NEAPOLI,
PRÆDICATORIS
VITA, & GESTA.

MRATER MICHAEL à Neapoli, Vir virtute conspicuus, ac Sanctitate illustris, tantâ, & tam excellenti ingenij magnitudine, præclarâ eruditione, atque doctrinâ ornatus fuit; vt propter egregias animi dotes, concionandi officio clarus, inter illustriores Ordinis Prædicatores censeatur. Illius mors, eximiâ quâdam de Inferno, Purgatorio, ac cœlesti gloriâ, visione nobilitatur. Quam cum ex merito S. obedientiæ Guardiano, cæterisque Fratribus retulisset, inter alia, inquit: Vidi hîc, Beatissimum Patriarcham Franciscum, inter primos triumphantem, plurimosque consocios, ac commilitones nostros, cum eo, æternâ gloriâ fruente: vidi etiam fulgentissimas coronas, ijs, pro cinere, & cilicio redditas, quæ idcirco Deus vobis innotescere voluit, vt horum disciplinâ discatis, quo studio, quâue sollicitudine, vobis in Religione, ac virtutum profectu, incedendum sit. Ego enim ad nostros, qui præcesserunt ab eo, vestraque precum suffragia, mihi in hac horâ adesse deposco. Cumque membra velut moriturus composuisset, hinc paulò post suauiter ad Dominum migrat. Anno 1580.





FRATER FRANCISCVS A CARTOCETO FRATR
CAPVCINORVM SACERDOS.

FRATRIS FRANCISCI à CARTOCE-
TO, SACERDOTIS
VITA, & GESTA.



FRATER FRANCISCUS à Cartoceto, honestis, licet agrestibus Parentibus ortus, quem cum Parentes ruralibus laboribus addicunt, his tamen Puer haud ad eò semetipsum effundit, quin animum sæpè ad pietatem, ac rerum cœlestium studia conferat. Hinc frequenter ad solitaria loca secedens, ubi à nemine videri posset, ibi genus flexus orationi vacat, ac plerumque flagelli disciplinâ corpus erudiens, Spiritui subiectum esse docet. Spirituum librorum lectione maximè delectatur. Mulierum consortia fugit, aliaque oblectamenta respuens, animam ad virtutem transfert. Vbi verò ad decimum septimum annum peruenit, ne floridam aetatem, virulentus serpens, suo voluptatum veneno inficeret; Patre luminum inspirante, Mundo tempestiuè valedicit, atque in B. P. Francisci Militiam inter eos, qui de Obseruantia nuncupantur, adscribi festinat: in quâ, cum Professionis vota post annum emisisset ea, toto vitæ curriculo tam integrè Deo reddere curauit, tantumque in Regularis disciplinæ austeritatibus, atque omnium virtutum studio profecit; ut cum semel, in die duntaxat, refectiōem fumeret, ac B. P. Francisci ieiunia tam perfectè, ac tam arcta abstinentiæ lege seruaret: ut in his præter panem, & aquam nihil ad victum adhiberet, his quoque, cæterarum virtutum, quæ Euangelicum hominem præstant, cumulum adijceret. Cum autem semel in libellum incidisset, in quo de perfectâ Regulæ obseruantia agebatur, Ordinemque ab altissimæ præsertim Paupertatis viâ exorbitasse animaduerneret, eâ re tam grauius animo afflictari coepit; ut perennes in oratione lachrymas funderet, alteriusque Eliæ instar, Legis obseruantiam zelans, nihil præter Ordinis Reformationem, animo versaret. Verum, cum eam assequi posse haud speraret, Eremum S. Iacobi propè Matellicam, quam ob loci asperitatem, Fratres, paulò antè deseruerant, à Prouinciali Ministro summis precibus impetrat: in quâ, cum plures annos, cum Pacifico, Tertij Ordinis Sacerdote, summâ austeritate, ac perpetuis ieiunijs, cilicijs, vigilijsque corpus afflictâisset; tamque ingentes lachrymarum imbres, tum ob Christi Domini Passionem, tum etiam ob Religionis lapsum fudisset; ut iam senio confectus, oculorum pror-

fus lumine orbatus esset, Clementissimus Deus Serui sui preces, ac lachrymas, aut steriles, aut sine consolatione abire non est passus: Matthæo enim à Bassio aliquandò ad Eremum accedente, cum Franciscus in ipso noctis profundo attentius oraret, diuinâ reuelatione accepit, diu expectatæ Reformationis iam tempus aduenire. Quamobrem, præ gaudio exultans, exclamat: Pacifice, heûs Pacifice, adesto. Cui Pacificus: En præstò sum, inquit: mox Senex: O quàm fausta! ô quàm iucunda huc accedunt: En Ordinis Reformatio venit. Insolitam vocem, & nouum Senis gaudium, Pacificus admirans, cum responderet: Vndenam Pater, hæc noua Reformatio nobis erumpet? E Cœlone, vel ex hominibus? Verum illam potius ex summâ animi cupiditate, quâ in eam flagras, tibi accedere arbitror. Mox Senex ad ipsum: Non ita Pacifice, sed noua Ordinis Reformatio aduentat. haud procul est, iam enim sonitum pedum eius perferentio. At quo pacto istud? ait Pacificus) Venit (inquit ille) Vir rufus aspectu, nudis pedibus incedens, rudiq; ac vili habitu amictus, qui quadratum Caputium in capite, & Crucem in manu gestans, hanc camporum planitiem percurrit: qui verò illum mihi venientem ostendit, is quoque dixit: Scito Francisce, quod hæc vera est, B. P. Francisci habitus forma, ex quâ futura Ordinis Reformatio iam sua sumere debet exordia. His dictis totus Spiritu exultans matutinas Horas, prælegente Pacifico, coepit persolvere, consuetisque Orationum, ac Meditationum exercitijs de more peractis, cum ad sextam circiter diei horam ventum esset; en Matthæus Eremitium pulsât: cui cum aperuisset Pacificus, insolito Viri habitu, & aspectu obstupuit: tum verò illum diligentius contemplatus, cum eum esse animaduerneret, quem paucas ante horas illi beatus Senex verbis delineauerat; statim ad Franciscum festinat, totusq; præ lætitiâ gestiens, Virum illum in eâ adamussim formâ, atq; habitu adesse dicit, de quo is paulò antea tam præclara prælocutus fuerat. Hoc porro tam læto nuncio, vix explicari potest, quantâ animi lætitiâ perfundi coeperit. Defluebant ex E. Senis oculis indefluentes deuotionis lachrymæ, dum eum sibi præsentem agnoscit, à quo reuelatæ sibi Reformationis primordia auspicanda non ignorat. Quare nunc hispidam vestem, nunc quadratum futuræ Reformationis Caputium, quod oculis intueri non poterat, manu iterum atq; iterum palps, tantâ auuiditate contrectabat; totq; ei deuotissima oscula infigebat; vt cum ijs satiari non posset, tanto Francisci mens diuini Spiritus incendio liquefacta est, vt alterius Simeonis instar, luminibus in

bus in

bus in Cœlum erectis, sublatisque ad sydera palmis, Deum his verbis compellare cœperit: Eia benignissime Deus, quid longiori vitâ mihi opus est? iam nunc Domine, dimitte Seruum tuum in pace, quandoquidem veram B. P. mei Francisci habitus formam, sin minus corporis, magis tamen Spiritus oculis cerno: Sat Domine, sat victum est, en iam mente conspicio, ac manu teneo diu expectatam Ordinis Reformationem, cœleste, ac salutare prorsus clementiæ tuæ donum, quod parâsti ante faciem omnium Populorum, ut lumen aliquandò sit ad conuersionem gentium: Religiosæque tuæ plebis, Fratrum scilicet Minorum gloriam, ac splendorem augeat. Post aliquod verò tempus, Matthæo, Româ reuertente; Reformationis habitu secundus post Matthæum potitur, ac secundum inter Capucinos locum non immeritò sibi comparat. Hic igitur beatus Senex, simul atque extremâ se ægritudine laborantem præsentit, cœlestibus se diuinorum Sacramentorum armis muniendum curat: cumque ad terreni tabernaculi depositionem velox properaret, qui corporis eousque oculis orbatus fuerat, mentis oculos tunc sibi primum aperiri, ac claro lumine illustrari sentit, quò res planè diuinas intueretur. Cum enim ad extremum vitæ occasum deuenisset, statim totus animo, ac corpore exhilarari, atque exclamare cœpit: Pacifice, en Pacifice: num vides lucidissimam, pulcherrimamque viam, quæ hinc usque ad Cœlum pertingit, vndique pretiosissimis aulæis, auro, gemmisque textis, ornatam? tum oculis parumper in Cœlum defixis rursum toto corpore exultans: Tolle (inquit) istinc omnia, ne quidquâ huc aduentantes impediat: Eia, pulcherrimo Choro da locum. Cum verò Pacificus ab eo percunctaretur, quisnâ ille Chorus esset, quorsumue tunc eò accederet? En, inquit, Angelorum Reginam, maximâ Virginum, ac Sanctorum multitudine stipatam, en Cœlorum Dominam, iam eundi tempus est, eamus, eamus cum illâ. His invocibus, foelix illa Francisci Anima, corporeis vinculis exoluta, B. Virgini, ac Sanctorum choris associata, in Cœlum migrat. Ita Franciscus, qui secundus inter Capucinos numeratur, omnium Capucinorum primus, quasi cæteris locum paraturus. Anno 1526. ad cœlestes euolat.



FRATRIS PAULI CLODIENSIS,
PRÆDICATORIS
VITA, ET GESTA.

FRATER PAVLVS Clodienſis, vix è Matris gremio elapſus, protinùs tam eximie virtutis ſpecimen præſeferre videtur, vt abiecto veſtitu contentus, cilicio corpus affligat, cibo parciffimè vtatur, molle illi à Matre ſtratum, vt plurimū refugiens, vel humi, vel ſuper tabulas ſibi lectum eligat: Eccleſias mirà deuotione viſitans, ſupra ætatem, ergà ſacra Myſteria afficitur: atque vt orationi, quâ mirum in modum, iam à tenellâ illâ ætate delectabatur, liberiùs vacet; ſolitaria, & ab hominum conſpectu ſemota loca quærit. Tantam denique morum compositionem, ac mentis ſenium, in puerili illâ ætate, ab omnibus cæterorum puerorum leuitatibus alienum gerit; vt Vniuerſos, ipſosque Parentes in admirationem rapiat. Porro hæc ſanctioris vitæ præludia, quæ, Deo illum in benedictionibus præueniente, ab ineunte ætate inſtituit; nullo deinceps vnquàm tempore mutauit. Sacerdos inunctus, Generalis Vicarij Officio, apud illius Urbis Epiſcopos, maximâ cum ſui exiſtimatione perfunctus, in Sacram B. P. Franciſci Familiam, quæ de Obſeruantia nuncupatur, adſcribi feſtinat. In quâ, orationis, humilitatis, Regularis obſeruantie, ac cæterarum virtutum ſtudium, ſummâ cum diligentia amplectitur. Ieiunia tam arctè colit; vt B. Virginis, ac Feſtorum ſolemnium peruigilia, maioremque Quadrageſimalis Ieiunij partem, ſolo pane, & aquâ victitans, celebret. Longas quoque in Oratione vigilias ducens, vberiores in eâ lachrymas fundit. Quibus tandem virtutibus, id ſibi apud omnes exiſtimationis comparat; vt inter perfectos Seraphicæ Religionis cultores, qui eo tempore in Ordine florebant, haud immeritò cenſeatur. Cum autem Pauli Genitor, cuius ope, ac indiſtriâ tenuis illa Familia ſuſtentabatur, nullis facultatibus relictis quibus ea ali poſſet, ex humanis deceſſiſſet; Paulus, vt Matrem, extremâ inopia laborantem, ſuſtentet, impetratâ à Religionis Superioribus licentiâ, Apoſtolico inſuper diplomate à Pontifice munitus, ad Clericalem ſtatum licet inuitus) Foſſam Clodiam redit. Vbi verò neceſſaria charitatis officia, Matri, proprio labore perſoluit, ad Capucinos migrat, vbi admirabile vitæ genus inſtituit. Quotidiana ieiunia, in quibus nihil ferè præter panem, & aquam ad victum adhibet, colit: vnde tam corpore extenuatus cernitur; vt pelle vix offibus inhærente, pene macie confe-

ctus, vi-

ctus, videatur. Corpus sæpè vsque ad copiosam sanguinis effusionem flagris cædit: cilicio, vigilijs, somni subtractione, alijsque macerationibus domat: vnicum habitum, lacerum, hispidum, cum sibi satis superque sufficere existimat; toto vitæ suæ curriculo, abiectis sandalijs, nudis pedibus incedit. Oratione ita afficitur; vt interdum in eâ dies, noctesque infumat, nec ab eâ, nisi ægrè diuelli possit. Nunquam se alio, quam serui inutilis nomine, aut appellat, aut appellari permittit. Verbum Dei, maximo charitatis estu flagrans, Populis prædicat: Christique Domini exemplo, opus suum illud esse affirmat, panemque suauissimum appellat. Postremo, cum Penne Biliorum Dei Verbum disseminat, in extremum languorem incidit: Mattheo à Bassio verò ad se vocato, Sacramentis omnibus munitus; vt B. P. Francisci, cuius viuens vitam, & vestigia egregiè imitatus fuerat, moriens quoque exempla sequatur; ante mortem, se nudum in terrâ deponi iubet: ibique integris sensibus, vultu hilari, atque oculis in Cælum sublatis, in illis verbis: *In manus tuas Domine commendo Spiritum meum*, animam Deo reddit. Anno 1531. ætatis suæ 50. lugentibus cunctis tanti Patris obitum: qui cum quintum in Capucinatorum Congregatione locum sortitus esset, optimis eam virtutū odoribus compleuit, posterisque suâ virtute, ac sanctimoniâ præluxit.

FRATER MICHAEL APRVSTENSIS,
SACERDOS, VIRTVTIBVS, &
MIRACVLIS CLARVS.

FRATER MICHAEL Aprustensis, inter illos primos quindecim Patres fuit, qui cum Ludouico, ad Reformationem accedentes, cum eo fortes in persecutionibus permansere. De eo inter alia legitur, quod erga ægrotos tam tenerè afficeretur; vt vbicumque quenquam eorum offenderet, statim preces cum lachrymis pro eo Domino offerret: tum verò, super illum, Sacrosanctum Crucis Signum formans, vniuersis penè corporis sanitatem restitueret. Atque eò factum est, vt illius obitus, tum ob vitam in summis austeritatibus transactam, tum etiam ob varia sanitatum munera, quæ viuens quamplurimis Domino operante contulerat; plurimo Populorum cōcursu celebratus fuerit. Hic ergò, duobus post Ludouicum mensibus elapsis, virtutibus diues, ac meritis præclarus. Anno 1537. in Mottæ Conuentu, ex huius vitæ ærumnis, in beatam quietem concessit.

FRATRIS ANGELI à CASTRO S. PETRI, SACERDOTIS
VITA, ET GESTA.

RATER ANGELVS à Castro S. Petri, & cum eo alter, cuius nomen perijt, cum sæuùs pestilentia morbus, Venetias inuassisset, nullusque esset, qui ob morbi ferocitatem, vel Sacramenta in morte administraret, vel alijs pijs officijs infirmis adesset: obtentâ à Ministro Prouinciali facultate, sese Venetias contulere, vbi omni mortis metu postposito, nulla charitatis officia prætermittunt, quibus ægrotos, aut viuentes iuuent, aut morientes omni studio prosequantur. Cumque hoc in ministerio aliquot menses, magnâ cum totius Urbis ædificatione insumpsissent; cessante pestilentia, dum seorsim attentius orant, vtrique, Saluator Dominus, fulgentissimâ luce perfusus apparet, eosque ob charitatis obsequia egrotantibus collata commendans, in suam Prouinciam (Bononiensem) redire iubet, atque vbi à Prouinciali Vicario benedictionem acceperint, decimo quinto post die, se laborum illis mercedem daturum pollicetur. Venetijs itaque ambo digressi, cum Bononiam peruenissent, post benedictionem à Prouinciali Vicario impetratam, animamque ad Domini occursum diligentissimè præparatam, præscriptâ die ad promissa vterque præmia euocatur. Anno 1538.





FRATER BERNARDVS ASSIS'AS FRATRVM
CAPVCINORVM SACERDOS.

FRATRIS BERNARDI ASSISIATIS,
SACERDOTIS
VITA, ET GESTA.



BRATER BERNARDVS Assisias, ex honestâ illius Urbis Familiâ satus, tot ab ipsâ oriente ætate cœlestium benedictionum cumulis cohonestatur; vt vix adolescentiæ annos attingens, perfectum tamen mentis senium assecutus videatur: tantâ enim vultus modestiâ, oculorum honestate, morum elegantia, verborum grauitate, omniq̃ pietatis, ac Religionis studio præluet; vt Assisates Ciues, ipsius conuersationem intuentes, Angelum inter homines esse iudicarent, de eoq̃ vaticinium prædicarent, Sanctum eum aliquandò Virum futurum. Cùm iam ad duodecimum annum peruenit, Gymnasium frequentans, cognatas illius Urbis illecebras, ac leuitates fugiens, in cubiculum se proripit: vbi coram Domini in Cruce pendens, Beatissimæ Virginis, ac B. P. Francisci imaginibus deuotus Puer sæpè cum lachrymis orat, tantusq̃ ab ineunte illâ ætate Virginitatis amor illius animum præoccupat; vt omnes ferè illius orationes, ac preces in id tendant; vt Dominus, B. V. & B. P. Francisci suffragio, puram ipsius virginitatem seruaret, quam ipse nullo vnquàm tempore sibi violandam præstituerat. Adolescente verò ætate, cùm Religionis quidem statum sibi in animo proposuisset; vt quænam sibi Religio eligenda sit à Deo illuminetur, Orationi, carnis macerationes adhibet. Etenim ab eo tempore corpus flagellis cedere, ac molli lectulo relicto, noctu super tabulas, aut cubiculi pauimentum requiescere assuescit: neue id Domestici animaduertant, lectum, quasi in eo dormiuisset, pedibus conculcat. Quâdam autem die, cùm B. P. Reliquiæ Assisijs palam aspectandæ in Ecclesiâ exponerentur; Bernardus in S. Patris cilicium oculos coniiciens, mox tam ardenti cilicij alicuius cupiditate teneri incipit; vt à quibusdam Monialibus omni studio asperrimum sibi procuret: At cùm eo tempore, Capucini, Assisium aduentantes, Bernardus asperis indutos, ac nudis pedibus inter niues, & hyemis frigora incedentes conspexisset; protinùs ardens Crucis discipulus, ac Virginitatis amator, eos sibi imitandos proponit, animiq̃ studium, ac propositum, Vicario Prouinciali aperit; ac tandem Capucinorum Militiæ adscribitur. Adest statuta dies, in quâ Bernardus Sæculo renuntia-

turus,

turus, cum eo & Sæculares exuuias deponat: cumque proprijs, ut fieri solet, vestibus exutus, Religionis habitu induendus esset; cilicium, quo indutus erat, apparet: Eusebius verò eo conspecto, cum illud tam asperum, ac horridum cerneret, ut eo iam Adolescentis caro tabesceret; illius quidem animum admiratur, illi tamen usum interdicat, quoad Probationis annum absoluerit: in quo ipso Religionis tyrocinio tantum proficit, ut perfectam omnium Virtutum disciplinam assecutus videatur. Quotidiana ieiunia, quæ ut plurimum ad panem, & aquam contrahit, longas noctis vigiliæ, quas in oratione, & lachrymis infumit, prolixas flagellationes, lecti duritiem, pedum nuditatem, simplicis habitus tegumentum, quo in asperrimo frigore contentus est, plurimasque alias corporis macerationes pro nihilo ducit, pleraque alia perpeti optat, si ea corporis imbecillitas ferre potuisset. Quod sit ut totum illius vitæ curriculum, in quo asperrimum hoc viuendi genus profectur, perpetuum quoddam ipsi carnis Martyrium, ac iugis Crucis Christi memoria sit. Hanc iugem carnis mortificationem, ardens Orationis studium, ac perpetua quædam mentis in Deum eleuatio comitatur, ita ut ea quæ sunt corporis oblitus, cum Deo, præter corpus, semper viuere videatur. Porro ex hac iugi cum Deo familiaritate, tam profunda mentis abiectio exoritur; ut se omnium maximum peccatorem arbitretur, talisque ab alijs æstimari velit. Quapropter, indefinenter in oratione lachrymas fundit, quasi is solus omnia Orbis scelera admisisset. Oculorum concupiscentiam tam seuerâ lege coercet, ut nullius unquam vultu cõspiciat, nunquam ad delectabilia quæcunque spectanda oculos cõuertat, sed humi perpetuò defixos teneat. Ab omnium, ac præcipuè Mulierum colloquio, ac consortio ita abhorret, ac tantâ sollicitudine honestati, ac animi candori incumbit, ut velut certum, ac indubitatum id ab omnibus haberetur, eum non modò candidum Virginitatis florè incorruptum, sed etiam animum, ab omni lethalis culpe labe purum, usque ad mortem seruasse. Regularis prætereâ obseruatiæ, ac præsertim paupertatis studiosissimus, nihil præter Deum sibi possidendum ab exordio proponit. Perusiam aliquandò profecturus, in Deum omnem cogitatum proijciens, Socijs panem in viâ secum deferentib., cum Paupertatis amator se diuinæ prouidentiae cõmisisset, panes illi miraculosè ministrantur. Sacerdotio denique inunctus, nunquam Altare, nisi post longam Orationem accedit, & summâ grauitate, pietate, ac reuerentiâ peragit. Sacrificio verò peracto, diutius inter diuini amoris amplexus, velut ab omnium humanarum rerum cõsortio abstractus, versatur.

Cum igitur Bern. 10. circiter annos in summâ hâc vitæ austeritate, at-
 quæ Angelicæ conuersationis laude in Religione transegisset; tādē in
 Narniæ Conuentu grauius ægrotare incipit, quo ex morbo, cū se ex
 huius Sæculi procellis euocari intelligeret; post singularem animi patiē-
 tiam, præclaraque virtutum exempla, S. Ecclesiæ Sacramētis, ac feruē-
 ti oratione, obuiam Domino procedens; vitā in sãctitate, & iustitiā
 exactam, beato tandem fine concludit. Iuuenis quidē ætate Bern. cū
 vix 28. annum attingeret, at virtutibus grandæuus hinc migrat. Cō-
 munis fama est, pleraque illum tum viuentem, tum defunctum, Dei
 Virtute, Miracula patrâsse, quæ nullo nobis scripto cōsignata sūt. Il-
 lud verò narratur: Mulierem quandam, paucis post ipsius obitū die-
 bus, ad Monumentum accessisse, quæ cū Bern. fati cōcessisse acce-
 pisset; humi prostrata ac lachrymas vberes profundes, illius sepultu-
 ræ pulueres deosculabatur, hasque eiulās voces effundebat: Heu Ser-
 ue Dei, quomodò obijsti? heu! Cur tam citò discessisti, vt mihi faciē
 tuam antequā excederes, videre, & gratias pro collato beneficio pro-
 ferre datum non fuerit? Illustreque Miraculū, quod illius meritis à Deo
 tulerat, publicè Fratrib. narrauit. Septimo autē post ipsius obitū die,
 cuidam Fr. Romani Nosocomij Præfecto, qui eū in extremâ valetu-
 dine curauerat, noctu apparens, gratiasque agens, declarat, se ex Dei
 misericordiâ saluum: veruntamen eò vsque Dei visionem, absque vllâ
 tamen Purgatorij poenâ, illi denegatam fuisse, ob nōnullas, quas in o-
 bedientiâ præstandâ maculas viuendo contraxerat cū Superiores
 quidquàm illi de corporis austeritatib. minuendum præciperēt, nimis
 proprio sensui inhesisset, quanquā Obediētiæ præcepto satis fecisset:
 tunc verò se liberum Dei gratiâ Coelum conscendere: districtissimâ
 enim, aiebat, Fr. Bern. viuētis Dei iudicia sunt, nec quidquàm inultū
 abire sinunt. Decemque post Reformationem exortam, Fratres, in hâc
 Vmbriæ Prou. dormiuerunt: ex his verò tātūmodò 8. rectâ in Coelū,
 absque vllâ purgatorij poenâ ascenderunt, nonus aliquamdiu in Purga-
 torio detentus fuit; decimus verò iusto Dei iudicio damnatus, misère
 in æternum perijt. Atque his dictis ad coelestia se cōtulit; Hic verò, Fr.
 ille Syluester esse creditur, qui cū Aquæ Sparte Ecclesiâ præter cō-
 munes paupertatis Regulas, latius extendere voluisset; horrendo fine
 sublatus fuit. Bern. verò Corpus extrâ Ecclesiam in Coemiterio se-
 pultum, quinto post anno, cū, vt in Ecclesiam deferretur, exhumā-
 tum esset; cæteris corporis partibus exesis, cerebrum in ipsius capite
 ita sanum, & integrum repertum fuit, perindè ac si ille inter
 viuos existeret. Obijt Vir S. Anno 1547.



FRATER ANTONIVS CYRNAEVS FRATRVM
CAPVCINORVM SACERDOS.

FRATRIS ANTONIJ CYRNÆI,
SACERDOTIS
VITA, ET GESTA,



RATER ANTONIVS Cynæus, adolescente adhuc ætate Romam profectus, in Clericorum Regularium, qui Theatini nuncupantur, Ordine conscriptus; in eo aliquot annos, magnâ cum virtutum laude transigit: Verum, cum ad duriora pro Christo toleranda, ardentiori Spiritus flammâ succenderetur; hinc ad Reformatam S. Francisci Familiam, quæ Clarenorum tunc appellabatur, transmigrat; quæ deinde simul cum Amadeorum Congregatione, sub Pio V. Pontifice, in Observantium Ordinem desijt. Hic, novus S. Francisci discipulus, plurimum in virtutibus, ac præsertim in vitæ austeritate proficit, donec exortâ Capucinatorum Reformatione, eorumque nomine, atque asperrimæ vitæ instituto per Orbem diffusio; Antonius, austerioris vitæ, ac perfectioris Observantiæ studio accensus, ad eos se confert. Planè admiratione digna sunt, quæ S. hic Vir cum primùm ad Capucinos accessit, præter communes Religionis leges, ac cæterorum usum. Deo, ut creditur, Auctore, præstat: Cum enim Evangelica ista Christi verba apud se perpenderet: *Si quis venit ad me, & non odit Patrem suum, & adhuc autem & animam suam, non potest meus esse discipulus.* Hoc cœlesti edicto perculsus, tanto incipit in corpus suum, quod Spiritui inimicum esse haud ignorabat, odio exardescere; ut omnem in illud aciem dirigere, idque ad extremum usque Spiritum prosequi studeat. Quapropter, ut eò fortius ad pugnandum animetur, gravi primùm lorice ferreæ pondere (quam nudis membris, per aliquot annorum spatia, diu, noctuque adhærentem tulit) hostem edomare aggreditur: Verum cum humanius quam bellum exigeret, se hostem excipere existimaret; cilicium ex equinis pilis, usque ad medium tonsis confectum, quò magis eorum aculeis perfoderetur, eidem parat. At ne hoc quidem contentus, dum inimicum adhuc pugnantem diutius excruciare cuperet; secundum, ex rudi canabe, duris vndique nodis, qui carnem suis aculeis fodinarent, intextum componit, eoque domesticum hostem acerbius diuexare incipit. Tertium postremò, biennio antequàm ex humanis concederet, cum iam annum septuagesimum tertium ageret, ex suillâ cute villis usque ad ima abrasis, longè alijs

horribi-

horribilius, sibi comparat. Hoc igitur primum belli genere, Antonius carnem, velut intestinum hostem, aggressus; aliud quoque eodem tempore, ne belli inducias illi indulgeret, durum, atroxque ipsi excitat: ita enim quotidianam illi, cibi, ac potus annonam intercipit; ut omnem prorsus in ipso exordio, præter panem & aquam ventri escam subtrahat: magis verò incalescente ad austeritatem animo, cum Hilarionis, Macharij, ac priscorum Anachoretarum ieiunia propius imitari vellet; à pane abstinens, quinque duntaxat, vel ficuum, vel mollium fabarum, vel alterius generis leguminum vncias, vnicumque aquæ calicem, sibi in quâlibet die, ad cibi, & potus mensuram præscribit. Atque hæc viuendi formâ tam diu vititur, quoad fabis, aut fructibus interdum deficientibus, ad totidem panis vncias, quotidianum cibum contrahat: ætate verò iam ingrauescente, quæ in alijs ieiunia, aut moderare, aut penitus abolere solet; cum iam septuagesimum annum ageret, nouum quoddam, ac portentosum Ieiunij genus colere incipit: Nam per plures hebdomadæ dies, ab omni cibo, potuque abstinens; vix ter in hebdomadâ panem, & aquam sibi ad vitæ alimoniam adhibet. Corpus verò ita nuditate affligit, ut cum glacialibus hyemis frigoribus, quæ in Umbriâ ut plurimum esse solent, vniuersa rigerent, is solo habitu obsoleto, ac lacero, absque tunicâ, & pallio, illud obtegit: non ut frigus depellat, sed ut nuditatem Religionis habitu honestet. Cum oculis autem tale fœdus init, ut somni tantum duntaxat capiant, quantum vix naturæ sufficere posse quis existimet: tres enim & non amplius horæ quieti satis sibi esse videntur & cum necessarius somnus vrget, in substratis tabulis quiescit, postque tam breuem somnum exurgens, sacrasque excubias obseruans, reliquum noctis tempus, totum in Oratione, ac diuinarum rerum contemplatione insumit. Denique ut nihil carnis afflictionibus desit, singulis noctibus, in Dominicæ flagellationis memoriam, corpus longâ flagellatione castigat. Nouo porro, hoc tempore, atque à paucis eatenus vsitato castigationis genere vsus, semel in anno tot verberum ictibus totum corpus cædit, quot Dominum in suâ flagellatione sustinuisse Sanctorum reuelationibus traditum acceperat, qui numerum (ut ferunt) 6666. explerent. Hanc verò flagellationem, in quâ 5. integras horas impendere solitus erat, certoque experimento didicerat, tanto temporis spatio hunc verberum numerum expleri, Domini flagellationem appellabat: quam Diabolus diuersis modis impedire conabatur. At inter tot vitæ austeritates semper rubicundus, eam in vultu hilaritatem ostendebat,

quasi inter splendoras epulas, & quotidianas delicias versaretur: quod sanè haud aliundè quàm à concepto diuini Spiritus æstu, quò intus in animo ardebat, ac velut cœlesti pabulo alebatur, proficisci poterat: quapropter, opera sua humilitate tegēs, ea Deo tribuere solitus erat. Nihil huic Seruo Dei, Oratione, ac rerum diuinarum contemplatione optabilius, aut familiarius: hinc Fratrum colloquia fugiens, nemora, & solitaria loca, in quibus Deo liberiùs vacare possit, sollicitè quærit. Ergà sacra Mysteria tam mirè afficitur, tantoquē in eorum contemplatione mentis excessu rapitur, vt totum ferè matutinum tempus, quod illi ex Horis Canonicis supererat, in eā velut Spiritu excedens, conterat, quò ardentius ad Altare accedat. In hoc planè ineffabile diuinæ charitatis opus, dum Perusiæ aliquandò in ipso Conuentus nemore feruentius animum intendit; Fr. Bernardinus à Colle Petratiō, qui inter primos, virtutum Sanctimoniā enituit, cū eo, oraturus accessisset; Antonium, diuino ita Spiritu incensum offendit; vt vultum instar flammei globi præferret, totusquē diuinæ charitatis flammis absorptus, nihil præter hæc verba exclamaret: *Iesu, Iesu, amor meus, gaudium meum*. Humilitatis virtuti ita tenaciter ab exordio adhæret; vt nunquàm adduci potuerit; vt Guardianatus, aut alterius gradus eminentiam acceptaret. Charitate verò adeò ergà Pauperes flagrabat; vt in Conuentu Fulginiij degens, à plerisque diuitibus vberes eleēmosynas, ad alendos Pauperes extorqueret. Alijs quoquē, qui aduersà valetudine detinebantur, incolumitatem pollicebatur, si certam eleēmosynæ quantitatem in Pauperes erogarent: quam illis, post exolutum promissū, à Deo mox precibus impetrabat. Hoc pacto plures ægrotos diuinā virtute, ad corporis, & animæ incolumitatem reuocauit. Porro tam ardentem his charitatis officijs incumbere solitus erat; vt tum ob crebra Miracula, quæ ab eo, Dei Virtute, in hoc genere patrabantur tum etiam ob præclaras illius virtutes, eam sibi apud omnes Sanctimoniæ famam comparasset; vt iam non alio ampliùs, quàm Sancti Patris nomine, vulgò, passim appellaretur: eò fiebat, vt qui ægritudine aliquā laborabant, vndique ad eum curandi confugerent; quos ille Signo Crucis in fronte, vel in pectore impresso, ab infirmitatibus liberos dimittebat. Hoc modo, quandoquidem quamplurimos quoquē à Dæmone obsessos curabat, horum omnium tam ingens, ac copiosus numerus fuit; vt cū nulla à nostris tot signorum, ob multitudinē, ratio tradita fuerit, inopes nos illorum copia fecerit: in his tamen illud, quod de Phyci Fulginiensis (qui Ioannes ab interamniā vocabatur)

batur)

batur) filio narratur, præclarum est: Hic vlcere incurabili laborans, cum Antonio curandus traditus fuisset; is cum primum certam pauperibus eleëmofynam Patri præscripsisset, Signo Crucis confignatum, mox à morbo liberat. At illud præclarius quod de Prospero à Veruchiano, Agri Fulginienfis Oppido, monumentis traditum legitur: qui cum Filium iam per quadriennium membris attractum, in lecto iacentem lugeret, auditâ S. Viri famâ, Filium ipsi deferendum curat, & ab ipso obnixè rogat, vt Crucis Signum Filio suo adhibeat, ex quo, certâ fide illum sanitati reddendum sperabat. Erant tunc cum Antonio plerique alij Fratres, rei exitum expectantes; Antonius verò oculis in Cœlum erectis cum aliquantisper orâisset ab ijs paululum diuulsus, Matrem compellit, vt Puer, quem inter brachia gerebat, humi deposito, longius ab eo abscedat. Pareti illa, Pueroque è sinu deposito, ad Antonium celerius festinat. Puer verò, quasi nullo vnquam morbo laborâisset, super pedes stans, lætus statim ad Matrem currit, atque in ipsius sinum aduolat. Huius Miraculi fama cum ad Franciscum à Vegâ, Fulginiensem Ciuem peruenisset, cui Filius adhuc puer, pluribus mensibus graui morbo cruciatus, nullis pharmacis iuuari potuerat; illum ad Virum Dei defert, ab eoque Crucis Signaculo muniri postulat: quo signatus, statim à morbo incolumis euadit. Eodem quoque modo Vincentius Pacinus, qui posthæc Deo dicatus, ac Sacerdotio inunctus fuit, cum à teneris annis comitiali morbo afflictatus sæpè epilepticiis symphomatibus, corripere-
tur; ad Antonium delatus, Cruce ab eo in capite signatur, protinusque morbo effugato, conualefcit, neque eo amplius diuexatur. Inter hæc, cum Vir Sanctus in agro Perusino ad Montis Cafalis Conuentum proficisceretur, in quandam Virorum, ac Mulierum turbam incidit, quibus cum Antonij Sanctimonia haud ignota esset, Puerum oculorum lumine captum, illi, iuxta Campestre Sacellum curandum offerunt: at is Puerum manu apprehensum, in Sacellum introducit, & cum ante B. V. Imaginem omnes adgeniculari iussisset; ijs, vt quinquies Orationem Dominicam, & Salutationem Angelicam recitent, indicit; interea pro Puer, Dominum orans, absolutâ Oratione, Crucis Signum cœci oculis imprimens, ad eum inquit; Fili, respice in me. Is verò confestim oculos aperiens, in eum lumina intendit: Cui Antonius; Num me clarè vides? Charissime Pater, inquit, te Capucinum senem, nudipedem, fune præcinctum intueor. Da igitur D. O. M. gloriam (inquit Antonius) tum ad Matrem conuersus: En filium tuum, B. V. suffragio incolumem, da operam, vt in B. V.

pieta-

pietate educetur, teque illi in eâ pietate ducem, & exemplum præbe.
 Hoc itidem modo cum per agrum Tiphernensem iter faceret, Puellæ, quæ oculorum lumine carebat, illius oculos sputo suo liniens, visum restituit. Rursus quoque Fulgini, Puellam quandam epilepsiâ laborantem, Signo Crucis à morbo liberat. Quamplurima alia, ac ferè innumera S. hic Vir, Deo operante, Miracula edidit, quæ sancta illa antiquorum Fratrum humilitas, quæ ab omni fastu, ac honoris cupiditate longè aberat, notanda, aut scriptis exaranda neglexit. Hæc verò, quæ publicâ fide, ac famâ, testimonijsque fide dignis commendata sunt; minimè prætereunda censui: nedum plus æquo humilitati, ac silentio datur, minùs diuino honori, qui ex Dei Seruis redundat, consulatur. Cum igitur Antonius, in hac virtutum palæstrâ, usque ad 75. suæ ætatis annum decertasset; coelestis Coronæ tempore appropinquante, in Conuentu Montis Casalis, acuto laterum dolore corripitur: quo, cum maximâ animi patientiâ tolerato, cum se ad extremam omnium rerum metam properare animaduerteteret, omnibus se Sacramentis muniri curat. Paululum verò post, cum oculis in Cœlum defixis substitisset, protinus exclamare coepit: O Fratres verè foelices! ô terque, quaterque foelices Fratres Capucini! qui in sanctitate, & iustitia omnibus diebus suis Domino famulantur, quot illis Coronas paratas cerno. Interea Fratres dum ad pleuritidis dolorem ægroto subleuandum frequentius panniculos lateri applicandos calefacerent, casu, simul omnes ab Antonio discedunt: quo tempore is à Domino vocatus, ex humanis migrat. Fratres verò ad Antonium redeuntes, Sanctum Virum in strato adgeniculatum, apertisque oculis, perinde ac si vitâ frueretur, Cœlum intuentem, è viuis excessisse cernunt: quem omnibus, vti fieri solet, officijs prosequentes, omni cum religione sepeliunt. Porro Fr. Ioannes Appulus, qui illum ægotantem iuuauerat, cum ab Antonio adhuc viuente postulasset, vt eorum quæ sibi post mortem contingerent, certior redderet; Antonius, Ioanni in cellâ apparet, sequè solâ Christi Passione, ac Sanguinis illius virtute salutem consecutū esse, at Purgatorij poenas luere, declarat, ob culpâ tamē sibi ignotâ, quæ si nota fuisset, ab eâ procul dubio abstinuisset. A Ioanne autem interrogatus, num grauius in Purgatorio cruciaretur? Respondet ille, leuem quidem esse poenam, sed ob diuinæ Visionis carentiam, illi grauem videri, breui tamen ab eâ liberum. Dei gratiâ, ac benignitate futurum: his dictis, ex ipsius oculis euauit. Illud verò nonnullis admirandum videri posset: cum enim post Antonij obitum, multa D. O. Maxi-

mus mi-

mus Miracula ad ipsius Reliquias patraret: in quibus illud fuit, quod de Syluestro Biturgensi, ex Ordinis monumentis accepimus: cui cum oculorum lumen paulatim interceptum esset; vt iam nec legere, nec scribere vllō modo valeret; vix conspiciat, quæ olim Antonio deferuierant, sibi oculis admouit, cum protinus tam clara oculorum lumina affecutus est; vt non modò perspicuè legeret, aut scriberet, sed clariorem, quàm antea luminum visum receperit, eumque vsque ad mortem integrum seruauerit. Quo pacto igitur, qui tam arcto diuinæ charitatis vinculo, Deo coniungebatur, eâ luce orbatus esset, & qui in Purgatorijs poenis, culpæ illius labem eluebat, Miraculis apud homines emicaret. Hæc sanè Dei inexplicabilia iudicia sunt, id tantum breuiter in re abstrusissimâ effari liceat, hæc ad Posterorum exemplum, Deo permittente, accidisse; vt qui Regulari obseruantia student, omnem prorsus ab animo negligentiam, ac temeritatem excutiant; meminerintque quibus plus datum est, plus quoque ab ijs repetendum esse, & cum teste Greg. lib. 4. Dialog. cap. 4. Veneratio quæ Sanctorum corporibus debetur, Purgatoriâ poenâ non tollitur, neque Fidelium inuocatio, suo vllatenus sine frustratur; à ratione dissentaneum non est; vt Deus illos post mortem signis ac Miraculis illustret, quibus tametsi post hanc vitam nonnihil maculæ, Purgatorijs poenis expiandum relictum fuerit, insigni tamen quamdiu vixerunt, Sanctimoniâ apud homines clariuere: quemadmodum de alijs quoque Sanctis à Scriptoribus traditum est. Obijt Vir Sanctus. Anno. 1548.

FRATRIS DOMINICI BONONIENSIS, SACERDOTIS
VITA, ET GESTA.

FRATER DOMINICVS Bononiensis, Sacerdos, cum in Obseruantium Ordine quinque annos magnâ cum virtutum laude exegisset; inter ipsa Capucinorum primordia, ad Reformationem accedens, in eâ potius cœlestem, quàm humanam vitam ducit: ab omnibus enim carnis commodis, ac sensuum oblectamentis maximè abhorrens, ita aspera omnia amplectitur; vt nouo vnquàm habitu, quo carnis calorem inter hyemis frigora foueat, sed obsoleto semper vti velit: nudis omni tempore pedibus, absque sandalijs incedens, asperum ad carnem cilicium gerit: somnum ad tres, vel quatuor ad summum noctis horas contrahit, reliquam noctis partem in Oratione infumit: nudis tabulis prostrato

vitur, cunctaque summam in eo austeritatem prædicant. Abstinencia tam admirabili carnem macerat; vt cum semel tantum in die refectiorem sumat, præterquam panem, & aquam vix quandoque aliud ad cibum admittat. Solitaria loca quærit Orationis amica, in quibus diuinarum rerum contemplationi in silentio vacans, coelestem potius cum Deo, quam cum hominibus vitam agere censeatur. Denique, B. Virginis religionem ita animo impressam gerit; vt sacras ipsius Solemnitates asperiori ieiunio, ac prolixiori oratione præuenire solitus sit. Hec tandè cõmunis de illo fama apud omnes percrebuit, vt cum plerique in Thuscæ Prouinciâ, in quâ is conscriptus erat, Fratres, virtute, ac Sanctimoniâ eminent; nullus tamen eo sanctior haberetur. Multis postremò Miraculis clarus, Anno 1551. ad foelicius æuam con-

cedit.





FRATER IVO MESSANENSIS FRATRVM
CAPVCINORVM SACERDOS

FRATRIS IVONIS MESSANENSIS,
SACERDOTIS
VITA, ET GESTA.



PRATER IVO Messanensis, Sacerdos, tantâ seueritate sensus ab omni voluptate cohibet; vt inter ipsos hymnis algores, nullo vnquàm, praterquàm veteri, atque obsoleto habitu, eoquè simplici, absquè tunicâ vtatur, quo corpus potius obtegere, quàm à frigore tueri videatur. Horridum cilicium ex pilis suillis, ad medium abradis, diu noctuquè gestans, sub eo cingulum ferreum in tyrocnestis modum perforatum, acutisque stimulis ad lumbos admotis gerit. Tabula illi pro strato, ac lignum pro puluinari, cum fatigata membra recreare vult, vsquè ad mortem perpetuò sunt: quo tempore non extento corpore, sed sedens duntaxat, breuissimos ducit somnos. Etenim post trium, vel ad summum quatuor horarum quietem surgens, reliquam noctis partem in oratione, ac diuinis laudibus dispensat. Incredibili corpus abstinentiâ, quoad vixit, extenuat: toto enim anni tempore ieiunans, sæpissimè nihil prater panem, & aquam sibi ad victum adhibet: tres verò cuiuslibet hebdomadæ dies, omni cibo vacuos ducere solet. Quanquam verò tam arcta semper ieiunia coleret, arctiora tamen erant, quæ in B. Michaëlis Archangeli honorem, quem is præcipuâ deuotione prosequabatur, quotannis celebrare solitus erat. Huius Archangeli Michaëlis tam familiariter colloquio potitum ferunt; vt cum eo sæpe numerò, quasi amicus cum amico sermones conferret, à quo etiam plurima, quæ futura erant, didicisse compertum fuit. Quo tempore Melita Insula, Turcarum obsidione premebatur (id verò fuit anno 1565.) assiduas, Iuo ad Deum preces, ac lachrymas fundebat, suoquè Archangelo, intercessore apud Deum constituto, eundem sedulâ oratione pulsabat: cum eidem, Michaël Archangelus, fulgentibus vndique armis præcinctus apparens, breui Insulam ab hostium obsidione liberandam pollicetur, his verbis: Iuo, æquo animo esto, Melita post aliquod obsidionis menses, à Barbarorum furore liberabitur: Veritatem autem exitus probauit. Cum verò Iuonis Pater, nonnullis antea annis corpore excessisset, ac de illius is salute sollicitus esset; Archangelum rogat, vt quid de Patris salute actum sit, ex suâ benignitate innotescat. Mox illi Archangelus è Coelo adest, qui

Patris

Patris animam post viginti & vnus diei purgationem, in Coelum receptam affirmat. Mira sunt, quæ Sanctus hic Vir, Archangeli intercessione à Deo munera tulit. Extremis vitæ suæ temporibus, dum in Archangeli sui honorem, Quadragesimale (vti solebat) ieiunium arctissimè obseruaret; præteritorum criminum à Deo, multo lachrymarum imbre, veniam postulans, pro eâ Michaëlem intercessorem interpellat; cui Archangelus lucidissimus apparens, ait: Solue metu animum, Iuo, iam enim plenam à Deo peccatorum indulgentiam consecutus es. Quo nuncio, tantâ in animo voluptate diffundi cœpit; vt nihil deinceps, præterquàm Dei laudes decantaret. Cæterum, quanti apud Deum ponderis Sancti huius Viri merita essent, eò sanè exploratum fuit: quod Nobilis quidam de Religione benè meritus, cum inter viuos agere desisset, Iuo quotidiana pro ipsius anima, Deo Sacrificia, ac lachrymas offerrebat. Dum itaque attentius ante Sanctissimæ Eucharistiæ Altare pro eâ Dominum oraret; en defuncti Anima se illi visibilem præbet hisquæ eum vocibus affatur: Iuo, magnus è Cœlo tibi Dominus retribuat, maximas ego quoque gratias persoluo, quandoquidem precum tuarum suffragio, à Purgatorij poenis liber iam Coelum conscendo. Plurimas alias quoque, Vir Sanctus, viuis gratias suâ Oratione impetrat. Cum igitur plurimos, magnâ cum vitæ Sanctimoniâ, annos in Religione exegisset, ad vitæ finem appropinquans; ab Archangelo Michaële, obitus sui diem postremum accipit, quem cum dignâ, ac singulari animi pietate complexus esset; tandem in Conuentu Messanæ, res mortales deserit, vt ad immortalem possessionem concedat. Post huius Sancti Viri obitum, suauissimus ex illius Sepulchro multo tempore odor emanauit: vigesimo verò post hæc anno, cum illius Sepulchrum apertum esset, ipsius Corpus integrum, atque vndique incorruptum repperit, quanta viuientis Sanctitas fuisset, qualique apud Deum defunctus gloriâ perfrueretur, non obscure declarauit. Obijt Vir Sanctus Anno 1572.

FRATRIS BONAVENTURÆ à MONTE
REGALI, SACERDOTIS
VITA, ET GESTA.



FRATER BONAVENTURA à Monte Regali, à puero, optimis moribus à Matre educatus, tanto in quodlibet vitium odio ferebatur, vt tolerabilior illi Inferni ignis, quàm culpa videretur. Ea porro bona Puero indoles potissimum

ob Matris prudentiam indita fuit quæ quoties Puerū in aliquod vitium incidisse animaduerneret; mox, vt accensum ignis carbonem palmâ gestaret, compellebat. Adolescens, in Minorum Obseruantium Familiam adscriptus, in eâ per aliquod annos magnâ cum virtutum laude vixit. Vincentio Aquilano, qui eo tempore inter Obseruantes florebat, operam dedit. Mira ipsius patientia in eo potissimum enituit, quod exortâ Capucinatorum Reformatione, cū à Ministro, ad Capucinos transmigrandi facultatem postulâisset; à Ministro durius exceptus pluris illatam Ministro molestiam, quàm iniurias sibi illatas faceret. Horrendo cuiusdam Fratris exemplo tandem commotus, ad Capucinos migrat: vbi tot virtutibus floruit; vt Euangelicæ perfectionis viam, quam semel arrepto cœlestis vitæ cursu, sibi ab exordio percurrendam præstituerat, nunquàm vsque ad vitæ occasum deseruerit. Eximiæ paupertatis sectator fuit assiduus, ac ferè quotidianis ieiunijs, carnis petulantiam domabat. Plurima ergà Defunctorum animas charitate afficiebatur, quò fiebat; vt sepè pro ijs Missas celebrare, Officia persolvere, flagellationes exercere, ac lachrymas in Oratione fundere soleret. His, ac pluribus alijs perfectæ iustitiæ operibus, cū Christi Seruus ad extremum vsque senium vacâisset, ac Prophetico Spiritu pleraque futura prædixisset tandem in Conuentu Spoleti, ad supernæ beatitudinis brauium à Domino vocatur. Cū autem in supremo ipso mortis agone, meridianæ Orationis signum campanæ daretur, Fratri Angelo Perusino adstanti ait: Fili, signum Orationis est, fenestram claude, ac paululum secede, vt suum tempus Orationi demus. Cui cū Fr. Angelus respondisset: Haud te deseram Pater, ne te extrema vitæ meta me absente occupet: Vade, inquit ille, Religiosum Virum hinc sine oratione decedere non decet. Itaque cū se Orationi dedisset, paulò post animam exhalat, vt Coelum foeliciter regnaturus conscendat. Huius Sancti Viri Corpus, humi sub dio ante Ecclesiam sepultum, cū post quintum annum quæreretur, vt in Sepulchrum, quod recens in Ecclesiâ extructum fuerat, reconderetur; integrum, ac suauissimè olens reperitur. Quo tempore, illud quoque mirabile accidit, quod dum Frater, qui vt Bonauenturæ Corpus, humi conditum, quæreret, ligone imprudenter ipsius pedem vulnerâisset; copiosus è vulnere sanguis effusus, Spiritum apud Deum viuere, ac cœlesti Coronâ gaudere, non obscure nobis significauit.

Obijt Anno. 1557.

FRA-



FRATER FRANCISCUS A SINAGRIA FRATRUM
CAPVCINORVM SACERDOS.

FRATRIS FRANCISCI à SINAGRIA,
SACERDOTIS
VITA, & GESTA.




FRATER FRANCISCUS à Sinagria, plurimâ virtutum luce emicans, Paupertatis altissimæ zelator feruentissimus, è paupertatis exterioris cultu, ad Spiritus puritatem. & omnium rerum contemptum conscendens, tam in Orationis studio, ac rerum diuinarum contemplatione apud Deum proficit; vt in eâ sæpè mentis excessus patiat, quos cum is summo studio celare contenderet, fieri tamen non poterat, quin interdum Fratribus innotescerent. Accidit enim aliquandò; vt Frater quidam illius operâ indigens, ad ipsius cellam accederet, quem à sensibus alienatum, & vsq̃ue ad cellæ tectum sublatum conspiciens, diu eo aspectu potitur: verum is eo tempore ad seipsum rediens, cum rem alijs perspectam esse intelligeret, grauiter animo afflicti coepit: ea siquidem est humilitatis laus, vt selectiora quædam Dei dona, quæ homini gloriam, ac æstimationem afferre solent, maximè delitescere affectet. Hanc porrò humilitatem, quæ omnium donorum Dei custos est fidelissima, Vir Dei tam sollicitè prosequitur; vt aut cæteris præesse, aut dignitate aliquâ exornari abhorreat, atque adeò huic proposito inhæret; vt ob id nonnihil aliquandò à recto deflexerit. Cum enim semel Panormitani Conuentus administrationem refugeret, nullaque ratione animum cum eâ dignitate componere valeret; è Monasterio, clam absq̃ue Superioris licentiâ aufugit, quod cum ex animi simplicitate potius, quàm ex vitio flueret; contigit, vt in ipsâ Urbis Panormitanæ plateâ, quò fugiens peruenerat, Archangelum Michaëlem, sub hominis cuiusdam specie, armis cudentibus obrectum, obuiam haberet, qui his illum verbis aggressus est: Quid hic Franciscus stas, aut quò pergis? non hic Religiosorum locus est, citò ad Monasterium redi, neque te extrà Conuentum vagari, aut decet, aut Deo placet. Cui Franciscus: Vnde inquit, aut quis es tu, qui mihi hæc persuades? Si me ignoras, ait ille: Michaël Archangelus sum, in cuius honorem, tu modò hanc Quadragesimam ieiunas, atque huc veni, vt te facti redarguam, iam ad tuos reuertere: statimque ex oculis euauit. Quamobrem, Franciscus, ob Angelicam correptionem, animo compunctus, atque errorem corrigens, ad Monasterium redit, gra-

uiterque

uiterque se coram Superiore, de violatâ obedientiâ accusat, in eoquē Psalmographi dictum obtinuit, *Iustus cum ceciderit non collidetur, quia Dominus supponit manum suam*: Error enim qui ex simplicitate magis, quàm ex animi malitiâ proficiscitur, non ad lapsum, sed ad profectum tendit: quod in Iusto hoc Viro, ac fideli Seruo, perspicuum fuit, qui post hæc tantam donorum cœlestium copiam, & excellentiam à Deo, assecutus est; ut cum per duodecim annorum spatium, à Deo, Spiritus S. illapsus, eo modo, quo in die Pentecostes Apostolis datus fuerat, sibi postulasset, à Deo tandem exaudiri meruit: Nam in ipsâ Pentecostes die, cum Horâ tertiâ, in Choro hymnum, *Veni Creator Spiritus*, cum cæteris decantat; en Spiritus S. Maieestas, sub Flammæ cuiusdam prælucentis symbolo, cunctis aspectantibus visibiler delabitur, ac per vnus horulæ spatium, Francisci capiti insidet: quo tempore, illius facies, Solis instar fulgere, ac radios vndique fulgurare cernebatur: post id verò temporis, flammâ abscedente, tanta Francisci animo lux, velut ex lucis fonte relicta, atque illius verbis tam ingens vis indita fuit; ut perindè ac si illius verba, iacula quædam ignita essent, aliorum animos inflammarent, & ad Dei amorem accenderent. Post hoc cœleste donum illi ex singulari Dei benignitate collatum, Vir Dei, duobus non ampliùs annis superstes fuit: quo tempore, ingentia Sanctitatis signâ edidit. Tandem senio consumptus, in Conuentu Panormitano, Anno, 1560. labentem vitam, cum immortalis commutat.

FRATER HIERONYMVS à GEORGIA,
FRATER HIERONYMVS à MONTE SORIO,
SACERDOTES. & FR. IACOBVS RHEGINVS,
LAICVS, SANCTIMONIA ILLVSTRES.

 Rauiissimâ apud Calabros, per totum Rheginum Agrum pestilentiâ grassante, cum ea tam miserè Rheginam Urbem depasceret; ut Ecclesiæ Ministris vel absumptis, vel longius effugatis, non esset, qui ob horrendâ morbi faciem, languentium multitudini, Sacramenta administraret, ac in supremo illo communis cladis periculo opitularetur: Aderant tunc in nostro Rhegij Conuentu tres Viri, virtute, & charitate eximij, quorum nomina sunt Fr. Hieronymus à Georgiâ: alter Hieronymus à Monte Sorio, uterque Sacerdos, & Fr. Iacobus Rheginus, Laicus. Horum primus, cum inter reliqua Spiritus dona, quæ à Deo acceperat, piâ, ac lachrymosâ quâdam Dominicæ Passionis meditatione potissimum

M m

præcelle-

præcelleret, eò fiebat; vt in Sacrorum Myſteriorum celebratione, in profluentes ſemper lachrymas ſeſe effunderet. Secundus: præter reliquas virtutes, quibus animum exornauerat, tam perfectam linguæ custodiam, ac verbi circumſpectionem, poſt primum Religionis amplexum adhibuit; vt nihil vnquàm ſub aſſeueratione affirmaret, nè fortè in aliquo verbo offenderet. Tertius tandem, abſtinentiâ, oratione, ac diuinæ familiaritatis conſortio, eam virtutum perfectionem attigerat; vt quamplurimos, Crucis Signaculo à morbis curaret. Hi igitur, cùm miſerandam Vrbis ſtragem, ac tot pereuntes hominum turmas, omni humano ſolatio deſtitutas cernerent, animas ſuas pro Chriſto, ac fraternâ charitate contemnentes, impetratâ à Guardiano facultate, laborantium ſe obſequijs mancipant. Dum igitur omni charitatis officio, pio operi, ac labori incumbunt, nequæ ullis vitæ periculis parcant, quo ſeſe in aliorum ſalutem effundant; ipſi quoquæ peſtilentiâ ſublatti, voluntario charitatis Martyrio coronantur. Hieronymus verò à Georgiâ, cùm ſub meridiem in hoſpitali laborantium Domo ſpiritum Deo reddidiſſet; eodem temporis momento, Fr. Antonino Rhegino, Viro ſancto, ac Miraculis claro in cellâ apparens, ac totus exultans, illum his verbis compellat: Veni Antonine Frater, veni: Cumquæ Antoninus adhuc illius mortem ignorans, viuum crederet; ad eum propiùs accedere verebatur, ne contagium contraheret: Cui Hieronymus: Ne metuas, inquit, tantummodò mecum perge: cumquæ ſimul Sancta Sanctorum ingreſſi fuiſſent, mox Hieronymus ex oculis ipſius euauit, ſtatimquæ ex Vrbe nuncius adeſt, qui Hieronymum nonâ horâ ex humanis ſublatum referret: ex quo Antonino perſpectum fuit, illud planè temporis momentũ fuiſſe, quo beata Hieronymi Anima, in cœleſte Sanctum Sanctorum conceſſerat. Iac. quoquæ Rheginus, cū in ſequētis diei aurora morti debitum exoluiffet; eâdem horâ, Guardiani cellæ oſtium pulſat, atque eo planè ritu, quo ab eo fieri conſueuerat, cū e Conuentu exiret, benedictionem ab eo poſcit, dicēs: Benedicite Pater. Guard. verò cū nequicquàm adhuc de Iacobi morte didiciſſet, cellâ egreſſus, Iacobũ, vbinâ eſſet, querebat, quũ fortè in Fr. Ant. incidit, qui cū Iac. obitum iã ex Dei reuelatione accepiſſet, ad Guard. ait: Ne Pater, Iac. apud nos quæras, iã nũc corporis vinculis exolutus, ad ſuperos euolauit, ac pro obedientiæ merito, quod illi à te collatum fuerat, cū ad ægrotorum miniſterium acceſſit; poſtulatâ benedictione tibi grates rependit. Horum corpora in Eccleſiâ Sancti Saluatoris, Vrbis Rheginæ, ſepulta iacent. Obierunt verò Anno 1561.

F R A T R I S L V D O V I C I à S T R O N C O -
N I O , S A C E R D O T I S
V I T A , E T G E S T A .



RATER LVDOVICVS à Stronconio, Sacerdos, inter ipsa Reformationis initia, ex Obseruantium Familiâ erumpens, sub Ludouico Forosemproniano, ad Religionis gremium, velut ad cauernam maceriae, quasi columba euolat: tantaque in eâ vitæ innocentia ac puritate præcellit; vt inter primos illos Religionis Patres, ac Satores iure connumerari queat. Hic cum primùm nostræ Militiæ nomina dedit, solidasque in humilitate, sui ipsius neglectu, ac charitate, quæ potissima spiritualis vitæ fundamenta sunt, radices figere optaret; à Ludouico obtinet vt in hospitali Incurabilium Domo, in quâ & alij Capucini Fratres, Romæ tunc operam nauabant, ægrotorum ministerio destineretur. Quo in munere, tantâ sui abiectiōe elucere cœpit; vt vilissima quæque officia præstare, generosâ quâdam mentis nobilitate contenderet, tantoque Charitatis studio ægrotis inferuire visus; vt amantissimæ Parentis erga filios officium æmularetur: non tempus, non intempesta nox, non somnus non labor, non vlcerum foetor, non aliud denique molestum, à maximo illo charitatis æstu illum retraheret. Tàm denique in eâ curâ præclare se gessit; vt Romana Vrbs, optimo ipsius, ac cæterorum Fratrum qui in eo Xenodochio inferuiebant, odore repleta; illam Dômum, quæ ære alieno oppressâ, atq; exhausta videbatur, copiosissimis eleëmofynis instauraret. In eâ porrò ægrotorum curâ, cum iam 12. annos exegisset, quietis aliquandò, ac solitudinis cupidus, in Vmbriæ Prouinciâ secedit: vbi dum Orationi, ac rerum diuinarum contemplationi, post Marthæ negotium, cum Magdalenâ vacat; En iterum ad Marthæ labores, ac sollicitudinem vocatur. Nam qui Hospitali, S. Iacobi, incurabilium Domui præerant, cum Ludouici absentia, Domus illius res plurimum minui, ac dilabi conspicerent; cum summo studio reuocandum curant. Id cum Viro Dei, Generalis Vicarij literis innotuisset: Eamus, inquit, quid moramur? Pauperes Dei sumus, & cum Dei Pauperibus nobis hinc abeundum. Romam igitur rediens, à Domus illius Præfectis, velut Angelus Dei excipitur: sed cum senio iam prægrauatus esset. vix ad biennium vsque peruenit, cum maximo Domus illius, ac totius Urbis luctu, ob singularem, quæ de illo apud omnes percrebuerat sanctitatis opinionem, corporis exuuiis deposito, meritis diues, foelix ad

eum pergit, qui laborantibus mercedem largitur. Anno 1562.

FRATRIS IOANNIS BAPTISTÆ LARITIONENSIS, SACERDOTIS
VITA, & GESTA.

RATER IOANNES BAPTISTA Laritionensis, Sacerdos, qui surdus cognominabatur, Vir utique omni memoriâ dignus, ac tot virtutibus illustris; ut suauissimo odore, totam Capucinatorum Religionem resperferit. Is, spiritualem Domum ædificaturus, velut sapiens Architectus, in solidâ humilitatis, obedientiæ, paupertatis, atque omnis generis sensuum mortificationis petrâ, illius fundamenta posuit. Tẫm humili sui abiectiōe, ac contemptu agebatur, ut in solâ sui ipsius dispicientiâ gaudere videretur. Vilissima enim officia, & ægrotorum obsē quia quæ alios, vel ob nauseam, vel ob rerum fœditatem, vel ob sordidam operis conditionem, ab ijs præstandis interdum reuocant, tẫm auidē amplectabatur; ut in his summum studium, summamque voluptatem collocaret. Hinc, cunctis ad nutum inferuire, vniuersosque suâ operâ adiuuare, quotidianum illius opus erat. Sermone affabilis. atque eloquio suavis, tametsi verbis parcus, ita animos omnium ad se alliciebat; ut cunctis charus, & amabilis esset. Potissimum tamen illius studium in orationem, ac rerum diuinarum contemplationem ferebatur: in eâ diu, noctuque versabatur in ipsâ, totus præ amoris incendio ardebat, ac sæpē in lachrymas, ac gemitus liquiferebat. Hinc, diuinæ sapientiæ abdita: tẫm futura, quàm ea quæ intimis hominum cordibus latent, sæpē diuino munere agnoscebat. Dum in Cōuētū Cataci, Vir Dei aliquandō moras duceret; Baro quidam, in lecto ægrotabat, qui huius Viri Sanctimoniæ famâ commotus, per internuntium, se illius precibus commendabat: Cui Baptista: Dic Baroni (inquit) frustra illum à Domino corporis incolumitatem poscere, quàm diu serpentem in animi sinu fouet: Iuuenculam concubinam, quam domi alit, è sinu eiiciat, ac honesto Viro collocet, tum pro morbi curatione exoret, ac procul dubio assequetur. Res omnibus, præterquàm Baroni, ac sceleris complici occulta erat. Quamobrem, cum Baro ea, non nisi ex reuelatione, Viro Dei innotuisse intelligeret, confestim illius dicto paret, Mulierem coniugi copulat, ac protinùs à morbo conualescit. Ibidem, Nobilis quidam Vir, Urbis Stilenfis, ex domesticorum literis, Filium grauiter ægrotare accipit, quo nuncio maximè

afflicta-

afflictatus, ad Dei Virum se confert, & vt pro Nati salute, Deo preces offerat, vehementius rogat: Cui Baptista: Nete(ait) Filij salus sollicitet, breui conualefcet. D. O. M. potiùs gratias age, qui eâ te prole donauit, quæ & Patris gloria, & tui Generis splendor fit futura. Rem exitus probauit: egrotus enim cùm pristinæ sanitati redditus effet; maximas deinde in eâ Vrbe dignitates, suâ virtute consecutus est. Per idem tempus, illius Prouinciæ Prorex Catacium venerat, vbi cùm certo nuncio, absentem Vxorem in grauem morbum incidisse didicisset; auditâ Baptistæ famâ, mox Franciscum Ferrarium, nobilem Virum, & Ordinis deuotissimum, ad Baptistam mittit, qui agrotantem Vxorem impensius illius precibus commendet: non cunctatur Franciscus, ad Conuentum pergit, Baptistam accersit vt Proregis mandatum exponat: At Vir Sanctus, simulatque Franciscum nedum verba proferentem videt: Quid, inquit, Francisce pro Muliere huc rogaturus accedis? Decessit Proregina, iam vita defuncta: pro animâ, non pro corporis incolumitate orandum. Tertio verò die, nuncius de Proreginæ morte venit. Tantâ autem Vir Dei ad futura prospicienda Dei luce perfundebatur; vt Prophetiæ Spiritus illi ad omnia præstò esse videretur. Quo sanè factum est, vt cùm in eodem Conuentu, quâdam die nonnullas Triremes, Mare fulcantes cerneret, veluti Spiritu exultans, multis adstantibus dixerit: Beati oculi, qui post aliquot annos æquora ista, Christianâ Classe strata, conspicient, vnde amplior Christiani nominis gloria, & Catholicæ Ecclesiæ splendor accedet. His verbis. Naualem victoriam innuere volens, quam Christianorum Classis, sub Pio V. Pontifice, & Ioanne Austriaco Ductore anno 1571. de Turcâ reuexit: quam tunc Deo reuelante futuram præsignificauit. Erat quoque in eadem Cataci Vrbe, Nobilis quædam Mulier, quæ cùm Virum Dei, præcipuâ deuotione prosequeretur; clàm illi funis, quo præcingebatur, frustulum præscindit, vt illud inter Sacra reponat: id verò cùm Vir Dei agrè tulisset, Mulieremq; facti increpâisset, ad eû illa: En Pater(inquit) nouum tibi, ac integrum funem attuli, quo præcingaris: cui Baptista: Neque funis hic nouus quem tulisti, mihi necessarius erit, neque tu frustulo, quod præscidisti, diuturno tempore frueris. Quod planè vti prædixerat, contigit: nam post paucos dies, Christi Seruus, corporeis nexibus absolutus, ad Superos euolauit. Mulier quoque haud longè post illum, rebus humanis valedixit. Postremò, cùm obitum suum multò antea præsignificâisset; absoluto 70. annorum exilio, rebus omnibus liber, ad foeliciorem cœlestis domicilij sedem conce-

dit. Porro ob illius sanctimonie famam, tanta post ipsius obitum, Populorum multitudo ad eum venerandum confluit; ut cum ipsius Corpus, sepulture dari non posset; publicâ Episcopi auctoritate opus fuerit, quâ illud in sepulchro condi mandaretur. Quædam post ipsius obitum Miracula à Deo patrata narrantur: inter quæ, illud haud obscure refertur, quod de Nobili quodam Viro Cataciensi, certo testimonio proditum fuit: qui cum perspicillorum Viri Dei tegmen, à Fratribus dono acceptum, ægrotanti cuidam admovisset; is protinus incolumitati restitutus, quàm efficax apud Deum illius suffragium fuerit, diuino beneficio auctus, cunctis testatum reddidit. Obijt Vir Dei Anno 1564.

FRATRIS PAVLINI PISTORIENSIS,
SACERDOTIS
VITA, ET GESTA.

RATER PAVLINVS Pistoriensis, Sacerdos, ex Camaldulensi, Capucinus, Vir omni virtutum genere ornatus, inter humiles humillimus, tamque sui contemptu gaudens; ut contumelias pro summis honoribus habeat, neque alio, præterquam sui despicientiâ delectari videatur. A carnibus, à vino perpetuò abstinens, panis, ac fructuum vnicâ in die refectioe contentus est. In eo planè admirabilis, quod naturam ad tam breuem somnum contrahat; ut vnica illi tantum noctis hora, ad quietem sufficiat, reliquas verò in Oratione Domini, ac rerum diuinarum contemplatione consumat. Ciuem quendam Aretinum, Nestorem Albergotum nomine, Chironio vlcere, propè genitalia laborantem, indictâ illi certâ eleëmofynæ mensurâ pauperibus erogandâ, suis precibus à morbo liberat. Supremum denique finem, in Monasterio S. Seueri in Thusciâ, Sanctimonie famâ celebris, imponit. Anno 1568.

FRATRIS PACIFICI à FOROSEM-
PRONIO, SACERDOTIS
VITA, ET GESTA.

RATER PACIFICVS à Forosempronio, ante Religionis ingressum, in sacrâ Lauretanâ æde, Magistri ceremoniarum Officio functus, atq; alijs honoribus, ac muneribus apud plerosque Episcopos auctus, omnia cum sui ipsius despectione, atque altissimâ Ordinis paupertate commutat. Plurimis dum

mis dum inter Sæculi delitias degeret, corporis incommodis affectus, benevalentem, inter Religionis incommoda, corporis statum assequitur. Vir paupertatis amantissimus, Orationis cum primùm amicus, diu, noctuque multis horis vacat, atque adeò in Pauperes pius, ac liberalis existit; vt cum alia eleëmofyna non suppetit, victus portionem, quæ illi in mensâ obtingit, cum Pauperibus diuidat. Tantâ verò inimicorum dilectione excellit; vt cum Frater ipsius Germanus, à nefarijs quibusdam Viris interemptus esset; illis non modò charissimi Fratris necem vltro condonet, verùm & pro eorum vitâ apud Guidobaldum Vrbdatum Ducem intercedat. Postremò, tam graui Dæmonum tentatione per integrum mensem, Dæmone illi apparente, vexatus fuit; vt præ ingenti Spiritus mœrore, vix illi pellis ossibus adhæreret. Eâ porro post mensem sublatâ, cum in Conuentum Montis Veteris secessisset; tanquam argentum igne examinatum, purus in Cœlum conscendit, multâ apud homines, Sanctimonix famâ comparatâ. Anno 1568.

FRATRIS ANTONII à SPINATIOLA,
SACERDOTIS
VITA, & GESTA.

FRATER ANTONIVS à Spinatiolâ, Vir humilitate & charitate potissimùm præstans, Orationi, ac rerum diuinarum contemplationi, maximè addictus, atque adeò à rerum terrenarum, ac propinquorum amore semotus; vt cum ab eo Germanus eius Frater, qui paupertate pressus, tres nobiles Filias matrimonio collocare non poterat, opem ad eas collocandas postulasset; eidem Antonius: Quid Germane, à paupere, subsidium postulas? Num mihi auri, & argenti pondera sunt, qui summam omnium rerum inopiam profiteor? Iam desine à me temporale auxilium expectare, *Christi vox est, dimitte mortuos sepelire mortuos suos*: Veruntamen, quod meum est, ex animo tribuam. Mox se in Oratione prosternens, Dominum rogat, non vt Puellas honestis Viris matrimonio collocet; sed vt illas sibi iuxta voluntatis suæ placitum coniungat. Cumque Antonius in hac oratione perstaret, Deus ita Serui sui orationem exaudit, ac Puellarum vtilitati prouidet; vt omnes hinc lethali morbo ereptas, ad se quamprimùm euocauerit, ac foeliciori coniugio sibi in Cœlo copulauerit. Meritis tandem, ac Virtutibus onustus, ex hac luce ad puriorem migrat. Anno 1568.

FR A -

FRATRIS ANGELI à TIPHERNO METAURENSI, SACERDOTIS

VITA, & GESTA

RATER ANGELVS à Tipherno Metaurenfi, Sacerdos, inter primos nascentis Reformationis Fratres, Vndecimus censetur, qui cum in Minorum Obseruantium Ordine, ad perfectum Regulæ cultum anhelaret; cum alijs ad Capucinos migravit, atque eorum temporum calamitatem, immobili constantiâ pertulit. Tot Vir hic, in aureo illo Saculo, quod vndique sanctimonix luce coruscabat, virtutibus enituit; vt planè difficillimum esset eas recensere: Humilitas namque quæ omnium virtutum in eo sibi fundamentum vendicauerat, hominem vsque ad eam ima deprimebat; vt vilissima quæque Conuentus officia obiret, omniaque omnibus fieri, summum illius studium esset. Obedientia quoque humilitatis comes eum tam perfectè suis Superiorib. vtrò subiectum præstabat; vt eorum verbum, nedum præceptum, haud exspectaret, sed animo voluntatem Superioris anteuertens (quod in Obedientiâ præstantissimum est) id assecutus esse videretur; nimirum, quod dicto citius pareret. Sensus omnes eam temperantiæ lege cohibere didicerat; vt nullam non tam ijs voluptatem indulgere, quam omnes ab ijs voluptates, quæ cum virtute coniunctæ non essent, perfectæ abnegationis sarculo refecaret. Nam quod ad corporis curam attinet: in victu tam parcus fuit; vt non modò omni sapissimè, præterquam panis, & aquæ cibo; verum & à saturitate abstineret. Somno verò sic utebatur, vt non voluptati, sed Orationi, ac necessarijs tantum obedientiæ ministerijs inseruiret. Ita quoque aduersus rigidos hyemis algores seipsum muniebat; vt si minùs, quam vnicam tunicam vti potuisset, id sibi ad carnem domandam protinus elegisset. Linguam verò non solum à malis, sed etiam bonis, ne ex his in mala deflueret, coercerebat: quò fiebat, vt ad solitudines fugiens, raro cum Fratribus colloqueretur. Oculos quoque ne ad vana conspicienda declinarent, eam custodiæ lege constringebat; vt nullius vniquam, præsertim Mulieris, vultum intueretur. Denique tanta in eo temperantiæ virtus elucebat; vt qui Virum abstinentem, sobrium, moderatum, pudicum, tacitum, verecundum, ac summam animi pace, ac tranquillitate fruentem, demum Angelicum sibi propositum vellet; Angelum intueri sat esset. Porro inter has animi virtutes, quædam fulgebat in eo mentis simplicitas, quâ nihil vnquam in villo mali

aut vi-

aut vitij fuspitari posse videbatur; ita enim cuncta candido, ac simplici oculo intuebatur; vt in ipsis quoque malis bonum spectaret: atque hinc eam cordis puritatem assecutus erat; vt cum ad poenitentiae Sacramentum accederet, nihil in eo Sac. plerumque culpe animaduerteteret, quod Sacramentali absolutione expiandum esset. Quamobrem, haud mirandum est, quod cum maximis hisce virtutibus, ac potissimum tam singulari huic mentis munditiei, altissima quoque rerum coelestium contemplatio coniuncta esset: Deus enim qui puro corde delectatur, hominem tam praestanti virtute ornatum, ad tam diuinas altissimae Contemplationis delicias euexerat; vt quoties exuberantem illam Filij Dei charitatem, quae se in Augustissimo Eucharistiae Sacramento, in supremi amoris testimonium concluderat, attentius in Oratione perpenderet; toties ferè, aestuantissimo charitatis incendio agitato, atque in aëra sublatus, ab extremis Ecclesiae foribus, ad Sacrosanctum Eucharistiae Altare, fulguris instar raperetur. Neque id semel, aut iterum, sed frequenter ad illi accidisse, Fratres, qui eius rei spectatores fuere, certâ fide testantur. Postremo, cum plurimos, usque ad grauiorem senectam annos, in omni candore, ac sanctitate, fidelissimè Domino famulatus esset; paratam sibi, tandem in morte vitae coronam accepit. Anno 1569.

FRATRIS FRANCISCI à CANOBIO,
SACERDOTIS
VITA, ET GESTA.

FRATER FRANCISCUS à Canobio, ex Fratrum Obseruantium Familiâ, in quâ per duo de viginti annorum spatia honestè conuersatus fuerat, Regularis obseruantiae studio incensus, ad Capucinorum Religionem migrat. Multam in eâ virtutum laudem consequitur. Hic est, qui Epistolâ ad Iosephum à Ferno conscriptâ, id diuinâ virtute assecutus fuit; vt quatuor cum eo, Illustres Viros Religioni pepererit. Honestatis propugnator acerrimus, tam seuerus sensuum custos existit; vt per 30. annorum curricula, quae in Religione exegit, nullius vnquam Mulieris faciem conspexerit. Abstinentiam usque ad extremum senium ita rigidam coluit; vt cum validioribus annis, crebris, praeter communia ieiunijs, carnem extenuaret; octogenarius, praeter communis mensae dapes alias omnes respueret. Cæterum, vix animo excogitari potest, quàm incredibili, Horas Canonicas, ac Sacrosancta Altaris Mystéria, mentis pietate, ac religione prosequeretur. Hinc alios quoque

N n

tum suo

fuο exemplo, tum cœlestis cuiusdam visionis narratione, ad perfectam rerum tam diuinarum Religionem prouocabat. Visum autem his verbis referre solebat: Duo, in Mediolanensi Diœcesi, Sæculares Sacerdotes erant, arcto inter se necessitudinis vinculo coniuncti, quorum cùm alter vitâ defunctus esset, viuenti apparuit, eiquē inter alia salutis monita illud commendabat, vt diuinum Officiū, & Sacra Altaris Myſteria, summā cum veneratione peragēda curaret, hæc verba subdens: Scito Frater inter eos, qui Deo in Ecclesiā hoc tempore famulantur, Capucinos esse, qui Deo gratissima laudis, & Eucharistiæ Sacrificia offerunt: Quapropter ab ijs disce, quo pacto Diuina tibi persoluenda sint. His dictis euauit. Hic igitur cùm 30. annos magnā cum Sanctimoniæ laude in Religione expleuisset, ante annum, tempore sui obitus prænunciato, in Mediolanensi Conuentu S. Victoris, vitam cum morte commutat, apud Deum perpetuò victurus. Anno 1570. Cuius rei, Illustre illud Deus, post mortem testimonium reddidit, quod cùm necdum extructo sepulchro, illius corpus sub dio, per aliquot temporis curriculum, humatum fuisset, candidissimum, ac pulcherrimum ex eo Lilium ortum fuit, cuius radicem cùm Fratres diligentius explorassent, eam, ex ipsius ore pullulare cernunt.

FRATRIS GABRIELIS à IAVENO, SACERDOTIS
VITA, & GESTA.

FRATER GABRIEL à Iaueno, Vir Sanctimoniā illustris, in Minorum Conuentualium Familiam adscriptus, quo tempore Fr. Thomas Illyricus, nouam eo in Ordine Reformationem excitat, ad eam studiosè se confert: at Thomā ex humanis sublato, cùm ea Reformatio delapsa esset, ad Familiam rediens, præclare se in pietatis operibus, ac præsertim Defunctorum misericordiā exercet: pro quibus, cùm quotidiana Deo Sacrificia offert, à Defuncti Animā quæ illi apparet, vicissim adiuuari, suæ salutis admoneri, & ad tutioris vitæ statum pertrahi, meruit. Cùm ergo id in animum induxisset, monitis parere festinat, secumque inuito consilio, ad Capucinos accedit. Plurimo hîc virtutū splendore emicat, tantæ Regularis obseruantia luce, tantā humilitate, tantā abstinentiā, tantā vitæ austeritate, tanto Orationis studio, tantā denique vitæ perfectione, enitet; vt cœlestē quoddam vitæ genus inter homines referat. In rerum cœlestium contemplatione, cum sæpè è sensibus ex-

bus ex-

bus excederet, diuina illi Arcana panduntur. Hinc cū aliquandō in Oratione defixus, cōlestibus intenderet, in extasim raptus, ab Angelo vsq̃ue ad cōlestis illius Ciuitatis portam ducitur, vndē foelicia illa Paradisi gaudia aspectare poterat: quorum cū summā ille voluptate afficeretur, obnixē ab Angelo petit, vt sibi in eam Ciuitatem ingredi liceat: At Angelus: Paulisper sustine, inquit, necdum peregrinationis tuæ tempus absolutum est, aliquamdiu etiamnum tibi elaborandum, antequām ad nos venias: opus perface, consummato enim labore, & Cōelum ingredi, & communi nobiscum gloriā potiri, tibi dabitur. Cumq̃ue plurimos post hæc annos magnā cum virtutum laude traduxisset, in Montis Calerij Conuentu, vitæ lineam, pari Sanctitate concludens, Angelicum tandem promissum assequitur. Anno. 1570.





FRATER BONAVENTURA CREMONENSIS S.F.
CAPVCINORVM SACERDOS

FRATRIS BONAVENTURÆ CRE-
MONENSIS, SACERDOTIS
VITA, & GESTA.



FRATER BONAVENTURA Cremonensis, Sacerdos, Amadeorum Familiam, cum Capucinorum Congregatione, inter ipsa initia commutans; in eâ Angelorum potius, quàm hominum vitam ducit: etenim ab omni hominum, ac præsertim mulierum consortio, ac familiaritate semotus, tàm rerum diuinarum studio delectatur; vt cum Apostolo, perpetuam sibi in Cœlo conuersationem delegisse videatur. Hinc ægrè, ad ipsa naturæ necessaria, & sine quibus hominum vita stare non potest, ac velut vi quâdam trahitur: quare haud mirum si quotidiana ieiunia, tàm arctâ sibi abstinentiæ lege proponat; vt ea sæpissimè panis, & aquæ refectione concludat, carnem asperrimo cilicio domet, ac somni parcus, longas in Oratione vigilias ducat. Religionis procellam in initio excitatam, tàm constanti animo perfert; vt multos suâ virtute, & exemplo, vacillantes à lapsu vendicet, & in Religionis amplexu contineat. Cùm in Conuentu Fauentiæ, Bononiensis Prouinciæ, inter orationes, ieiunia, atque alias corporis macerationes, ob Religionis periculum studiosius versatur; rumore vbiq; ab emulis diffuso, quod Capucinorum Religio breui à Pôt. extinguenda esset; iuges in Oratione lachrymas fundebat. Dum igitur post meridianum tempus, in cellâ Deum feruentius orat, sæpeque ad quandam. B. V. Imaginem, quæ illi in prospectu erat, oculos intendens, magno lachrymarum imbre perfusus, Religionis illi periculum commendaret; manum sibi inuisibiliter apprehendi, ac concuti sentit, quasi qui à graui somno excitaretur: atque eodem temporis momento, Mulierẽ splendidam, ac Sole lucidiorem sibi adstantem videt, quæ his eum verbis alloquitur: Quid ploras Bonauentura? Quid gemis? Quid est, quod animum tuum tantoperè excruciat? Expauit primo aspectu Bonauentura, at blandis illis verbis confirmatus, cùm iam B. Virginem, Dei Matrem esse, diuino intus lumine illustratus agnouisset; mox ad illius pedes prouolutus: Heû Virgo Beatissima, inquit, miserorum omnium spes, ac perfugium singulare, en desolatæ Religionis meæ vices plurimum doleo, quæ tantis, vt vides, est angustijs demersa, tamque ingenti in discrimine versatur, vt nihil magis nobis extimescendum sit,

N n 3

quàm vt

quàm vt infoelix, inter ipsa ortus incunabula, ad funera rapiatur, nisi tu nostri miserta, pro nobis stes, pusillaque hæc Familia, quæ te obstetricante parta est, te quoque protegente seruetur, & ad perfectum excreseat. Cui B. Virgo: Ne timeas, inquit Fili, haud cadet Capucinorum Religio, incolumis stabit. Hoc enim exploratum habe, Congregationem istam ita à Filio meo diligi, vt ab eo nullo vnquam tempore deferenda sit. His, alijsque dictis, cum se ab illius conspectu Virgo subtraxisset, Sanctum Virum consolatum, ac recreatum reliquit. Plures quoque alias à Deo visiones, ac reuelationes accepit, quibus ipsius Sanctitas apud Deum, non obscure declarata fuit. Sepè in eodem Conuentu, dum in nemore orat, ab Angelo, in quandam Montis, qui Vrbi coniunctus erat, Ecclesiam ductus; ibi, Petri Ap. ac B. P. Francisci colloquio potitur, à quibus pleraque euentura discit: quæ cum alto silentio tegetet, vix ea Guardiano aperiebat. Illud tamen inter alia Guardiano narrauit: quod ab Apostolorum Principe, Sanctum Altaris Mysterium, in eâ Montis Ecclesiâ, eo spectante, ad finem vsque celebratum fuisset. E Bononiensi Prouinciâ, Neapolim, à Mario Generali missus, supremo morbo sublatus, tandem in Conuentu S. Euphebij carnis onere deposito, ad meliora conscendit. Anno. 1572.

FRATRIS LEONIS GENVENSIS, SACERDOTIS
VITA, ET GESTA.



RATER LEO Genuensis, ad diuinæ Seruitutis libertatem, à Deo vocatus, cum per aliquot annos in Monte Gargano, magnâ cum austeritate, & confluentium edificatione, vitam Eremiticâ duxisset; liberioris illius vitæ pericula ferrius animo perpêdēs, Deo intus afflâte, de Religionis alicuius ingressu secum cogitare cœpit; Veruntamen, cum Dæmonis fallentis insidias metueret, assiduus se ieiunijs, ac Orationibus exercens; à Deo consilium, ac certum diuinæ voluntatis testimonium postulabat. Id cum diu, ac multis precibus postulasset; tandem Virgo Deipara, cuius ille in eâ deliberatione sibi opem, ac suffragium implorauerat, oranti apparens; Religionis velut perfectioris, ac tutioris status illi amplexum persuadet. Veretur adhuc timidus Leo, occultasque Diaboli fraudes, ac illusiones pertimescens, cuius sæpè artem esse agnouerat, vt sub incertâ amplioris boni umbrâ certi possessionem aufe-

rat, pre-

rat, precēs, ac lachrymas multiplicat, diuinamque sibi lucem exposcit, cui falsum subesse nequeat, quaque in rectam diuini beneplaciti viam ducatur. Rursus igitur, Virgo Beatissima, illius se conspectui exhibens, hominem confirmat, primumque illud à Deo consilium fuisse comprobat. Nihil posthac cunctatur Leo, sed Virginis sermone confirmatus, Capucinorum institutum, ex diuinâ inspiratione, sibi amplectendum deligit, atque in Conuentu S. Ioannis Montis Rotundi, Seraphicæ Minorum Militiæ insignijs munitur. Post Religionis ingressum, quot coeperit virtutibus florere, quamque admirabile vitæ genus inter homines instituerit, haud sanè facile est referre. Prioris enim vitæ libertatem, tanto obedientiæ studio religabat; vt, cum eâ iucundiùs nihil reperiri posse diceret, ipsa quoque quæ aut difficilia, aut impossibilia videntur, cum voluptate fieri affirmaret. Nemo eo humilior, nemo honestior, temperantior nullus: Etenim illius mens tam ab omni cupiditate aliena, tam moderata, tam ad omnem virtutem composita erat; vt nullâ re prorsus, præterquam boni cupiditate, afficeretur. Nemo illius abstinētiā facile verbis perstringat, quā non modò sibi omnia, vt plurimum, obsoniorum genera subtrahebat, solâ sibi panis, & aquæ refectiōe relicta; verum & ipsum vitæ hominis fundamentum, biduanâ, ac triduanâ cibi omnis inediâ, ac subtractione auellebat. Nemo carnis martyria referat, quib. eam, vt in Spiritus seruitutē redigeret, cilicij, diris flagellationibus, præter communes somni parcitates, vigilijs, nuditate, frigoris perpeffione, atque alijs corporis incommodis spontè assumptis, afflictabat. Nemo altissimæ paupertatis studium, nemo Regularis obseruantiaē zelum; nemo animum ad cœlestia contemplanda raptum, totumque è Cœlo pendentem, nemo noctes in Oratione insomnes, nemo lachrymas, nemo incensa mentis suspiria, narrare queat, quæ cœlestem hunc planè hominem indicabant. Tringinta igitur cum hic annos tot virtutibus exornâset, Religionemque hanc vitæ Sanctimoniam illustrâset, in Conuentu Manfredoniae, supremam vitæ periodum sanctissimè claudit, Vrbe totâ ad ipsius funera, ob ipsius Sanctimoniae famam, confluente. Anno 1571.



FRATRIS OTHONIS à SANCTO GER-
MANO, SACERDOTIS
VITA, ET GESTA.

RATER OTHO à Sancto Germano, cum ab ipso Religio-
nis exordio, ad Capucinorum Ordinem accessisset; tam
præclaris virtutum exemplis effulset; ut nouum Religioni
sydus exortum videretur: atrâ verò illâ tempestate conuul-
sus, à Religione dilabatur. At benignissimi Patris luminum mente il-
lius cœlesti fulgore illustratâ, iterum ad Religionis sinum, vnde ex-
ciderat, reuocatur. Ibi verò, prioris lapsus labem, tanto virtutum
splendore, ac posterioris vitæ Sanctitate deterfit; ut casus illi non ad
ruinam, sed ad ampliorem bonorum cumulum obtigisse videatur.
Tâm enim ex eo tempore præteritorum scelerum poenitentia tangi,
& antea vitæ moerore affici incipit; ut diu, noctuque inter perpe-
tuos lachrymarum imbres versetur. Quapropter, carni bellum irre-
conciliabile indicit, abstinentia extenuat, quotidianis panis, & aquæ
ieiunijs, per integra quadragenorum dierum spatia protractis, casti-
gat; quæ sæpè ut poenam augeat, pane subtracto, ad sola legumina
madefacta, citrà saturitatem contrahit, duris flagellis conterit, no-
cturnis vigilijs exsiccat, laboribus conficit. Denique cum rectam
corporis seruitutem, certam animi libertatem esse agnosceret; tam
seuerâ sensus omnes lege, ac disciplina coercet; ut plenam carnis vi-
ctoriam assecutus esse videretur. Præclarum hunc Othonis de carne
triumphum, cum Dæmon molestissimè ferret; eum varijs modis ex-
agitat; quem Otho, Crucis Signo obiecto, dispergit. Nocte quâdam
in Conuentu Herbæ, dum in Ecclesiâ attentius orat, Dæmon ut i-
psam ab oratione exturbet, Fratris cuiusdam defuncti cadauer,
quod honesto, usque ad sepulturæ tempus, loco collocatum fuerat,
assumit, eoque contactus Ecclesiam ingreditur: Otho verò in No-
mine Domini, Diabolo imperat, ut defuncti corpus nullâ morâ in-
terpositâ deferat, qui confestim præcepto obtemperans, corpus exa-
mine relinquit. Is verò, eo in humeros sublato, atque in proprium lo-
cum restituto, ad orationem redit. Postremò, cum Anselmo à Pe-
trâ Molariâ, ad bellum nauale profectus, cum in eâ expeditione exi-
mia charitatis, patientiæ, pietatis, ac religionis, cunctis exempla
reliquisset, morbo correptus, finem sancto fine claudit. Post mortem,
Mediolani cuidam Fratri apparet, à quo, cum de proprio alterius vi-
tæ statu interrogaretur, respondit: Se ex Dei clementia salutem esse

confe-

consecutum, ac districtissimam, rerum præsertim quæ ad paupertatem attinent, rationem ab eo exactam fuisse, Obijt Vir Dei Anno 1571.

FRATER RVFFINVS LIBVTANENSIS, & FR. ANTONIVS à LACV NIGRO, SACERDOTES, SANCTIMONIA, ac
MIRACVLIS ILLVSTRES

FRATER RVFFINVS Libutanensis, & Fr. Antonius à Lacu nigro, pij, ac melioris nominis Sacerdotes, cum ijs Siciniani Monasterij cura demandata esset, aliquandò accidit; vt prandij horâ interpellante, vinum tam Fratribus, quàm Operarijs deesset: quod cum Ruffino, Antonioque renunciatum fuisset, vinum Operarijs è Coelo exorant. In eodem Conuentu, cum vinum, præter spem, acidum in vappam degenerasset; Ruffinus, & Antonius ad orationem accedunt, mox iubent vinum hauriri, quod optimum, ac suauissimum ab omnibus degustatur: atque vt diuina benignitas illustriori Miraculo probaretur, quod vix ad semestre Operarijs sufficere solebat, biennio toti Familiæ fuit satis. Anno. 1572.

FRATRIS PAVLI à FRANCAVILLA, SACERDOTIS
VITA, & GESTA.

FRATER PAVLVVS à Francuillâ, Sacerdos diutinâ paralyfi laborans, tam cœlestem, in morbi illius molesto languore, vitæ rationem instituit, vt infirmitas ad virtutem, non ad languorem illi data videretur. Abstinentiam, infirmus tam admirabilem coluit; vt vniuersa S. Francisci Ieiunia (in quibus ferè annus infumitur) quæ inuiolabili lege obseruabat, sæpissimè in pane & aquâ celebraret. Paupertas, tam studiosum illum vilium rerum sectatorem effecerat; vt, cum membra paralyfi dissoluta foueri oporteret; is non alio præterquam rudi panno, ac vetere semper obtegeret. Chorum, quem pedibus adire non poterat, ligneis fulcris subalaribus subnixus, diu, noctuque frequens petebat: id cum Sathanas molestissimè ferret, ad maiorem illius patientiæ probationem, & laboris coronam, sæpè illum è gradibus deijcit, vt à Choro absterreat: at Paulus, diuinâ virtute confirmatus, plurima de inuido hoste Trophæa refert. Orationi præterea tantoperè animum assuefecerat;

O o

vt vel

vt vel in Ecclesiâ, vel in cellâ perpetuò oraret. In oratione verò tot lachrymarum imbres effundere solitus erat; vt exindè quasi alueos in genis gestaret. Nonnulla Miracula viuus edidit, nam in Platiensi Vrbe, Puer quidam trium annorum, qui tam grauius strumis laborabat, vt ab ijs penè guttur corrosum gereret; à Patre ad Paulum perducitur, qui cùm ter Puerum Signo Crucis benedixisset, ab eo morbo, qui incurabilis censeretur, tam perfectè conualuit; vt nec morbi cicatrix eidem in carne relicta fuerit. In eodem Oppido, Pauperculus quidam iumentum amiserat, cuius operâ, ac vectatione se, ac Familiam suam sustentabat: hic cùm toto integro mense equum diligentissimè conquisitum, inuenire nunquàm potuisset, spe omni destitutus ad Paulum venit, ei que summas animi sui angustias indicat, qui erga eum miseratione commotus: Vade, inquit, æquo animo esto, D. O. M. equum tibi, tuæque Familiæ restituet: Cui ille: Serue Dei, miserere quæso paupertatis, ac inopiæ meæ: subiecit Paulus: Antequàm crastina illucescat dies, equo tuo potieris. Abijt ille nouâ spe plenus, Paulus verò Dominum rogans, id oratione assequitur, vt cumprimùm die illucescente Pauperculus è domo suâ pedem efferret, equum ante domus fores, saxo alligatum conspexerit. Diutino huius S. Viri languori, cùm Siculæ Prouinciæ Patres aliquod remedium quærerent, Panormum illum deferri iubent: verùm is post tertium ibi exactum mensem, die obitus sui antè prænunciato, sancto fine, vitæ periodum claudit, ac ærumnis finem imponit. Anno. 1572.





FRATER VINCENTIVS A FLAVIANO FRATRVM
CAPVCINORVM SACERDOS

FRATRIS VINCENTII à FLAVIANO,
SACERDOTIS
VITA, & GESTA.



PRATER VINCENTIVS à Flauiano, cùm lacte materno coelestem quandam pietatem fugens, Deum timere discit. Dùm Mater, in cuius sinu puerulus quiescebat, profundius dormit; nocte ab illius se sensim latere subtrahens, è lecto descendit, ac humi flectens, eas, quas à Matre didicerat, orationes deuotè recitat. Samuelis instar ætate tamen adhuc tenerior Vincentius, cùm necdum sextum annum ageret, nocte quâdam dum quiescit, à Domino vocatur, eiusque non modò voce, ac præsentia fruitur, verùm & ab eo præmonetur his verbis: Surge velociter Vincenti, atque ad Fratrum Ecclesiam festina: ruit enim Imago mea, nisi citius à lapsu vendicetur. Pius tunc paruulus, Matri, ad cuius latus iacebat, anxius è somno excitatus, ait: Mater, heu Mater, citò ad Patrum (scilicet, Minorum Obseruantium) Ecclesiam pergamus, nam Domini Imago ruit. Cui Mater: Sile, inquit, Fili, & dormi. Cumq; tertio Matrem compellâisset, flens tandem Puerulus è strato surgit, soloque indusio contactus, ad Minorum Ecclesiam anxius pergit ostijque tintinnabulum pulsât: Ianitorem monet: Ianitor, Fratres: accurrunt illi, & ad Ecclesiam conuenientes, antiquam Crucifixi statuum, quæ ante Chorum pendebat, ita è Cruce disiunctam conspiciunt; vt vix vno clauo, vnaque manu Cruci hæreret. Puerulus sæpè aliorum Puerorum agmen colligens, Litanias secum concinnes, in varias Oppidi Ecclesias ducit. Interdum Oleâ conscensâ, collectæ Puerorum turbæ, Domini timorem, Parentum reuerentiam, Ecclesiarumque venerationem prædicat. Sæpius etiam, dum noctu matutinæ Horæ ab Ecclesiâ decantantur, Puer, ante præfatâ Crucifixi Imaginem genuflexus, in Oratione permanet, donec matutinæ Horæ persoluantur. Ætate in eo adolescente vix primas Literas hauserat, cùm E. V. Officium quotidie persoluens, Orationi, ac rerum diuinarum meditationi frequentius, ac diutius vacat: tunc primùm secreta loca petere, solitudines quærere, vigilijs, atque Orationi incumbere, parcius refici, carnem flagellis cedere, nodorum funiculum circa lumbos gestare, oculis custodiam adhibere, omnesque sensus cupiditates coercere, assiduum Vincentij studium est. Titillantes sensus seu-

ra se-

râ sepe flagellatione castigans, crebris ieiunijs foenat: quibus tandem id ex Dei gratiâ (quod is circâ finem testatus est, consequitur; vt purum semper ab omni venereâ labe corpus, animumque serua-uerit. Cibos sibi in mensâ paratos, sepe Pauperibus distribuit. Vinum, quod in annum Familię depositum fuerat, cum vno mense Pauperibus erogâset; Fratres ipsius, Vincentium ad Patrem, velut rei Familiaris dilapidatorem accusant. Haud negat Vincentius: at plurimum, etiamnum in dolijs, vinum superesse affirmat: dolia se explorâsse, Fratres contestantur: Pater verò rem exploraturus, in Cellam ipse vinariam descendit, dolia explorat, cunctaque vino, Vincentij Oratione, ad os vsque plena comperit. Decimum quartum annum attingens, diuino eum Spiritu ad præstantiora vocante, Religionis habitum ab Obseruantię Patribus postulat, qui cum Adolescentem tenellâ adhuc ætate præditum cernerent, diem differunt, lunasque causantur laconicas. Interea pius Adolefcens, sedulâ se oratione exercens, frequenter ad Fratrum Ecclesiam pergit, in quâ cum aliquandò ante consuetam Crucifixi Imaginem attentius orat, illa, brachia è Cruce soluens, quasi illum amplexari vellet, ad ipsum extendit: quo in aspectu, tantâ Vincentij mens amoris teneritudine affecta fuit; vt in altiores oris gemitus erumpere cogeretur. Cum ergò tam præclara diuinæ vocationis in Adolefcente Fratres testimonia agnoscerent, haud vltra Religionis illi diem producendum censent. Nondum decimum quintum annum Vincentius expleuerat, cum inter Seraphicos, Franciscanæ Militiæ, tyrones adscriptus, maiora aduersus carnem certamina parat, ieiunia multiplicat, flagella auget, sensus feueriori disciplinâ cohibet, ac longiores in Oratione vigilias ducit. Ad Sacerdotium post 24. annum promotus, dignitatem Angelis venerandam, cum Angelicâ vitâ coniungit. Verum cum Regularem obseruantiam nonnihil in Ordine à B. P. Francisci instituto deflexisse conspiceret; cumque Reformationem sæpe à Superioribus promissam, diu frustra expectâset; erumpente hoc tempore Fratrum Capucinorum Reformatione, is, cum Fr. Bernardino Astensi, Ioanne à Fano, ac cæteris, Anno 1534. ad eam se confert: vbi, tantâ vitæ austeritate, cæteris animi virtutibus viam sternere cœpit; vt non humano, aut carneo, sed vel lapideo, vel marmoreo corpore præditus videretur. Panis enim & aquæ ieiunia, toto ferè anni tempore, illi familiaria erant, ac feruentiori Spiritu ductus, aliquandò ad dimidiati duntaxat modici panis mensuram, interdum ad 14. fabarum numerum, in die ieiunium contrahit; Nonnullos verò Sacræ

hebdomadæ dies, absque vlllo omnino cibo, quotannis transigit. Tandem omni interstitio sublato, octo integros annos absque vllâ ieiunij interpunctione, panis, & aquæ abstinentiæ consecrat: nec ab eâ, decrepitâ licet ætate, vnquam abscedit. Cilicij feueritas, & quotidiana vsque ad sanguinem flagellatio his accedit, tabula verò humistrata, toto vitæ suo curriculo ei lectum ita ministrat; vt vix necessarium oculis somnum, trium, vel quatuor ad summum horarum spatium indulgeat: nunquam soleis vsus, nudipes inter niues, & glacies incedens, vix vnquam ad ignem accedere videtur. Paupertatem, quam sibi sponsam elegerat, tanto studio amplectitur; vt habitum quem in Religione acceperat, varijs præseginibus refarcitum, nunquam vsque ad annum decimum sextum mutauerit. Nihil illi gratius, quam omnibus subesse, ac velut Dominis inseruire, maximumque se omnium peccatorem existimare. Hinc maxime Christianæ perfectionis virtutes, in Viro Dei exoriebantur, nimirum lucida quedam sui ipsius cognitio, odium, atque abnegatio sui, propriæ virtutis diffidentia, certa, ac perfecta quedam in Deum fiducia, mentis pax, ac tranquillitas animi, simplicitas, coeca quedam obedientia, perpetuus denique diuinæ præsentiae intuitus, quò fiebat; vt leuissimam labem abhorrens, nihil præter Dei gloriam quæreret. His oratio, ac perpetua quedam in Deum animi suspensio cognata erant. Hinc solitaria semper loca quærens, raro cum Fratribus, vix vnquam cum Sæcularibus Viris colloquebatur. Tribus, ante matutinum Officium horis, è tabulâ surgens, Orationi vacabat, totidemque post peractum Missæ Sacrificium ad nemus secedens, in rerum diuinarum meditatione infumebat. In diuini amoris exercitatione, tam ingenti coelestis luminis radio perfundebatur; vt sæpè in extasim raptus, è sensibus excedere videretur. Dum in cellâ aliquandò orat, Clericus quidam, ad ipsum accedens, Spiritu in Cælum raptum, corporeque quatuor è terrâ palmis in sublime elatum conspiciat. Horas Canonicas tantâ deuotione in Choro persoluit; vt in ijs decantandis, supplices semper palmas in Cælum tendat. Tantâ religione, tantaque lachrymarum copiâ diuina Mysteria peragit; vt, quâ nocte Ecclesia, Domini Natalis memoriam celebrat, tam copiosos lachrymarum imbres, ex oculis effundere soleat; vt eadem à Sacris Missæ Mysterijs interdum abstinere cogatur. Quoties eo præsentem de diuinis rebus sermo instituitur, vel extrâ sensus raptus immobilis permanet, vel acutas aliquas voces præ suauitate edit, dein saltillos dat, demum diuini amoris tractum præsentens in cellam fugit,

fugit, ibique inter cœlestes diuinę charitatis flammās, totus in Deum sursum agitur. Vix credibile est, quot impijs, facinorosis atque à viâ Dei aberrantibus, diuinę clementię lucem suâ Oratione promeruerit: Varijs quoque morbis laborantes, qui vndique ad eum confluebant, absque vlllo morbi discrimine, Iuniperi oleo vnguens, ac Signo Crucis obsignans, dummodò poenitentię Sacramento peccata deleant, atque ab ijs deinceps, angue peius abstineāt, incolumitatem pollicetur. Id Vincentij charitas operabatur, vt dum multorum corpora diuinâ virtute sanabat, grauiōres ab animo egritudines pelleret. Prophetico Spiritu pręditus existens, oranti aliquandò videtur ingens quędam tempestas è Cœlo oriri, ex eaque sanguinem plueret, telluremque cruore madidam sanguineos riuulos effundere, quo statim mysterio edoctus est, Dei iram, quibusdam Thuscıæ Populis imminere. Quare diuino œstro agitatus, ac Prophetico planè Spiritu correptus, cum facultatem à Guardiano accepisset, expoliato habitu, ac solis sibi lineis scemoralibus relictis, grauem sibi Crucem in humeris imponit, alteraque seipsum manu flagellans, hoc modo, pleraque Oppida toto integro die peragrat, Ionæ instar exclamans: *O Viri poenitentiam agite, citò enim veniet ira Dei.* Vincentius igitur ætate grauis, cum hoc modo, ieiunus, graui illo Crucis pondere, atque itinere fessus, sub meridiem inter montes iaceret, ac præcordis deliquio, viribus deficeret; Beatissimam Cœlorum Reginam sibi adesse conspicit, quæ panis buccellâ, in ipsius os immisissâ, tantoperè illius vires, animumque recreat vt reliquum diei iter eodem modo validiùs expedire valeat. A Sathanâ diuersimodè infectatus, ita Vincentius diuinâ virtute superior de Diabolo triumphare discit; vt non modò illius impetus contemnat, verum & turpem illi ignauiam exprobet. Primæ innocentię priuilegio gaudens, cum eo aues sæpissimè colludunt; dumque semel Cortonæ degeret, auiculam in nemore offendit, quæ contractis tibijs iacebat, cuius ille miseratione ductus, cum tibias calamis adhibitis suffulisset, suoque Iuniperino oleo vnxisset, statim incolumem reddit, auiculamque pristinæ libertati donat: at illa ab horto, ac nemore non recedens, cum primùm Vincentium in his Deo spallentem animaduerneret, velut beneficij memor, circà eum volitans, ac dulces vocum modulose personans, vbiq̃ eum comitabatur. Molossos aliquandò canes, vno impetu in eum ruentes, Crucis Signo illis obiecto, eos mansuetos, ac amicos reddit. Vmbronem Fluuium, cum Fr. Angelo Pisciotâ transuadans, ingruente aquarum procellâ, quæ impetu ruebat, ac vadum præoc-

dum præoccupare festinabat, Crucis illi Signum obijciens, mox rapidi fluctus stant, & qui saxa, arboreſque vi, impetuque ſuo ſecum rapiebant, tam diu immobiles perſiſtunt, quoad ipſi Fluvio traiecto, aduerſam ripam contingerent. Germano Fratri, qui Nepotum Columbarium iniuſte occupauerat, præproperam mortem prænunciat, quæ paulò poſt tempore, illum è medio tollit. Pleraque quoque alia Prophetico Spiritu plenus, futura prædicit. Fratri Hieronymo Senenſi, Sacerdoti, graui in tibiâ vlcere ægrotante, Vincentius cùm vlcus deoſculatus fuiſſet, ac labijs compreſſiſſet, priſtinæ illicò hominem ſanitati reſtituit. Alterum quoque Fratrem, qui diu acriori in altero poplite, dolore laborauerat, Crucis Signo ab ægritudine liberat. At illud mirabile, ac paucis conceſſum, illi hoc tempore accidit. Vir quidam à Flauiano, Nardus nomine, Vincentio conterraneus, in Gallos Aquitanos in ſummâ rerum egeſtate verſabatur; qui neceſſitate aliquandò compulſus, indignum facinus aggredi cogitat: hominem enim, qui in publico reorum patibulo, eo die vitam ſuſpendio finierat, noctu è cruce depoſitum exenterare parabat, vt ex illius adipe, aliquam ſibi ad victum pecuniam compararet: at dum ſceleri intempèſtâ nocte, parat incumbere, En duo Capucini Fratres, eâ viâ, illi, iter facientes apparent, qui, cùm eum iam ſcalam conſcendiſſe cernerent, ab eo, quid operis moliri velit, inquirunt: is verò cùm mentis propoſitum à ſummâ victus neceſſitate proſectum. ſimulque & Gentem, & Patriam declarâſſet; Is, qui ex Capucinis ſenior videbatur, vbi hominem ſcleris arguit, ait: An non me municipem, ac propinquum tuum agnoſcis? Ego Vincentius à Flauiano ſum, citò nobiſcum perge: eumque ad Conuentum adductum, trium dierum ſpatio cibus refocillat, quartâ verò die, is qui ſe Vincentium dicebat, 12. illi panibus oblatiſ, eum in Patriâ remittit, hiſ verbis: Vade, & in Patriam reuertere, hi panes non tibi deficient donec Flauianum peruenieris. Vir conſilio acquieſcens, Flauianum, eâ panis annonâ nunquàm intereâ deficiente, redit. Porro cùm certum ſit, nec Vincentium vnquàm in Aquitaniam proſectum, nec Capucinorum Conuentus uſque ad annum 1582. in Aquitaniâ extructoſ fuiſſe; reliquum eſt, vt diuinâ virtute, Angelus, Vincentij formam aſſumpſerit, vel Vincentius, eò, in Spiritu adductuſ fuerit, vt Nardo conſanguineo ſuccurreret: totaque illa Conuentus moles, tantummodò apparens, nihil præterquàm diuinæ benignitatis teſtimonium fuerit. quo Vincentij Orationes, ac merita proſequebatur. Tandè appropinquante morte, is, extremo Patriâ ſuâ beneficio accumulaturuſ, ſeptuagena-

rius

rius Flavianum se confert, ibique inter Oppidanos odia, & cædes, quæ trigessimum iam annum attingebant, suâ prudentiâ consilio, potissimum verò Orationis frequentiâ in pace componit. Fratribus verò, ac propinquis extremum valedicturus, his eos verbis affatur: Pax vobis, Charissimi, hanc, quam Dominus discipulis suis ante finem vitæ suæ reliquit, quæ Dei, & proximi dilectionem complectitur, supremam vobis quoque pacem relinquo, & commendo: ego enim iam delibor, at nè terreamini, viuis enim, & mortuus vestri semper in Orationibus meis memor sum futurus. Hæc pleno charitatis affectu à S. Viro prolata, haud irrita fuere: post hæc enim ferè Vniuersi, quibus hæc dicta fuerant, in extremo vitæ agone, Vincentium, iam defunctum, sibi adstare, atque eis opem ferre conspiciunt. Inde Pistorium rediens, haud multò post in febrem incidit, & qui antea vitæ cursum eousque tantâ Sanctitate profecutus fuerat, pari quoque pietate, vitæ finem concludit. B. P. Francisci Spiritum imitatus, moriens humi collocari voluit, atque inter hymnos, ac diuinas laudes exultantem Deo Spiritum reddens; repositam sibi gloriæ coronam consequitur. Corpus eius in Sepulchro conditum, diu incorruptum permanfit, tametsi inter aquas natârit, suauemque odorem multo tempore efflauit. Obijt Vir Sanctus, Anno 1573.

FRATRIS FRANCISCI à SANCTO
MARTINO, SACERDOTIS
VITA, ET GESTA.



RATER FRANCISCUS à Sâcto Martino, Sacerdos, inter pri-
scos illos primos Patres, qui cū Ludouico Rhegino ex Ob-
seruantium Familiâ ad Capucin. migrârunt numeratur. Vir
hic, totus ad Regularem obseruantiam, atque omniû vir-
tutum studium compositus fuit: pietate verò, ac religione erga B.
Virginem eximius. Quapropter, plurimis in vitâ signis, & Miraculis
claruit: quotquot enim ægroti illius Sanctimonie famâ commoti,
ad eum accedebant, Crucis Signo illis impertito, eos diuinâ virtute
curabat. Postremò, cū diem obitus, longè antè diuinâ reuelatione
acceptum, præsignificâset, Iustorum morte sublatus, in Do-
mini sinum post labores coronandus euolauit.

Anno 1574.

FRATRIS GRATI SEPTEMPEDANI,
SACERDOTIS
VITA, ET GESTA.

FRATER GRATVS Septempedanus, Sacerdos, inter primos qui ad Reformationem accessere, connumeratus, graues illas Religionis tempestates, tam æquo animo suffert; vt inde fortior, ac constantior euadat. Altissimæ paupertatis, ac Regularis obseruantiaẽ viam, tam inoffenso pede currit; vt alijs etiam ad maximas virtutes sibi comparandas, dux & exemplar existat. Orationis, quæ perfectorum cibus est, cum studiosissimus esset, id S. Danielis Prophetæ, quem singulari deuotione coluerat, ope, ac intercessione tulisse ducitur, vt claram Scripturæ intelligentiam assequeretur; quem etiam oranti sæpè apparuisse, dicitur. Demum cum non modò annorum numero, sed magis virtute consenuisset; Anno 1575, in Conuentu Æsij, ad virtutum præmia conscendit.

FRATER BENEDICTVS GALERATENSIS, SACERDOS VIRTUTE EXIMIVS.

FRATER BENEDICTVS Galeratensis, Sacerdos, qui in Mediolanensi Prouinciâ Euangelicâ perfectione clarus, Maioribus suâ virtute præluxit, ac Posteris clarissima cœlestis vitæ exempla reliquit; consentaneam vitæ, in Conuentu Cordani, dormitionem accepit, Anno 1575.

FRATER IVLIVS à CASALI PISTORVM, SACERDOS SANCTIMONIA ILLVSTRIS.

FRATER IVLIVS à Casali Pistorum, Sacerdos, eius tam præclara vitæ sanctitas fuit; vt cum ad ipsius, adhuc viuentis, virtutum odorem vndique homines fluerent; ad eum quoque vitâ functum Populorum turbæ concurrerent. Nec frustra: qui enim Christi bonus odor viuens vbiq̃ue fuerat; is tam suauem è membris, post mortem, odorem cœpit effundere; vt iam nemo inter cœlestes coaptatum esse dubitaret, quem diuino testimonio probatum esse agnosceret. Obijt Anno 1575.

FRA-

FRATRIS BLASII de HALI, SACER-
DOTIS*VITA, & GESTA.*

RATER BLASIVS de Hali, Sacerdos, Vir illustris æterna-
 que memoriâ dignus, cum vitam omnium virtutum or-
 namento præclaram, ac præsertim charitate celebrem du-
 xisset; tandem eiusdem æstu flagrans, à superiore obtinet,
 ut se, cum peste laborantium ministerio, consecret: quo in munere,
 dum ægrotantes summâ diligentia curat, omni quæ pietatis officio,
 absque vilo contagij metu profequitur; is quoque contracto morbo,
 ægrotis coniunctus pro ijs animam fundit. Iam verò cum vltimum
 vitæ finem sibi adstare intelligeret, in genua se erigens, animam quæ
 Deo Conditori commendans, quasi qui Deum oraret, & adoraret,
 eidem genuflexus animam reddit. Post obitum verò, cum eundem
 corporis statum per octo circiter horas, usque ad funera retinisset;
 multis post funera Miraculis emicuit, quæ solo ipsius capitis conta-
 ctu, diuinâ virtute patrata fuere. Obijt Anno 1576.

FRATRIS DAMIANI BERGOMENSIS,
SACERDOTIS*VITA, ET GESTA.*

RATER DAMIANVS Bergomensis, sacerdos, cum vitam o-
 mni disciplinâ, ac virtute ornatam in Religione traduxif-
 set; graui per plerasque Vrbis Italiae pestilentia grassante,
 in Conuentu Patauij ægrotis ministrans, pestifero mor-
 bo sauciatus, cum iam omnium opinione mortuus crederetur; post
 diuturnum mentis excessum ad sensum rediens, totus animo exulta-
 re, ac dulcissimos ore cantus edere, diuinæque laudes personare cœ-
 pit. Posthæc, à Fratribus interrogatus, quonam ipsius spiritus toto
 eo tempore peragratus fuisset, Respondit, O! ô! Fratres, num me lo-
 quentem intelligetis? spiritus nuper cœlestes euasit ad auras, vbi can-
 tus, vbi melos, vbi Angelorum tripudia, vbi sanctorum gaudia, vbi
 victoriæ, vbi palmæ, vbi dulcis præteritorum memoria, vbi summa,
 & suprema sine fine felicitas, pijs quibusque seruantur. O! ô! Fra-
 tres, quàm iucundè illic habitationes sunt, quanta Domus illius pul-
 chritudo! quàm illustris gloria! plurimos ibi nostros Confratres con-
 spexi, qui paucis abhinc diebus post ministeria peste laborantibus

exhibita peste absumpti ad præmia euolârunt. O quali nunc illi gloriâ fruuntur! Gaudeamus Fratres, animas pro Fratribus fundere, magna meritorum præmia laturi. En me cœlestes Fratres expectant, breue me vobis tempus reddidit, vt hæc vobis referrem, crastina enim dies, hâc eâdem horâ, mortali hâc vitâ interceptum, me Cœlo restituet. vbi immortalis mihi promissa quies. Nec res aliena dicto fuit: nam alterâ luce, eâdem, quam prædixerat, horâ, ad lucis fontem euolauit. Anno 1576.

FRATRIS HIERONYMI à PARADISONIO, SACERDOTIS
VITA, & GESTA.

RATER HIERONYMVS à Paradisio, Sacerdos, cuius memoria floret in Rhegiensi Prouinciâ; hic suauitutum odore eam compleuit cumq; is purâ, & assiduâ Oratione diuinam Familiaritatem assecutus esset; reuelatam sibi à Deo sui obitus diem, longè antea quàm contingeret, Fratribus prædixit, sanctoque tandem fine quieuit: cuius quàm pretiosa mors fuerit, cœlesti testimonio manifestum fuit: Nam pleraque in eius funere lumina, in Ecclesiâ apparuere, quæ cum eò à nemine allata fuissent, Angelorum ministerio addita fuisse, cunctis exploratum fuit, vt copiosius ijs ipsius sanctitas illustaretur. Obijt Anno 1577.

FRATRIS LVDOVICI AGRIGENTINI, SACERDOTIS
VITA, & GESTA.

RATER LVDOVICVS Agrigentinus, Sacerdos, Vir abstinentiæ singularis, altissimæ paupertatis amator, & Regularis disciplinæ cum primis obseruantissimus: cum plurimos annos tantâ cum sanctimonie laude traduxisset, vt cunctos ad sui admirationem, & imitationem prouocasset; prænunciato sui obitus die, quem ob perfectam diuinæ ac Seraphicę Legis obseruantiam à Deo sibi reuelari meruerat; Agrigenti humane vitæ cursum absoluit. Anno 1577.

* *
*

FRA-

FRATRIS FRANCISCI à SANCTO
PETRO, SACERDOTIS
VITA, & GESTA.

PATER FRANCISCUS à sancto Petro, Sacerdos, cùm vitam in Religione, tot virtutibus plenam duxisset, vt haud inanem sanctimonie sibi apud omnes famam comparasset; quum primùm ad extremum vite agonem peruenit, maximo timore percelli, atque animo turbari cœpit: quo tandem, post aliquot temporis spatium, in vultus serenitatem, atque animi tranquillitatem mutato, cùm ab eo Guardianus quæreret, vnde prior ille terror exortus fuisset? Respondet: Disce Pater maiorem, ac seueriorem, quàm sibi homines persuadeant, esse diuini Iudicij districtiorem: tot à me prætorum ratio, quorum ne quidem aculeus animum pupugerat, tamque seuerè in Dei iudicio exacta fuit; quod nisi immensa Dei misericordia misero succursisset, planè de me actum fuisset: viuo autem ex Dei Clementiâ, qui me in Electorum numerum conscripsit, ac beatæ vite eternitate donandum promisit.

His dictis animam efflans, ad Superos euasit.

Anno 1578.





FRATER ANGELVS A CANOBIO FRATRVM
CAPVCINORVM SACERDOS.

FRATRIS ANGELI à CANOBIO, SACERDOTIS

VITA, & GESTA.



RATER ANGELVS à Canobio, Sacerdos, cùm à susceptæ Religionis exordio, ad extremam vsque senectutem, æqua virtutis, ac sanctimonix laude vixisset; præclara illius, viuens, moriensque testimonia accepit: Dum enim in Conuentu Maceratae, tum propter frequentes orationis lachrymas, tum etiam ob longioris æui senium, oculorum lumine penè orbatus, à sacro Missæ Sacrificio abstinere; hunc Fr. Bartholomæus Cefenas, Vir prudentiâ, ac virtute clarus, qui in eo Conuentu, Guardiani officium gerebat, haud absque diuini nominis nutu aliquandò interrogat: cur sacerorum Mysteriorum celebrationi non insistat? Cui Angelus: se iam diu oculorû cœcitate præpediri, ait: at Guard. Quid oculorû, inquit, mihi cœcitatem obiectas? tuâ nobis Missâ opus est: festina. sacroque Ministerio ex Obedientiâ incumbe. Mirabile dictu! Obedientia cœco visum restituit. Non hæsit Angelus, non cunctatur, non cœcitatem cogitat, opus naturæ impossibile, absque vllâ mentis dubitatione adoritur: intelligebat enim Vir sanctus, obedientiam rerum ordini subiectam non esse, sed omnia naturæ iura transcendere. Porro, vt illud solius Obedientiæ opus esse cunctis perspicuum esset; pergit Angelus, familiari cœcitate obrutus, Sacris vestibus induitur, ad Altare Sacra facturum accedit: Vix autem Altare contingit, ac Missæ Sacrificium inchoat; quum clarè omnia conspicit, ac tam diu cœcitas fugatur, quoad peracto Missæ Sacrificio is ex Altari abscedit: mox verò ad pristinam cœcitatem relabitur. Hoc modo, cum per octo dierum curricula, rem diuinam fecisset; octaua tandem post Sacra peracta, graui corporis languore corripitur: quo tempore obitus sui diem, ac horam, quam Deo reuelante didicerat, Fratribus prænunciat; ac vitæ cursum, quem virtute duce auspiciò inierat, eadem consumante, foeliciter peragit. Res verò planè prodigiosa, illius post mortem visa fuit: etenim cùm ob eius Sanctitatis famam, plurima hominum turba accessisset; dum Fratrum corona feretro circumfusa, illi suprema persoluit; qui prius in feretro iacebat; & membra mouere, & in eo federe cernitur: alteraque manu caput sufful-

ciens,

ciens, velut qui obdormiret, aut cœlesti quodam sopore quiescens diuina meditaretur; tam suauem ex se odoris fragrantiam efflare cœpit; vt Populus rei nouitate commotus, in maximos clamores, ac Dei laudes protinus erumperet: Eo namque cunctis perspectum fuit, eum non inter mortuos sempiternos, sed inter viuentes à Deo connumeratum fuisse; qui in Regione viuorum æternas sedes accepere, atque in beatissimo illo Dei Regno, imperturbatâ quiete, ac pace fruuntur. Obijt Anno 1579.

FRATER ANDRÆAS BURGUNDVS,
SACERDOS, VIR EXI-

MVS.



FRATER ANDRÆAS Burgundus Sacerdos, eximie Virtutis, ac pietatis Vir: De eo inter alia refertur, quod, cum aliquando Sacra faciens, prolationem diuinorum verborum, quibus Caro Christi efficitur, absoluisset; necdum Sacramentum vt fieri solet, à Populo adorandum extulerat, quum secretorum tabella, quæ in inferiori Altaris gradu, è regione collocata erat, casu delapsa, sacrificium Panem medium secat. Hæret animo Andræas, & quid facto opus sit, haud illi in eâ temporis angustiam occurrir: hinc enim Plebis scandalum metuebat, si confractam Hostiam publicè adorandam proferret, nec minoris periculi, si ab eâ efferendâ abstineret, rem esse sentiebat. Quamobrem in biuio positus, Superiorem mox accersitum, quid in eâ re sibi agendum sit, consulit: qui statim iubet, vt disinctas Eucharistici Panis partes, rursus inter se copulatas, Populo adorandas proferat. Paret confestim Andræas: Iam verò vt, quantû illa Obedientia ponderis sibi apud Deum vendicaret, cunctis perspicuum esset; vix pars parti accedit, cum diuinâ virtute, mox dissectæ sacræ Hostiæ partes, tam perfectè inter se coniunguntur; vt nullum in sacro Pane prioris fractionis signum relictum fuerit. Cum tandem Lutetiam Parisiorum sæuissima quædam lues inuasisset; Andræas cum alijs quinque Fratribus, quos feruentior charitatis æstus vrgebat, eorum se obsequijs consecrat. Dum igitur cuncta ad ægrotantium salutem studia confert, nulla quæ in eos charitatis officia prætermittit, pestifero tandem morbo corripitur, ac charitatis Martyrio coronandus, ad Cœlos euolat. Anno 1580.

FRA-

FRATRIS STEPHANI FVLGINATIS,
SACERDOTIS
VITA, ET GESTA.

FRATER STEPHANVS Fulginas, singulari virtute enitens, cum in Obseruantium Ordine, Prouinciæ S. Francisci Minister esset; eo dignitatis honore, ob perfectam Regulæ obseruantiam, contempto, Sigillisque ad Definitoriũ, cum socijs remissis, ingloriam sibi vitam, apud Capucinos eligit. Vir hic, quamprimum ad Religionem accessit, quauis tam prouectæ ætatis esset, vt ad senium accederet; seueram tamen anni probationem subire, atque omni humilitate, ac sui ipsius abiectiõne peragere voluit. nouã porro votorum Professione emissã, nouum quoque, ac cœleste vitæ genus instituit. Obedientiã, abstinentiã, vitæ austeritate, carnis maceratione, nulli secundus erat: humilitate maximus, vilissima quæque domus officia præstare haud verebatur. Cũq; se ad perfectam Regularis obseruantia disciplinam addiscendam, non ad honores captandos, ad Capucinos emigrãsse diceret; oblatos gradus, ac dignitates recusat; ac demum cum aliquot annos summã cum vite integritate, sui ipsius contemptu, ac perfecto omnium virtutum exemplo, in Religione consumpsisset; sempiternos, Minoritæ apud Deum, honores consequitur. Anno 1580.

FRATRIS ALEXANDRI à BVTRIO, SA-
CERDOTIS
VITA, ET GESTA.

FRATER ALEXANDER à Butrio, Sacerdos cum in Sæculo, quasi extra Sæculum Religiosam vitã duceret; in Religione, in carne præter carnem viuens plurimas à Deo virtutum coronas consequitur. Hic, Marij à Forosarsinio, olim totius Ordinis Generalis, Nouitius fuit: qui cum in eo vultus elegantiam, morum suauitatem, sensuum mortificationem, mentis prudentiam, actuum moderationem, animumque ad omnem virtutem compositum contempleretur, de eo dicere solebat, quod de S. Bonauenturã, Alexander Alensis olim dixisse fertur, nimirum: Quod Adam in isto homine haud peccãsse videretur. Is, dum adhuc Probationis annum agit, ac in Ecclesiã cum cæteris orat; Marius Magister, lucidissimam coronam super ipsius caput, è Cœlo aliquandò

descendentem conspexit: quamobrem cum absolutâ oratione, ab eo Marius percunctaretur, quid in Oratione diuinum meditatus esset, respondit: Heu Pater, tot prauæ cogitationes, Orationis tempore, animum inuaserunt; ut omnem rerum diuinarum meditationem ab eo exulare cœgerint, quo diligentius ijs intenderem, & contrâ eas in acie stare. Tunc agnouit Marius, haud aliundè, quàm ex malorum istarum cogitationum victoriâ, cœlestem illam Alexandro coronam emanasse, eamque deuicti certaminis præmium fuisse. Absoluto verò Probationis anno, cum Cefenæ, sub Constantini Mutilensis, Viri sanctimoniâ illustris, disciplinâ militaret; communi cuidam orationi cum cæteris in Ecclesiâ vacabat, quo tempore in eum oculos coniiciens, tres successiue coronas super ipsius caput dilabebat: quarum cum ille mysterium ignoraret, ab eo post Orationem sciscitatur, quænam illius in Oratione meditatio fuerit? Cui Alexander: Sterilis, inquit, Pater, mihi in hac Oratione meditatio fuit, tres enim aduersum me satanas, easque grauissimas tentationes mouit, quæ cum animum perturbarent, eum à meditationis quiete reuocârunt, atque eò factum est; ut totum mihi hoc Orationis curriculum, perpetuus mihi cum Tartareo hoste conflictus fuerit. Intellexit igitur Constantinus, tria illa distincta aduersus Demonis tentationes certamina, quibus superbum hostem prostrauit, tres illi cœlestes coronas peperisse. Post hæc, cum Fauentiæ degens, semel in Ecclesiâ oraret, stygius ille faber, qui prunas ardere facit, tam arduas libidinis faces, in Alexandri carne succendit; ut quanquam strenuus Christi miles cum hoste fortiter decertaret; vndique tamen sibi à Superis suppetias quæreret, quo familiarem hostem debellaret. verum ubi multorum opem implorauit, ad Beatissimam Virginem conuersus: Tuum est, inquit, O Virginum Mater, & custos, tuos feruare: hostes tui sunt, qui agmine facto in me irrunt, adesto Virgo, celeresque mihi contrâ hostes suppetias fer, ut nomen tuum per Se-cula laudem. Has cum preces, ad Virginem Deiparam ardentius effudisset; mox tentationis flamma, eâ Oratione, velut effusis aquis extinctâ, de Tentatore victor euasit. Magister verò, qui procul decertantem intuebatur, B.V. auream coronam, è Cœlo, suo pugili deferentem videt. Tanta denique apud Fratres de Alexandri sanctitate existimatio percubuerat; ut cum interdum superiorum iussu, ad aliquem se Conuentum conferret; certatim Fratres, non manus (ut fieri solet) sed ipsius pedes osculari contenderent. Sed quoniam (ut testatur Sapiens) *vasa figuli probat fornax, & homines iustos tentatio tribula-*

tionis.

tionis, atque eos quos Deus ad vite coronam predestinat, tentatione probat. Hinc Deus, Alexandrum grauis cuiusdam calumnie, que illi aliquandò apud Superiores iniusta fuit, tribulatione premi permisit; ut illius virtus, tentatione probata, eum ad maiora Coeli premia pararet. Inuicta animi patientia, Alexander, eam calumniam accepit, tulit, ac patientissimo animo tolerauit; donec ipsius tandem innocentia perspecta, cunctis clarior ipsius Sanctitas enituit. Porro eam tentatione consummata, cum Veruchij, vbi tunc Conuentus extruebatur, ædificationi præsideret, in supremum languorem incidit: ex quo, cum primum se à Domino vocari cognouit; humi deponi, extremumque vitæ Spiritum, strenui Atletæ instar, in palestræ arenâ exhalare voluit, ut inde certaminum coronas, quas sibi viuens comparauerat, post extremum victoriæ triumphum referret. Obijt Anno 1580.

FRA TRIS BONAVENTURÆ PANOR-
MITANI, SACERDOTIS

VITA, & GESTA.

BRATER BONAVENTURA Panormitanus, Sacerdos, quem Picentis Prouinciæ monumenta, Virum eximiæ patientiæ, austeritatis, atque innocentissimæ vitæ extitisse ferunt; vulnus graue in dextro latere illi in morte inuentum fuit: quod cum multis annis occultum gestasset, nec vlli vnquam hominum manifestum esse voluisset; hinc facile cunctis persuasum fuit, illud eum à Deo precibus impetrasse; ut Christi Domini vulnerum memoriam, ac dolorem in carne sentiret. Diu hec tunc febre, in Conuentu Montis Granarij afflictatus, nunquam adduci potuit, ut laneam culcitram sibi in lecto substerni pateretur, sed inter graues illius morbi molestias, communem Ordinis austeritatem seruans, tandem in eodem Conuentu ad vitæ finem peruenit. Quo tempore, mentis excessum passus; cum in eo per quartam horæ partem, velut exanimis perstitisset; tum ad se rediens, Fratribus circumfusus ait: Ante Dei Tribunal sto, Fratres, sollicitè quæso pro me ad Deum preces fundite. Tum rursus mente excedens, dum Fratres obsecrationibus incumbunt, iterum ad se rediens, inquit: Grauius à Dæmone accusor, atque oppugnor, ne me vestris, Fratres, precum suffragijs exuite. Tertio deniq; è sensib, excedit. Pauebāt Fratres, ac rei exitum suspensi expectabant. Interea Deum ardentius pro ægrotantis

victoriâ rogabant, quum post aliquod temporis spatium, Bonauentura sibi redditus, hilarem ad Fratres vultum conuertens, ait: Iam Deo gratias agite, Fratres, nam Dæmone pulso, diuinum pro me Iudicium stat. Post hæc, cum ab eo Fratres quærent, quasnam Dæmon aduersus eum tentationes congereret, respondit: Tria mihi in Iudicio Satan crimina obiecit. Primum, quod absque Superioris licentiâ, duo cuidam Familiari strophiola dederim, ex quo me proprietatis scelere irretitum obtendebat. Secundum, quanquam literarum studia (Theologicis quippè tunc studiis vacabat) ex animo susciperem, vt eâ ad Dei gloriam, & animarum salutem transferrem; ad eâ tamen humano quoque appetitu, ac cupiditate ferebar. Postremum tandem accusationis caput erat, quod is, nonnulla consilia, in his quæ ad conscientiam spectant, cuidam Fratri Dominico, qui tunc præsens aderat, imprudenter administrasset; quapropter ad illum conuersus, ait: Dominice, non meo, sed meliori, in rebus tuis consilio vtere. Post hæc dicta, cum silentio Spiritum collegisset, paulò post, corporis exuvijs depositis, placitè Domino Spiritum redidit. Anno. 1580.

FRATRIS FRANCISCI à CASTRO VETERI, SACERDOTIS

VITA, & GESTA.



RATER FRANCISCUS à Castro veteri, Sacerdos, verum Virginitatis lilium, à teneris annis in timore Domini à Matre, quæ Tertiaria erat, educatus, ac ingo diuinæ Legis assuetus, tantâ puritate vitam duxit; vt cum circa decimum septimum suæ ætatis annum, è Sæculo, ad Capucinorum Religionem migrasset; Magister, qui generalem ipsius peccatorum Confessionem audierat, sola in eo venialia peccata, eaque leuia offendisse testaretur. Porro hanc vitæ innocentiam, quam inter Sæculi naufragia seruauerat, in portu, post susceptam Religionem, ita sartam tectam conseruauit, totque præterea virtutibus auxit; vt præclarum totius Regularis disciplinæ exemplar, apud omnes præferret. Durani, post susceptum Sacerdotij munus, eodem tempore, cum Fr. Humili à Paterno, Clerico, in morbum incidit: cumque Humilis Beatissimam Virginem, luce circumfusam in morte videns, in purissimæ Virginis sinum euolaret; eodem quoque tempore, supremum laborans Franciscus, & ipse exclamare coepit: Exspecta, exspecta,

Humilis

Humilis Frater, vt simul associati pergamus. Cumque hæc dicens in genua surrexisset; mox ad Crucifixi Imaginem manus extendens, inter Domini amplexus occubuit. Anno 1580.

F R A T R I S T H A D Æ I à M O N T E P E -
T R I O L O , S A C E R D O T I S
V I T A , E T G E S T A .

FRATER THADÆVS à Monte Petriolo. Sacerdos, Sancti-
monia laude illustris, toto vitæ suæ curriculo austerissi-
mus Regulæ cultor, Paupertatis exemplar, atque Euange-
licæ perfectionis integer æmulator fuit. Hic indefesso ani-
mo, diuinorum consiliorum, ac Seraphici profectus viam percur-
rens, eò Sanctitatis peruenit; vt ipsa quoque animantia rationis ex-
pertia, perfectum in eo diuinæ similitudinis Signaculum agnosce-
rent: nam in Conuentu Panicali, sæpè in syluam secedens, cum in eâ
diutiùs oraret, ad eum omnigenæ aues accedebant, & cum eo fami-
liariter conuersantes, ab eo cibum velut à Parente sibi emendica-
bant. Cumque in coelestium virtutum studio, vsque ad vitæ finem
legitimè cucurrisset; perseverantiæ tandem coronam tulit,
ac coelestis Patriæ brauium consecutus est.

Anno 1580.





FRATRES DVO ANONYMI FF. CAPUCINORVM
SACERDOTES

DVORVM FRATRVM ANONY-
MORVM
MARTYRIVM.



Ratiosa duorum Fratrum mors, Anno 1577. commemoratur, qui cum impetratâ ab Hieronymo Generali facultate, atque Apostolicâ licentiâ, ad Sacra se Hierosolymorum loca veneranda contulissent; atque adorato Domini Sepulchro, ac piâ veneratione reddita, redirent; vix è Hierosolymis. Vrbe egressi in Turcas quosdam incidunt; qui cum Christianam Fidem conuitijs oppeterent, ij contrâ pro eâ pugnarent, ab ijs primùm fustibus cæsi, deinde telis confixi, pro fide vitam profundunt. Horum Martyrio cum Christianus quidam captiuus præsens adfuiisset; illud Guardiano Minorum Obseruantium, qui Hierosolymitanum Monasterium incolunt, eâdem die narrat: qui cum eorum corpora inde sublata, ad Monasterium asportandâ curâisset; eosque Generalis Obedientiâ, atque Apostolicâ licentiâ munitos offendisset; honorificè tumulat: Hieronymumque Generalem per literas certiores facit: quæ cum publicè in Romani Conuentus Refectorio lectæ fuissent, Fratres impulere; vt Hymno, *Te Deum laudamus*, communi voce decantato, Dei Maiestatem ob Eorum triumphum laudarent. Horum nomina, quæ apud nos perierunt, in Coelis scripta esse haud dubitamus.



Rater hos, aliorum quoque Virorum, Sanctimoniâ Illustrium, memoria celebratur.

PICENI Prouincia, Hieronymi à Tipherno Metauren-
si, Sacerdotis, virtutes commemorat. Anno 1560.

ETHRVRIA, Bartholomæum Nitensem, Sacerdotem, miræ absti-
nentiae Virum, haud mediocriter commendat. Anno 1560.

IANVENSIS Prouincia, Petri Nitensis, Sacerdotis, præclara gesta,
dignis laudibus prosequitur. Anno 1560.

ETHRVRIÆ Prouincia quoque, Bernardini Assanensis, Sacerdo-
tis, Viri ad omnem virtutem compositi, Oratione, ac corporis morti-
ficatione præclari, gesta cum laude recenset. Anno 1563.

PICENI Prouincia, Deodatum à Ripâ Trasonâ, Sacerdotem, Ora-
tione, & charitate eximium. Anno 1566.

PROVINCIA S. Nicolai Franciscum Racalensem, Sacerdotem,

magnum

magnum Regularis obseruantiae cultorem, qui die obitus sui prænū-
ciato, ex corporis domicilio emigravit, commemorat. Anno 1568.

BONONIENSIS Prouincia, duos recenset, quorum posterior Ioan-
nes Baptista à Cherio, Sacerdos; cum seipsum bonorum exem-
plar in doctrinâ, in integritate, atque in omni Iustitiâ præbuisset, Iu-
stitiæ coronam tulit. Anno 1568.

Alios quoque tres. Siculæ Prouinciæ monumenta celebrant. Hi
sunt, Angelicus, Stephanus, & Syluester Bocheriensis, omnes Sacer-
dotio inuncti, qui cum cœlestem inter homines vitam, vno Spiritu
auspicati fuissent; vno quoque anno 1570. ad cœlestes euolârunt.

Frater quoque Augustinus Pactensis, Sacerdos, è Siculâ Prouin-
ciâ erumpit, sanctitate conspicuus: qui cum eam vitæ austeritatem,
que cum summâ abstinentiâ coniuncta erat, perpetuò vsque ad
mortem coluisset; eâ sibi ad diuinarum rerum contemplationem,
(cui totus vacabat) gradum parauit. donec quod ex parte est, euacua-
to, ænigmatum speculo clarâ visione absterfo, hinc emigrans, vt cre-
ditur, diuinam gloriam, reuelatâ tandem facie est speculatus. Anno
1572.

Huic, in Vmbriæ S. Francisci Prouinciâ, Frater Alexander Inter-
amnenfis successit, Vir humilitate sublimis, ac præsertim obedientiâ
clarus, quam, cum toto vitæ suæ cursu summo studio complexus ef-
fet; ab eâ, nec in morte separari voluit. Nam quo tempore rebus hu-
manis valedicere parabat, ne ignotam alterius vitæ suæ viam absque
Obedientiâ auspicaretur; ad Guardianum qui præsens aderat, con-
uersus: capite inclinato ait: *Benedicite Pater*, moxque expi-
rans, obedientiam, viæ ducem in Cœlum
accepit.



FRATRIS ANTONII LUSITANI,
CLERICI
VITA, ET GESTA.

PATER ANTONIVS Lusitanus, Clericus, atate quidem iuuenis, at virtute grandævus: hic cū nobili genere ortus, purus, ac Virgo ad Religionem accessisset; ex eā purior euasit, ac Virginitatis florem, plurimis alijs virtutum odoribus cumulauit. Maturius à Domino, è Sæculi periculis euocatus; cū primū ad Religionis finem accurrit, & annis tenerior esset (vix enim 15. annum attigerat) ob idque à Ludouico, potissimū illi Religionis habitus denegaretur, quod eum austeriorem Religionis rigorem ferre non posse æstimaret; postridie coram Ludouico asperrimo habitu indutus, apparens: Quid de corporis, Pater (inquit) robore dubitas, leuia sunt hæc, ad maiora animus fert: neque eo vllā vnquā ratione expoliari voluit, donec in Capucinorum Militiam adscriberetur. Mente purissimus erat, tamque præclaris moribus præditus; vt Æsius Generalis, illum, velut totius honestatis, ac modestiæ exemplar sufficeret, ac cæteris imitandum proponeret. Cum mentis puritate, perfectissimam quoque obedientiam, paupertatem, ac vitæ austeritatem copulabat: in cibo, & potu parcus, silentio, atque Orationi cumprimis vacabat, in quā cū diuinæ Contemplationis dono frueretur; ter, quaterque B. Virginem, cui is deuotissimus erat, sibi apparentem, ac pleraque diuina illi arcana manifestantem vidit: à quā etiam sui obitus diem, ac plenam peccatorum suorum remissionem, à Deo accepisse didicit; Post hæc, cū vix tertium in Religione annum exegisset; sanguinis profluuio laborare coepit: quem cū Fratres cunctis adhibitis remedijs, sistere nullo modo possent, is subridens, inquit: Quid frustra contenditis, Fratres ita à Deo statutum est; vt vitam cum sanguine fundam; vtinam is pro Fide, pro Christi Ecclesiā, pro Christo, inter Infideles profunderetur, vt Sanguini Christi pro me effuso, aliquid rependerem. Atque hoc desiderio flagrans, cū se internè Domino, cum diuinorum Sacramentorum, ac charitatis vinculo colligasset; purus, ac Deo charus in Cœlum migrat. An-

no. 1545.

FRATER BERNARDVS ENNEVS, &
FR. DANIEL LEONTINVS, CLERI-
CI, SANCTITATE CELEBRES.

FRATER BERNARDVS Enneus, siue à Castro Ioanne appel-
latus, Clericus, post vitam magnâ cum puritatis, ac cætera-
rum virtutum laude transactam, admirabili patientiæ ex-
emplo, vitam cum morte commutat. Vix hic animam e-
gerat; cum Daniel Leontinus, Clericus, qui eo tempore cum morte
colluctabatur, Bernardum tunc defunctum, vultu hilari sibi adstan-
tem cernit, qui iter ad Cœlum parabat. Cuius aspectu mirum in mo-
dum exultans, cum nihil de Bernardi Socij morte illi renunciatum
esset, protinùs exclamat: En venio, Bernarde, en venio: Tum verò
circumfusus Fratres rogat, vt aliquantisper Bernardi sepulturam dif-
ferant; vt eadem vtrumque simul condant: An non (inquit) charissi-
mum Socium me expectantem videtis? quo dicto, cum iam ani-
mam ageret, adstantes Fratres his verbis compellare cœpit: Eia
Fratres, assurgite, ac tot venientes huc Sanctos dignâ veneratione
excipite: En hic meus inter alios adest S. Ioseph, quem singulari
semper deuotione, quoad vixi, prosecutus sum: Atque inter hæc
verba lætus Deo animam reddit: Socioque ad æthe-
ra eunti associatur. Anno

1554.



FRA-



FRATER MATTHÆVS RHEGINVS FRATRVM
CAPVCINORVM SVBDIACON,

FRATRIS MATTHÆI RHEGINI,
CLERICI
VITA, & GESTA.



FRATER MATTHÆVS Rheginus, Calaber, ex Coramantiorum Familiâ, Vir omni virtutum laude clarus: eius tanta fuit humilitas; vt Sacro Subdiaconatus Ordine contentus, ad altiores Diaconatus, ac Præsbyteratus Ordines, præ animi humilitate promoueri recusauerit. Fuit hic, Regulæ cumprimis obseruantissimus, ac totius Regularis disciplinæ formâ, vitæ austeritate rigidus, abstinentiâ insignis, in Oratione feruentissimus, ac rerum diuinarum contemplationi deditus: præcipuè verò in Dominicæ Passionis Mysterijs recolendis: ita frequens, ac pius, vt in eorum meditatione, iuges sæpè ex oculis lachrymas funderet. Huius Viri Sâctitas, nonnullis à Deo Miraculis declarata fuit: dum enim non longè à Rheginâ Vrbe, Capucinorum Conuentus exstrueretur, accidit; vt ob frequentes, ac copiosos imbres, panis aliquandò ad Fratrum, & Operariorum victum, mendicari non posset: ex quo tam Fratres, quàm Operarios, consuetâ refectione carere oporteret: id cùm Matthæo innotuisset; mox in Ecclesiam solus secedens, ad Christi Crucifixi pedes seipsum prosternit, ab eoque annonæ prouisionem postulat. Nec pius Dominus, Orantis petitioni defuit, nam vix Oratione peractâ, ianuæ tintinnabulum pulsatum fuit, Virque ignotus, panis candidissimi corbe onustus, in ianuâ apparet, quo Fratrum & Operariorum necessitati abundè subuentum fuit. Porro in eâ Conuentus ædificatione, dum transtra quædam altiùs in Ecclesiæ tecto collocantur, casu euenit; vt Faber lignarius minùs sibi cautus, ex alto Ecclesiæ culmine præceps ad ima rueret; quo casu cùm Vniuersi illum toto corpore confractum arbitrarentur; Matthæus mox lapsus hominem Signo Crucis signat, eumque datâ manu erigens, protinus incolumem operi restituit. Plerosque eodem modo Dei Seruum ægrotos signo Crucis curasse, memoriæ traditum est: quibus cùm id tantum admonens diceret: Fili habeto fidem Dei, & saluus eris: confestim ab eo sanabantur. Deniq; obitu suo FF. lōgè ante mortem prædicto; cùm se Ecclesiæ Sacramentis deuotissimè ad Domini occursum præparasset; plenus virtute, septuagenarius ad meliorem vitam conscendit. Cuius Sâctitati illud è Cœlo testimo-

nium

nium accessit, quod ex ipsius corpore, post mortem, tam suavis odor diffundi cœpit; vt Fr. Antonius Rheginus, qui illum in Sepulchro condidit, eo perfusus, post hæc, per octo integros dies suaue oleret. Obijt 1555.

FRATRIS ANTONII SENENSIS, CLERICI

VITA, & GESTA.

FRATER ANTONIVS Senensis, Clericus, cùm admirabili vitæ puritate, sui ipsius abiectiōe, abstinentiæ rigore corporis maceratione, ac præsertim Orationis studio, atque assiduitate, in quâ penitus ab humanarum rerum contubernio, abstractus videbatur, plerosque annos in Clericali Ordine, quo altius ascendere noluit, magnâ cum Sanctimoniam famâ transgisset; in Piceni tandem Prouinciâ, Anno. 1560. ad cœlestem euocatur.

FRATER BENEDICTVS VERCELLENSIS, CLERICVS, SANCTI-

MONIA CLARVS

FRATER BENEDICTVS Vercellensis, Clericus trium annorum professus, cùm breuem vitæ cursum magnâ cum mentis puritate, Obedientiâ, ac Regulæ obseruantiam in Religione consumpsisset; Brixia: foelicissimè in Domino obdormit: cuius gloriam Deus eadem horâ, quâ è viuis excessit, cuidam Nouitio deuotissimo, qui in eo Conuentu annum probationis agebat, manifestare voluit. Cum enim Nouitius ille, qui Marcus appellabatur, post matutinas Horas, in cellulâ suâ orans, spiritali quodam sopore correptus fuisset; Conuentus claustrum, dormitorium, hortum, ac syluam, Capucinis Fratribus plena sibi cōspicere videbatur: quo ille obstupescens, ab eorum altero vnde & quorsum tanta Fratrum copia ibi collecta esset, percunctatur: cui is: Ne mirere Frater, (inquit) omnes Capucini sumus, huc è Cœlo delapsi, vt Fratr. vnus Animam, quæ breui ex hoc Conuentu egressura est, in cœlum comitemur: protinusque ei habitum ex panno auro tecto explicans: Hoc, inquit, habitus, Frater ille exonardus est. quia vilia sibi propter Deum indumenta in Ordine elegit. Quanquam enim breuem in Religione cursum expleuerit, Regulam tamen perfectè, quoad vixit, obseruauit. Post hæc illius dicta, cùm Nouitius è sopore sibi redditus esset; defuncti Fratris signum dari percepit, quo tempore Benedictus coronandum iam Deo spiritum reddiderat. An. sc. 1565.

FRATER SAVINVS FIRMANVS, CLERICVS, VIRTUTE PRÆ-

CLARVS.



RATER SAVINVS Firmanus, Clericus, genere nobilissimus, post nonnullos in Piceni Prouinciâ annos, omni cum iustitiâ, ac Sanctitate exactos; Maceratæ, diem extremum obit: eius ossa post mortem splendescere, ac suauissimum odorem efflare, certis testimonijs probatum fuit. Obijt Anno 1566.

FRATER SERAPHINVS PANORMITANVS, CLERICVS, SANCTI-

MONIA ILLVSTRIS.



RATER SERAPHINVS Panormitanus, Clericus, quantâ apud Deum vitæ Sanctimoniâ effulserit, diuino testimonio declaratum fuit: cum enim trigesimo secundo ab obitu sui a. nimirû 1599. illius corpus è tumulo, in quo extrâ Ecclesiam iacuerat, in nouum Sepulchrum, quod in Ecclesiæ Sacello eo tempore extructum fuit, translatum fuisset; illud non modò integrum, verûm & facie, & carne rubicundâ, hærentibus tenaciter capillis, qualia viuientium corpora esse solent, summâ omnium admiratione repertum fuit. Obijt An-

no 1562.



FRA-



FRATER FELIX MESSANENSIS FRATRVM
CAPVCINORVM CLERICVS.

FRATRIS BERNARDINI CATA-
CIENSIS, CLERICI.
VITA, & GESTA.



RATER BERNARDINVS Cataciensis, Clericus, tamet-
si in Religione breue tempus consumpserit, in eo ta-
men tot sibi cœlestes virtutum diuitias congeffit; vt
in iuuenili ætate, plenam Regularis perfectionis me-
tam attigisse videatur. Tàm enim ob continuum O-
rationis studium, cui diu, noctuque pluribus horis
vacabat, animo ab humanis rebus alienatus erat; vt mente semper
excedere videretur. Porro hoc assiduo orandi studio, eam mentis pu-
ritatem adeptus erat; vt cœleste quoddam vitæ genus, atque Ange-
lico simillimum, in terris coleret. Nihil otiosum ex illius ore audieba-
tur: in verbis parcus, in solitudine frequens, ad obedientiæ opera im-
piger, ad humilitatis officia velox, ad ieiunia, & vigiliis ardens, ad re-
rum penuriam, & ad corporis incommoda ferenda alacer: demum,
ad omnium sensuum mortificationem compositus, iugi studio ela-
borat; vt ad Deum, omnium rerum metam, fixam semper mentis a-
ciem intenderet. Cœlesti hâc vitæ conuersatione ac sedulo virtu-
tum studio, cùm biennium in Religione expleuisset; purum Deus ab
his corporeis tenebris, ad Angelorum lucem, ac consortium trans-
ferre voluit. Quamobrem, cùm in Conuentu Rusciani, in supre-
mum morbum incidisset; sub extremo vitæ discrimine, insolita
quædam lætitiæ signa, vultu prodere videbatur, quæ cùm Guardia-
no relata fuissent, is ad ægrotum accedens, eidem in virtute S. Obe-
dientiæ præcipit; vt si quid diuinum conspexisset, aut diuinitus illi
reuelatum fuisset, protinus aperiret: Cui Bernardus confestim:
Huc ter (inquit) ad me Beatissima Cœlorum Regina, cœlesti splen-
dore amicta venit, his me verbis ad cœleste Regnum prouocans:
Veni dilecte fili, veni, nihil dubites, te enim cœlestis R.egni possessio manet.
Hæc cùm dixisset, vix paululum sustinuit, cùm inter Guardiani, ac
Magistri sui manus animam efflauit. Bernardino verò, quædam So-
ror Tertij Ordinis erat, nomine Lucretia, quæ Deo in Sanctitate, &
Iustitiâ sedulò seruiebat: Huic Bernardinus, in eâdem sui obitus ho-
râ, oranti apparet, Albâ, & Pluuiali pretioso amictus, qui inter duos
grauissimos Viros, dignitate præstantes, medius incedere videbatur:
Cui Soror: An non Bernardine (ait) inter Capucinos eras, quomo-
dò te

dò te nunc aliâ, ac tam pretiosâ veste amictum, inter Prælatos cerno, num Capucinos deseruisti? At illi Bernardinus: Ne mirère (inquit) charissima Soror, non Capucinos desero, sed ab ijs, iam iam Cœlum conscendo. Hic, quem ad dexteram meam incedentem vides, Beatissimus Petrus est, Apostolorum Princeps: Alter, qui leuam tenet, Sanctus Franciscus, Minorum omnium Patriarcha. His dictis, confestim ex illius oculis euauit. Ea verò cùm visum Fratribus retulisset, temporique tempus collatum fuisset, re ipsâ perspectum fuit, hoc ipso temporis momento, quo hæc Sorori demonstrata fuerant, foelicem illam Bernardini animam humana deseruisse, atque inter Angelorum Choros collocatam fuisse.

Anno scilicet, 1567.





FRATER QUIDAM CLERICVS CAPVCINVS
ANONYMVS.

FRATER QUIDAM CLERICVS ANO-
NYMVS, CASTITATIS MAR-
TYRIO ILLVSTRIS.



RATER quidam Clericus, in Venetiarum Vrbe aspe-
ctu decorus, ac honestate venustior, cum Eleēmosy-
nario, panem pro Fratrum Familiā mendicans, seor-
sumque cuiusdam domus fores pulsans, ac Eleēmo-
synam petens; geminæ Mulieres, quæ simul inhabi-
tabant, turpi illius amore exardescences, quasi Eleē-
mosynam largiri vellent, intus aduocant, ac cubiculi ostia clauden-
tes illum ad turpia pelliciunt. Horret casti Iuuenis animus Mulie-
rum impudentiam: cumque insanæ Veneris cupiditati, quâ vtrâque
flagrabat, strenuè reluctaretur; hæ cultris necem illi minantur, nisi
ad turpem copulam consentiat. At ille diuinâ virtute constâtior, neci
castitatem præferens, Mulierum impudentiam reijcit: quæ tandem
amoris repulsam passæ, eò furoris euadunt; vt eum cultris aggre-
dientes, adgeniculatum, ac manus in Cœlum tendentem, crudeliter
enecauerint. Extinctum porro, vt perpetratum scelus celarent, sub
domus gradibus sepeliunt. Id cum ex illis altera, facti poenitens,
post aliquot menses elapsos, Patri cuidam Ignatio, Societatis Iesu, qui
illi à confessionibus erat, retulisset; is illud Capucinis in hæc verba re-
tulit: Scio, Patres mei, vos, quid de Clerico vestro actum sit, hæcte-
nûs ignorare: at illud vobis solatium sit, eum velut integræ castitatis
Martyrem, pro eâ mortem subiisse: remque totam, ijs tantum silen-
tio præteritis, quæ ad Sacramenti sigillum spectant, vti exarata est, e-
narravit. Obijt Vir Dei. Anno 1567.

FRATRIS BERNARDINI VRBIN A-
TIS, CLERICI
VITA, & GESTA.



RATER BERNARDINVS Vrbinas, Clericus, breui tempore
multam virtutum segetem messuit. Nam cum mente pu-
rissimus esset, humilitatis, mansuetudinis, obedientiæ, cha-
ritatisque studiosissimus; gratissimum assiduæ Orationis
Deo Sacrificium offerebat. Quò fiebat, vt pleraq; Dei dona obtine-
ret, quæ mundis corde, ac humilibus à Deo dispertiri solent. Præcipuè

S f 2

verò

verò singulari in B. V. ac B. P. Franciscum deuotione ferebatur, in his, cum usque ad vigesimum sextum suæ ætatis annum, Religionis verò quintum, Deo in Sanctitate famulatus esset; Scapiani supremum ægrotare cœpit, quo tempore, animâ Deo dignè præparatâ, antequàm Spiritum Deo redderet, B. V. ac B. P. Franciscum sibi occurrentes conspicit, qui suauibus eum verbis consolantes, ad cœlestem Patriam inuitant. Id ille cum animo exultans Fratribus renunciasset; paulò post, cum ijs iter ad Cœlum arripit. Anno 1568.

FRATRIS IULIANI CAMERINENSIS,

CLERICI

VITA, ET GESTA.

RATER IULIANVS Camerinensis, Clericus, animi humilitate, ac Obedientiâ præclarus, cuius inter alias, ea quoque virtus narratur, quod tantâ sui ipsius contemptus, duræque omnia pro Christo tolerandi, siti, ac cupiditate estuaret; vt sæpissimè causas fingeret, quo à Superiore increparetur, ac poenitentijs afficeretur; tam enim sui despicientiâ gaudebat, tantamque in Cruce Domini sibi voluptatem vendicabat; vt cū alios, à Superiore, poenis plecti conspiceret; his se comitem adiungi postularet. Cumque plurimis alijs virtutibus floreret, quæ summâ in eo Clericalis status præstantiam commendabant, florem hunc Deus; Mundo quidem immaturum (vix enim vigesimum primum, aut secundum annum attigerat) Cœlo autem aptum in Æthera transtulit. Huius, præter vitam magnâ cum Regularis obseruantie laude peractam, illud testimonium fuit, quod in ipsa obitus horâ, quæ illi in Conuentu Amendolæ contigit, Deiparam Virginem sibi occurrentem videns, exclamare cœpit: O! Fratres, En Virginem Beatissimam, iam assurgite, atque illam dignis honoribus excipite: quibus in verbis, dilectus Deo, & hominibus, in Virginis complexu animam reddit. Anno 1568.



FRATER ARSENIUS PICENS, CLERICVS
NOUITIVS, VIRTVTI-
BVS CLARVS.

FRATER ARSENIUS Picens, Clericus Nouitius, cū vitam in Sæculo magnā cum puritate. vsq̃ue ad decimum octauum annum actam, pluribus in Nouitiatu virtutibus auxisset; vitæ filo morte interciso. antequā ad Superos migraret. S. Ioannem Baptistam, sæpē in extremā ægritudine sibi apparentem, & ad meliora prouocantem vidit. Deniq̃ue in mortis articulo, plerosq̃ue Sanctos, quos is proprio nomine appellabat, sibi adstantes, & ad præmia allicientes conspicit, quibuscum ad suprema conscendisse creditur. Anno 1569.

FRATER MODESTVS PLACENTI-
NVS, CLERICVS.

FRATER MODESTVS Placentinus, Clericus, Anno 1570. maturē seminum fructus colligit. quæ exiguo temporis spatio, altè sibi animo plantauerat. Cū enim vix tres in Religione annos exegisset; in his, tantā animi puritate, mentis simplicitate, obedientiā, paupertate, atq̃ue omnium virtutum splendore eluxit. vt hinc emigraturus exclamare cœperit: O! Fratres, quam splendidam Crucem, pretiosam, & ornatam, radijs emicantem cerno, quæ viam ad Cœlum monstrat. Quibus in verbis, Christi discipulus, animam exhalat, præeuntemq̃ue ad Cœlum Crucem sequitur. Anno qui suprā.

FRATRIS IOANNIS BAPTISTÆ à
CASTRO S. PETRI, CLERICI
VITA, & GESTA.

FRATER IOANNES BAPTISTA à Castro S. Petri, Clericus, hic tam insigni mentis puritate, humilitate, morum disciplinā sensuum mortificatione Orationis assiduitate, ac totius Regularis obseruantia luce in Religione, exiguo licet temporis spatio, effulsit; vt Angelicam ac planè cœlestem inter homines vitam ageret. tantamq̃ue apud Deum Sanctimoniam laudem adeptus fuerit, vt in ipsa sui obitus horā, Dæmon qui Mulierem quandam textricem obsidebat, repentē exclamare cœperit: Heu! heu! mortuus est Sanctus Vir Ioannes Baptista, Cœlum mo-

S f 3

dò glo-

dò gloriosus conscendit, iam hinc mihi emigrandum est hâc meâ, me, ille sede pellit. Quo tempore obsessam Mulierem discerpens ac semimortuam relinquens, ex eâ protinus aufugit. Obijt Vir Sanctus Anno 1571.

FRATRIS BERNARDINI à LAURO.
CLERICI
VITA, ET GESTA.

BRATRES BERNARDINVS à Lauro Clericus cū in eximiâ ac singulari quâdam morum probitate, vitæ innocentia, animi candore, sui ipsius abnegatione, paupertatis amore, humilitatis disciplinâ, Regularis obseruantia cultu, atque omnium virtutum studio, præclarum coelestis vitæ Tyrocyonium posuisset; in Conuētu Apicis, immaturâ morte corripitur: quo fit, vt non virtus vitæ, sed vita illius virtuti defuerit, breuique in Palæstrâ exercitatus, Palæstræ coronam in morte tulerit: Etenim in ipso mortis agone cum iam luctæ finem imponere deberet; in mentis excessum raptus, ingentem Fratrum Capucinatorum supplicationem, splendidis vestibibus ornata ante se gradientem conspicit, qui cum è terris in Coelum conscenderent, suum quisque ordinem, vel priorem, vel posteriorem, sibi præstitutum seruabant. Postremus tandem inter duos, Sanctus Patriarcha Franciscus incedens, manu librum apertum gestabat, quem Bernardinus diligentius inspiciens, cum in eo suum ipsius nomen exaratum videret, eodem tempore ad sensus rediens rem exhilaratus Fratribus narrat, moxque cum his, ad coelestes sedes, laureandus conscendit. Anno 1571.

FRATRIS ALEXANDRI CATANENSIS, CLERICI
VITA, & GESTA.

RATER ALEXANDER catanensis Clericus, flos utique Religionis recens. ac pullulans, qui licet nondum toto suo splendore ex gemmis, ac vaginis emerisset; sed partim quidem iam enituisset, partim verò in lucem emerfurus speraretur; quâ tamen sui parte resplenduit, tot ex se virtutum splendores edidit; vt seipsum, iuuenescentemque adhuc ætatem superaret: Tantæ enim Sanctitatis fuit; vt humilitate sui contemptu, vitæ austeritate paupertate, obedientia, Orationis studio, longè alios antecelle-

tecelleret. Tantâ honestate præditus fuit, vt nec ipse, vllius vnquâ Mulieris, post ipsius Religionis ingressum, aspectum viderit, nec ipsius faciem vlla vnquâ Mulier intueri potuerit. Quapropter Tertiariarum Ministra, eximiæ Sanctitatis Mulier, Augurij, cum summopere Alexandri aspectu frui cuperet, id nunquâ nisi post ipsius obitum assequi potuit. Cum enim in eodem Auguriani Couentu, honestissimus Iuuenis, post nonnullos molestæ ægritudinis dies, quam patientissimo animo tulit, sancto fine quieuisset; quâ horâ ipsius Anima è corpore soluta fuit; Ministræ oranti, noctu, splendida, ac gloriosa apparuit, his eam verbis compellans: Ministra, En ego hâc horâ Cælum conscendo, si faciem meam intueri cupis. primo mane ad Ecclesiam perge: quo cum illa diluculò concessisset, Alexandri defuncti corpus iam in Ecclesiam delatum conspicit. Interrogat illa, quâ horâ Alexander è viuis excessisset: eamque prorsus esse deprehendit, in quâ ille sibi oranti gloriosus apparuerat. Huius Sanctitatem, plurimis post ipsius obitum Miraculis, Deus testatam esse voluit: ipsiusque coronæ contactu, plerique varijs morbis laborantes, à Deo incolumitatem adepti fuere. Obijt Anno 1572.

FRATER LVDOVICVS PARMENSIS,
CLERICVS, VIRTVTI-
BVS ILLVSTRIS.

FRATER LVDOVICVS Parmensis, Clericus, dum adhuc Nouitius, Matri reditum illi ad Sæculum vehementer persuadenti, constantissimè obstitisset; præclaraque Virtutum, ac præsertim humilitatis & obedientiæ fundamenta iecisset; sexto post Professionem mense, morte sublatus, in obitu. Iesum Christum, Dei Filium, ante Patrem stantem, ac pro eo vulnerum Sanguinem eidem offerentem conspicit: quo ex conspectu, lætus ad fœlicium Animarum domicilium migrat. Anno 1574.



FRATRIS PAULI à PEDONÀ,
CLERICI
VITA, ET GESTA.

MATER PAVLVS à Pedonâ, Clericus, cùm tertium necdum in Religione annum exegisset; tam perfectè Euangelicæ, ac Seraphicæ perfectionis metam, quam alij vix longo multorum annorum curriculo assequuntur, breui cursu attigit, eamque mentis puritatem, quæ ex plurimarum virtutum coniugio oritur, exiguo tempore adeptus est; vt cùm huius mortalis vitæ cursum, in Æsino Conuentu, absolueret; innumeras Beatorum Innocentium animas, sibi occurrentes conspexerit. Quapropter, Fratres qui lecto circumfusi adstabant, rogare cœpit; vt tot cœlestibus Pueris locum darent: id cùm Fr. Stephanus à Monte Sancto, Laicus, audiret, quandoquidem verba delirantis esse existimabat, risum extulit: At Paulus: Tune, inquit. Stephane rides, qui plangentis potius officium assumere deberes? Mater enim tibi non pridem defuncta est, breuique illius nuncium accipies. Id Paulus præterquam ex Dei reuelatione agnoscere non poterat, cùm Montis Sancti Oppidum ab Æsinâ Vrbe, viginti duo millia distet) neque vllus, Mulieris obitum, cuius fama necdum Æsinum peruenerat, ægrotanti renunciare potuisset. Vix autem vnius horæ tempore elapso, Stephani Germanus, ad Conuentum appulit, qui funestum illi de Matris obitu nuncium affert. Eodem quoque tempore. Paulus, cùm diuino Spiritu accepisset, Petrum quendam Firmanum, qui postea Fr. Apollonius appellatus fuit, eo, ad probationis annum auspicandum contendere, id astantibus Fratribus indicans: Eia, Fratres, inquit, Fratri nostro Petro locum parate, iam enim præ foribus stat, statimque Petrus ianuam pulsât. Postremò, cùm iam animum ageret, exclamare cœpit: O! ô! Fratres, quàm gloriosam. O! ô! quàm lucidam Dominam cerno. Tum paulò post ipsâ Sacrà Deiparâ Duce, ad purissimum lucis fontem euolat.

Anno 1573.



FRA-

FRATRIS IOANNIS BAPTISTÆ FOS-
SANENSIS, CLERICI
VITA, & GESTA.

RATER IOANNES BAPTISTA Fossanensis, Clericus, cum in Sæculo, publici Tabellionis munere fungeretur, illius artis periculis perterritus, facultatibus suis in Pauperum usum, Domui Hospitali illius Urbis erogatis, pauperum Capucinatorum vitam amplexus est: in quâ tantâ cum virtutum laude per aliquot annos versatus fuit; ut humilitate, obedientiâ, paupertate, honestate, deuotione, charitate, & si quod est aliud Religiosi Viri ornamentum, eo se perfectè instructum ostenderet: ita ut in nouâ adhuc Religionis palæstrâ, Militis veterani; ac iam rude donati robur, ac virtutes suspicere liceret. Necdum enim ad Sacerdotij Ordinem peruenerat. quum, quarto Religionis anno duntaxat exacto, in Conuentu Viguerij, graui morbo affligi cœpit. Quo tempore, Viri Sanctimoniam hoc modo Deus testatam esse voluit, Nam cum Infirmorum Præfectus aliquandò ad ipsius Cellam, in quâ tunc absque lumine iacebat, matutino tempore accessisset; erumpentem inde splendorem animaduertens, mirabatur vndenam illi ea lux affulgeret, quem absque lumine esse exploratum haberet, Quapropter, Cellam ingressus, lucidissimum Iesu nomen, radijs vndique fulgentibus coruscans, in pariete, super ægrotantis caput elucere conspexit quod cum paulò post euaniisset, id non humanâ arte factum, sed diuino plane opere elaboratum intellexit; ut ægrotantis Sanctimonia coelesti illo testimonio probata, eidem manifesta fieret. Hic, cum diutinæ ægritudinis tædium, ac dolores tantâ patientiâ tulisset; ut inter corporis languores nullum sibi magis solatium esse existimaret, quàm in diuinas sese laudes effundere; è vitâ tandem excedens, pro breui carnis dolore, coelestes, ac perpetuas animi voluptates consequitur, Huius Viri caput. post tertium, vel quartum ab ipsius obitu annum, integrum, cute ac capillis hærentibus conspectum fuit: quò, eum beatâ immortalitate donatum assereret. Obijt Anno 1575.

* *
*

T t

FRA-



FRATER FELIX MESSANENSIS FRATRVM
CAPVCINORVM CLERICVS.

FRATRIS FELICIS MESSANENSIS,

CLERICI

VITA, & GESTA.



PATER FELIX Messanensis, Clericus, ex Nobili Marullorum stirpe progenitus, cum ab ipsâ ineunte ætate præclaræ pietatis, ac futuræ Sanctitatis signa edidisset; vix duodeuiginti annos natus, à Deo ad Capucinorum Religionem vocatus; Patre, qui Felicem inter summas delicias habebat, Vocationi modis omnibus obfistendo, ac quæcunque optaret, sub iure Iurando vltro promittente, dummodo animum à Religionis proposito reuocaret: pius, ac lepidus Adolescens ita Patrem affatur: Quando, Pater, ita iubes non Filium à Patris imperio dissidentem esse decet: En iussis obtempero. Veruntamen vnum duntaxat à te peto, quod si integrum dederis, tum à cœptis desisto: cui, Pater, mirum in modum Filij deliberatione exhilaratus: Quid rem (inquit) in longas protrahis moras, pete, & accipies: At Fœlix, inquit, non aliud peto, Cœlum da, & me habeto. Verum illi Pater: Cœlum ait in Dei potestate est, cur à me quod meum non est, postulas? Cui Fœlix: Sine igitur Pater, inquit, vt illud à Deo, in Religione quæram, qui solus dare potest. Denique cum admirabili animi constantiâ, vniuersa carnis, & sanguinis impedimenta calcasset, tandem à Paternæ domus delitijs erumpens, Matris quoque blanditijs denictis, ad Crucis vexillum, Capucinorumque Ordinem euolat. Porro admirabilis fuit ea vitæ ratio, quam deinceps in Religione instituit, mira mentis humilitas, mira patientia, mira morum disciplina, mira vitæ austeritas, mira orationis cupiditas, à quâ diu, noctaque, vix diuelli poterat. Pleraque his virtutibus Dei dona, ac præsertim futurorum præscientiam, assecutus est: cum enim ob communem famam, quæ de illius Sanctitate euulgabatur, sæpè à Carolo Vintemilliâ, Nafei Comit. inuiseretur; is eum frequentius admonebat, vt odijs, ac dissidijs quæ cum suis Nafiensibus nutriebat, sedatis; subditi Populi amorem sibi beneficijs conciliaret. Sed cum is repitata sæpè monita contemneret, pristinaque odia, ac simulates prosequeretur; Vir Dei illi tandem futurum prædicit; vt Nafenses, se ab illius propediem iugo, ac imperio subducerent, lugubrisque ipse è viuis excederet: quod haud multò post, eidem accidit: ipso ob perpetratam cædem in exilium pulso. in

quo, inter luctus, & ærumnas animam fudit. Denique cum in Conuentu Nafei in supremum morbum incidisset, Polidorus Medicus, qui iam biennio quartanâ febre molestissimâ afflictabatur, cum Viri Sanctitatem plurimi faceret, ab eo postulat, vt cumprimûm ad Dominum migrauerit, ab eo sibi corporis incolumitatem impetret: pollicetur ille, si tamen diuinâ sibi luce frui datum fuerit. Interea cum vitæ fine appropinquante, iam naturæ concederet; En Beatissimam Cœlorum Reginam aduenientem conspicit dumque adstantes Fratres ad illius reuerentiam, ac venerationem prouocat; Felix, ad foeliciores Cœli delitias migrat. Secundo post ipsius obitum die, Polidorus Medicus, à quartanâ febre, Sancti Viri merito liber, vt suo intercessori, pro beneficio gratias reddat, è Mirsi Oppido, quod Naseo, quatuor, plus ampliùs millia passus distat, ad Felicis Sepulchrum, nudis pedibus accedit, ac vota perfoluit. Felicis ergò corpore tumultato protinùs ex ipsius Sepulchro tam suauis odor effundi cœpit; vt vniuersa Urbis aromata ibi collecta esse viderentur: ea verò odoris fragrantia, cum non eo duntaxat tempore, quo corpus tumultatum fuit, sed diu quoque post illud sese ex Sepulchro diffunderet; Fratres permouit, vt aperto Sepulchro Felicis corpus explorarent, quod integrum ex omni parte, & incorruptum reperiunt. Ætate quidem iuuenis, obiit Felix, cum vigesimum secundum annum non excederet, at virtute grandæuus, ad Immortalem foelicitatem accessit. Anno 1576.

FRATRIS FRANCISCI ABILLINENSIS, CLERICI
VITA, & GESTA.

PATER FRANCISCUS Abillinensis, cum singulari vitæ puritate, Regulâ disciplinâ, atque potissimum obedienciâ, annos, quos in Religione duxerat, exornasset; obedienciam quoque in morte, ad Deum, ducem sibi vendicat: è Sæculo namque migraturus, cum à Guardiano benedictionem postulasset, vt ex Obedientiâ extremum illud iter perageret, cunctante Guardiano, obedientissimus ille: E corporis, inquit, Pater ergastulo non egrediar donec tuâ benedictione, ac obedienciâ meum exitum munieris. Benedictione tandem illi à Guardiano impertitâ, dum in Religiosum, ac consuetum, *Benedicite*, linguam soluit, soluta à corpore anima ad Deum iter carpit.

Anno 1577.

FRA-

FRATRIS ARCHANGELI à SACCÀ,
CLERICI

VITA, & GESTA.

RATER ARCHANGELVS à Saccà. Clericus, cum in maximâ animi puritate, simplicitate, humilitate, obedientiâ, silentio, assiduoque Orationis studio, vitam in Religione duxisset; singulare quoque honestatis testimonium posteris imitandum reliquit. Dum enim cum Eleëmofynario aliquando consuetæ mendicationi vacaret; à foeminâ quâdam vocatus in domum introducitur, quæ ostio occluso. Iuuenem ad turpia pellicit, At ille, illustri Castitatis exemplo, victor, de Dæmone prostrato Trophæum refert. Hic tandem cum eadem vitæ innocentia, clarissimisque virtutum exemplis, quintum in Religione annum expleuisset; breui labore, ampliorem gloriæ coronam est consecutus, Anno, 1577.

FRATER GRATIA SEPTEMPEDANVS, CLERICVS, SANCTI-

MONIA CLARVS,

RATER GRATIA Septempedanus, Clericus, vix octauum, post solemnem votorum Professionem, diem attigerat; cum vitam cum summâ puritate, ac integritate transactam, beata mors subsecuta est, quæ post ipsius obitum, cunctis hac ratione innotuit. Vix enim dies, post ipsius obitum effluxerat, quum Fr. Antonio à Campo Rotundo, qui dum ægrota- ret, sollicitam eius curam egerat, gloriosus, ac candidissimâ veste indutus apparet, cui etiam ob persoluta charitatis officia, plurimas hilari vultu gratias refert: quem, cum Antonius interrogasset quomodo in altero vitæ statu se haberet? Respondet ille: Benè Antoni, benè, ac optimè ex Dei clementiâ. Atque his dictis, illi ex oculis eripitur. Obijt Anno,

1578,



T t 3

FRA -

FRATRIS IOANNIS BAPTISTÆ FER-
RARIENSIS, CLERICI
VITA, ET GESTA.

RATER IOANNES BAPTISTA Ferrariensis Clericus à pue-
ro illecebris huius vitæ contemptis, quædam in ipsâ pueri-
tiâ. Religiosæ mentis testimonia prælibauit: atate verò a-
dolescente, cum decimum sextum annum attigisset, Deo
illum velut alterum Abraham vocante (*exi de cognatione tuâ, & de do-
mo Patris tui*) sic obtemperandum putauit; vt protinus Patre,
Matre, ac paternâ Domo relictâ ad Capucinorum se Familiam trās-
tulit. Porro cū eo, in Religione creuit & virtus: Nihil enim eo humi-
lius, nihil honestius, nihil magis ad omnem obedientiam compo-
situm erat. Quasi columba simplicissimus, adeò hâc virtute excelebat,
vt duplicitatem ne quidem agnosceret, nihil nisi caudidum in animo
gereret, cuncta crederet, cuncta sano oculo intueretur, atque ita sibi
parendum esse putaret; vt non mentem tantummodò, sed & verba
ipsa, quæ interdum à Superiore, metaphoricè proferuntur, spectan-
da esse censeret. Pulcher facie at animo pulchrior, tantam in mori-
bus honestatem, ac venustatem præseferbat; vt Angeli potius,
quàm hominis speciem referret. Tot demum tantisque virtutibus e-
micabat; vt Dæmon illi maximè inuidens, dum semel in Cellâ, sa-
crorum Librorum lectioni incumberet, ignem maximum in eâ
accenderit: quod vbi Ioannes Baptista, Dæmonis opus esse co-
gnouit, statim in genua procumbens diuinam opem implorat. Ora-
tioneque Tartaream illam flammam extinguit: sed quoniam placita
erat anima illius: ne quandò malitia mutaret intellectum eius aut ne
fictio ipsius simplicitatem euerteret, maturius illum D. O. M. ex hu-
ius vitæ periculis euocat. Vix enim ad secundum Religionis an-
num peruenit, cum in Conuentu Mutinæ, graui morbo discruciarî
cœpit: quâ in ægritudine ea tantum illius vox audiebatur: *Veni
Domine, & noli tardare.* Cum verò morbo naturam supergrediente,
extremum vitæ exitum exspectaret; Vesperarum tempus aduene-
rat, cum Guardianus ad ægrotum conuersus, ait: Ioannes Baptista
iam horæ Vespertinæ instant, en tibi tintinnabulum, si ante absolu-
tas Vesperas te Dominus ad cœlestia vocauerit, tintinnabulum pul-
sa, vt huc statim accurrens te meâ benedictione prosequar. His an-
nuuit ægrotus: vix autem inchoantur Vesperæ, cum tintinnabuli so-
nus auditur, mox Guardianus ad ægrotum festinans, cum primùm
ad eum

ad eum peruenit, Illum Ioannes Baptista ita affatur: En Pater, vt iussisti, tintinnabulum pulsaui, iam profectiois tempus est, in Coelū abeo, *Benedicite*, flexoque versūs Guardianum capite, eodem tempore, illud ad supremam quietem inclinat, Anno 1580.

FRATRIS GREGORII GALLOPOLI-
TANI, CLERICI
VITA, & GESTA.

RATER GREGORIUS Gallipolitanus, Clericus, in eo occultissima diuinæ Sapientiæ, ac Benignitatis arcana conspiciuntur. Hic enim, cum & morum improbitate, & effrenâ viuendi licentiâ non parum à communi viuendi ratione, ac humilitate, quæ Clericorum, præsertim apud nos, propria esse solet, abhorreret: à Prouinciali Vicario correptus, atque ad meliora prouocatus, tantum eâ correptione profecit, vt animo prorsus commutato, aliam vitæ rationem, tot tantisque virtutibus ornatam instituerit, vt prioris omnino maculam deleter. Tàm enim humilitate, obedientiâ, modestiâ, sensuum mortificatione, mansuetudine, ac cæteris animi virtutibus cœpit excellere, tàm arctâ paupertatis lege seipsum obstringere, tàm seuera panis, & aquæ ieiunia ferè quotidiana exercere, tot flagellis, ac carnis macerationibus carnem castigare, tamque ardenti animi studio, orationi, ac rebus diuinis incumbere; vt iam non prior Gregorius, sed eo sepulto alter, ac melior pro eo surrexisse videretur. Porro inter has noui hominis metamorphoses, cum Gregorius semel in Oratione defixus, Deum, ac B. P. Franciscum deprecaretur, vt quâ viâ illi ad perfectam Regulæ Observantiam, gradiendum esset, ostenderent. B. P. Franciscus eidem, lacero habitu amictus, Crucemque in manu gestans, apparet: his eum verbis compellans: Gregori, Fili, si Deo, ac mihi placere optas, paupertatem ante omnia sectare, eamque & interius, & exterius serua. Quo audito tantâ is deinceps paupertatis cupiditate flagrare cœpit; vt nihil magis, quam altissimas paupertatis diuitias appeteret: Hic demum vitæ cursu Hidrunti confecto, rebus pauper, Virtutibus diues, Anno 1580. in Coelum migrat, beatorum Pauperum consortio copulandus.

FRATER IUNIPERVS à CAMPO, LAI-
CVS, VITÆ SANCTIMONIA

INSIGNIS.

FRATER IUNIPERVS à Campo, Laicus, eius inter alias, tres potissimum virtutes commendatione dignæ recensentur. Prima, arctissimum quoddam silentium fuit, quo tam studiosè ab omni, non tam perniciosorum, quàm inutilium verborum lapsu, cohibere nouerat, vt nemo inane verbum ab ipsius ore elapsum vnquàm audierit: ex quo facilem ad omnem Euangelicæ vitæ, ac virtutum omnium perfectionem viam strauit: id præsertim attestante Iacobo: *Qui non offendit in verbo, hic perfectus est Vir.* Secunda fuit, admirabilis quædam abstinentiæ virtus, quâ omnem gulæ sensum, & voluptatem ita sibi subiecerat, vt nullius, quo vesceretur, cibi gustu, aut sapore afficeretur: ita vt illud Vatis sibi v-surpare posset: *Quia cinerem tanquam panem manducabam.* Tertia, ac postrema fuit horribilis quædam carnis maceratio, quâ nullis tametsi improbis laboribus cedens, nocturnis vigilijs, flagellis, grauissimis ponderibus, quasi qui hostem ad internecionem quæreret corpus persequi solebat, ne Spiritum ad cœlestia tendentem retardaret: atque adeò carnem vsque ad mortem insecutus est, vt post ipsius obitum, cum Fratres, vt corpus lauarent habitu exuissent, ferreo thorace, quo carnem eousque fatigauerat, contactum reperirent. De eo Ludouicus Rheginus dicere solitus erat. O vtinam magnam horum Iuniperorum syluam, Religio nostra haberet. Obijt Anno. 1537.

FRATER BERNARDVS FOROSEM-
PRONIANVS, LAICVS, VITA, &
VIRTVTIBVS CLARVS.

FRATER BERNARDVS Forosempronianus, Laicus, Vir plurimis virtutibus exornatus, Regulæ cum primis obseruantissimus, cuius hæc vox familiaris erat, Fratres omnem potius cruciatum, ac mortem eligere debere, quàm Regulæ obseruantiam lædere. Magno sui ipsius tam in habitu, quem omni ex parte varijs panni rudissimi præsegminibus confarcinatum gerebat, quàm in incessu (cum soleis nunquàm, quoad vixit, vsus fuit) neglectu affulgebat. Admirandam vitæ austeritatem coluit: cumque à carnibus, ac vino abstineret, semel tantum in die

die pauperioribus cibis, velut herbis, ac leguminibus vescabatur. Orationis studiosissimus adeò eà delectabatur; vt cùm somno parcissimè vteretur, maiorem in eà, ac præsertim in Passione Domini meditandâ, noctis partem transigeret, quam tot lachrymis prosequeretur; vt dum semel solitarius in nemore oraret, tam forti, ac vehementi vocis eiulatu Domini Passionem defleret; vt nonnulli Sæculares Viri, qui fortè nemus ingressi fuerant, deplorandas eiusmodi voces audientes, cùm sinistrum quicquam illi accidisse suspicarentur, eò statim accederent: quibus ille sui fletus causam aperiens, tantâ cœpit animi pietate, ac lachrymarum copiâ, cum ijs de Christi Domini cruciatibus, ac doloribus agere; vt omnes in fletum, ac lachrymas erumpere, ac tam atroces Domini sui poenas, secum deplorare compulerit. Lachrymas, ob assiduam Christi Domini Passionis meditationem, tam familiares sibi conciliauerat; vt cùm aliquandò Prædicatorem de Domini Passione in Ecclesiâ concionantem audiret, in tam ingentem fletum erumperet; vt, ne Concionatorem impediret, inde abscedere compulsus fuerit. Ergà Pauperes, incredibili charitate afficiebatur. Ob Dominicæ Passionis amorem, ac præsertim Christi Domini flagellationis memoriam, præter consuetas Ordinis flagellationes, semel in quolibet anno, flagellationem, quæ Dominica nuncupatur, per quinque horarum spatia, in seipso seueriùs exercebat. Denique cùm duodecim circiter annos in maximâ vitæ austeritate, ac Regulari obseruantia, Virtutumque omnium disciplinâ in Religione transegisset; Macerata, magnâ cum Sanctimonie famâ, extremum diè claudit. Cuius Corpus, ob insignes hominis virtutes, Forosempronium translatum fuit. Obijt Anno 1539.

FRATER DONATVS ALETINVS,
LAICVS, VIRTVTIBVS

CLARVS,



RATER DONATVS Aletinus, Laicus, Vir omnium virtutum laude clarus, ac præsertim paupertatis, ac obedientie cultor zelantissimus. ac sui neglectu insignis, miraque animi puritate, ac candore præditus; adeò vt sæpè cum Virgine Deiparâ colloqui auditus fuerit. Solitudinis, atque Orationis cumprimis amantissimus fuit, ac Regularis obseruantie studiosissimus. His, cùm Seruus Dei fideliter vacat, ac duplicatum ex ijs talentum Domino suo referre studet; ad præmium vocatur, Dominumque sibi dicentem audit: *Eugè Serue bone & fidelis, quia in pauca fuisisti*

V u

fidelis,

fidelis, supra multa te constituam, intra ingaudium Domini tui. Tam omnibus perspicua erat huius Viri Sanctitas, ut Turbæ undique in eius obitu, ad illius Corpus venerandum confluerent, Deo præsertim Serui sui gloriam signis attestante. Nam Corpus in Ecclesiam delatum, tanto protinus coepit, non humanorum, sed coelestium aromatum odore fragrare; ut eum cuncti in Cœlo potius regnantem, quam in feretro iacentem, sibi certo argumento persuaderent. Obijt Anno

1539.

FRATER IOANNES de VIA, LAICVS,
SANCTIMONIA CONSPI-
CVVS,

FRATER IOANNES de viâ, Laicus, Regularis obseruantiaæ atque integerrimæ vitæ custos. De eo, in Vmbriæ Prouinciæ monumentis refertur, quod cum ob nonnulla officia pro defunctis Fratribus omiffa, à Cœli ingressu post mortem impediretur; Nouitio cuidam deuoto apparuerit; à quo ea pro se officia persolui postulauit; quæ cum Nouitius piè, ac promptè exoluisset; iterum illi inter B. P. Franciscum, & S. Bernardinum medius apparens, cum ijs Cœlum ascendere visus est. Obijt Anno

1541.

FRATER VALERIANVS VITERBIENSIS, LAICVS, FR. FRANCISCVS BELGA; &
FR. IOANNES MARIA BRIXIANVS,
SANCTIMONIA ILLVSTRES,

FRATER VALERIANVS Viterbiensis, Laicus, Ordinis Prædicatorum, cum in Conuentu S. Mariæ à Quercu, Ciuitatis Viterbiensis, Deum attentius oraret, in mentis excessum rapitur; Quo tempore, binos Capucinos Fratres, in quodam Capucinorum Conuentu, corruptibili corporis sarcinâ depositâ, diuino aspectui oblatos conspicit, quorum alter magnâ cum gloriâ Cœlum conscendit: Alter breui quodam tempore, purgatorijs poenis expiatus, post Socium euolauit. Valerius eâ visione incensus, cum Religionem Capucinorum, quæ tam illustres victores Cœlo parat, ingredi decreuisset; atque à Vicario Prouinciali receptus, ac Valerianus appellatus, ad Conuentum Montis S. Ioannis probandus transmittitur. Is verò, cum loci illius adhuc simulachrum

in men-

in mente gereret, in quo geminos illos Capucinos in visu morientes conspexerat; vix ad Conuentum peruenit, cum eum locum defunctorum Fratrum esse agnouit. Quamobrem, cum à Magistro diligentius inuestigaret, num Fratres aliqui in eo Monasterio nuper obijissent? Ab eo accepit, duos ibi Fratres, nimirum Fr. Franciscum Belgam, & Fr. Ioannem Marianam Brixianum, extremum diem, eadem horà clausisse. Obitus verò die adnotato, eum ad amissim esse intelligit, quo illorum illi mors in visione demonstrata fuerat. Quapropter tunc visionem Magistro referens nouum, ac cœleste vitæ tyrocinium in Religione instituit. Hic tandem cum plurimis in Religione virtutum titulis præcelluisset, quibus præclara vitæ exempla alijs imitanda reliquit; perfectâ tandem Regulæ obseruantia clarus, post nonnullos austerioris vitæ annos, eternam cœlestium bonorum possessionem adipiscitur. Anno,

1545.





FRATER IVSTINVS A PANIGALEO FF. CAP.
 VMBRIÆ. PRŌÆ. VIS. PROALIS. LAICVS

FRATRIS IUSTINI à PANIGALEO,
LAICI, VMBRIÆ PROVINCIÆ
COMMISSARII
VITA, & GESTA.



IRATER IUSTINVS à Panigaleo, honestis Parentibus natus, in Observantium Familiam, post aliquot in iuventute annos in Sæculo transactos conscriptus, in eâ, haud sine virtutum laude, piam, honestamque vitam, usque ad senectutem, in Laicorum statu ducit. At cum Bernardinus Astensis, Ioannes à Fano, Eusebius Anconitanus, ac cæteri nonnulli ad Capucinos migrarent; eodem quoque ipse Regularis observantiæ Spiritu ductus, cum iam ætate prouectus esset, in Capucinorum Familiam adscribitur: in quâ, tam præclarum vitæ tyrocinium instituit; vt Angelicam, inter Fratres, conuersationem præferret. Ita enim se humilitate, benignitate, modestiâ, mansuetudine, atque omnibus charitatis officijs, erga omnes facilem præbebat; vt cum cunctis suâ operâ, ac labore satisfaceret, à cunctis etiam magnoperè diligeretur. Laicorum statum cum ad labores, ac domestica Ministeria à Deo vocatum esse non ignoraret; quotidianis laboribus, corpus, licet senectute prægrauatum, defatigat: ac non modò illi escam quotidianis ieiunijs subtrahit, sed & plurima, ad solum panem, & aquam contrahit. Verùm, vt illius superbiam retundat, asperrimis ipsi hyemis frigoribus nudum ferè exponit. Præter hæc, tot illud flagellationibus, vigilijs, atque alijs vitæ incommodis, velut infestissimum sibi hostem aggreditur, vt nullas vnquam belli inducias cum eo paciscatur, quo illud in perfectam Spiritus libertatem redigat. Tanta denique in hoc Viro dura, asperaque omnia pro Christo paciendi cupiditas flagrabat; vt secum sæpè conquereretur, tardius, & ad vesperum (cum iam vires illi præ senio deficerent) ad opus accessisse. Orationem, Dei amicissimam ita amplectitur; vt cum diem in labores iusumit, noctu diuinæ contemplationi vacet. Quo fit, vt post matutinas Horas, nunquam, aut rarò ab Ecclesiâ recedat, sed in eâ diutius in Oratione pernoctet. Quo tempore, pleraque à Deo dona, ac cœlestes reuelationes accipit: Ex quibus vnâ lubet hic referre. Erat Iustinus, tametsi Laicus, ac prorsus literarum ignarus, plurimum consilio, ac

prudentiâ præstans : quamobrem, sæpè Guardianus, atquæ interdum Vmbriæ Prouinciæ Commissarius, à Patribus institutus fuit. Cum igitur Bettonæ, Guardiani munus gereret, plurimâ erat cum Carcerellarum Guardiano necessitudine coniunctus, qui cum inter nonnullas, eo tempore animi angustias versaretur; pro eo Iustinus in oratione pernoctans, ad Deum preces fundebat. Cui Dominus, scamnum tripes manu gestans, apparet, qui Iustinum his verbis compellat: Vides hoc tripes scamnum Iustine? Scito, quod in eo Guardianus Carcerellarum sedet: quo fit, vt ab omni periculo vacet. Cum igitur Iustinus, scamni significationem ignoraret, à Domino quatit: quidnam illud scamnum tripes protenderet? Cui Dominus: Scamnum, inquit, certa animi sedes, & quies est, quæ tunc stabilis & inconcussa agnoscitur, quum mens in diuinæ Triadis spe collocatur. His Domini verbis intellexit Iustinus, Guardianum Carcerellarum, Affisij, qui plurimis tunc à quibusdam Regularibus molestijs pulsabatur, certâ in Deum spe, ab ijs liberandum fore: quod non multo post tempore, eorum persecutione cessante, contigit. Plurimis quoque alijs, de rerum Germanarum perturbatione, ac eius deuastatione, quæ non longè secuta sunt, à Deo reuelationibus cohonestatur. Summâ denique charitate, præsertim ergà ægrotos flagrans, Vir Dei, Infirmorum vlcera putrefacta, ac penè insanabilia, interdum oratione magis, quàm arte medicâ curabat. In Conu. Forolijnij quidam Frater, Paulus nomine, graui in altero crure gangrenâ laborabat, quæ cum membri penitus sensum extinxisset; iam Medicorum consilio decretum erat, vt crus illi abscinderetur, ne morbi putredo altius ad alia membra conscenderet. Iustinus verò teneriori ergà ægrotum charitate motus, à Medicis petit, vt ægrotum sibi curandum relinquunt. Cui cum annuissent, protinus tantâ charitate, Fratris curæ coepit incumbere; vt partim vnguentis, maximè verò ardentissimâ precum virtute, breui, integram membro incolumitatem restituerit. Eodem charitatis aestu incalescens, Sacerdote sibi in Socium assumpto, ad eorum, qui pestilentiâ laborabant, curam accedit: quam, omni mortis metu postposito, tam constanter exercet; vt dum Sacerdos Sacramenta ministrat, ipse manu pustulas, ac carbunculos aperiat, saniem exprimat, laborantes consoletur, mortuos sepeliat. Porro, dum hæc officia Vir Dei exercet, à Iuuenulâ ad turpem copulam sollicitatus; B. V. intercessione, gloriosum de eâ, castitatis trophæum obtinet. Dum in Narniensi Conuentu (qui tunc nouus extruebatur) Guardiani muntis gerit; Vir quidam pauper, sub

Solis

Solis occasum ad Conuentum accedit, in eoque hospitio excipi postulatur. Cui cum Ianitor panem porrexisset, seque quod pauperes essent excusans, ad hospitium, ob imperfectam loci structuram, recipi minimè posse, iuxta Guardiani mandatum respondiisset; Pauper ille, accepto pane, Dominico ait: *Scio quidem vos Pauperes esse, at quid prestare valetis non ignoro.* His dictis, cum terga vertisset, statim euauit. Mox verò Dominus, qui sub illius Pauperis habitu hospitium postulauerat; Iustino Guardiano, qui tunc Orationi vacabat, apparet: cui acceptum panem, quem manu gerebat, ostendens, ait: *Hunc panem à vobis accepi, hospitium verò mihi denegastis, en abiectus recedo.* Hæc cum dixisset, panem in Altari collocans, statim se ab illius oculis eripit. Hæc autem Iustinus attentius perpendens, continuos ex oculis lachrymarum imbres fundit, Domini que abeuntis verba sæpe ad animum reuocans, diu, noctuque finem fletibus, ac singultibus non imponit. Nulla quies animo inest, sed vel vigilans, vel ad quietem accedens, semper illa Domini Verba (*En abiectus recedo*) illi in auribus insonare videntur, quæ perpetuos rugitus, ac luctus in animo excitant: sicque perquam plurimos dies, Iustini mens, intestinis cruciata doloribus, inter fletus, & lachrymas culpæ maculam eluit, donec iterum sibi reconciliatum Dominum accipit. Paupertatis altissimæ seuerus cultor existit, futura Religionis tempora Spiritu Prophetico prænunciat: cumque in pijs laboribus, ac notâ vitæ Sanctitate, Narniæ, vbi tunc Guardianus erat, in morbum incidisset; Fratri Dominico à Busceto, Sacerdoti, qui Ianitoris officio (vti superius diximus) fungebatur, noctu in Ecclesiâ oranti, numerosa quædam centum circiter Fratrum Capucinorum Supplicatio apparet, qui Ecclesiam patefactis vltro foribus ingredientes, & cancellos, ac Sancta Sanctorum, ad Chorum usque penetrantes, indè in Dormitorium subeunt. Stupebat Dominicus, & vndenam tot Fratrum multitudo erumperet, quoue tenderet, ignorabat. Quamobrem, cunctis qui in supplicatione gradiebantur præteritis, cum duo tantum extremi superessent, ad eos Dominicus accedens, ab ijs, quinam essent, & quonam progredierentur, haud absque metu sciscitatur. Cui illi: Nos (inquiunt) Fratres Minores Capucini omnes sumus, qui non pridem in Domino obdormientes, cum eo regnamus: nunc verò ab eo missi, ad Guardianum laborantem pergimus, vt visitationis illi gratiam impendamus, supræmā enim illi imminet dies, quā ex hac in meliorem emigraturus est lucem: Iouis proxima haud elabetur dies, cum huc reuertentes, ipsius animam è corpore mi-

re mi-

re migrantem rectà in Cœlum comitabimur. His dictis, tota ea Fratrum Supplicatio, è Dominici quidem oculis erepta fuit, at Iustino laboranti apparuit: quem cum cœlestibus verbis consolata fuisset, diem quoque illi, atque horam obitus, prædixit. Dominicus porro eo nuncio accepto, vix die illucescente, ad Guardianum pergit, eumque his verbis compellat: Bono esto animo. Frater, faustus ad te nuncius accedo, iucunda fero, parum tibi iam laborandum est, breui è corpore exeundum: dies Iouis qui proximus est, tibi extremus erit, teque Deo Creatori reddet. Cui Iustinus: Fili, scio velocem esse depositionem corporis mei, sicut ostendit mihi Dominus, vespertinumque diei Iouis mihi supremum fore: vtinam, atque vtinam, Christo fruam. Tum Deo gratias impensius agere coepit, Sacrifque Ecclesiæ Sacramentis summâ cum pietate susceptis, cum Feriâ quintâ illuxisset, paulò ante Vesperas, cunctos Fratres ad se conuenire iubet: quos ubi Paternis vocibus ad perfectam Regulæ obseruantiam, ac B. P. Francisci vestigia sectanda, est adhortatus, singulos pacis osculo excipit, ac dexterâ, in Crucis modum extensâ, benedictione firmat. Tum Christi Crucifixi Imaginem manu gestans, ab eo veniam peccatorum profusis lachrymis postulat: Christi interea, ac Mariæ nomen dulcissimè sæpius in ore ingeminat. Hæc ubi summâ deuotione præstitit, cum sui occasus tempus adesse intelligeret, Illis Christi verbis: *Pater in manus tuas*, &c. Deo animam suam commendans, in eâ voce, Domino Spiritum reddit, ac beatâ illâ Capucinatorum comitante cateruâ, Cœlum perpetuò regnaturus conscendit. Anno 1547.

FRATER MARTINVS BELGA, LAICVS, VIR SANCTVS.

FRATER MARTINVS Belga, Laicus, Francisci Titelmanni Socius: eius charitas, Romæ, in ægrotis qui in Incurabili Domo iacebant, curandis, potissimum enituit: quibus tam ardenti charitatis studio inferuiebat, vt in ipsis, seipsum prorsus exinanire videretur. Regulæ obseruantissimus fuit, Obedientiâ quoque, paupertate, humilitate, mansuetudine, modestiâ insignis: silentio, ac solitudini vacabat, vt diutiùs, ac liberiùs Dei colloquio in Oratione frui posset. Hic cum quindecim annos in ægrotantium illius Domus obsequio insumpsisset, quo tempore, quâ plurima ibi Miracula edidisse, communis fama erat, prolixâ, ac molesta quidem corpori, animo verò suauî, à Domino infirmitate probatus fuit,

tus fuit, in quâ cum summam patientiam, cum pari patiendi desiderio coniunctam semper exhibuisset; supremum ibi diem agens, tandem pro mercede cœlestem gloriam accepit. Cuius, præter vitam omni in virtute transactam, testes sunt pleraquæ Miracula in ipsius morte patrata, quæ solâ famâ ad nos perlata fuere. Obijt Anno 1550.

FRATER ROGERIVS ab ENNA, LAICUS, VIRTUTE CLARVS.

FRATER ROGERIVS ab Ennâ, Laicus, Sanctitatis famâ clarus, hunc cum Satan in morte tam graui tentatione vrgeret; vt eum ob præterita Sæculi peccata iam à Deo damnatû esse persuadere ei vellet: Dominus Iesus Cruce ornatus oranti apparuit, has edens voces: Rogeri, vniuersa delicta tua in hâc Cruce depone, in quâ pro Peccatoribus mortem pertuli: in eâ enim salutem. & vitam inuenies. Quibus Christi verbis, Rogerius, in meliorem spem erectus atquæ omnem suæ salutis summam in Domini Cruce collocans, in Crucis amplexu obdormiuit. Anno 1550.





FRATER IOANNES APPVLVS FRATRVM
CAPVCINORVM LAICVS.

FRATRIS IOANNIS APPVLI, LAICI VITA, & MARTYRIUM.



FRATER IOANNES Appulus, Laicus, Adolescens in Hispaniam profectus, inter Fratres Ordinis S. Francisci Discalceatorum adnumeratur, ac Alexandri nomen fortitur. Is, cum sæpe Martyrum gesta in mensâ legerentur, Martyrij desiderio flagrans, quotidianis ieiunijs, vigilijs, orationibus, lachrymis, diuinæ clementiæ fores pulsât; vt optato tandem Martyrij dono fruatur. Quod vt facilius assequatur, mox prauis omnibus cupiditatibus bellum indicit, carnem varijs castigationibus adoritur. humilitatem, mansuerudinem, patientiam, rerum, ac Spiritus paupertatem, sui ipsius odium, ac contemptum, charitatem, demum omnium Virtutum supellectilem sibi comparandam curat. Summum, ac præcipuum Orationis studium, tam sibi familiare acquirit; vt ab eo vix vnquam auellatur. In Conuentu Saluateriæ, sepulchrum quoddam sibi ad orandum eligit, in quo cum frequentius Orationi incumberet; inde Alexandri, adhæc vsquæ tempora, Sepulchri appellationem retinuit. In hac cum aliquandò virtutum Palæstrâ Alexander se exercuisset; ex quâ illi maior quotidie Martyrij cupiditas accendebatur: incensum tandem animi studium Generali Ministro aperit, à quo facultatem impetrat; vt cum Fr. Bartholomæo Tiphernate, ac duobus alijs eiusdem Ordinis Socijs, qui eodem Martyrij desiderio tenebantur, ad Infidelium terras se conferat. Eâ facultate à Generali latâ, Alexander cum Socijs in Mauritaniâ proficiscitur: ibique dum Mauris omnes liberè Christi Fidem ad salutem necessariam esse prædicant; primò contumelijs, deinde multis verberibus affecti, in siccum puteum, absque cibo proijciuntur. Diu in hoc putei ergastulo, nimirum viginti duorum dierum spatio, Christi milites conclusi extitere: quo tempore plebs illa Barbara, omnem prorsus humanitatem exuta, quotidie cibi loco, vas ingens lotio ac stercore plenum super Dei Seruos effundebat, eo consilio: vt foetore, ac inediâ enecati tandem interirent. Iam verò nulli dubitandum est, quin hoc pacto Christi Athletæ Martyrij agonem breui tempore consummâssent; nisi Iudæorum quorundam qui in eâ Vrbe habitabant, Deus animos permouisset; vt illis ex naturali quâdam humanitate, cibos quotidie ministrarent. Dum igitur in hoc putei profundo, strenuè Chri-

sti milites penè foetore confecti, ad Martyrij palmam anhelant, Deoque laudes ardentius decantant; impia illa Barbarorum turba, auri cupida, Dei Seruos, nonnullis Christianis Mercatoribus eà conditione venundant; vt ab ijs in Christianorum terras reduci debeant. Hoc pacto, Alexander cum cæteris, in Hispaniam rediens, cum Martyrij, quod haud procul respexerat, spe, hoc tempore frustratus esset; haud tamen Martyrij cupiditatem exuit. Nam aliquo tempore elapso, rursus impetratâ à Generali Ministro facultate, solusque ad Infidelium terras profectus, dum is Christum constantissimè annunciat, quàm plurimis verberibus, ac fustibus cæsus, iterum ad Christianos remeare cogitur. His, inuictus Christi Miles, tot asperis pro Christo perpeffis, eò feruentius ad Martyrium anhelans, bis adhuc impetratâ à Generali licentiâ, Infidelium partes penetrat, ac repetitis ab ijs supplicijs exagitatus, bis quoque ad Christianorum oras repulsus fuit. Quamobrem, Generalis Minister, cum à Deo Martyrij coronam illi præpediri existimaret; iterum pulsantem quiescere iubet. Porro cum hoc tempore, iam Capucinatorum fama, quos summâ vitæ austeritate, Regularique obseruantia perfectione, in Italiâ florere intellexerat, in Hispaniæ oras aduolasset; in eam, mox Alexander cogitationem defigit. eo præsertim consilio adductus, quod in eâ Martyrij spem sibi reuiuiscere posse persuaderet. Quapropter, acceptâ à Generali facultate, in Italiam concedit, plurimisque in itinere incommodis affectus, præsertim Puppij, vbi bellis grassantibus, cum tanquam Urbis explorator detentus, & in inum carcerem detrusus fuisset; quatuor & viginti dies, bestiarum cibo, ac putidâ aquâ vitam sustentare compellitur: tandem Viri Dei integritate perspectâ, è carcere eductus, Romam venit, Capucinatorumque gremio adscribitur: mutatoque nomine Alexandri, Ioannes appellatus, in Appuliam mittitur. Nouum hic Dei Seruus in eâ Prouinciâ vitæ tyrocinium instituit, vitamque priori longè austeriorem auspicari incipit. Antrum, quod intrâ Conuentus limites, sub monte latet, cum sibi à Guardiano pro domicilio impetrasset; in eo humi cubans, atque in pane, & aquâ quotidie victitans, assiduæ Orationi, ac rerum diuinarum contemplationi vacat. Cum semel Guardiani iussu, in asperos quosdam montes, panem mendicaturus concessisset; nix tam copiosa è Cœlo descendit; vt ad genua vsque pertingeret. Is verò cum nudis pedibus, absque sandalijs incederet, iniunctum mendicationis opus haud infectum deferit, sed eam frigoris pro Christo tolerandi occasionem nactus, niuem nudis pedibus scindit, premit, calcat: non modo vt

dò vt

dò vt obedientiam præscriptam impleat, sed vt voluntarium pro Christo frigoris Martyrium subeat. At neque eo Martyrio frustratus fuit, nam cum pedibus nimio frigore contractis, ab his sensus omnis abscessisset; digitorum illi vngues excidère, pedesque in tumorem exurgentes, incredibilem penè illi dolorem adferebant. At is perfecto Christi Martyrio flagrans, in vehementissimo illo pedum dolore, vix doloris sensum percipere videbatur. Hinc in Vmbriæ Prouinciâ migrans, diu Montis Casalis Conuentum incolit: vbi cum sub altâ rupe, Guardiano indulgente, cellam sibi ex luto, & viminibus construxisset, in eam asperrimum vitæ genus, nouo Spiritus ardore aggreditur & pane omisso, fabas, aut aliud huiusmodi leguminum genus, neque sale, neque oleo conditum, sed purâ duntaxat aquâ coctum, certaque mensurâ limitatum, cum aquâ sibi in cibum, & potum constituit: quo tamen semel tantum in die vescitur. Aspero cilicio indutus, ac toto anni tempore solo habitu contentus, hyemis rigores, atque aëris inclementias, Martyrij aliquandò pro Christo subeundi spe enutritus, libenter tolerat. Dum orat, totus præ diuini amoris æstu ardens, aut in lachrymas defluit, vel in suspiria, ac rugitus, charitatis flamma euaporatur: imò etiam in voces, ac tam ingentes clamores erumpit, vt ab ijs qui longè aberant, licet inuitus, facile audiri possit; tanta enim in Domini Passionis consideratione, lux illi è Cœlo affulgebat, tamque ingens charitatis incendium ex luce illâ diuinâ fluens, illius animum afficiebat; vt nisi illius flammam alto clamore exhalasset, facile cordis vitam præ nimio ardore in discrimen vocasset. Quapropter, cum matutino tempore ad Sacrum Missæ audiendum accederet, nihil ex illius ore, præterquam *Iesu bone, Iesu bone*, quasi Echo ex cordis voce resonans, toto illo tempore audiebatur. Incredibile est, quantis artibus Satan illum ab oratione auellere nitebatur, quantasque de eo victorias reportarit: Veruntamen quò magis his tartareorum hostium infestationibus afflictabatur, eò maiores Deus Seruo suo Spiritus delicias ministrabat. Nam hoc ipso tempore, plerasque à Deo cœlestes visiones, ac reuelationes accipit, inter quas illa illustris habetur, quæ in Conuentu Spoleti diuinitus illi manifestata fuit: Ibi enim orans, in mentis excessum rapitur, quo tempore Iuuenis illi quidam speciosissimus adstat, qui his illum verbis compellat: *Mecum veni, ô Ioannes, tibi enim magna, ac mirabilia ostendam, moxque dexterâ illius manu apprehensa, in Templum quoddam amplissimum ducit, cuius Lacunar auro illitum, ornatissimum erat, quatuor columnis suffultum, ex qui-*

bus cum iam duæ dirutæ, ac subuersæ iacerent: Virum quendam aspectu horridum, ac terribilem conspicit; qui ingenti clauâ tertiam columnam inuadens, eam crebris, ac fortioribus ictibus prostrernere, ac demoliri conabatur; vt præclarum Lacunar ad ruinam compelleret. Porro Iuuenis, qui Ioannem ducebat, ad eum conuersus, ait: Quid tibi videtur Ioannes, an non magno in discrimine hoc Templum versatur? Maximo certè (inquit Ioannes) at quodnam huius rei Mysterium est? Cui Angelus: Intellige, inquit, Ioannes, hoc Templo Dei Ecclesiam significari: Lacunar, Clericalis Pastorum status est, quo Ecclesia subsistit: Columnæ verò, quæ Lacunar fulciunt, varia Ordinum Religiosorum instituta sunt: quæ idcirco Deus in Ecclesiâ erexit; vt haud secus quàm fortes, ac stabiles quædam Columnæ, eâ vitâ, doctrinâ, exemplo, virtutibus, orationibusque aduersus Dæmonum, ac hæresum pugnationes tuerentur, ac sartam tectam seruarent. Caterum Columnæ, quas iam euersas, atque humi prostratas cernis; ij Religiosorum Ordines sunt, qui cum à primâ Patrum suorum institutione exciderint, atque ab eorum virtutibus, ac vitæ ratione deflexerint; inter carnis tantum desideria iacent. Reliquæ verò, quæ adhuc stant, ac superstes manēt nonnullæ aliæ Religiones sunt, in quibus, & Regularis obseruantia, & solida virtus etiamnum integra viget: atque hæc sunt, quæ aureum Lacunar, suo interdum pondere ad ima defluentem ne prolabatur, suis virtutibus fulciunt. Porro qui fero conatu Columnam aggreditur, ipse Dæmonum, ac Hæreticorum impetus est; qui Religiosorum Ordines prostrernere, atque è medio tollere omni studio contendunt; vt simul de Clericorum statu triumphent: quod tamen haud assequi valent, aut valebunt vnquam, tametsi de quibusdam singillatim trophæa referre videantur. Deus namque, qui suæ Ecclesiæ curam gerit, suos opportuno tempore Reformatores mittet, qui ruinas instaurent, disrupta consolident, ac vitijs deprauata in pristinam virtutum incolumitatem vendicent. Plurimis tandem signis, ac Miraculis, Deus Serui sui Sanctitatem testatam voluit; quæ temporum illorum humilitas, potius silentio obtegere, quàm scripto excipere curauit: ita vt vix vnus, aut alterius fragmenta ad nos peruenerint. Inter quæ, illud est, quod Mulier quædam, cum partus doloribus pressa, foetum in lucē edere non posset, magno in discrimine versabatur; precibus Ioannis quæ salua Masculum, prout prædixerat, Filium peperit. In eodem Oppido Montis Catalis, Nobilis cuiusdam Mulieris Filiæ dexteram genam, cancer tam sæuus inuaserat; vt carne exesâ, morbus iam ad interiora

vsque

vsque ossa pertingeret, cum Ioannes oratione factâ, Signum Crucis super genam Puellæ efformâset, manuque cancri tumorem compressisset; statim plaga sanata, ac gena priori incolumitati restituta fuit. Inter hæc, cum Dei Seruus animo semper ad Martyrium inhieret, ac pro eo iuges apud Deum lachrymas funderet; Christus Dominus tandem semel ante Imaginem Crucifixi orantem, ac lachrymantem, his verbis è Cruce alloquitur: Quid ploras Ioannes? Cui Ioannes: Ingemisco, ait, Domine, quod te Dominum pro me in Cruce Sanguinem fundentem cerno, cum ego ne guttam quidem hætenus pro te effuderim: tot tenerioris æui Virgines, tot Pueros imbelles, atque Adolescentes pro te certantes inter Martyria triumphantes recolo, meque senem, frustra que ad Martyrij certamen inhiantem, à Triumpho expulsum video. At Christus: Ne fleueris, inquit, Ioannes, iam finem lachrymis imponito, Martyrium petis? Esto, Martyrium habeto: quo tandem laureatus ad me venies. Eâ pollicitatione acceptâ, Ioannes, tam ingenti animo exultare cœpit, vt præ lætitiâ seipsum continere non posset. Porro ab eo tempore nihil præterquam Dei laudes in ore versare videbatur: diu, noctuque orationibus vacans, promissionem Domini impleri certissimè expectabat. Dum verò hæc spe illius animus aleretur, contigit; vt Indulgentiæ S. Mariæ Angelorum tempore adueniente, is cum alijs Assisium contenderet; quo tempore, inito cum Ioanne à Metymniâ Sacerd. consilio; facultateque ab Astensi Generali impetratâ: simul cum Ioanne (prout in vitâ ipsius fusiùs explicatum fuit) primò Bisantium, dein Memphim proficiscitur: vbi vnâ pro Fide certantes, tandem fame, ac siti enecati, Martyrio simul coronantur. Anno 1551.

FRATRIS ALBERTI NEAPOLITANI,
LAICI
VITA, & GESTA.

FRATER ALBERTVS Neapolitanus, Laicus, cum in Sæculo per aliquot annos inter arma, militarem vitam duxisset; à Deo ad Capucinorum militiam euocatus; in eâ strenuè aduersus carnis concupiscentias, ac vitia dimicauit. Austeritate, abstinentiâ, silentio, humilitate, ac Regularis obseruantiae studio insignis fuit: charitate præsertim ergà infirmos præcelluit. Perusiæ, cum ægroti Frâtris curam gereret, nec quid illi carniū administraret, haberet; suâ oratione, geminos quotidie turdos, quibus ægrotum refocillaret, à Deo impetrat: quos laqueo irretitos, in ne-

more

more deprehendebat. Orationi, ac solitudini cumprimis vacans, cum magnam diei, ac noctis partem in rerum diuinarum meditatione occuparet; plurimas à Deo visiones, ac reuelationes accepit: atque inter alias ea fuit: quâ Ioannem Baptistam à Nursiâ, in morte ante Dei Tribunal stantem, ac coelesti tandem gloriâ donatum vidit: ut alias in ipsius vitâ explicatum fuit. Dum Concionator quidam ex nostris, in Vrbe, ut putatur Spoletanâ, quæ quàm plurimis odijs, ac vitijs contaminata erat, Dei Verbum prædicaret, is copiosas Dæmonum turmas inde effugere, Deo monstrante, conspicit. Quapropter, cum ob eximia dona, quæ à Deo cumulata acceperat, graues Dæmonum molestias diu sustinuisset; omnium tandem victor, Perusiæ ad coelestes coronas euolat.

Anno 1551.



EVLCITE ME FLO-
RIBVS QVIA AMORE
LANGVEO

FRA-



FRATER BONAVENTURA RHEGINVS FRATR^{son}
CAPVCINORVM LAICVS

FRATRIS BONAVENTURÆ RHEGINI,
LAICI
VITA, & GESTA.



BRATER BONAVENTURA Rheg. Laicus, inter priores illos Calabros Patres, Ludouici Soc. adnumeratur, qui summâ constantiâ ac virtute primos illos persecutionum impetus deuicerunt. Mira in hoc Viro erga infirmos, charitas, ac diligentia elucet, quibus tanto studio, ac sollicitudine inferuire videtur; ut cibum, ac somnum, quo illorum obsequio vacet, sibi præripiat: in vultu hilaritatem, in verbis suauitatem ita præsefert, ut omnibus gratus, vniuersos etiam suâ modestiâ, ac morum disciplinâ ædificet. Orationem tantoperè colit, ut post charitatis obsequia, ad solitaria semper loca Orationi apta secedat. Cæterum, diuina familiaritas, quam assiduâ illi Oratio genuit, tantam Dei Seruo erga Deum confidentiam comparat; ut nihil vnquam ab eo petat, quod impetrandum non credat. Nonnullis id exemplis manifestum fit: cum enim fornax calcaria ad Rhegini Conuentus ædificationem pararetur, quamplurimique Operarij, quibus victus à Fratribus ministrabatur, ad opus confluxissent, contigit aliquandò; ut panis Operarijs ad Refectionem deesset, quos Bonauentura bono animo esse, ac parumper duntaxat expectare iubet, donec ocius ad ipsos redeat: statimque mantica in humeros sublatâ, ac F. Antonio Rhegino Soc. assumpto, vix vno ab ijs lapide digressus, cum mantica humi deponit, in genua procidit, diuinamque liberalitatem orans sibi adesse deposcit. Interea, Operarius vnus, qui eum cum mantica abeuntem conspexerat, cum hominum habitationes inde longè abesse non ignoraret, clam illum secutus, cum primum illum Orationi cum Socio incumbentem videt, statim ad Socios rediens: Iam, inquit, hodiè pro pane nobis supplicationes ad vescendum dabuntur: quid frustra panem expectamus? En F. Bonauentura cum Socio panis obliti, Orationi vacant, nos verò interea fame conficimur. At Bonauentura, ubi Deum aliquantisper orauit, mantica pane albo, & optimo è Coelo plenam accipiens, ad Operarios reuertitur, panemque illis abundè ministrat. Hinc paruo elapso tempore, cum vasta quædam trabs, quæ eiusdem Conuentus structuræ necessaria erat, vehenda esset; eam Bonauentura bouum operâ pertrahendam curabat: quo tempore, ac-

reaccidit; vt currus quem is cum bobus precedebat, è colle præcipiti defluens, boues, & trabem magno impetu, in eum impelleret: Porro eâ impetus vi, ac pondere, cum omnes eum contritum, nedum oppressum crederent; en Vir Dei incolumis è lapsu surgit, alteriusque bouis, qui iugum excusserat, onus sustinens; trabem absque vllâ corporis læsione, aut iniuriâ, ad collis radicem vnâ cum altero boue pertrahit. Id cunctis qui aderant, cum non tam admirabile, quam humanæ virtuti prorsus impossibile, visum esset; nihil in eo præter Dei virtutem, miro modo operantem, suspicientes; diuinant benignitatem commendabant. At illud postremò mirabile fuit: quod dum altera fornax calcaria, quæ pro eiusdem Conuentus adificatione extructa fuerat, iam secundâ die arderet; animaduertunt calcarij fornacem, ruinam minari: cumque eâ re eo grauius cruciaretur quod nullo modo ruinam instaurari posse intelligerent: Vir Dei, animo consternatos, in spem diuinæ benignitatis assurgere, eosque refectionem sumere iubet. Interea. Signo Crucis seipsum armans, ardētē fornacem ingreditur, per flammās ad ruinā graditur, ardentes lateres suis locis collocat, fornacē suffulcit, ruinas instaurat: quo in opere nō paruam temporis moram insumit: tum verò, à flammâ tã illæsus iterum per os fornacis egreditur; vt nec habitus pilū ab igne exustū haberet, nec ignis odorem præseferret. Expauēre vniuersi, qui eū fornacem accensam ingredientem conspexerant: at verò cū à fornace non tam incolumem, quàm ne flammâ quidem delibatū, exeuntē cernerent; mox Vniuersi Dei virtutem summis laudibus efferūt. & Viri Dei Sanctitatem, tam admirabili signo contestatâ venerātur. Postremò, cum fidelis hic Dei Seruus, tres & 20. annos, in Marthæ ministerio strenuè operam nauassēt; obitus sui horâ Fratrib. prænūciatâ; meritis, ac Miraculis clarus, octogenarius in Cœlum migrat ac laborū mercedem accipit. Magnus Urbis Rheginę ad S. Viri corpus venerādum, hominum, ac Mulierum cōcursus fuit: quo tēpore illud memorabile accidit: quod dum illi à Fratrib. Officia funeralia persoluerentur; corpus niue candidius apparuit, suauissimumque odorem efflare coepit: quo cum Vniuersi obstupescerent, suauiores Deo laudes personant, qui Sanctos Seruos suos mirificat, gloriaque, & honore apud se coronat. Obijt Vir Sanctus An-

no 1555.

FRATER PETRVS CLODIENSIS, LAI-
CVS, SANCTIMONIA EX-
IMIVS.

FRATER PETRVS Clodiensis, Laicus, septuagenarius ad Religionem accedens, atque ob summam Viri existimationem habitu donatus; sub eo, tam dignè Viginti duorum annorum spatio versatur; vt quamuis extremâ senectute premeretur; Iuuentutis tamen labores, ac communes corporis austeritates alacri animo subiret. Demùm, nonagesimum suprà secundum annum agens; Spiritu vegetior; Sanctitatis opinione ob præclaras virtutes post se relictâ, non vitam cum morte, sed mortem cum foeliciori vitâ commutat. Anno 1555.

FRATRIS ANTONII SICVLI, LAICI
VITA, & GESTA.

FRATER ANTONIVS Siculus, Laicus, Romæ Infirmorum Præfectus, huius inter cæteras virtutes, illustris patientia fuit, ac dura pro Christo tolerandi ardor. Hanc patientiam multis iniurijs, ac contumelijs à Lanione quodam lacessitam, diuturnoque tempore probatam, cum Lanius altius sibi animo insculpisset; magnoperè eam admirari cœpit: neque præstantissimâ, ac propè diuinâ virtute vacare sensit. Quapropter, Antonij patientiâ, ex contumelioso pius, ac benevolus redditur. Cum hâc animi virtute, vitæ austeritatem, abstinentiam, corporis macerationem perpetuò coniunxit: tantâ quoque morum disciplinâ, ac sermonis suauitate præditus fuit; vt cum Paulo III. Pontifici, qui illius Sanctitatem nouerat, ob id clarus esset; Pontifex illius colloquio delectaretur. Potissima tandem illius virtus fuit, quæ electorum propria est; effusa quædam nimirum ergà Infirmos, ac cæteros omnes charitas: quâ fiebat, vt neque laboribus, neque vigilijs propter ægròtos parceret, tantaque Vniuersos charitate complecteretur, vt & ipsa sibi necessaria sepe numero denegaret; vt aliorum commodis satisfaceret. His, cum magnam sibi tum in Vrbe, tum apud Fratres, Sanctimonie famam haud frustra comparâisset; tandem post vigesimum in Religione annum, in Sanctitate, & Iustitiâ haud vulgari consummatum, in eodem Romano Conuentu, mortali vitæ finem imponit, vt apud Deum immortalem auspicaretur.

Anno 1555.

FRA.

FRATRIS IOANNIS CANDELÆ,
LAICI
VITA, ET GESTA.

FRATER IOANNES Candela, Laicus, Vir virtute præclarus, cum Ludouico Rhegino, ac reliquis ex Obseruantium Familiâ, in ipso Reformationis exordio, ad Capucinos migrat. Fuit hic Ioannes, Regulæ obseruantissimus, vitâ austerus, charitate feruidus, ita, vt vix vnquàm cum suo munere satisfecisset, ab Ecclesiâ discederet. Obitum suum, Deo reuelante, longè antè præsciuit. Quamobrem, cum ad mortem ægrotaret, Antonino Rhegino, Infirmorum Præfecto, qui illi in extremo vitæ discrimine adesse optabat, dixit: Antonine Fili, nondum venit hora mea: ito, & quiesce, opportuno te tempore accersam. Cumque se Sanctis Ecclesiæ Sacramentis deuotissimè munisset, instante resolutionis suæ horâ, Antoninum accersit: atque eodem tempore, Auicula cellam ingressa, tantâ suauitate canere, ac cœleste melos edere cœpit; vt & moribundum, & adstantes summâ voluptate afficeret: porrò inter hos Auiculæ illius cœlestes cantus, Ioannes, Deo animam reddit. Post mortem, caro illius mollis velut pueri reddita fuit, tamque suaui odore perfusa; vt cœlestis gloriæ iam præmiū assecuta videretur. Septuagenarius Obijt in Conuentu Rhegij. Anno 1555. atque ibidem sepultus in Domino quiescit.

FRATRIS FRANCISCI CVRENSIS,
LAICI
VITA, & GESTA.

FRATER FRANCISCVS Curenensis, Laicus, inter primos fuit, qui à Ludouico Forosemproniano ad Religionis gremium recepti, plurimis eam virtutibus illustrarunt. Vir fuit cum primis abstinentiâ admirabilis: ita, vt cum quotidiana ferè ieiunia coleret, sæpè etiam integras Quadragesimas panis, & aquæ tantummodò victu transigeret: cui etiam austera omnia, tam in victu, quàm in cultu respondebant. Charitate ergà Infirmos insignis, diu in Romano Conuentu, Nosocomij Præfectus fuit. Semel cum in Conuentu Montis Veteris, Romanæ Prouinciæ, ægrotum quendam Fratrem curaret; Fossenniam, vt Medicum confuleret, profecturus erat. Nauicularius verò, qui Tiberim trajicie-

Y y 3

bat, nul-

bat, nullis precibus adduci potuit; vt illum trans Tiberim absque precio veheret: At velox Nauicularium, qui pium charitatis opus interceperat, Dei vindicta præoccupat: nam è littore digressus, mox cum Nauiculâ in Flumen demergitur. Tanto Sanctus hic Vir odio in seipsum exardescibat, ac peccatorum conuersionis cupiditate flagrabat; vt semel habitum exuens, nudusque solis sibi femoralibus relictis, Cruce in humeros sublatâ, totam Romanam Urbem percurreret, magnâ voce exclamans: Poenitentiam agite peccatores. Tandem annis, ac bonis operibus grauis, Romæ, naturæ debitum exoluit. Anno. 1557.





FRATER BERNARDVS OFFIDANVS FRATRVM
CAPVCINORVM LAICVS.

FRATRIS BERNARDI OFFIDANI,
LAICI, GVARDIANI
VITA, & GESTA.



RATER BERNARDVS Offidanus, Laicus, inter illos quinque Fratres adnumeratur, qui impetrato à Clem. VII. Pont. Diplomate, inter ipsa Reformationis initia, ex Obseruantium Familiâ ad Capucinos euolârunt. Multæ in hoc Viro, incredibilesqûe virtutes prælucent, maximis quasi theatris, & Orbi propè vniuerso ad imitandum propositæ: vix enim ad Capucinorum Reformationem accessit; cum prioris temporis (vt illi videbatur) iacturam, omnium virtutum prosecutione, sibi restaurandam proponit. Quamquam iam ætate prouectus, virtutem tamen ætati præferens, tam in omni Religiosæ disciplinæ studio proficit; vt & robustioris iuuentutis flores, & dilabentis senectutis fructus, in ipso senio copulata colligat. Perfectissimam Regulæ obseruantiam ac præcipuè altissimam Religionis Paupertatem zelans, in eâ summas delicias collocasse videtur. Toto anni tempore nudis pedibus, nullis sandalijs adhibitis incedens, vnico tantum habitu, breui, rugoso, obsoleto, inter polo contentus est: palliolum verò aliquandò, ætate grauior, languoribus pressus, sicut & sandalia admittit. Mendicos qui vix panis frustulis famem compescunt, velut exemplaria sibi ante oculos proponens; vix necessarijs ad vitæ sustentationem vitur, quotidianis quoque ferè ieiunijs incumbens. Quadragesimas S. P. Francisci tantâ victus abstinentiâ celebrare solitus est; vt in ijs nullum sibi præterquàm panis, & aquæ cibum adhibeat. Cum primùm Fulginij, Sancti Valentini Monasterium extructum fuit, in eo Bernardus ad Guardiani officium electus, tantâ austeritate, ac tenuissimâ victus ratione, cum totâ Familiâ vitam instituit; vt cum assiduis laboribus, ac vigilijs corpus defatigarent; pani tantum, ad summum fructus, ad quotidianum victum interdum adderent. Stuebant Fulginates Ciues, neque diuturnum illud vitæ genus esse posse existimabant, quod tam asperum ac violentum, communem hominum vitam excederet. Nullus itaque tam auri cupidus, quàm Bernardus Paupertatis amicus fuit: quod fit, vt Eusebius Generalis sæpè dicere soleret, plurimos quidem se in Prouinciarum visitatione, Sanctos Fratres offendisse, sed qui Bernardo studiosius Paupertatem prosequeretur,

queretur, fortè neminem. Humilitatem quoque paupertatis amicam, tam antiquo sibi foedere copulauerat; vt se Sanctorum Fratrum numero, ac societate indignum iudicaret. Maximâ verò Charitate ergà Fratres, maximè ægrotos præcellens, quamuis eo muneri incredibili diligentia incumberet; haud tamen ab orandi studio animum auocabat: cui, post ægrotorum curam, tantâ sollicitudine vacare solebat; vt plerâque diei, ac noctis horas in Oratione infunderet. Nihil æquè, ac iugis Dominicæ Passionis meditatio, huius Sancti Viri animum recreabat: quam cum sæpè lachrymis perfunderet, hinc solitaria loca Orationis amica semper quærens, à Fratrum consortio quantum fieri poterat, abstinebat. Dùm semel in Oratione lachrymas funderet, ac Deum pro delictis suis exoraret; Beatissima Virgo, quam is sibi singularem apud Deum Patronam elegerat eidem apparens, plenam se illi à Deo peccatorum suorum remissionem impetrâsse, significat. Quo nuncio, tantum animo voluptatis concepit; vt nihil deinceps præter diuinas laudes occineret. Ergà Sæculares Viros præcipuâ quâdam charitate flagrans, eorum calamitatibus tam mirè afficiebatur; vt non modò ipse lachrymas pro ijs ad Deum funderet, verùm & cæteros Fratres, eâ potissimum ratione ad eos orationibus adiuuandos propelleret, quod eos inter Sæculi tempestates, atque mortis pericula versari affirmaret, quibus orationum suffragia, ex charitate deberentur: corporalibus quoque eorum angustijs ita animo commouebatur; vt haud secus, quàm si ab eo geniti essent, illorum calamitates desleret. Hæc autem ergà proximos charitas, ac compassio, quæ Viri Dei viscera depascebatur, quàm Deo accepta fuerit, illustre Miraculum declarauit. Cùm enim Colmenzoni Conuentus adhuc integer staret, Bernardus in proximum Castellum, à Guardiano sub Solis occasum missus, vt panis elemosynam postridiè ab incolis peteret, necdum se ad quietem receperat; cùm ingentem, inter ipsa noctis silentia. Mulierum vlulatum percepit: percunctatur Vir Dei, quid ille eiulatus mali præferat? Auditque, Mulieris cuiusdam Filium, qui vnicus illi erat, tunc è viuis excessisse. Mox Bernardi viscera commoueri, mox orbatae Matris casum commisereri, mox & ille in lachrymas erumpere: tum secreto cubiculo conclusus, totam illam in Oratione noctem insomnem ducere, in quâ pro Pueror orans, à Deo tandem exaudiri meretur. Vix enim mane illucescente, defunctum Puerum, clam ad se deferendum curat, clausoque ostio, vbi secreto, paulisper orauit, mox è cubiculo prodit, Puerumque rediuiuum inter brachia gerens, Matri suæ præ

Z z

gaudio

gaudio exultanti reddit. Præter hæc, alia quoque Miracula, Signo Crucis ab eo edita narrantur, quæ sola fama, nobis apud nostri Ordinis Monumenta testata relinquit, quibus illud Sanctitatis nomen apud omnes comparauerat; vt velut Sanctum haberent, ac Sancti Patris nomine nuncuparent. At Deus O. M. qui illum ex omni carne elegerat, & optimis suæ gratiæ donis Sanctum præstiterat, cum tandem immortalis gloriæ stolâ induere, & nomine æterno hæreditare vellet, post diutini languoris probationem, quâ illius Virtus perspecta fuit. Anno 1558. e Conuentu Camerini, ad puriorem Cœli auram, foeliciori vitâ donandum euocat. Post Sancti Viri obitum, Mulier quædam, quæ Bernardum summâ deuotione prosequuta fuerat, cum graui angustia premeretur, Dei opem fufis lachrymis in Oratione implorans. Beati quoque Viri merita sibi suffragari postulabat: cui Christus Saluator apparens, cum nullum ei responsum præberet, neque ad eam visum deflecteret, illa ad Bernardum confugiens, eum ardentius inuocat. Adest repente oranti Bernardus, lugentemque Mulierem consolatus, liberationem illi à graui illâ ærumnâ, à Domino impetrat.

FRATER ANTONIVS à POLITIO,
LAICVS, SANCTIMONIA
CONSPICVVS.



FRATER ANTONIVS à Politio, Laicus, vt liberiùs Orationi vacare, animumque ad Deum faciliùs transferre possit, corpus tam graui inedia extenuat; vt ad perpetuum panis, & aquæ ieiunium compellat: neque tamen eo ad saturitatem, sed ad certam quandam duntaxat quantitatis mensuram vescatur: & quasi, qui atro carnem suam odio prosequatur, cilicium asperimum, ex equinis, ac suillis pilis (quibus etiam fila quædam ærea acuminata contexta erant) compactum gerebat: quo cum post ipsius obitum deuotus quidam Frater vti vellet, illius asperitatem vix per horæ spatium ferre potuit. His corporis afflictionibus, cum potiores animi virtutes copularet; maximas ob id Dæmonum infestationes patiebatur, qui sub varijs belluarum figuris, horrendisque monstrorum simulachris apparentes, illum nunc virgis cædebant, nunc cominus cum eo pugnare videbantur. Quorum tamen victor existens, post diuturnos certaminis labores, tandem Politij in pace requiescit. Anno 1550. plurimis tam vitâ, quàm in morte Miraculis clarus.

FRA-

FRATRIS MATTHÆI AVINIONEN-
SIS, LAICI, DEFINITORIS GE-
NUENSIS PROVINCIÆ
VITA, & GESTA.

FRATER MATTHÆVS Avinionensis, Laicus, Cùm ob perfectiorem Regulæ cultum, ex Minorum Observantium Ordine, ad Capucinorum Religionem migrare statueret; in Italiam veniens, eo in itinere, Grassator, ense, & hastâ armatus è nemore erumpens, ab eo minacibus verbis nummos poscit. Cui Matthæus, quasi illi obtemperaturus, ignitabulum thecâ occlusum proferens, ante illius pedes projicit: qui chalybis sonitum audiens, ratus ibi nummos adesse, protinùs se ad prædam inclinat. At Matthæus protinùs collo ipsius apprehenso, ac fortiter humi compresso, Sicarium ita genibus suffocabat, vt ne quidem loco dimoueri posset. Intereà, hastâ alterâ manu apprehensâ, necem illi minabatur, nisi indè recederet, donec longiùs progressus, hastam humi plantasset. Porro, Sicarius ex inopinato euentu, tam ingenti pauore perculsus, ac metu exanimatus fuit; vt Matthæo integrè paruerit. Hoc pacto Matthæus à Sicario liber, Genuam proficiscitur. Quanquam verò hoc Matthæi proprijs viribus tribui posse videatur; diuinam tamen tunc illi virtutem adfuisse, credendum est, quæ cùm pia illius studia, quibus ad Reformationem ferebatur, probaret; Sicario timorem, Matthæo verò animum, viresque addidit. Is verò vbi Genuam appulit, à Fratribus suis, qui ipsius animum subodorauerant, per omnia tentatus, vt propositum mutet; cunctis suâ constantiâ deuictis, velut aurum probatum, in Genuensi Prouinciâ, inter Capucinos adscribitur. Perfectus hic Regulæ cultor fuit, paupertatis zelator, honestatis custos, humilitatis ac sui ipsius neglectus sectator insignis, qui cùm sibi in Religionis ingressu omnium virtutum fastigium assequendum præstituisset, gulam abstinentiâ, ac ieiunijs, corpus flagellis, carnem varijs macerationibus, ac doloribus domare, sensus denique omnes cohibere aggressus est: & quod caput est, animum tam assiduâ oratione ad diuina transferre studuit; vt non mediocrem inde apud omnes sibi, breui tempore, Sanctimoniæ existimationem comparauerit. Eò porro factum est, vt cùm prudentiâ, ac consilio plurimum valeret; tamen si Laicus esset, plerumque tamen ad Guardianatus, ac Definitorij muneris dignitates, in Genuensi Prouinciâ promoueretur. Eo verò tempore, quo Gallis longè, lateq;

in Pedemontanâ Regione dominantibus, Hæreses plerisque in locis impunè grassabantur; varias ab Hæreticis molestias, ac contumelias admirabili patientiâ sustinuit. Contigit verò aliquandò, vt Taurinum proficiscens, Eridani pontem transiret; quo tempore, Hæreticum quendam equo insidentem sibi obuiam habet, qui cum Hæretico furore percitus, equo in Matthæum impulsso, illum è ponte exturbatum, in Flumen deiicere conaretur; Viri insolentiam Matthæus contemnens, equi comâ manu apprehensâ, tantâ vi, quæ illi tunc à Deo addita fuit, ad se equum attraxit; vt eum coram se, prioribus pedibus genuflectere cõgerit. Tum verò ad Hæreticum: Vides, inquit, quàm mihi facile esset, te in flumen præcipitem dare, nisi me Catholicâ, ac Seraphica Religio à factò reuocarent. Agnosce igitur, quantò præstantior sit Catholicorum Religio, quæ hostibus parcat, quàm Hæreticorum secta, quæ ipsos quoque amicos infestat. Tremuit factò Hæreticus, neque Capucinis Fratribus deinceps vnquàm insultare ausus fuit. Hinc Sedulam, seu Casale, quæ Montis ferrati Vrbs præcipua est, profectus, cum suam quoque in eo Conuentu extruendo operam præstat; Viri huius Sanctimoniam, Deus Miraculo comprobare voluit. Cum enim iam imminente hyeme, is ligna ad Fratrum vsum, ac calefactionem parâset; Agricola quendam rogat, vt ea plastro suo imposita, ad Monasterium vehat. Erant agrorum viæ eo tempore tam alto cœno obsesse, vt plastris prorsus imperuiæ forent: quapropter, recusat Agricola, remque factò periculo, prorsus impossibilem asseuerat. Cui Matthæus: Ne expaueas, inquit, plastro boues iunge, dabit Deus, vt nihil limus nobis officiat, neque iter intercipiat. Credit ille, plastrum parat, boues iungit, ac cœnoso se itinere committit. Mirabile dictu, vehunt boues plastrum lignis onustum, limusque qui mollis, ac rarefactus erat, quasi solida humus plastrum recipit: calcant boues rarefactum cœnum, atque illorum vngulæ, plastrumque lignis onustum haud profundius in limo, quàm si solidum solum esset, infiguntur. Id cum vniuersi conspexissent, haud alteri, quàm diuinæ virtuti, Matthei precibus exorate, factum mirabile adscribunt. At verò, quam diligens, ac seuerus hic Dei Seruus, castitatis velut pretiosissimi, ac cœlestis thesauri custos fuerit; illustri exemplo demonstratum fuit. Cum enim in Conuentu Montis Calerij, Eleemosynarij munus sustineret, semel contigit; vt in quoddam Castellum, se cum Socio mendicationis causâ conferret: erant Castellum illius Domino nonnullæ nobiles Filiæ, à quibus Matthæus humanissimè excipitur, at-

que v-

que vbi nocturnæ quietis tempus aduenit, separata ijs cubacula assignantur. Porro immundus ille Spiritus, qui Matthæi pudicitie insidias struebat, eâ solitudinis occasione captatâ, tam ardentes in earum Adolescentularum alterâ, libidinis faces accendit, vt cum Matthæus prolixius, vti solebat, in suo cubiculo oraret, clam illa nuda ad Matthæum accesserit, clausoque cubiculi ostio, in illius amplexus inhonesta ruerit. Matthæus verò, inopinato, ac turpi illo aspectu turbatus, primum verbis, ac seuerâ increpatione Puellam à se arcere curat. Illa verò cum minas, ac increpationes contemneret, is tandem flagello, quo se ipsum paulò antè oppetierat, manu arrepto, tam egregiè, ac tam diu inhonestam Puellam flagellare coepit; quoad vndique liuores, ac rubræ verberum vibices in ipsius corpore apparerent: quibus illa seipsâ melior facta, ac turpis libidinis Dèmone, hoc nouo exorcismo propulsato, sapientior, quàm venerat, ad sua redit. Id verò cum Pater resciuisset; protinus ad Monasterium conuolans, Matthæum accersiri curat: qui cum se ad necem vocari, ob præteritum factum crederet, Dei prius ope imploratâ, illum intrepidus adit, maximumque sibi lucrum accessurum putans, si pro tuendâ castitate, vitam profundat: at non Martyrio voluntas, sed voluntati castitatis Martyrium defuit. Nam Vir ille prudentissimus, cum maximam Familiæ suæ maculam, Matthei virtute sublatam esse perpenderet, maximam illius virtutem admirans, in illius amplexus ruit, nullumque in agendis gratijs finem imponit. Erubuit Matthæus, & cum præter expectationem, Deo agente, rem accidisse cerneret, eam palam fieri ægrè tulit; vt castitatis virtutem, cuius tam præclarum specimen ediderat, maiore humilitatis gratiâ, cumlaret. Denique is, cum ex Genuensi Prouinciâ, ad Corsicæ Prouinciam, Generalis Vicarij iussu transmigrasset; in eâ mortalis vitæ stadium magnâ cum virtutum laude confecit. Anno 1564.

FRATER HIACYNTHVS à FANO,
LAICVS, OBEDIENTIÆ VIR-
TVTE CLARVS.

FRATER HIACYNTHVS à Fano, Laicus, puritatis, simplicitatis, ac obedientie præsertim virtute clarus, cum vitam in perfectâ Regulæ obseruantia, vitæ innocentia, ac præclaris virtutibus transgisset; in Conuentu Petræ Rubeæ, iam ad vitæ occasum properanti, Beati Apostoli Petrus, & Paulus

apparuerē, qui cū eum, vt cum ipsis ad Cœlos pergeret, verbis allicerent, tantā vsq̃ue ad mortem simplicitate resp̃dendit, vt Apostolis responderit, se nunquā ē Monasterio, absq̃ue Guardiani licentiā, egressum fuisse, ac nec tunc sine illius obediētiā facturum. Cui cū annuissent Apostoli, rem Iacynthus Guardiano narrat, ac facultatem eundi poscit. Cui Guardianus: Quandoquidem (inquit) tam boni, ac omni exceptione maiores, Sancti Socij sunt, qui te ad Cœlum, comitem vocant; ito Fili cum ipsis foeliciter, meā quoq̃ue benedictione dimissus. Cumq̃ue eodem tempore eidem benedixisset, mox Iacynthus, vbi iunctis manibus, & capite inflexo personuit; *benedicite*, protinūs animam expirans, cœleste cum Apostolis iter est profectus. Anno 1560.

FRATER IACOBVS RHEGINVS, LAICVS, SANCTIMONIA IL-

LVSTRIS.



FRATER IACOBVS Rheginus, Laicus, abstinentiā, oratione, ac diuinæ familiaritatis consortio, eam virtutum perfectionem attigerat; vt quamplurimos Crucis Signaculo à morbis curaret. Cum igitur grauissima apud Calabros, per Rheginum agrum pestilentia grassabatur; miserandam Urbis stragem, ac tot pereuntes hominum turmas, omni humano solatio destitutas cernens; animam suam pro Christo, & fraternā charitate contemnens; impetratā à Bernardino Georgio facultate, cum Hieronymo à Georgiā, & Hieronymo à Monte Sorio Sacerdotibus, laborantium se obsequijs mancipat. Dum itaq̃ue omni charitatis officio, pio operi, ac labori incumbunt, neq̃ue vllis periculis parant, quo sese in aliorum salutem effundant; ipsi quoq̃ue pestilentia sublata, voluntario charitatis Martyrio coronantur: Cū autem Hieronymus, Antonino Rhegino, Viro Sancto, ac Miraculis claro, Sanctum Sanctorum conscendens apparuisset, Iacobus quoq̃ue Rheginus, in sequentis diei aurorā, morti debitum exoluisset; eādē horā Guardiani ostium pulsat, atq̃ue eo planē ritu, quo ab alijs fieri consuevit, cū ē Conuentu exeunt, benedictionem ab eo poscit, dicens: *Benedicite Pater*: Guardianus verò, cū nequicquam adhuc de Iacobi transitu rescuiisset; cellam egressus, Iacocum, vbinam esset, quærebat: quū fortē in Fratrem Antonium incidit, qui cū Iacobi obitum iam ex Dei reuelatione accepisset, ad Guardianum ait: Ne, Pater, Iacobum apud nos quæras, iam nunc corporis vinculis exolutus

ad Su-

ad Superos euolauit, ac pro obedientiæ merito, quod illi à te collatum fuerat, quum ad ægrotorum ministerium accessit, postulatâ benedictione, grates rependit. Horum corpora, in Ecclesiâ S. Saluatoris, Urbis Rheginæ, sepulta iacent. Obijt Vir Sanctus. Anno 1561.

FRATER BENEDICTVS MUTINENSIS, LAICVS, VIRTUTE

PRÆCLARVS.

FRATER BENEDICTVS Mutinensis, Laicus, cum vitam optimo Regularis obseruantia, atque omnium virtutum odore respersam, cum morte commutasset, post multos ab ipsius obitu annos, illius caput omni ex parte integrum, barba, capillisque cuti fixè inhærentibus, atque oculis necdum corruptis reperitur. At præter hæc, illud mirabile, quo sanè Deus, Spiritus apud se viuentis Sanctitatem, luculentiori testimonio declarare voluit, eo tempore aspectatum fuit. Cum Coemiterij humo ligone effosa, vt alterius Fratris defuncti corpus sepeliretur, qui terram effodiebat, cum ipsius caput imprudenter vulnerasset, protinus recens ex vulnere sanguis effluxit, quo illius apud homines post mortem vita, ac gloria commendata fuit. Obijt Anno. 1562.

FRATRIS STEPHANI MEDIOLANENSIS, LAICI, GVARDIANI

VITA, & GESTA.

FRATER STEPHANVS Mediolanensis, Laicus, Virtute, ac Sanctimoniâ clarus, orationeque apud Deum potens, de quo illud inter alia in Monumentis refertur, quod, cum in Viglebani Conuentu, qui ab Vrbe, mille circiter passus distat, Guardiani munus gereret: Hyemali tempore accidit, vt, totâ Regione tam altâ niue obsessa, Fratres ad vitæ necessaria emendicanda, Urbem adire non possent: ij cum summâ in egestate versarentur, Stephanus (cui gregis alendi cura commissâ fuerat, cum eum iam iam fame conficiendum metueret) solus in Ecclesiam secedens, ad Deum profugit: tamque ardentes pro suorum necessitate Domino preces offert; vt necdum Oratione absolutâ, Conuentus tintinnabulum pulsatum fuerit: neque vlllo præ foribus apparente, aut vllis hominum vestigijs in niue conspectis, Saccus pane ad os vsque relictus, ante fores deprehensus fuerit: quo cum vniuersa Familia, post a-

ctas Deo

Etas Deo liberalissimo largitori gratias, tot dierum spatio refecta esset, ut is facile exhauriri potuisset; haud tamen panis unquam in Sacco imminutus fuit, donec ad mendicationem aditus patefieret. Hic cum in Sanctitate, & Iustitiâ plurimos Deo annos famulatus esset; ut Deo acceptus probaretur, paulò ante vitæ occasum, horribili à Deo tentatione examinatur: verum triduo expleto, terribilis hæc ab eo tentatio sublata fuit, & pax mentis reddita: quo tempore, luctu in Citharam mutato, nihil præter Dei laudes suauissimè decantabat: Fratribus verò ab eo inquirentibus. unde illi prior illa apprehensio animo incidisset: Optima (inquit ille) Dei in me clementia fuit; ut hîc, ea, purgatoriam mihi pœnam exhiberet. Postremò, cum is extremum sibi diem imminere Fratribus prædixisset; tanquam aurum igne examinatum, ac probatum, Mediolani, melioris vitæ coronam adipiscitur. Anno

1562.



FRA-



FRATRIS IOANNIS BAPTISTÆ FA-
VENTINI, LAICI
VITA, & GESTA.



RATER IOANNES BAPTISTA Fauentinus, Laicus. Cum vitam diu plurimis, ac turpissimis sceleribus contaminatam duxisset, eò tandem scelerum deuenit; vt proscriptorum, ac facinorosorum omnium caput constitutus, tot prioribus sceleribus crimina adderet; vt velut immanissimum, ac foetidissimum improbitatis monstrum, cunctis se flagitijs ingurgitaret. Demùm, quæcunq̃ue in homine nefario vitia deprehendi, publicisque Legib. damnari possunt, ea vniuersa in hoc redundare videbantur. Vir proceræ magnitudinis, ac tam robustis viribus à naturâ præditus erat; vt medium hominum arreptum, diu manu in aëra suspensum tene- ret. Dextrum brachium, ita læuo protensus à natiuitate acceperat; vt cum ensem dexterâ distringeret, tam longè in alterum protenderet; vt hastam manu gerere videretur. Vultus, furorem; oculi, ferocita- tem; sermo atrocitatem præseferibat. Animus illi erat ad omne faci- nus audax: quo factum fuit; vt, cum primùm Anconitana Vrbs à Pontifice expugnaretur; is primus Papæ vexillum, ipsius mœnibus inferret. Cumque prius sub Vrbinarum Duce, Magistri militiæ o- nus sustinuisset, deinde sub Clemente VII. Pontifice, & Paulo III. Dux cohortis creatus, plurimam in bello laudem consecutus fuisset; nisi optima ipsa naturæ dona, ad vitiorum fomenta transtulisset. Cū verò placuit ei, qui dicit, *de tenebris lucem splendescere*, vt, qui prius bla- sphemus erat, Deum suâ poenitentia glorificaret: dum Baptista ali- quas in Florentinâ Vrbe moras trahit, Fraterque Bernardinus Se- nensis tunc in eâ Vrbe, summo omnium applausu, Quadragesimali tempore, Verbum Dei disseminat; tam acutis diuinæ virtutis stimu- lis agitari, tantoque repentinè cœlestis lucis fulgore illustrari cœpit, vt secum deliberatione initâ, Capucinorum vitam, velut ad poeni- tentiam, ac priorum scelerum expiationem Deo potissimùm vocan- te aptam, sibi deligit, ad Bernardinum accedit, ab eoque summis precibus, Religionis habitu donari postulat. At Bernardinus, non i- gnorans, diuturnum vitiorum vsum vix aboleri, assiduamque con- suetudinem pro naturâ inolescere, illud sibi probandum, & exami- nandum statuit. Absolutis igitur ieiunij Quadragesimalis Sermoni- bus, cum

bus, cùm iterùm per Deum immortalem obtestaretur, ne diutiùs spem eius remoueret, sed eum quamprimùm ad Capucinatorum gremium reciperet: Bernardinus librorum sacculo illi oblato: Tolle igitur, ait, tibi in humeros sacculum, & simul Fauentiam pergamus. Nihil cunctatur Baptista, sacculum humero imponit, atque vt erat holosericis vestibus indutus, pedestes, ac inermis, Bernardinum sequitur. Viam sibi Bernardinus elegerat, quâ hâud ignobilia Oppida illi pertranseunda erant, in quibus cùm Baptista plerâque cædes patrâisset, in his quamplurimos capitali odio sibi infensos comparaue- rat. Neque id Baptista ignorabat: at intrepidus, sacculo onustus in- cedit. Stupent Oppidani, seque mutuò interrogant, num is Baptista esset? Baptista verò tacitus secum respondebat: Hic certè scelestus ille Baptistonus est (hoc enim nomine appellari solebat) omni suppli- cio dignus. Fauentiam igitur prætergressus, ad Conuentum tandem cum Bernardino peruenit. Postridie, Baptista, Bernardinum pro Re- ligionis habitu interpellat, quem cùm Bernardinus adhuc asperiori probationis genere aggredi vellet: Tot, inquit, ô Baptista, homi- num sanguinem in hâc Vrbe effudisti, ex quo grauissimas, atque in- numeras tibi inimicitias conciliâsti; planè haud æquum est, vt ad pa- cificum Ordinem, tot hominum odijs onustus accedas. Quapro- pter, id primum curandum est; vt ante Ordinis ingressum, veniam humiliter, ac fune è collo pendente, ab inimicis tuis impetres. Prom- ptum se Baptista exhibet. funem sibi collo alligat. ad Urbem pergit, primamque Viduæ cuiusdam domum, ac præsentiam adit, cuius Coniugem dudum interfecerat. tum antè illam prostratus: En, in- quit, ô Mulier nefarium Baptistonem, impium Mariti tui interfe- ctorem, iam sceleris poenitentiam ago, ac humilis veniam postulo, sin vindictam quæris, quas voles, nunc de me poenas exige. Eo aspe- ctu, ac verbis, illa tam animo commota fuit; vt veniam statim cum lachrymis dederit. Hoc pacto cæteros quoque, quos suis sceleribus læserat, cum hâc humilitate superatos sibi beneuolos reddidisset; ad Bernardinum redit: qui vt stabile hominis propositum extremâ ten- tatione probaret; Haud, inquit, hæc satis sunt: Tot enim in hâc Vr- be scelera patrâsti; vt scandala, quæ indè emersere, in Cœlum cla- ment: Ea ergò tibi in quantum potes abstergenda sunt, quare (illi æneum cacabum indigitans) hunc, inquit, cacabum in humeros tol- le, ac per totam Urbem incedens, præteritorum scandalorum tibi publicè indulgentiam posce. Res planè mira, ac noua erat, hominem tot antea hominum cæde respersum, tot titulis superbum, sanguina-

rium, ac toti Vrbi tremendum, hunc cacabum nidore opertum, in humeros gestantem, atque inclamantem : Audite, ô Ciues! ô Ciues! quæso parcite impio, ignoscite contumeliofo, ac scelesto diuinam clementiam exorate. Mirabantur, compungebantur, collachrymabantur cuncti, admirandam hominis Metamorphosim aspectantes, eamque dexteræ Altissimi mutationem esse, palàm fatebantur. Hoc pacto, probatâ hominis patientiâ, Nouitiorum tandem habitu donatur. Quamquàm verò Baptista in literarum studijs versatus esset; ea tamen illius mentis humilitas fuit; vt cum Clericorum Ordine se indignum iudicâret, inter Laicos adscribi voluerit. Quadagesimum Baptista iam annum attigerat, cum in Nouitiorum albo adscriptus, seipsum ad pœnitentiam prouocare incipit, seque in omni Virtutum, præsertim humilitatis, ac sui ipsius despicientiæ palæstrâ exercere cœpit. Fuit illi, toto Nouitiatus tempore, Magister seuerus, qui tamen cum mitius cum eo agere videretur, eum Baptista, vt cum eo seuerius ageret, adhortatur; mirumque erat, quantâ animi alacritate, graue quodcunque pœnitentiæ opus sibi inunctum perficeret, ac vilia quæque obsequia exerceret, quamque præclara, obediëntiæ, humilitatis, patientiæ, ac cæterarum virtutum exempla præberet. Inter hos Spiritus æstus, cum probationis annum exegisset; solennia Professionis vota tantâ lachrymarum copiâ emittit; vt adstantes quoque Fratres ad fletum compelleret. Tam altè huius Viri animo, præteritorum criminum memoria, ac grauitas insculpta erat; vt nullus eum vnquam, in quâcunque lætitiæ causâ, ridentem viderit. Inter professos conscriptus, tantam mox vitæ austeritatem instituit; vt reliquos in admirationem raperet: neque enim tunicâ vti vnquam voluit: asperum cilicium gerens, nudisque pedibus incedens, quo per Crucis viam expeditior curreret, sandalia abiecit: panis, & aquæ ieiunia illi frequentissima erant, prolixiores in oratione vigiliæ, post quas, cum necessariùs somnus vrgeret, nudæ illi tabulæ stratum præbere consueuerant. Inter hæc, tam diris corpus flagellis cædere exorsus est; vt perinde, ac si ligneum, ac marmoreum, non carneum illud sibi esse persuaderet; ita in id ardentiori Spiritus æstu concitatus desæuaret. Humilitatem, ac sui ipsius contemptum, quem ab exordio sibi amplectendum instituit, toto vitæ suæ curriculo tanto studio excoluit; vt licet ætate prouectior, neminem tamen nisi flexis genibus, perindè, ac si Nouitius esset, alloqueretur. Cumque vilissima quæque obsequia præstaret, quasi ea præstare indignus esset, sæpè seipsum redarguens, hæc secum dicebat: Age Baptista, cuncta

cuncta molire, & quantumcunq̃ potes, enitere, nunquam id assequi poteris; vt dignus sis tot Dei famulis inferuire: cumq̃ se Sæcularibus ignotum esse perspiceret, in seipsum infinitas penè maledicentias congerebat. Ægrotos summâ charitate curabat, eorumq̃ sibi dolores deberi aiebat, qui toties, ac tam grauius Dominum offenderat. Deniq̃, tam perfecta huius Viri conuersio fuit, tantaq̃ apud Sæculares homines, ex eâ tum admiratio, tum ædificatio percrebuit; vt eum omnes velut Miraculum suspicerent. Cæterum, cum tam ferâ, ac terribili naturâ præditus esset; vt eam non nisi summâ vi, ac violentiâ ad virtutem cogeret, eo factum fuit; vt semel in Refectorio, quod Capucinis Capituli loco cedit, durâ reprehensione à Superiore exciperetur, quâ cum grauius ipsius natura, ad dura impatiens, commoueretur, eam tantâ vi sibi illatâ repressit; vt venam sibi pectoris aperuerit: quare cum deinde solus in Ecclesiâ, ante Altare prostratus oraret, Dominoq̃, pectoris sanguinem offerens, confidenter diceret: En Domine Iesu, qualia pro tui amore patior. Repentè Dominus ex ligneâ Crucifixi Imagine, dexterâ manu reuulsâ, laterisq̃ illi vulnus ostendens, respondet: Vide, Baptista, qualia & ego pro te in Cruce sustinui. Quâ Domini voce, Baptista animo liquefactus, ac lachrymis obrutus, alacrior deinceps ad propositum certamen, per patientiam cucurrit, illum sedulo animo recogitans, qui talem sustinuit aduersus semetipsum, pro Peccatoribus contradictionem. Cum aliquandò hostes qui ob trucidatum Patrē, in ipsius necem conspirauerant, ad Conuentum armati accessissent, isq̃ per rimulas eos esse animaduertisset; Guardiano timenti, nè quid illi finistrè accideret, ait: Nihil vereâre, Pater, Deus nobis illos amicos præstabit, sine tantum vt ad eos accedam. Annuente Guardiano, cum repentè fores aperuisset, eodem temporis momento ad eorum pedes prostratus: En, ait, nefarius ille proditor, en impius, ac scelestus Baptista, Parentis vestri interfector, iam dignas de eo pœnas sumite, occidite, mactate, discerpite, hæc enim & grauiora eius scelera merentur. Ij verò cum prostrati hominis humilitatem conspexissent, vocesq̃ lachrymarum plenas percepissent; omni animi ferocitate depositâ, odioq̃ in amorem commutato, in ipsius amplexus ruunt, ac exindè perpetuo se illi necessitudinis vinculo coniungunt. Admirabilem hanc humilitatem, pia quædam ac præcordialis in Deum effusio fouebat, quam assiduâ oratione sibi familiarem adsciuerat: eâ verò tunc ardentius in Deum ferebatur, cum ad Sacrum Domini corpus, bis in septimanâ accederet: eo namq̃ tempore cū diutius orationi

incumberet, gemitus ac suspiria, velut ignita quædam iacula ex imâ cordis pharetrâ hausta, in Cœlum vibrabat. Orationi quoque post matutinas Horas tam diuturnam corporis flagellationem copulare solitus erat; vt ab eâ nunquam nisi defessus, ac penè viribus exhaustus cessaret. In eâ verò, nō Psalmos, aut Hymnos, vt alijs mos est, recitabat; sed perennis eius vox erat: *Deus propitius esto proditori Baptistæ.* Maximus huic Viro inerat pro Christo patiendi ardor, quo etiam fiebat; vt Martyrij cupiditate flagrans, ad Infidelium terras pergere, summoperè optaret. At D. O. M. cui illud Martyrij studium haud iniucundum erat, Infidelium quidem illi cruciatum denegauit, sed diutinum illi, ac familiare cuiusdam languoris Martyrium, extremis suæ ætatis annis, contulit. Postremò tandem, morbo, ac senectute confectus, obitum suum longè antea, cuidam familiari suo prædicit: supremum tandē Deo Spiritum redditurus, cū se Ecclesiæ Sacramentis, ac piâ lachrymarum effusione, ad Domini occursum omni pietate parâset; Fauentiæ placidè ad Dominum euolat. Post mortem, facies eius tam venusta, ac corpus tam molle apparuit; vt tenera pueri caro esse videretur: quæ cœlestis gloriæ, quam apud Deum iam adeptus fuerat, argumenta fuere. Obijt Anno. 1562.

F R A T E R Q V I D A M A N O N Y M V S, L A I C V S.

FRATER quidam Anonymus, Laicus, cū in Conuentu Camerini, Popinæ ministerio diligentissimè incumberet & quæ ad Marthæ officium spectabant summâ charitate præstaret; adeò tamen Mariæ otium æmulabatur; vt quamlibet temporis particulam, quæ quotidiano sui muneris ministerio supererat, auidi Mercatoris instar lucrifacere, ac velut pretiosam, Orationi reponeret, & ad Domini pedes, quos sæpè lachrymis rigabat, ac Sacris meditationibus osculabatur, sollicitè conferret. Contigit verò eo tempore; vt eiusdem Urbis Mulier quædam, cui tenellus adhuc Puer erat, ac multis corporis commodis afflictus, cuius cū Propinqui, breui vitæ occasum expectarent, Matrem, bonis omnibus expoliatam, domo abijciendam decreuerant; Obijt tandem diuino Iudicio Puer: Mater verò dolore absorpta, cū nullum solatium admitteret, defunctum Puerum in cunabulis collocatum, summo mane, ad Capucinorum Ecclesiam deferendum curat: quæ eò vbi peruenit, mox ibi tot gemitus, tot lachrymas, totque clamores edere coepit; vt Fratres omnes ad sui commiserationem compelleret:

leret: O Sancti Francisci Filij! (aiebat Mater Filio orbata) mœstissimæ Matri, Filium reddite: nequē enim hinc abscedam, donec Infantem meum viuum reperiam. Fratres, quibus poterant Mulierem verbis consolabantur: illa verò spei, ac multum in Deum fiduciæ plena, cunabulis cum defuncti Pueri corpore, ante Altare relictis, in Ecclesiæ angulo, Deum pro Puerō oraturā secedit, certā sibi à Deo, Fratrum Oratione, opem exspectans. Interea Laicus, Popinæ Præfectus, cū miserandum Matris casum didicisset, ipsius lachrymis, ac mœrore commotus, ante Altare procumbens, Deum ardentius pro Pueri vitā rogare coepit. Longas iam in Oratione moras produxerat, cū nullus adhuc in Puerō vitæ sensus deprehendebatur. Quare ad Deum conuersus, his eum verbis, ex summā diuinæ benignitatis confidentiā haustis, compellat: Quid est fortissime, ac Clementissime Deus, qui nunquam obliuisceris deprecationem pauperum, quod supplicantis pauperis tui Orationem spernis? Vsq̃uequod Domine clamabo, & non exaudies, vociferabor ad te vim patiens, & non saluabis? Iustus quidem es tu Domine, si disputem tecum, veruntamen iusta loquor ad te: Nunquid non factus es Domine refugium pauperi, adiutor in opportunitatibus, in tribulatione: num despicias preces viduæ, si effundat loquelam gemitus. aut pupilli si ad te clamauerit? Ecce Domine lachrymæ viduæ ad maxillam descendunt, & clamor eius ad te vsq̃ue ad Cœlum ascendit, & non est qui consolari eam queat, nisi tu Deus Omnipotens, & Clemens: vox Pupilli iacentis clamat ad te: Num Magne Deus Israël pupillum, & Viduam despicias, & Pauperum tuorum Orationem depelles? Iam nunc permittite Deus, vt tecum in Iudicio contendam, & cum Omnipotente verbis meis disceptem: Nunquid bonum tibi videtur, vt multiplicetur Sanguis Filiorum tuorum, & corruant ante te qui diligunt nomen tuum? Ecce nunc, Ecce Domine, nisi Orationem Serui tui pro Paruulo deprecantis exaudias, me quoque cum Paruulo coram te cadentem adspicies? Neque enim hinc à facie tuā egrediar, aut pane, aut cibo aliquo vescar, donec vel Seruum tuum deprecantem exaudias, vel simul cum Puerō morientem in pace recipias. Mira confidentis animi virtus. Vix hæc Dei Seruus, ante Deum protulerat, cū Puer rediuius è cunabulis erumpens, ad Matris sinum accurrit: quod cū primū is animaduertit protinūs ab Altari fugiens, ab omniū se oculis subripit, nè quod Dei Virtute factū fuerat, suo merito tribueretur. Ita nep̃e humilitatis virtus S. Viris amica est, vt proprios vndiq̃ honores fugiāt, quod Dei tantū gloriā cōmendēt.

F R A -



FRATER BERNARDVS MEDIOLANSIS FRATR
CAPVCINORVM LAICVS

FRATRIS BERNARDI MEDIOLA-
NENSIS, LAICI
VITA, & GESTA.



RATER BERNARDVS Mediolanensis, Laicus, ex Illu-
strissimâ Vice Comitum Familiâ progenitus, hic
cùm Sacris humanisque literis apprimè eruditus es-
set, Brixienfis Episcopus eligitur: quod cùm Ber-
nardo renunciatum esset; grauissimum is Episcopi
munus, tot animarum reddendis rationibus obno-
xium, secum animo versans, difficillimumq; munus, cui tot virtutum
ornamenta necessaria sunt, quot Apostolus enumerat ad Tim. scri-
bens, cum ait: *Oportet Episcopum irreprehensibilem esse, &c. sobrium, pru-
dentem, ornatum, pudicum, hospitalem, Doctorem, &c.* apud se perpendens;
ab eo se subtrahere cogitat: verùm cùm ob Parentum molestiam
nullum aliud sibi euadendi consilium superesse cerneret, in solitudi-
nem fugit, atque inter Sylvas aliquamdiu latet, vbi ieiunijs, atque
orationibus tam diu seipsum exercet; donec Patre luminum inspi-
rante, Capucinorum, qui non pridem in Vrbe pullulauerant, se Con-
gregationi adiungit: vbi coelestem humilitatis viam, iam illi diu à
Deo inspiratam, amplectens; vt omnem penitus mentis superbiam
confringat, in Laicorum numerum adscribi curat. Verùm, quo pro-
fundius is in humilitate, Euangelicæ perfectionis fundamenta po-
nit, eò virtutum moles, quæ ijs deinde superstructa fuit, altius con-
surgit. Tam enim sui ipsius abiectiōe, ac despicientiâ excellit, vt
cùm se reliquorum Fratrum consortio indignum existimet, o-
mnium se pedibus subternat, helluonem se, gurgitem, ac voraginem
coelestis patrimonij appellans, simul improbum, scelestum, ac totius
Religionis dedecus seipsum prædicet. Nihil demum dicti, aut facti
vnquam prætermittere videtur, quo non seipsum apud alios maxi-
mè condemnet. Huic de seipso vilissimæ existimationi, altissima
quædam rerum paupertas respondebat, quâ sibi vilia, & ab alijs con-
tempta sèper eligere gaudebat. Vilissimus illi habitus, vilissima sanda-
lia (tamen si ijs vt plurimū minimè vteretur) vilissima cella, vilissimus
lectus cuius loco, sarmenta sibi substernere solebat, vilissima tandē o-
mnia erāt, atque adeò hâc rerū vilitate, ac egestate delectabatur; vt se
rebus omnibus exuere posse optaret, quo eâ perfectius frueretur. So-
mni parcus, geminâ ante Matutinum horâ ad orationem surgens, eo

Bbb

tempore

tempore, toties in Deum mentis ardoribus agitur; vt his cœlestibus dapibus faginatus, si quandò ad familiaria hominum consortia accedit, tam mirâ suauitate res diuinas eructat, tamquẽ altè de his differit; vt omnes ab illius ore admirabundi pendeant, eamquẽ de rebus cœlestibus scientiam, ab eo, non humano labore quæsitam, sed diuinitus illi infusam esse, certissimè sibi persuadeant. Charitate in pauperes tam eximius existit; vt cùm Officio Ianitoris fungitur, cibi partem, quam communem cum ceteris in prandio, aut coenâ accipit, repositam pauperibus distribuatur. Nonnulla, diuinâ luce illustratus, futura prædicit, quæ vera esse rei exitus comprobauit. Inter hæc, Nobili cuidam Viro, qui Capucinis adedò infensus erat; vt cùm ij propè Oppidum Drucolam Monasterium construerent; quæ ipsi de die ædificabant, ille noctu diruenda curaret; grauem incolumitatem prænunciat, quæ non multo post tempore eidem accidit, eo ad Triremes damnato. Deniquẽ, tam ingens apud Sæculares homines de eo Sanctitatis fama diffusa erat, vt, cùm per Brixia Vrbem incederet, plurima illum semper Populi turba sequeretur, certatimque omnes ipsum audire, ac videre contenderent. Postremò, Brixia, in Conuentu qui Abbatia nuncupatur, diem supremum obit, maximâ tum apud Fratres, tum etiam apud Sæculares homines, Sanctimonie opinionem relictâ. Quamobrem, ipsius obitu per Vrbem diffuso, magna Populorum multitudo ad ipsius funus confluit, cumquẽ alij tunicam, alij capillos præ deuotione ex defuncti corpore exscindunt, accidit; vt quidam dextri pedis vnguem imprudentius amputans, carnem cum vngue præscinderet: quo facto, præter naturam statim è vulnere sanguis effluxit, vt is apud Deum in Coelo viuere probaretur. Quinto verò post Bernardi obitum anno, cùm ipsius ossa vt in aliud Sepulchrum transferrentur, exhumata essent, suauissimus ex his odor emanare coepit. Quo tempore, Fr. Honorius Brixianus, Sacerdos, qui in eo Conuentu diu febre quartanâ molestissimâ laborauerat, cùm ipsius Sepulchrum ingressus, Bernardi ossa exosculatus esset, meritaque, ac opem ipsius implorasset; ab eâ protinus conualuit. Sicque Bernardus, dum Ecclesiasticam dignitatem, cum humili Capucinatorum vitâ commutasset, mundoque se penitus abiectum probasset; humilium præmium adeptus, illustrem apud Deum gloriam consequitur. An-

no 1565.

FRA-

FRATRIS MASSEI TRIDENTINI,
LAICI

VITA, & GESTA.

RATER MASSEVS Tridentinus, Laicus, inter ipsa Reformationis primordia, Sæculi vanitatibus abiectis, Religio-
sæq; militiæ tyrocinium amplexus, tanquā bonus Christi
miles, in id omnem curam, ac studium confert; vt vitia,
quæ sæpè in animâ militant, indicto in eâ prælio debellet, carnem
cum vitijs crucifigat, animumque præclaris virtutibus exornet. Na-
turam, cum vel longo vsu, vel suaptè conditione somno deditam for-
titus esset, tantâ vi ad vigilantiam compellit; vt parcissimo deinceps
somno vtatur. Corpus epulis, ac lautioribus cibus assuetum, ieiunijs
ferè quotidianis afflictat, quorum quamplurima cum solo pane, &
aquâ pinguiâ Domino offert; nunquam tamen (quod rarum est) fa-
mem depellit, aut ijs ad saturitatem vescitur. Nullam carni requiem
indulgere, sibi ab initio in animo proponit: quo fit, vt eam die labori-
bus, quos vel in horto fodiendo, vel in alijs domus exercitijs exant-
lat, nocte flagellationibus, vigilijs, longâ oratione extenuat; atque vt
in eam omnem Euangelici odij, ac hostilitatis rigorem exerceat;
cum niue omnia operta sunt, glacialibusque boreæ flatibus vniuersa
rigent, nunquam id corpori indulget, vt vel ad ignem accedat, vel a-
liâ, præterquàm laboris, calefactione frigus depellat. Haud facîle re-
ferri potest, quàm Seraphicæ paupertatis hic amator fuerit, cuius
tanto amore tenebatur; vt cum viliora, & pauperiora tam in cibo,
quàm in vestitu semper sibi deligeret, nihil etiam in domo tametsi vi-
le, aut exiguum perire pateretur. Quare, per hortum, ac nemus ince-
dens, si quandò bacillos, aut lignicula offendeat, ea velut altissimæ
paupertatis testimonia, ne interirent, colligebat, ac colligenda cæte-
ris suadebat: Neque enim, aiebat, altissimæ paupertatis virtus in ma-
gnis duntaxat, sed in minimis quoque rebus elucet. Humilitatis ve-
rò, obedientiæ, ac præsertim charitatis studiosissimus, totum se in
aliorum, atque Infirmorum potissimum obsequia effundebat: quo-
rum curâ vsque adeò delectabatur, vt nullus ei in ijs administrandis
labor molestus esset, nullus ægrotantium languor prolixus, nulla fœ-
tens plaga: super hæc verò eminebat quoddam assiduæ, ac nun-
quam intermissæ orationis studium, quo ita extrâ seipsum fereba-
tur, vt vel stans, vel sedens, vel ambulans, vultu, ac animo in Cœlum
semper erectus, quasi cœlestia meditans, quid circâ illum fieret, fre-

quenter non aduerteret, ita ut alterius potius, quam huius vitæ hominem præferre videretur. Huius Viri Sanctitas, non modò Fratribus, verum & Sæcularibus Viris adeò manifesta erat; ut plurimi ad eum ægroti confluerent, qui ab eo, Crucis Signo communiti, mox incolumes abscedebant. Hoc modo, quamplurimos ab eo varijs languoribus curatos fuisse, ex antiquis Ordinis Monumentis constat: quamvis quæ in singulis gesta sunt, minimè conscripta habeantur. Quàm verò Sanctus hic Vir Deo charus fuerit, unico exemplo licet conijcere: quum enim is, Sennam Fluvium, inter Fanum, & Senagalliam fluentem, cum Fr. Antonio Appinianensi, eo tempore transuadare pararet, quo ob frequentes pluuias, tumidæ, ac rapidæ illius vndæ altius solito excreuerant; ille, Antonino se capitis vertigine, præsertim in transuadendis fluminibus, non parùm laborare declarat: Cui Antonius: Ego, inquit, præibo, tu cingulum meum apprehende, ac meis vestigijs insistere cura. Quod cum Masseus præstitisset, vix ad medium Fluminis cursum peruenerunt, cum Masseus capitis vertigine correptus, inter vndas vacillare, ac dilabi cœpit. Altior vnda, & grauis Antonij iam senis ætas, quò minus Masseum in humeros extollere posset, prohibebant, reditus verò, æqualis illis periculi erat: quare spe omni in tanto periculo destituti, ad Dei opem confugiunt: nec frustrà: adfuit enim repentè e Cœlo diuina virtus, quæ vtrumque mox ad oppositam fluminis ripam, in quam tendebant, ne quidem aquâ madidos tulit, ut præclara eorum apud Deum merita enitescerent. Denique, cum triginta in Religione annos, magnâ cum Sanctimoniam laude compleuisset; in Conuentum Montis- Granarij, senex, ad suprema præmia conscendit. Anno 1565.

FRATRIS IACOBI à NURSIA, LAICI

VITA, & GESTA.

PRATER IACOBVS à Nursiâ, Laicus, eximie puritatis, simplicitatis, ac obedientie Vir, qui tametsi necdum sex-tum in Religione annum attigisset, Virtute tamen quàm plurimos expleuerat. Ipsi charitas, ac simplicitas in eo potissimum enituit, quod cum Fratri Cornelio Vrbinati, Æsij ægrotanti, Iacobus solita ægrotis obsequia præstaret; ad Iacobum, Cornelius: Cernis, ait, Iacobe, quâ ciborum inappetentiâ laborem, vellem ut auiculam arte aliquâ in nemore apprehenderes, ac mihi in cibum parares: Cui Iacobus: Promptissimè, ait, id præstabo, Pater: confestim-

confestimque ad nemus pergens, cum nec decipulam, nec tendiculum haberet, quâ aues caperet; coram lignâ Cruce, quæ in Arboris trunco erecta erat, genuflectens, Dominum orare coepit, ut de suæ liberalitatis penu, auiculam ægroto prouideret. Necdum ab oratione surrexerat Iacobus, cum repente auiculam volentem, atque in infimo Arboris ramo quiescentem cernit: nititur Iacobus auem apprehendere. sed cum altius ille arboris ramus emergeret, quam is manu attingere posset; saxa quædam grandia, per nemus dispersa congregat, alterum alteri imponit, strepitum edit. qui volucrem ad fugam compellere posset: exspectat tamen auis, ac ramo incubat, donec eam Iacobus manu apprehendens, ad ægrotum deferat. Cum autem virtutibus clarus, ad ultimam vitæ periodum peruenisset; prandij tempus erat, cum Iacobus Guardianum cum reliquis in Refectorio discumbentem, velut extremum valedicturus, per Fratrem custodem accersit: Guardianus verò, cum necdum de illius morte metueret, se statim à Refectione iturum respondet: at ille remisso nuncio: Breue, inquit, tempus est, vrget Dominus, nec refectionis finem exspectabit. Confestim intermisso prandio, Guardianus cum reliquis ad ægrotum se confert, quem cum humi iacentem in eoque extremum Spiritum reddere peroptantem conspexisset; in lectum ferri iubet, ab eoque quid quærat, expostulat: Cui Iacobus: Nunquam, ait, absque Superioris mei benedictione iter suscepi, nunc porro cum extremum iter ad Deum aggressurus sum. tuam, Pater, benedictionem supplex efflagito. Cui Guardianus: Nondum, inquit, profectionis tempus est, nec te Dei vox ad iter compellit, longior adhuc tibi vita superest: At Iacobus: Breuissimus, ait, mihi halitus est, Deique vocem me vocantem audio, quæso, Pater, ne me tuâ benedictione frustres: tum se in genua erigens, optatam à Guardiano benedictionem accipit. moxque totus animo, ac vultu exhilaratus exclamat: O Virgo Beatissima, ô Virgo Virginum foelicissima, opportuna venisti: En adest: En adest Cœlorum inclita Regina, ad æterna me præmia vocans. His in verbis, Iacobus à Deo, hominibusque benedictus, Spiritum ad Dominum profecturum exhalat. Anno 1566.





FRATER VICTOR BERGOMAS FRATRVM
CAPVCINORVM LAICVS.

FRATRIS VICTORIS BERGOMEN-
 SIS, LAICI
VITA, & GESTA.



FRATER VICTOR Bergomas, Laicus, Vir Regularis obferuantiaē splendore, ac omnium virtutum genere ornatiffimus, cū orationi, ac rerum diuinarum contemplationi potiffimū ftuderet, ſæpè viſus eſt ex confortio ſermonis Dei, cœleſti luce inter orandum circumfuſus: is verò, tam ſingulari ergà inimicos dilectione præditus erat; vt cū Virum quendam in Sæculo, qui capitali odio ſuos proſequebatur, inſenſiffimum hoſtem haberet, pro eo lachrymas apud Deum nunquam fundere deſiſteret. donec eundem diuinâ Clementiâ à Diaboli faucibus erutum, ad Capucinatorum Religionem compelleret: quem etiam poſthæc extremo conflictu cum morte colluctantem, tam ardenti dilectione proſequebatur; vt Deum his verbis ex vehementiori charitate hauſtis deprecaretur: Domine pro antiquâ inimicitia, quam olim hic mecum geſſit, ac pro tot illatis perſecutionibus, precor, vt ſingulare aliquod gratiæ donum morienti rependas. Dominus verò in oratione apparens, tam gratam ſibi orationem fuiſſe declarat; vt morienti Fratri, ob id culpas omnes condonauerit, atque in æternam ſalutem illum receperit. Quapropter, deſuncti illius Fratriſ anima, Victori poſt mortem apparens, gratias illi pro oblatis Deo pro ſe precibus immenſas refert: veruntamen cū hæc ipſa deſuncti Fratriſ anima purgatorijs poenis detineretur, ſimul cum alia, Victori oranti apparet, atque hæc quidem ignem in ſinu geſtare, illa verò in luto ad medium vſque corpus ſepulta videbatur: cumque ſimul animæ colloquentes, illa hanc his verbis compellaret: En adeſt, quid moramur, quò minùs illius opem apud Deum efflagitemus? Reſpondet iſta, iam nullo alio opus eſt, noſtra ipſi præſentia innotuit, ſat eſt, opus procul dubio præſtabit: ac ſimul ſtatim ex ipſius ſe aſpectu ſubtrahunt. Is verò, cū ærurnoſum earum animarum ſtatum eſſe, ex earum verbis, & facto didiciſſet; tam diu pro ijs Dei Seruus orauit, donec à Purgatorijs poenis, ytraque liberata, ad Cœlos euolaret. Proprium duntaxat corpus tam acri odio proſequebatur; vt cum eo irreconciliabiles inimicitias gereret. Hinc cū neceſſarius ſomnus vrgeret, haud aliud quàm nudæ tabulæ, ligno capiti ſuppoſito, illi lectum ſternebant,

sternebant, reliqua omnia, quibus illud durè exciperet, lecto respondabant: assiduo verò Orationis studio eam sibi mentis abstractio- nem comparauerat, vt vix inter homines esse, ac versari videretur. Hinc plurimæ illi Dæmonum insidiæ tendebantur: semel Satan, cum se illi sub Phyci specie spectandum præbuisset, illum damnatum esse asserens, hæc ad eum fatur: Quid agis miser? Cur tot frustrà labores exantlas, cum te damnatorum turba expectet, cui diuino iam pridem decreto copulâris? Cui Victor: Id fortè mihi persuaderes pessime Dæmon, nisi te iam dudum fallentissimum hostem, ac mendacij Patrem agnoscerem: at esto, damnandus sim, atque è vitæ libro delendus, quandoquidem Deum meum mortuus haud laudare potero, saltem quàm diu superstes sum, meipsum ad Dei laudes pro- uocabo. Statimque assumpto flagello, diutius in Dominicæ Passio- nis memoriam se verberibus cedere, ac diuinas laudes illis Prophetæ verbis decantare: *Lauda anima mea Dominum, laudabo Dominum in vita mea, psal- lam Deo meo quàm diu fuero.* Dæmon verò acrius ab eo flagellatus, mox illis vocibus aufugit. Hunc Dei Seruum Prophetiæ donum, quo fu- tura prædiceret, à Deo consecutum fuisse nonnulla quæ sequuntur exempla, demonstrant: Virginem enim quandam, Catharinam no- mine, vanis, ac superfluis capitis ornamentis luxuriantem, Baretij (quod est Agri Mediolanensis non ignobile Oppidum) aliquandò obuiam habens, cum eam seuerius reprehendisset, fore tandem præ- dicit, vt breui illis cum mundo abiectis, Virginitatem suam Domino voueret. Huius consilij necdum illa cogitationem eo tempore conceperat; at paulò post, cum Vir Dei virginum Congregationem in eodem Oppido, cum titulo S. Vrsulæ fundandam curâisset; vehe- mentius illa à Domino vocata, vbi propriam domum, ac suas vanas opes ad Collegij constructionem contulisset; seipsam quoque inter primas, in eodem Dei viuentem hostiam immolat. Aliud quo- que eiusdem rei testimonium fuit olim memoriæ traditum: cum enim Vir Dei in Conuentu Baretij, supremum iam Spiritum ageret; corporis viribus, quibus iam destitutus erat, repentè instauratis, con- festim nuncium ad Paulum Vice Comitem illustrissimum, ac de Religione benemeritum, mittit: eumque quasi de grauissimis rebus cum eo ante obitum illi agendum sit, quamprimùm ad se venire cu- rat. Erat Paulus Victori familiaris, qui cum nuncium accepisset, fe- stinus ad Victorem conuolat: cui Victor: Accersiui te, inquit, Paule, vt & Domini Clementiam, & B. P. Francisci opem tibi pro- pitiam aperiâ: iam æterni interitus in Dei Iudicio sententiam tule-

ras, ne-

ras, neque vlla tibi, ob patrata scelera, salutis spes apud Deum reliqua erat: at B. P. Francisci merita, quem singulari semper deuotione persecutus es, copiosæque in Capucinorum Religionem eleemosynæ à te effusæ, pro te ad Deum clamârunt, ab eoque poenitentiae spatium tibi impetrârunt: quare, ne differ illa, atque illa peccata (quorum speciem, numerum, & indiuidua tunc illi ad amissim recensuit) Sacerdoti quamprimum integrè confiteri, nè tibi Dei ira, ac vindicta, poenitentiae tempus intercipiat. Tum illi totum illius vitae cursum ante oculos posuit, arcanaque tot illi peccata patefecit, vt exterritus ille, confestim ad Sacerdotem confugerit, integramque peccatorum suorum confessionem præstiterit. Vix autem hæc Victor, quæ diuinitus acceperat, Paulo declarauit, cum extemplò iterum viribus omnibus exhaustus, atque in placidum soporem resolutus, Deo animam reddidit. Anno 1566.

FRATRIS BONAVENTURÆ PICEN- TIS, LAICI

VITA, & GESTA.

MATER BONAVENTURA Picens, Laicus, Vir humilitate ad miraculum insignis, obedientiae, ac paupertatis custos studiosissimus, honestatis cum primis amator, abstinentiæ clarus, charitateque tantoperè flagrans, vt nullis ab eâ laboribus absterri possit: vniuersa enim charitatis officia, quæ in Monasterio, vel Infirmis, vel beneuolentibus præstantur, tam auidè amplectebatur; vt omnia solus agere contenderet. Orationi verò ita deditus erat, vt cum nullum vnquam orandi tempus incassum præterlabi pateretur, nullum orationi intempestiuum putaret. Hinc, ad tantam coelestis vitæ perfectionem conscendit; vt plurima Signo Crucis Miracula patrâsse feratur. Mortuum quoque suscitâsse, certo testimonio probatum est: Cum enim Camerini, Eleemosynarij unus sustineret, accidit; vt cuiusdam Mulieris Infans, diutino morbo laborans, tandem interiret: quem dum Mater ad funera parat, en Bonauentura panem de more emendicans, domus ostium pulsat. Reuiuiscit Matris animus, iam ob Filij mortem dolore prostratus, cumque Bonauenturæ Sanctitatem non ignoraret, protinus illum in domum vocat, mortuumque Filium ostendens, multis eum lachrymis rogat, vt eum luci restituat. Recusat Vir Dei, ac se peccatorem exclamans, Matris preces, vi omni reijcere studet: At illa am-

pius vrget, humi prolabitur, pedes amplectitur, atque vt Puerο vitam reddat, summis precibus obtestatur. His Bonauentura commotus, tandem in genua procidens, diuinam pro Puerο clementiam exorat: cumque aliquamdiu perstitisset, inde surgens, Puerum Signo Crucis benedicit, ac in Nomine Iesv, apprehensum ad vitam reuocat. Id Mater cum plerisque iuramento affirmasset; Puer quoque, qui Carolus vocabatur, cum elabentibus annis Urbis Canonicus esset, factum passim narrabat, quod à Matre didicerat. Postremo, magnā Sanctimonie laude clarus, Firmi, in Conuentu S. Sauini, rebus humanis valedicit. Anno 1567.

FRATRIS ANTONII à POTENTIA,
LAICI
VITA, & GESTA.



RATER ANTONIVS à Potentiâ, Laicus. Vir maximis virtutibus præditus, magnæ oratione, & abstinentiâ clarus, illi, cum ieiunia quotidiana, ac familiaria essent; eò tamen illum Spiritus ardor, & vehementia compulit; vt Quadragesimale vnus anni Ieiunium, sub vnus tantum pusilli ficuum, quantum manus capere potest, escâ transigeret: Id cum non humanæ, sed diuinæ prorsus virtuti tribuendum sit, hinc quanta intus in animo diuina Spiritus pinguedine aleretur, perspicuum fit. Vitam hic demum Sanctimoniâ vberem, & cum laude peractam, sine quoque foeliciori concludit. An-

no 1567.



FRA-



FRATRIS FRANCISCI MACERATENSIS, LAICI
VITA, & GESTA.



FRATER FRANCISCUS Maceratenſis, Laicus, agricolis Parentibus natus, cum agros aratro ac ligone ſcinderet, ad meliorem animi culturam in ipſa adoleſcente ætate à Domino vocatus ad Minorum Obſervantium Ordinem ſe confert: in quo cum per aliquot annos vitam piè, ac Religioſè duxiſſet; tunc primùm illuſcente Capucinatorum Reformatione, ac Regularis obſervantiæ radios longè, lateque diffundente, inter primos ad ipſam euolat. Summa in hoc Viro ſimplicitas, atque ad omnia virtutum genera tam ardens ſtudium enitebat; vt cum admiranda illa priſcorum Anachoretarum ieiunia, ſilentia, ſolitudines, carnis macerationes, & quæ alia præclara geſta ab alijs audiret, mox tantâ ad ea imitanda cupiditate accendebatur; vt plerumque nullâ exſpectatâ Superioris licentiâ, ad nemora, ac ſolitudines ſe conferret vbi herbis, & fructibus tantum victitans, dies, nocteſque, in orationibus vigilijs, cilicio, atque alijs carnis macerationibus diu tranſigeret: id autem cum ex maximâ illius ſimplicitate flueret, facilè Superiores factò annuebant: ſed & aliud quoque ipſius ſimplicitatis argumentum referre lubet: cum enim inter prima illa Reformationum primordia, ac turbulentum rerum ſtatum, ab Aduerſarijs falſus plerumque rumor in vulgus diffunderetur, Capucinos Apoſtatas, & excommunicatos eſſe, eò factum eſt; vt Franciſcus qui omnia in ſimplicitate credebat, nullumque in Orbe mendacium eſſe ſuſpicabatur, iterum ad Obſervantes remearet: cumque ab ijs falſum illum rumorem eſſe intelligeret, multoſque paſſim ex Obſervantium Familiâ ad Capucinos migrare conſpiceret; ipſe quoque cum ijs ruruſ ad Capucinos rediuit. Vbi admirabile propemodum erat huius Viri vitæ genus; nam quod ad corporis aſteritates ſpectat, rudiorẽ, & abiectionem ſemper ſibi habitum eligens, eum ex panni, & ſacci præſegminibus, quæ proijciebantur, non alijs refarcire ſolitus erat: eoque ſolo contentus, aſperum præterea ſub eo cilicium geſtabat. Toto anni tempore, cum nudis pedibus, abſque ſandalijſ incederet, niuemque, glaciẽque aſperriſmo tempore calcaret, frequenter ſub pedum

planta

plantâ rimas, ac vulnera patiebatur, vnde viuus sæpè Sanguis effluebat, quæ tamen is adeò nihili pendeat, quasi nullo eorum sensus dolore afficeretur, vixquæ ad eum illa pertinere viderentur. Præterea, tam seuerâ corpus flagellatione castigabat, vt, cum se sibi haud sufficere existimaret, alterius validam manum ad flagellationem sibi adhibendam curaret: verberibus autè haud secus mouebatur, quàm si ligneum, aut marmoreum corpus percutienti offerret. Vnica illi in die refectio semper familiaris fuit, quam sæpè panis, & aquæ ieiunio opiparam reddebat. B. P. Francisci ieiunia, quæ quinque Quadragesimis distincta sunt, tam arctâ ieiunij lege, quoad vixit, coluit, vt ea violare piaculum duceret: tam quoquæ in cibo, & potu auarus erat, vt nec famem vnquam pelleret, nequæ aquam, quantum ad sitim extinguendam satis erat, bibere auderet. Humilitas etiam tam altas in Viro Dei radices egerat, vt illi animo fixum esset, quoslibet tam Sæculares, quàm Religiosos, se procul dubio meliores esse. Honestatis tam integer custos fuit, vt demissis oculis incedens, nullam prorsus mulierem facie agnosceret: tantâ quoquæ in ægrotos charitate ferebatur, vt cum idè inter ipsa Ordinis initia, in hospitalem Domum S. Iacobi incurabilium destinatus esset, per aliquot annorum spatia tantâ sollicitudine, ac diligentia infirmis ministraret, vt ab omnibus passim ægrotorum mater, ac nutrix appellaretur. At nequæ minor ipsius in Pauperes charitas fuit: dum enim Maceratae Conuentus ædificaretur, ac pleriquæ Cementarij vtrò operam ædificationi præstarent, quibus Fratres necessaria ex quotidianâ mendicatione ministrabant, eo tempore Franciscus, Eleëmofynarij, in eo Conuentu onus sustinebat, qui dum semel cum Eleëmofynâ ex Vrbe rediret, accidit, vt pleriquæ Pauperes ab eo Eleëmofynam peterent, quam cum ille ex innatâ pietate denegare nunquam soleret, reliquis in pauperes erogatis, vix triginta panes in manticâ supererant, quibuscum, dum ad monasterium pergir, triginta Viros aduenas Theutonicos, in viâ iacentes, ac fame penè enecatos offendit, quibus cum reliquos panes dispertitus esset, sine pane domum redijt. Porro tum Fratres, tum Cementarij panem esurientes expectabant, quorum cum Guardianus spem frustratam esse cerneret, eum grauitè obiurgat, moxquæ Fratres alios ad panem mendicandum mittere parat: cui Franciscus: Quæso, Pater (ait) prius ad arcam panariam mitte, & num ibi panis adsit explora: at Guardianus: Quid arcam (inquit) commemoras, tam diligentissimè ante hâc explorata fuit, in quâ nec vnicum quidem panis frustulum offendes? Su-

stine paulisper, si lubet, (subdit Franciscus) fortè ibi panes inuenies, si melius exploraueris. Redit Guardianus ad arcam panariam, quam candido, ac recenti pane, è Coelo ministrato, plenam reperit. Eo Miraculo à Cementarijs per Urbem diuulgato, mox tanta in Populo de Francisci Sanctimoniâ fama percubuit; vt ad eorum, qui ad eum confluebant, frequentiam declinandam, inde abscedere compellus fuerit. Quapropter, Vrbinam profectus, cum in eâ Vrbe, Quæstuarium quoque opus exerceret, Nobilis quædam Mulier, Ducissæ pedissequa, quæ iam dudum Sanguinis fluxu laborans, multa frustra in Medicos erogauerat, cum se impensius Francisci Orationibus commendasset, Vir Dei diurnâ illius infirmitate permotus, panem è sacculo haustum eidem porrigit, dicens: Panis hic, panis est Domini, qui ob Iesu Christi amorem datur, accipe, comede, & in nomine Domini Iesu Christi sanaberis. Vix illa panem gustauit, cum Sanguinis fontem stetisse, perfecteque se corpore sanata sentit. Metolæ quoque Comitissa, quæ ad Medicorum desperationem ægrotabat, Virum Dei, panem mendicantem, misso nuncio accersit: cui Vir Dei: Mihi, inquit, panis ex Obedientiâ quærendus, ad eamque mihi per otium proficisci non licet; veruntamen hoc panis frustulum ad eam defer, eoque in Nomine Domini Nostri Iesu Christi, B. V. & B. P. Francisci vescatur, quorum ope conualecet: quod cum ægra degustasset, illicò morbus deferbuit, ac breui incolumis euasit. Hoc pacto, cum Serui sui Sanctitatem, Deus signis manifestaret, is è regione, tam se omni gratiâ Dei indignum iudicabat, vt (præsertim ob quasdam Dei reuelationes) ingentem æternæ damnationis metum in animo conciperet: vnde fiebat, vt inter orationis, ac diuinæ contemplationis studium, in quo maiorem diei, ac noctis partem infumebat, eam semper copiosis fletibus irrigaret. Tantâ ergà diuinissimum Sacramentum reuerentiâ afficiebatur; vt, si quandò illi per Ecclesiam, aut Chorum pergendum esset, nunquam terga Sacramento verteret, sed aut per illius latera incederet, aut versâ ad Altare facie retrocederet. Regulæ verba, tantâ veneratione prosequi solebat; vt cum sæpè ab aliquo Sacerdote ex eâ Capitulum sibi legi peteret; illud genuflexus, aut iunctis manibus, velut Dei Oraculum audiret. Cum igitur Vir Sanctus, ob vigilias, atque alias corporis macerationes, quibus se quotidie afflictabat, quandam neruorum ægritudinem contraxisset, cui curandæ Medicorum, ac Prouincialis Vicarij præcepto compellebatur ad Porretanas aquas se conferre; ibi à Nobili quâdam Muliere hospitio susceptus, cum Vespere iam in suum se

cubicu-

cubiculum recepisset, extincto lumine, more solito, orationi vacabat: tum Nobilis illa, domus Hera, casu ante illius cubiculi fores iter faciens, ingentem ex eo lucem erumpentem cernit: quamobrem, per ostij rimulas aspiciens, igneum, ac velut solare globum, super Viri Dei caput eminere animaduertit, atque ex verborum tenore, cum neminem præter Franciscum cerneret, Virginem Deiparam cum eo colloquentem colligit. Dum autem his Franciscus balneis utitur, Guidobaldus Vrbinatum dux, ob summam suam in Virum Dei beneuolentiam, Aulicum quendam sibi familiarem eò destinat, qui vniuersa illi necessaria ministret: is itaque cum semel ad Virum Dei in suo cubiculo orantem accessisset, in extasim raptum, atque à terrâ altius subuectum, flammamque capiti insidentem conspicit. Medicus itidem qui illius curationi tunc incumbibat, cum alio quoque tempore, insperato Viri Dei cubiculum ingressus esset, Virginem Deiparam cum eo colloquentem offendit, quæ extemplo eo ingrediente euauit. Cum etiam Corinalti, Nobilis quidam Monasterium ingrederetur, ac per nemoris vias solus deambulare, ex insperato Franciscum, qui in nemore orabat, ante se in aëra sublatus, ac vertice altiores arboris ramos contingentem spectat. Posthæc, Fratri extremo morbo laboranti, atque à Physico certæ neci adiudicato, incolumitatem, ac futura incommoda, quæ postea guttæ arteticæ doloribus discruciatu passus est prænunciat. Dæmonis tentatione, cum quædam Dominicæ Orationis verba proferre non posset, quamobrem immaniter animo torquebatur, à Paulo Quarto summo Pontifice, ab eorum prolatione dispensatur. At benignissimus Dominus qui illius carnem linguæ compede aggrauauerat, animum mœroribus confectum consolabatur, maximisque è Cœlo donis cumulabat. Nam hoc tempore, tot cœpit signis, ac Miraculis coruscare, ut omnem propè numerum excederent, ex quibus aliqua lubet referre. Maceratam semel missus, nobilem quandam Matronam, quæ iamdudum paralyti laborans in lecto iacebat, ipsius importunitate victus, tandem adgeniculans, Signo Crucis prosequitur, statimque abscedens, vix ad domus gradus peruenerat, cum ægrota, paralyti liberata, integrâ incolumitate potitur. Rursus, ex Macerateni Conuentu ad Urbem pergens, in Mulierem quandam utroque lumine orbatam incidit, quæ cum ab itineris duce, Franciscum adesse intelligeret, ab eo postulat, ut illi oculorum lucem à Deo impetret: cui Franciscus: Tu potius Deum obsecra, ut illud mihi eripiat, hoste enim carerem, quo cum mihi ad mortem usque pugnandum est. At

cœca

cœca Mulier impensius Virum Dei pro oculorum luce rogabat, ab eoque saltem Crucis Signum efflagitabat. Illud tandem Vir Dei roganti præstat: quo protinus lux illi integra redditur. In eadem Vrbe, Iuuenem, in quâdam domo, iam diu hydropisi laborantem, in lecto decumbentem offendens, dum is eum verbis consolatur, hydropicus Francisci, manu apprehensâ, eaque super pectus sibi collocatâ, rogat, vt Crucis Signo sibi benedicat: consentit Franciscus: vixque Signum Crucis formauerat, cum is repente à morbo conualuit. Hinc, deinde Filatranum profectus, Mulierem quæ iam diu febri laborauerat, neque vlllo Physicorum remedio ab eâ liberari potuerat, Signo Crucis obsignatam, pristinae sanitati restituit: plurimaque huiusmodi Miracula ab eo patrata referuntur. Illud autem haud silentio prætereundum est, quod Pisauri accidisse certâ fide probatum est. Ibi enim cum Mulier, quæ tenerum Infantem, quem secum lecto decumbentem tenebat, dormiens noctu suffocasset, Coniugis iram verita, ad Virum Dei confugit, qui multorum tunc Miraculorum famâ ubique Illustris erat: mortuumque Infantem panno inuolutum, summo mane ad Conuentum defert: vbi multis lachrymis, flebilem Infantis casum narrans, Virum Dei deprecatur, vt eum luci restituat. Cui Franciscus: Nunquid ego sum Deus, qui vitam, ac lucem mortuis reddam? Peccator ego sum miserrimus, ne hoc à me petas Mulier. At illa maiores in fletus erumpens, clamabat: Serue Dei, si vis, id potes à Deo precibus impetrare. res in manu tuâ est: testis est mihi Deus. si hinc à pedibus tuis recessero, donec viuum illum Infantem reddideris. Cum autem Mulier nullam consolationem admitteret, innataque pietas, ac commiseratio viscera eius torqueret, statim in genua procidens, Deum pro Puero rogat: mox Serui sui precibus adfuit diuina virtus: adhuc enim Franciscus orabat, cum defunctus Infans membra mouere, ac Matris vbera, rediuiuus quærere coepit. Matrem obtestatur Franciscus, ne factum alteri prodat: at illa, cum rem Prouinciali Vicario, alijsque plerisque narrasset; hinc clarior Viri Dei Sanctitas, atque illius apud Deum merita effulsere. Cum igitur humilis Dei Seruus, tot Miraculis clarus, Pisauri tandem supremo morbo correptus, vitæ finem sibi imminere intelligeret; vt summam in morte animi humilitatem testatam relinqueret, vbi se ad Domini occursum dignâ Sacramentorum expiatione præparauit, cum Populorum affluentiam se post mortem honorandum pertimesceret, à Deo postulat; vt nullo in morte Populi honore, sed communi tantum aliorum sepulturâ, fruatur: cuius votis cum

Deus

Deus annueret, illo toto tempore, quo corpus inhumandum erat, tam copiosum è Coelo imbrem emisit; vt omnem populorum turbis viam, ad defuncti funus adeundum intercluserit. Obijt Vir Sanctus post septuagesimum suæ ætatis annum, Pisaurique sepultus, inde coelestes euasit ad auras, feliciorem apud Deum vitam consecuturus. Anno 1568.

FRATRIS ANTONII LOCHIENSIS,
LAICI
VITA, ET GESTA.

RATER ANTONIVS Lochiensis, Laicus, inter eos adnumeratur, qui ex Conuentualium Reformatione, Ioannis Faneſtris sermonibus permotus, simul cum Vbertino, ac Bernardino à Monte Vlmi, ad Capucinatorum Religionem migrarunt. Vir fuit obedientiæ potissimum Virtute illustris, ac tantâ abstinentiâ præditus; vt cum sæpè nihil præter panem, & aquam ad victum adhiberet, plerumque etiam integros dies absque cibo, & potu transigeret. Humilitati, paupertati, orationi, tantoperè studuit; vt inter perfectiores Regularis obseruantie cultores, suâ tempestate haberetur. Deiparam Virginem singulari semper Religione, ac pietate prosecutus est, cuius cum coronam persoluit, multa à Dæmone patitur. Demum cum Sanctimonie apud omnes nomen adeptus esset; in Conuentu Montis Vlmi, Deo depositum reddit. Anno 1560.

FRATRIS FRANCISCI à MATTEOLA,
LAICI, GVARDIANI
VITA, & GESTA.

RATER FRANCISCVS à Matteolâ, Laicus, huius vita cæteris totius perfectionis norma fuit: paupertate enim, humilitate, sui ipsius despectu, abstinentiâ, adeò inter alios insignis effulsit; vt rerum penuriam, corporis incommoda, probra, illatas contumelias, non tam æquo animo tolerare, quàm nec sentire videretur. Obedientiæ verò virtute tam illustris fuit; vt ipsius obedientia diuino Miraculo illustrari meruerit: cum enim in Conuentu Latertiæ, Eleëmofynarij munus obiret, maximaque vini penuria totam Regionem occuparet, eo, binas vini lagenas ad mendicandum parate, Guardianus iocosè his eum verbis compellat:

Ddd

Caue,

Caue, Francisce, ne vacuas lagenas domum referas. Omne ille studium, ac sollicitudinem confert, vt vinum à Ciuibus emendicet: sed cùm tanta esset vini penuria, vt vix illustriores Vrbis Familiæ, arctâ, ac necessariâ illius prouisione potirentur; absque vino domum redire cogitur. Interea, recolit ille Superioris verba, quibus sibi præceptum fuerat, nè cum lagenis vacuis domum rediret. Quare, cùm prorsus satisfacere vellet, lagenas ex fonte, qui in eo itinere limpidissimus occurrit, aquâ implet, ijsque onustus domum redit. Vix de more à Guardiano benedici postulat, cùm ab eo Guardianus percunctatur, num plenas lagenas domum tulerit: Plenas, inquit, Pater. Paruo post tempore elapso, cùm Guardianus vtramque lagenam, quam vappâ, aut acido vino plenam arbitrabatur, gustu exprobare vellet; optimum, ac generosum vtraque vinum effudit. Quare ille obstupescens, à Francisco sciscitatur, vndenam tali vino lagenas impleuerit: at ille simplicissimè: Ex fonte, inquit, qui se in viâ offert: neque enim vini quicquam à Ciuibus mendicatione comparare potui, quo lagenas implerem, etenim verò, cùm præceptum vrgeret, ne lagenas domum vacuas referrem, aquâ impleui (necdum enim Franciscus aquam in vinum à Deo mutatam fuisse nouerat) Diuinum tunc prius Miraculum Guardianus agnoscens, illud simplicissimæ Francisci obedientie tribuendum censuit, quæ tantum apud Deum pòdus, ac meritum sibi vendicauit; vt ob eam, D.O.M. naturæ ordinem inuerteret, & aquam in vinum mutaret. Multis quoque alijs virtutibus clarus, non exiguam sibi apud omnes Sanctimonie famam comparauit: singularis animi prudentiâ, ac Regularis obseruantie zelo, cùm à Deo præditus esset; Guardiani munere plerumque fungitur. Sancto denique fine, in Conuentu Lateranensi, vitæ cursum absoluit. Anno 1569.





FRATER LVDOVICVS A MONTE S^{ti} SAVINI FRATR¹⁴⁷¹
CAPVCINORVM LAICVS.

FRATRIS LVDOVICI à MONTE
SANCTI SAVINI, LAICI
VITA, & GESTA.



LRATER LVDOVICVS à Monte Sancti Sauini, Lai-
cus, cum incredibili ergà omnes, præsertim ægrotos,
charitate flagraret, hanc à Deo gratiam sibi compa-
rauerat; vt plerisque infirmos, dum quinquies ora-
tionem Dominicam, & Salutationem Angelicam,
ante Eucharistiæ Sacramentum, brachijs in Crucis
modum protensis recitaret, ab ægritudine liberaret. Hoc pacto, cum
in Conuentu Montispolitiani, duorum illi Fratrum ægotantium
cura, à Guardiano demandata fuisset; nuncius ad eum venit, qui Ger-
manum Fratrem, in montis Sancti Sauini Oppido tam graui morbo
laborantem nunciaret; vt si eo viuo frui vellent, ad illum quantocius
properaret. Lubenter Ludouicus suprema, Germano Fratri, iura
perfoluisset, sed cum geminorum ægotantium curâ, & Guardiani
obedientiâ præpediretur; vt vtrisque satisfaceret, ad familiare reme-
dium confugit: quinquies consuetas orationes, ante S. Sacramentum,
pro Germano exoluit, quibus eum à morte, & à morbo liberat. Tum
verò, easdem etiam pro suis ægotantibus recitat, quos pari modo ad
incolumitatem reuocat. Non minori cum hic erga Pauperes chari-
tate æstualet, accidit in eodem Montispolitiani Conuentu, vt totâ
Regione fame occupatâ, multi ad Monasterium Pauperes conflue-
rent, quibus is copiosas Eleëmofynas elargiebatur: cum verò quo-
dam mane, tot ad eum Pauperes conuenissent, vt ijs totum panem,
qui Familiæ repositus erat, præter quædam frustula erogasset; legu-
mina Ludouicus Familiæ in cibum parat, panisque frustula, quæ
Pauperibus superfuerant, in mensâ apponit. Res Fratribus parum
prudens, & discreta visa est: Guardianusque correptionem in Refe-
ctorij capitulum differt. Prandij iam horâ instante, Ludouicus ad om-
nem correctionem paratus, iam Refectoryum ingressus fuerat,
cum repente ianuæ tintinnabulum auditur: eò Ludouicus festinat,
Adolescentulumque formâ pulcherrimum, præ foribus reperit, qui
tot calidas panis placentas Ludouico profert, quot Fratres in Fami-
liâ numerabantur, confestimque se ex illius oculis eripit. Pergit Lu-
douicus ouans, placentisque onustus Refectoryum ingreditur, tum
suam cuique assignans ait: En, Patres, quales Pauperum eleëmofy-
na pla-

na placentas peperit. Mirantur vniuersi, diuinamque erga se liberalitatem agnoscetes, in his, suum de Ludouico iudicium reuocant, maiori que erga Pauperes charitate accenduntur. Quam verò huius Sancti Viri charitas Deo grata fuerit, cunctis, post illius ex hac vitâ decessum, perspectum fuit: nam post multos ab ipsius obitu annos, cum reliqua ipsius caro exesa, ac in cinerem resoluta esset; dextera ipsius manus, quâ Eleemosynas erogabat, tam incorrupta reperta est; ut ea viuentis esse videretur. Cessit è vitâ Vir Sanctus, plurimo post se virtutum, ac Sanctimonie odore apud omnes relicto. Anno. 1570.

F R A T R I S I O A N N I S à N I C O S I A ,
L A I C I
V I T A , & G E S T A .

FRATER IOANNES à Nicossâ, Laicus, Hortulani quamplurimos annos officio functus, dum hortum excolit, animi hortulum haud incultum relinquit: tot enim illum virtutum plantis exornauit, ac coelesti supernorum donorum pluuiâ irrigante, ad tam vberes fructus prouocauit; ut ei Propheticum illud occini queat: *Stetit anima eius, quasi hortus irriguus & quasi hortus voluptatis terra coram eo: Gulæ vepribus, quæ animam præfocant, & Spiritus fructum impediunt, abstinentiâ euulsis, quotidianis, ac perpetuis ieiunijs carnem exercebat, flagellationibus arabat, laborum ligone fodiebat, luxuriantes sensus mortificationum sarculo putabat: Paupertatem, obedientiam, patientiam, humilitatem, rerum omnium, ac sui contemptum, cæteraque virtutum semina copiosissima iaciebat, nocturnis vigilijs ad fructum prouocabat, orationibus fouebat, lachrymarum pluuiâ augebat, incalcescenteque diuinæ charitatis æstu, ad maturitatem compellebat: denique, tam diligens huius Dominici hortuli cultor fuit; ut nullum vnquam à virtutum labore illi tempus vacuum fuerit, donec perfectam omnium metam attingeret. Huius Viri Sanctimoniam D. O. M. facto aliquando manifestam esse voluit. Nam cum mulier quædam à Dæmone obsessa, ad Conuentum perducta esset, eamque ob Fratrum orationes Dæmon vehementius solito torqueret; Ioannes tantâ ob ipsius cruciatus, erga illam miseratione commotus fuit; ut se in speluncam abdiderit, ibique biduum absque cibo perseuerans, Dominum pro ipsius liberatione deprecatus fuerit. Interea Dæmon rugitus edere, exclamareque se Ioannis precibus exuiri: at biduo exple-*

Ddd 3

to, cum

to, cum Dæmon Ioannis orationem vterius ferre non posset, è corpore erumpens, Mulierem liberam relinquit. Ioannes verò, post aliquot annos magno Sanctitatis odore apud omnes relictò, sanctè in Domino obdormit. Anno 1570.

FRATER VALENTINVS DREPANENSIS, LAICVS, VIR IL-


LVSTRIS.

FRATER VALENTINVS Drepanensis, Laicus, Vir in Siculâ Prouinciâ, inter alios humilitate, ac Seraphica paupertate celebratissimus; qui cum viuens paupertatem summoperè dilexisset; ne ab eâ in morte diuelleretur, Castroboni Conuentum, totius Prouinciæ pauperrimum, à Deo impetrat, vt in eo carnis exuias deponat: vbi cuiusdam infirmi Fratris curam agens, cum ex diuinâ reuelatione suum, atque ægroti illius obitum accepisset, diem supremum eidem prænuncians, cum eo in Domino obdormit. Anno.

1570.



FRA-



FRATRIS NICOLAI à QVINQVE
FRONDIBVS, LAICI
VITA, & GESTA.



RATER NICOLAVS à Quinquè frondibus, Laicus, Vir omnium virtutum genere ornatissimus, tamquè singulari simplicitatis, ac obedientiæ virtute præditus; vt cùm Mileti Conuentus Guardianus, vt ipsius obedientiæ periculum faceret, eidem præcepisset; vt Fici ramum fermè aridum in horto plantaret, ac quotidiano labore irrigaret, id absquè vllà cunctatione præstiterit. Porro, haud absimile hinc ab eo factum accidit, quod de illo antiquo Anachoretâ apud Cassianum legitur, tanta enim fuit huius obedientiæ apud Deum vis; vt aridus ferè ramus, simplici obedientiâ excultus, in Arborem excreuerit, fructusquè vberimos protulerit, qui deinceps à Fratribus, Obedientiæ fructus appellari solebant. Hic orationi, ac rerum diuinarum contemplationi ita animum dicauerat; vt sæpe in eâ integras noctes infumeret. Semel cùm Dominicæ Passionis meditationi intentus, sententiam à Pilato aduersus Dominum, vehementius deploraret, eidem repenti Pilatus atris vestibus indutus, atquè vndiquè nigerrimis ac horrendis coruis circumseptus apparet, cuius cùm primo aspectu Nicolaus horruisset, ad eum inquit: Quises tu? Cui Pilatus: Ego sum ait, Pilatus Christi Iudex, ac condemnator. Mox ad eum Nicolaus: Heu miser! Cur tam iniustam contrâ Dominum meum sententiam aliquandò ferre ausus es? Cui ille: Id non sponte, sed timore percussus præstiti. His dictis volucritius, cum Coruis, nigris se condidit umbris. Iterum cùm Dominum, sublatam in humeros Crucem, ad Caluarię Montem ferentem multis lachrymis defleret; en Christus in eadem formâ, Crucem baiulans, eidem se aspectandum præbet: quo aspectu, ita illius anima Christi amore liquefacta fuit; vt perennes deinde, ex solâ illius memoriâ, lachrymas diffunderet. Tantâ deniquè Sanctus hic Vir in Christum Dominum charitate feruebat; vt cùm aliquandò ante Eucharistiæ Sacramentum oraret, Christus sub Pueri specie secum in Altari colloqui, ac plurima illi beneuolentiæ signa exhibere visus fuerit. Hæc procul dubio diuina tenerioris dilectionis testimonia erant, quibus D. O. M. Serui sui Spiritum, charitate flagrantem, prosequabatur. Is verò, cùm in simplicitate suâ multis annis Domino famulatus

mulatus esset, bonumque aduersus Spiritus hostes (quibuscum strenuè ad extremum vsque Spiritum depugnauit) certamen certasset, ac fidelis Domino fuisset; cursum tandem vitæ feliciter consummauit. Anno 1570. & à Domino, iustitiæ coronam accepit.

FRATRIS MASSEI GENVENSIS, LAICI,
MAGISTRI NOVITIORVM
VITA, & GESTA.

FRATER MASSEVS Genuensis, Laicus, in bellicâ illâ Pij. V. Pontificis expeditione contra Turcas, ab Anselmo, inter alios Socios eligitur. Hic cum inter prima Religionis initia, Capucinorum militiæ nomina dedisset; tanto virtutum fulgore, ac vitæ austeritate inter cæteros emicabat; vt annum totum in Quadragenas in edias dispertitum, in solâ panis, & aquæ refectione transigeret: haud tamen à quotidiano labore vacabat, quo, cum corpus defatigaret non aliam sibi quàm Orationis quietem quærebat, ex quâ maiores sibi ad carnem, cognataque illa vitia frigore, nuditate, flagellis, vigilijs, atque alijs castigationibus edomanda, vires quotidie augeri sentiebat. Hinc plures Dæmonum infestationes passus, quibus illum ab hac perfectâ virtutis viâ deterrere conabantur, eam animi constantiam assecutus fuerat; vt Dæmoni ipsi illuderet, illique ignauiam, ac imbecillitatem exprobraret. Sæpè ob notam vitæ Sanctimoniam Nouitiorum curæ præficitur, quo munere dum in Conuentu Camerini aliquandò fungitur, Nouitium qui præter obedientiam Orationi vacabat, à Dæmone penè suffocatum suâ Oratione liberat. Ac tandem cum quadraginta, & amplius annos, magnâ cum virtutum laude in Religione exegisset. Anno 1571. morte interemptus, Mundo ærumnarum pleno valedicit.

FRATRIS ANDREÆ à CROTONE,
LAICI
VITA, & GESTA.

FRATER ANDREAS à Crotone Laicus, Vir multarum virtutum laude insignis, hic cum otium omne ignoraret, diem labori, noctis minimam somno, maximam Orationi, ac rerum diuinarum meditationi partem dare solitus erat. Habitu pauper, charitate in omnes diues erat. Cumque nihil illi iucundius esset, quàm Superioribus, ac cunctis parere, id non parum moleste ferebat, si quando Superior humaniori voce vsus, non iu-

Eee

bendo,

bendo sed rogando eum ad agenda prouocaret: eo enim obedientiæ vim minui, ac meritum obtundi sapienter aiebat. Ex quo facile percipi poterat, veram eum obedientiæ virtutem, ac mentis humilitatem assecutum esse. Tantâ Sacerdotes reuerentiâ, ac veneratione prosequabatur; vt plenum S. Francisci Spiritum adeptus videretur: etenim cum ijs confedere, aut eorum se colloquijs immiscere, aut illos aperto capite alloqui piaculum arbitrabatur: cum id dicere solitus esset, Sacerdotes, nobilissimos Dei Seruos esse, quibus aliquid obsequij impendere, magni beneficij loco habendum sit. Hoc Obedientiæ, ac humilitatis sensu cum annis, ac virtutibus canus, Neapoli in supremum morbum incidisset; virtutes quas sibi ad vitæ ornamenta adsciuerat, easdem sibi ad mortis coronam vendicat. Cum enim adhuc sensibus integris existens, longius à mortis articulo abesse crederetur, Guardianum accersiri curat, ab eoque benedictionem abeundi exposcit: cui Guardianus subridens: Quonam, inquit, tibi abeundum est? (neque enim adhuc de ipsius obitu cogitabatur) At Andreas, cum vitæ occasum sibi imminere diuinitus accepisset, impensius ab eo benedictionem efflagitans: Magnum mihi iter, aiebat, modò peragendum est. Postremò, Guardianus vt illius votis satisfaceret: Eia, inquit, Dei, ac meâ benedictione munitus, foelix perge. Andreas verò, cum Guardiani funem, quâ præcinctus erat, manibus accepisset: Benedicite, inquit, benedicite Pater. Hisque in verbis humana deferens, coeleste iter aggreditur, superasque euadit ad auras. Anno 1571.

F R A T R I S M A R T I N I R H E G I N I ,
L A I C I

V I T A , & G E S T A .

FRATER MARTINVS Rheginus, Laicus, abstinentiâ, paupertate, silentio, vitæ austeritate, sensuum mortificatione, atque oratione clarus, cum quadragesimum vno minus, in Religione annum attigisset, sui obitus die ex diuinâ reuelatione accepto, ac prænunciato, in Conuentu Rhegij, singulari cum Sanctimonix famâ, vinculis carnis absoluitur. Cui D. O. M. post mortem testimonium præbuit, carne ipsius ad niuis candorem, & infantilem teneritudinem, ac tractabilitatem reuocatâ, vt eâ, tum prior vitæ innocentia, tum posterioris vitæ gloria probaretur. Obijt Anno

1571.

FR A .

FRATRIS AVGVSTINI DIPINIA-
NENSIS, LAICI
VITA, ET GESTA.

FRATER AVGVSTINVS à Dipiniano, Vir præclaris virtutibus illustris, de eo illud inter alia refertur; quod cùm Acirim, quod Brutiorum Oppidum est, ad lanas mendicandas, Superioris mandato se contulisset; acutissimâ ibi febre correptus, à piâ Muliere, cum Socio hospitio excipitur: à quo, cùm illa curiosius, num Fratres indusio vterentur, inquireret, manumque audacius quam par est, intrâ Augustini manicam intulisset; ea confestim diuinâ virtute aruit. Eo casu Mulier tremefacta, cùm manus ariditatem amarissimè fleret, vehementerque ob curiositatis delictum ingemisceret; ab Augustinò veniam, opemque postulat: is verò vbi Mulierem nimiae curiositatis corripuit, manum aridam. Signo Crucis pristinae incolumitati restituit, ac demùm in pace quieuit. Anno 1572.

FRATER BERNARDINVS ASCVL-
NVS, LAICVS, SANCTIMONIA
CLARVS.

FRATER BERNARDINVS ab Asculo, eius memoria in S. Angeli Prouinciâ floret: cùm is ex Superiorum licentiâ, diu in nemore Conuentus S. Ioannis rotundi, solitariam vitam duxisset, eamque animi puritatem adeptus esset; vt auiculæ circa eum volitantes, cibum ex illius manibus acciperent, & cum eo velut cum amico colluderent; germanum Fratrem, qui altero brachio attractus, ad eum inuisendum accesserat, solo manus contactu curat: dieque sui obitus prænunciato. Anno 1572. sancto sine occumbens, meliorem apud Deum vitam nanciscitur.

FRATRIS ANTONII ALETINI, LAICI
VITA, ET GESTA.

FRATER ANTONIVS Aletinus, Laicus, cùm adhuc in Sæculo versaretur, eum Euangelicæ perfectionis gradum conscenderat; vt hosti, germani Fratris sui, quem vnicè diligebat, interfectori, non solum necem condonauerit, sed eundem è cæde reuertentem etiam osculo exceperit, pecuniaque elargitâ ad fugam compulerit: quo sanè tam egregio facto, id à Domino

promeruit; vt Sæculo maior, ad perfectorum statum conscenderit, Seraphicamque Capucinorum Religionem ingredi dignus fuerit. In Religione, charitate quam erga inimicos prius ostenderat, in pauperum dilectione commutatâ, eos tanto amore, ac pietate prosequabatur; vt necessaria sæpè sibi cibaria subtraheret, vt ijs, Christi pauperes abundantius aleret. Abstinentiâ tam eximia fuit, vt à carnibus, & piscibus perpetuò abstinens, vixque olera pani adiungens, totum ferè vitæ tempus in ieiunijs, ac Quadragesimalibus inedijs, ad extremum vsque senium consumpsit. Vir fuit, summus paupertatis, honestatis, humilitatis ac totius Regularis obseruantiae amator, tamque orationis cupidus; vt in eâ maiorem diei, ac noctis partem impenderet. Hic igitur, dum ad perfectissimam omnium virtutum metam studet conscendere, dignamque Seraphico Viro, sollicitè ad extremum vsque Spiritum, vitam ducit; in Conuentu Castaneæ, tanquam Domini Seruus, bonus, ac fidelis, ad eiusdem gaudia vocatur. Anno

1573.



FRA-



FRATER GERVASIVS HYRMINIENSIS. FRATRVM
CAPVCINORVM LAICVS

FRATRIS GERVASIJ HYRMINIEN-
SIS, LAICI
VITA, & GESTA.



GRATER GERVASIVS Hyrminienſis, Laicus, non niſi obſcura, & humilia natalia præſeferens, exigui lapidis inſtar, qui abſquæ manibus, apud Danieleſ abſciſus legitur, in eam Sanctimoniam magnitudinem excreſcit; vt tanquam mons magnus, vniuerſum Seraphicæ Religionis Orbem ſuâ virtute compleat. Ioannis in Baptiſmo non modò nomen, ſed & nominis rem fortitur: tantâ enim Dei gratiâ ab ipſâ ineunte ætate, affluere cœpit; vt Puero nihiliucundius, quàm Eccleſias deuotè venerari, Sacriſquæ intereſſe, videretur. Adoleſcente verò ætate, corpus inediâ macerare, ſæpenu- merò flagellis vſquæ ad ſanguinem cædere, quotidianis laboribus defatigare, & extenuare ſolebat. Poſt breuem ſomnũ, egregius Adoleſcens è ſtrato intempeſtâ nocte ſurgens, ad quandam B. V. Ædem de Monte nuncupatam (quæ inde trium millium ſpatio aberat) ſo- lus pergebat, vbi reliquum noctis tempus in oratione inſumens, mane illuſcente ad quotidianam agriculturam redibat. His virtutũ præ- ludijs, cùm vigefimum plus minus annum attigiſſet, apud Capuci- nos, nouum Geruaſij nomen fortitur: vbi cumprimũ cunctas vir- tutes ſibi animo proſequendas, contraquæ omnia vitiorum caſtra dimicandum ſtatuit. Carnem igitur, quæ omnium vitiorum fomes eſt, ac perpetua Spiritus aduerſaria, varijs prælijs exagitat; aſperrimo cilicio, quo nunquam non contegitur, afflicta; perpetuâ pedum nu- ditate, quæ cæteris communis eſt, abiectis ſandalijs, cunctis anni temporibus proſequitur; panis, & aquæ inediâ (cùm ter in hebdo- madâ perpetuo foedere receptâ corpus extenuaret) alijs quoquæ B. P. Franciſci ieiunijs, ac Quadageſimis maſtat. Tantâ quoquæ ſo- mni ſubtractione, ac vigiliarum diuturnitate conficit; vt duas tan- tummodò horas quieti indulgeat, cæteras vel labori, vel orationi conſecret. Mollia omnia reſpuens, nudas tantũ tabulas abſquæ cul- citrâ, aut paleis, ſibi ad quietem ſubſternit. Deniquæ, cùm irconciliabile cum carne, pro Spiritu bellum gereret; novos ſemper modos, nouaquæ belli ſtratagemata, quibus inſolentem hoſtem atterat, ad ſi- nem vſquæ ſtudioſè quærit. Proprium ſui odium, humilitatem, ac profundiffimam ſui abiectiõnem, quâ ſe omnium pedibus ſubijcit,

aleiſſi-

altissimam paupertatem, quâ se rerum tantum penuriâ diuitem putat, perfectissimâ obedientiæ virtutē coronat. Dum enim horticulture addictus, hortum irrigat, aquamque per sulcos ad semina ducere parat, à Guardiano vocatus, statim ad vocem accurrit, ligoneque, quo aquam ducebat, in aquæductu dimisso, imperfectum opus deferit. Porro aqua, quæ impetu fluebat, cum nullum moderatorem haberet, qui vias, ac diuerticula labentibus riuulis pararet, facile plantas, & semina deuastâset; at prompta Viri obedientia id apud Deum assequitur; vt fluens aqua Deo imperante stet, redeuntemque post aliquod temporis spatium Geruasium expectans, vltra præscriptum à ligone terminum minimè exundet, donec is rediens, viam ad irrigationem aperiat. Omnem laudis appetitum, atque inanem gloriam, ob quædam in eâ Vrbe ab eo patrata Miracula fugiens, Siraculas migrare compellitur. Cuiuslibet, licet exigui temporis iacturam ita magnipendit; vt si aliquas sibi partes, vel à cibo, vel à somno vel à calefactione eripi necessitas ipsa compellat, has velut deperditas lugeat. Oratione, ac cœlestium contemplatione adeo delectatur; vt in eâ totum ferè noctis tempus infumat, perenni que in Deum mentis ascensione, vbique semper oret: quare Dæmon, vt ipsum ab Oratione exturbet, sæpè strepitus edit, interdum illi varias figuras obijcit, neque his contentus, oranti nonnunquam colaphos impingit: cumque è cellâ ad orationem proficiscitur, è gradibus deiicit, variisque illum machinis aggreditur, vt illum ab oratione, quâ is maxime cruciatur, auellat. Panormi, dum communi Orationi vacaret, secundo, Dæmonem varijs modis Fratribus insidiantem cernit, & in Conuentu Castroboni, à Guardiano ad portam missus, à Dæmone in Æthiopis formâ, tam dirè fustibus cæditur; vt eum Fratres semiuiuum humi iacentem reperientes, in humeros latum, in cellam deferre cogantur. At is nec quicquam animo fractus, sed indè fortior euadens, quotidiana de diro hoste, suâ patientiâ trophæa refert, atque inter hæc Dæmonum prælia, haud illi cœlestes consolationes defunt: nam sæpè hoc tempore, Beatissimæ Virginis, interdum B. P. Francisci, atque aliorum Sanctorum aspectu, ac præsentia in oratione fruitur. Tantâ charitate erga Proximum ardet; vt semel cum in itinere in quendam Patrem familias incidisset; qui cum ob summam illius anni sterilitatem, quo Familiam aleret, non haberet; è domo aufugiens, quò tenderet, ignoraret: hunc Seruus Dei verbis dulcibus, & charitate flagrantibus demulcens, Vir ille facem ardentē ex Geru. ore prodantē intuetur, quâ ipsius mentem accendebat. Ali-

quandò

quādò etiā cū Geru. cū Soc. longo itinere defatigatus, ac ieiunio extenuatus, ad quādam deserta loca longè ab hominum habitatione remota peruenisset, nihilquē illis quò vires refocillarent supeteret: En extemplò Vir senex laceris vestibus coniectus, ijs inter eas solitudines apparet, qui eis grandioris panis placentam offert, statimque ab eorum oculis elapsus euadit. Pleraque Vir Dei Prophetico Spiritu prædicit, plurimosque ægrotos Signo Crucis sanat. Panormi Nobili cuidam Matronæ tonsillis laboranti, Signo Crucis Vir Dei guttur consignat, moxque omnem ab eā faucium tumorem, ac morbum tollit. In eādē Vrbe Nobilis Vir Vincentius à Campo, cū purulento, ac sanioso vlcere affectum crus ferè putridum gestaret, Geruasius Signo Crucis illud computrescens consignat, mox diuina virtus adest, quæ morbo penitus expulso, crus in pristinam incolumitatem vindicat. Idem febre grauiter ægotans, Geruasij pallio, lecto, in quo iacebat, imposito, confestim à morbo conualescit. At illud illustrius adhuc miraculum, quod per totam Panormitanam Vrbem euulgatum fuit. Dum enim Dux Turij noui, in Catadromo imaginario, prælio hastā decertaret, casu accidit, vt lethali haste ictu vulneratus incertam vitæ suæ spem Phycis relinqueret: quamobrem Geruasius ad eum accedens, vbi eum in lecto iacentem conspexit, lætis vocibus exclamare incipit: Sursum corda. Princeps, sursum corda, equo animo esto, hoc vulnus tibi non ad corporis mortem, sed ad animi vitam erit. Tum propius ad ipsum accedens, vulnus manu contrectat, ac Signo Crucis benedicens, ait: Deo gratias age, cui ex summā benignitate complacuit, tibi vitam, atque incolumitatem reddere. Statimque ab eo discedit. Vix domum Principis Vir Dei egressus erat, cū Dei virtute, & vulnus consolidatum, & pristina salus ægroto restituta fuit. Vir quoque in eādē Vrbe è Pisangorum Familiā, ad medicorum desperationem ægotus, cui etiam funeri necessaria parabantur, Geruasium accersit: is domum ingressus, omnes iam quasi corpore defunctum lugentes offendit, quos Vir Dei verbo consolatus, omnibusque vt secūm quinquies Orationem Dominicam, & Salutationem Angelicam recitent, iniungit, Oratione verò absolutā, cū Vir Sanctus ad ægotantem accessisset, Signo Crucis illi sub stomachi ore impresso, ait: Signo te in nomine Patris, & Filij, & Spiritus Sancti, vt ipsius virtute, ac Beatissimæ V. Mariæ, ac B. P. Francisci meritis faneris. Vix hæc Geruasius protulit, cū egrotus matulam postulat, ingentisque lotij copiā effusā, statim à morbo liber, integrè se incolumitati redditum sentit. Mulie-

rem quo-

rem quoque à partus dolore, extenso super eam pallio, liberat. At illud omnium illustrissimum est, quod in ipso portæ Panormitanæ Urbis vestibulo, plurimis spectantibus contigit: Virum enim quendam indigenam, Urbis incolæ mortuum in agro offenderant, quem iumento impositum in Ciuitatem deferrebant: cuncti ad funestum Viri spectaculum confluebant, inter quos Geruasius propius mortuum accedens, ait: Nè hominem velut mortuum lugete, haud mortuus est, ferte illum in domum suam, & protinus viuet: dicto Viri Dei, fidem adhibentes, quamplurimi defuncti corpus domum vsque comitantur, quod cum lecto imposuissent, mox eum, qui mortuus erat, oscitare, ac rediuiuum lucis vsurâ perfrui cernunt, Vniuersique Geruasij oratione adscribunt. Tam celebris itaque apud Panormitanos huius Sancti Viri fama erat; vt adhuc superstitem Sanctum prædicare haud vererentur: at is, Populi existimationem, & honorem fugiens clam indè abscedens, Syracusam proficiscitur, vbi cum aliquot annos pari virtutis, & sanctimonie laude exegisset; agone tandem foeliciter consummato, ad coelestem coronam peruenit. In ipsâ sui obitus horâ. Frater longè absens, multas coelestium turmas, atque inter eas Geruasium, gloriosâ veste indutum, hoc ordine conspicit. Præcedebat quædam Angelorum, ac Beatorum Capucinorum Supplicatio, quæ suauissimos concentus edens, atque exultans, è terris Cælum tendebat: horum postremus erat Geruasius, qui aureum ligonem, velut clarissimum Nobilitatis insigne, & laborum trophæum in humeris gestans coelestem hoc honore Urbem, triumphans ingrediebatur. Post huius Sancti Viri obitum, Vir quidam Syracusanus, olim Viro Dei familiaris, cui membranulis inguinæ contractis intestina defluebant, ad ipsius Sepulchrum orans, illicò incolumitatem impetrat. Mulier à Dæmone obsessa, vbi ipsius Sepulchri pulueres contigit, à Dæmonis potestate liberatur. Altera quoque quartanâ febre laborans, Viri Dei ope ad ipsius Sepulchrum inuocatâ, confestim à febre curatur. Demum tot in vitâ, ac post mortem Miraculis claruit; vt Nobilis quædam Panormitanæ Urbis Persona assereret, sibi tot Miracula à Viro Dei patrata, perspecta esse; vt si de ipsius Canonizatione apud Romanam Curiam ageretur, his plura necessaria non essent: sed cum de ijs diligentius indagandis nulla tunc Fratribus cura esset, ea nobis simul cum eâ personâ perire. Obijt Vir Sanctus.

Anno 1574.

FRATRIS ALEXII à PETRA RVBEA,
LAICI
VITA, & GESTA.

RATER ALEXIVS à Petrâ rubeâ, Laicus, humili loco natus, cum omnibus abiectis nudus ferè ad Religionem profugisset, tantum obedientiâ, simplicitate, humilitate, patientiâ, oratione, ac præsertim mentis puritate, ac candore profecit; vt summas sibi virtutum diuitias omnium opinione comparauerit. Sed (quoniam teste Apostolo *Virtus in infirmitate perficitur*) hic post octauum Religionis annum, longâ, ac molestâ ægritudine à Deo probatur, in quâ cum summam semper patientiam omni virtute plenâ exhibuisset; tandem in Conuentu Forosempronij orâs, ad perennem vitæ fontem euolat, ac patientiæ coronam assequitur: cuius gloria post ipsius mortem hoc modo reuelata fuit. Mulier quædam, cuiusdâ Agricolæ vxor, Alexio nota, cum ob graues quas à Marito angustias patiebatur, ad summam desperationem adacta laqueo vitæ finem imponere decreuisset, extrâ Forosempronij Oppidû, impium, quod statuerat, consilium executura, properabat: cû Alexium, qui iam ex humanis excesserat, sibi in viâ obuium habet, à quo interrogata, quonam tam festina pergeret; illa quæ necdum Alexium obijisse intellexerat, haud nefarium inferendæ sibi necis, illi propositum celat; Alexius verò, vbi eam atrocioris consilij grauius increpauit, ad tolerantiam hortatur, monetque ex tribulatione patientiam, ex patientiâ probationem, ex probatione spem, atque æternæ gloriæ pondus exoriri. Tunc subdit: Sustine Soror, patienter âge, quanta putas & ego in Religione perpessus? quot frigora? quot nuditates? quot carnis castigationes? quot Fratrum increpationes? quot morbos? quot flagella mihi inuncta pertuli? quæ tamen patienti animo Deo opitulante sustinui, iam verò cum me è vitâ excedete hæc finem habuerint; si nosse optas, quosnam patientia fructus pepererit, gloriam intueri, quam tolerati pro Christo labores, atque angustia contulere: tum sinum expandens, indè emicantes vndique gloriæ radios effundit, Mulieremque coelesti consolatione plenam relinquens, mox ad coelestes sedes conscendit. Mulier verò mente in melius commutatâ, cum festina ad Capucinorum Conuentû properasset. Alexij gloriâ Fratri Alphonso Lupo narrat, qui cum biennio ante ex Obseruantium Ordine ad Capucinos migrasset, eo tēpore in Forosempronij Conuentu moras trahebat: atque indè cuncti Alexium Beatorum consortio additum, agnoscunt. Obijt Vir Dei. Anno 1574.

F R A -



FRATER PHILIPPVS A MONTE VETERI FRATRVM
CAPVCINORVM LAICVS.

FRATRIS BONAVENTURÆ à RATI-
CINA, LAICI
VITA, & GESTA.



BRATER BONAVENTURA à Raticiniâ. Laicus, ex Obseruantium Ordine, in quo per quadriennium Generalis Ministri socius fuerat, haud multò post Ludouicum Reginum, ad Capucinorum Reformationem cum Ludouico Fratre accedit. In eâ, tot virtutum splendore elucet; vt vas quoddam auri solidum, omni lapide pretioso ornatum cunctis vi deatur. Carnis sensus ab ipso Religionis ingressu, tanto disciplinæ rigore exercere incipit; vt præter Quadragesimalia B. P. Francisci ieiunia, quæ inuiolabiliter obseruat, tres quoque cuiuslibet hebdomadæ dies, arctæ inediæ consecret. In veste, paupertatem rigidissimam colit, plurimas quoque alias corporis afflictiones præter consuetas addit. Humilitate, ac sui contemptu ita gaudet; vt omnibus subijci, vilissima domus officia præstare, ac præterea vilis, ac inutilis Seruus à cunctis haberi exoptet. Quædam in eo mentis puritas, & in cunctis actibus venustas pullulat, quâ omnium ad se animos allicit. Puritatem, honestatis pudor sequitur, qui in ipsius vultu, ac verbis elucens, tanto ipsius conuersationem virtutis splendore exornat, vt Angelicæ similem reddat. Otiosam conuersationem fugiens, cum Deo multum, cum hominibus minimum colloquitur. Silentij, ac solitudinis amicus, remota, ac solitaria semper sibi ad orandum loca feligit. Eâ tempus auaritia profectitur; vt nec minimam ipsius partem frustra elabi finat, sed quæ domus, ac infirmorum obsequijs hora superest, eam protinus rerum diuinarum contemplationi consecret, quamuis suspensum semper in Deum animum gerat: quò fit, vt obedientiæ, & charitatis opera orationi præferat. Cum in die quâdam solemni, in coquinâ circa Marthæ ministerium occuparetur, quò tēpore Eleuationis Sacros. Eucharistiæ Signum in Conuentuali Missâ dabatur, Vir Sanctus totus diuinâ charitate in animo flagrans, cum Sacramentali Domini sui præsentia frui summoperè exoptaret, mox ab eâ popinæ parte, quæ Altare respiciebat genuflectens, Dominum, quem oculis intueri non poterat, ardentissimâ adoratione prosequitur. At Deus Clementissimus qui pauperum suorum desideria exaudit, haud Bonauenturæ votis defuit: nam repente interiecti parietes, qui Sacri Altaris

taris

taris aspectum illi intercipiebant, diuinâ virtute aperiuntur, Sancta illi mysteria patefiunt, isque Sacerdotem, Domini Corpus, & Sanguinem haud secus, ac si præsens in Ecclesiâ esset, attollentem cernit: cumque Dominum adorasset, exæstuantisque animi desiderio satisfecisset, iterum disiuncti parietes ad pristina remeant. Quapropter incredibile est, quantâ animi fame, ac cupiditate, ad Sacrosanctum illud Edulium accedat, quantaque mentis humilitate Sacerdotibus sacra illa Mysteria celebrantibus inseruiat. Ex hoc autem animi ardore, quo in Deum flagrabat, incensa quædam Martyrij cupiditas eidem in animo ebulliebat: quod fit, vt Caroli V. Imperatoris Classe in Aphricam adnauigante, eò, cum eâ Classe proficiscatur. Quâ in nauigatione, tanto charitatis studio ægrotantes milites curabat; vt ipsius hortationibus plerique, tum corporis, tum animæ salutem consequerentur. Deo igitur aliter disponente, non voluntas Martyrio, sed Martyrium voluntati defuit. In Calabriam itaque reuersus, cum aliquandò in Conuentu panis ad Fratrum refectiorem deficeret; Illud Prophetæ memoriâ tenens: *Lacta super Dominum curam tuam, & ipse te enutriet.* Illam non sollicitè apud homines quærit, sed ad Dei penum confugiens, supplicatione Deo oblatâ, tantum in arcâ panariâ panis diuino munere allatum inuenit, quantum ei ad Fratrum Refectionem sufficiebat, quoad aliis consuetâ mendicatione quæreretur. Plurimas etiam sanctum hunc Virum à Deo reuelationes, ac cœlestes visiones accepisse, pleraque quoque Prophetico spiritu prædixisse, certæ memoriæ traditum est. Obitus verò sui diem, cum longè antequam adueniret diuinâ reuelatione accepisset; supremo morbo corripitur: cumque ad penultimum usque vitæ suæ diem, sacris Missæ Mysterijs interesse voluisset; pridie quàm hinc excederet, Guardianò accersito his illum verbis affatur: Iam supremus, ô Pater, imminet dies, qui mihi vitæ curriculum intercipiet, summas Deo meo grâtiâs ago, qui me ab infantiâ, ad hunc usque diem, ab omni venereâ labe purum, & integrum seruauit, talemque à seculo migrare donat, qualem me olim Sæculum ex vtero Matris egredientem accepit: Vale Pater, meique ad Altare Domini memor esto. His dictis, cum animam ad diuina beneficia secum recolenda collegisset, inter diuinas laudes, quasi somnò consopitus, octogenarius in Domino placidissime obdormit. Statim vero, in nitidissime illius virginitatis, simulque Sanctitatis testimonium, caro ipsius post animæ dissolutionem tam candida, mollis, ac tenera omnibus appareret, perindè ac si viui infantis esset, suauissimumque ex se odorem

Fff;

spirans,

spirans, per octo integros dies locum, Ecclesiamque eâ fragrantia complet. Post aliquot annos, cum Fratres ipsius caput honorifice conditum, in Choro seruassent, ex tunc, ad hodiernum usque diem, eandem odoris fragrantiam efflat: ut qui bonus Christi odor viueris fuerat, suauissime etiam post mortem oleret, & omnes ad virtutum suarum odores attraheret. Obijt Vir Sanctus.

Anno 1575.





Esfler. scul.

FRATER BONAVENTURA RATICINA FRATRVM
CAPVCINORVM LAICVS

FRATRIS PHILIPPI à MONTE VETERI, LAICI

VITA, & GESTA.



RATER PHILIPPVS à Monte veteri, cùm purus è Sæculo ad Religionem accessisset in eâ verus Israëlita, absq̃ue dolo perseueravit, tantâ simplicitate ac puritate præditus; vt nihil vnquàm mali suspicari posset. Obedientiâ, humilitate, paupertate, ac præsertim charitate ergà Pauperes ita enituit, vt quæ sibi in mēsâ obtingebant piscium, aut carniū obsonia, iucundius egenis erogaret, quàm sibi retineret: quibus (cùm aliud non suppeteret) e vacui recederent, olera, ac cæteras horti fruges elargiebatur. Atq̃ue adeò hâc in Pauperes pietate afficiebatur; vt cùm aliquandò à Nobili quâdam Muliere correptus, quod Eleëmofynam sibi datam Pauperibus erogaret, ad illius domum deinceps pro eleëmofynâ non accederet: satius dicens ab Eleëmofynâ ipsius abstinendum, quàm eâ lege constringi, quâ eam Pauperibus erogare non liceat. Plurimæ hic orationis, multarumq̃ue lachrymarum Vir fuit, atq̃ue adeò amoris igne exæstuans; vt cùm internum charitatis impetum ferre non posset, sæpè per Ecclesiam, fulguris instar discurrere visus fuerit. Perpetuam, omnium opinione, Virginitatem coluit. Multa quoq̃ue à Dæmonibus perpeßum ferunt. quæ suâ patientiâ, ac oratione superauit. Cùm in Conuentu Corsichij, qui Urbino mille quingentos passus distat, demoraretur; accidit, vt ob magnam niuis copiam, quæ Coelo delapsa fuerat, nulla Fratribus ad mendicandum via pateret, vt alibi sæpè contigerat; omniq̃ue Fratres victus ratione destituti, à Dei prouidentiâ penderent: dum igitur in hâc angustia versantur, Philippus in Ecclesiam oraturus secedit, quo orante, Monasterij fores pulsantur, canistrumq̃ue pane refertum in ipso ostij limine reperiunt, cuius cùm neminem latorem, neq̃ue latoris alicuius in niue vestigia deprehenderent, procul dubio cœleste munus agnoscunt, debitaq̃ue Deo gratias rependunt. Deniq̃ue, cū quadraginta annos magnâ cum vitæ puritate, ac Sanctitatis laude, Domino in Religione deseruisset; Anconæ, lethiferâ ægritudine correptus, paulò antè obitum, Beatissimæ Virginis præsentia, ac colloquio potitur: tum placidè in Domino quiescit. Viri huius Sanctitatem, Deus illustri post mortem testimonio declarare voluit: post quintum decimum enim

enim

enim ab ipsius obitu annum, cum ipsius Sepulchrum apertum fuisset; Philippi corpus non modò integrum, atque incorruptum conspicitur; verum etiam, in Sepulchro brachijs in Crucis modum antepectus cancellatis, oculisque in Coelum sublati, eo planè modo quo orare consueuerat, stare cernitur, ita ut qui defunctus erat, parum à viuo differre videretur. Gratum illud ac iucundum, etsi admirabile omnibus spectaculum erat, quo singularis Viri Sanctitas perspecta fuit, Fratresque ad Dei virtutem, & Clementiam summis laudibus extollendam excitauit, qui hominis iam in Coelo regnantis oratione, ac oblatà pro nobis eo Signo supplicatione, se delectari significabat. Obijt Vir Sanctus Anno. 1575.

FRATRIS THOMÆ TAURINENSIS,
VITA, & GESTA.

RATER THOMAS Taurinensis, generis Nobilitate, at nobiliori virtutum profapia Illustris, ex Equestri S. Ioannis Hierosolymitani Ordine, Capucinorum militiae, ac Ordini adscriptus, tantum humilitate, patientiâ ac totius Regularis obseruantiae studio præcelluit, quantum in tuendâ Melitâ Insulâ, cum à Turcis obsideretur, primis armis inualuerat. Plurima corporis, ac præsertim capitis incommoda, ac languores tulit, in quibus maxima illius patientia, præclaras sibi apud Deum coronas parauit, quas post longam diutini languoris probationem tandem consecutus est: cuius rei id euidentis testimonium fuit, quod in ipsâ sui obitus horâ, suauissimus auium concentus, præter morem in cellæ suæ tecto auditur; quo coelestis Angelorum lætitia significata fuit, qui cum solutam è corpore animam in Coelum comitarentur, coelestem illam melodiam edebant. Obijt Vir Sanctus in Taurinensi S. Mariæ in Agris Conuentu, magnâ apud omnes sui nominis famâ relictâ. Anno 1575.

FRATRIS BERNARDINI à LATERTIA,
VITA, & GESTA.

RATER BERNARDINVS à Latertiâ, cuius vita quantis virtutibus respersa fuerit, coelesti testimonio post mortem declaratum fuit: cum enim illius corpus in Conuentu Latertiæ conditum fuisset, quinto post ipsius obitum anno, integrum, nullaque ex parte corruptum, nec non odoriferum re-

Ggg

pertum

pertum est, quodque admirationem auxit, in ipsius pectore liquor aurei coloris, ac suaueolens apparuit, cuius tanta fragrantia erat; ut suauissimos quoque aromatum odores superaret. Obijt Anno. 1575.

FRATRIS IOANNIS GALLI, LAICI

VITA, & GESTA.

FRATER IOANNES Gallus, Laicus, tam admirabili vitæ austeritate, ad extremam usque senectutem, inter alios eluxit; ut cum perpetuò à carnibus piscibus ac lautioribus huiusmodi cibus, præterquam in die Resurrectionis Domini abstineret, sæpissimè quoque arctissimas solius panis, & aquæ inedias celebraret. Inter hæc, si aliquandò conuiuare vellet, brassicarum folia, quæ ab alijs proieciabantur colligens, illa sibi absque ullo olei condimento parabat: in his verò, nè gustus luxuriaret, ea non cochleari, ac rudiculâ, sed titione absque aceto miscere solebat. Locum sibi sub tegulis ad quietem elegerat, in quo absque cervicali, ac Iodice, interdum etiam sub dio iacebat, quò Cœlum contemplari posset: Iodicem sibi ex vilissimis panni præseginibus, quæ à Fratribus proieciabantur, composuerat, quâ brumali tantum tempore utebatur. Rarò ad ignem visus est accedere. quod si aliquandò in summis hyemis algoribus, frigus depellere vellet, dispersa per hortum, aut nemus lignuncula, quibus ignem excitaret, colligebat. His, cum cætera omnia austerissima responderent, haud minus illi ad cæteras animi virtutes studium inerat. Charitate enim erga pauperes, humilitate, obedientiâ, eximius fuit: quibus dum virtutibus studet, pestilentia, quam is futuram diuinâ reuelatione prædixerat, in Conuentu Patauij, ex humanis tollitur: cum maximam sibi apud omnes antè mortem, Sanctimonie existimationem comparasset. Obijt Anno. 1576.

FRATRIS IULIANI ab AMESTRATA, LAICI

VITA, ET GESTA.

FRATER IULIANVS ab Amestratâ, Laicus vitæ probitate, & charitatis ardore insignis, eodem Oppido seuâ pestilentia oppresso, cum diuinâ charitate inflammatus, spontè se laborantium ministerio simul cum Ægidio, & Paulo obtulisset; facultate à Superiore impetratâ, tantâ sollicitudine, tamque ar-

den ti

denti studio pio operi incumbit; vt dum multos suâ diligentia è supremo funere, plures verò ex Orci faucibus, pijs monitis, ac hortationibus eripit, summam apud omnes Sanctimonie laudem consequeretur. Inter hæc pietatis officia, tam ardentem Spiritu in Deum ferebatur; vt cum aliquando in Ecclesia Spiritus Sancti, eiusdem Oppidi oraret, toto Populo spectante, in extasim raptus, ac totus corpore in aëra subleuatus fuerit. Denique, mortem pro laboris mercede consecutus, prius graues Dæmonum luctas, ac tentationes passus, dein Christi præsentia recreatus, mortalem cum immortali vita commutat, quem Ægidius, & Paulus, eodem pestilentie morbo sublati, secuti sunt. Anno 1576.

FRATRIS CLEMENTIS à BOCHERIO,
LAICI
VITA, ET GESTA.

RATER CLEMENS à Bocherio, Laicus, morum integritate, simplicitate, sui ipsius contemptu, paupertatis amore ac plurimis alijs virtutibus ita fuit illustris; vt seipsum gratum Deo, Angelis, & hominibus spectaculum præberet. Honestate verò adeò fuit insignis; vt cum animam, corpusque ab omni venerea labe purum ad Religionem attulisset, eum perpetuò Virginitatis candorem, ad mortem usque illibatum seruauerit. Quod Fratri Ruffino à Rometâ, diuinitus significatum fuit, cū Clementem aliquando in Oratione defixum spectans, eundem clarissimâ circa lumbos luce circumfusus conspexit. Hic tandem post plurimos virtutum annos, quibus Messanensem Prouinciam, bono Sanctimonie odore resperfit, ad meliorem celestium vitam, virtutum præmia laturus concedit. Anno 1577.

FRATRIS PACIFICI CALABRI,
LAICI
VITA, ET GESTA.

RATER FRANCISCUS Calaber, Laicus, huius spectata vitæ Sanctimonia pluribus à Deo signis declarata fuit: nam Mulier quædam in Vrbe Castri Veterani, quæ sanguinis fluxum patiebatur, cum funem quo Pacificus præcingebatur, ab eo summis precibus impetrasset, vix ea sibi lumbos præcingit, cum sanguinis fontem statim exsiccatum sentit. Hic, cum instante Capitulo, quod in eadem Vrbe celebrandum erat, à Guillelmo

Monte-leone, Rhegij patrimonij Curatore, vinum postulasset, is nulla, præter acidi vini, dolia sibi in Cellâ vinariâ adesse respondet: veruntamen, vt vini dolium aliundè quærat, suadet, quod ipse proprio ære se empturum pollicetur: at Pacificus: Mihi, inquit, vino, non pecuniâ opus est, ad dolia pergamus quæso: cumque simul in Cellam vinariam venissent, primum quod se illi obtulit dolium sibi reponens: Hoc Guillelme, inquit, B. P. Francisco eroga, quod si acidum vinum fuerit, illud suaue efficiet. Iam illud Guillelmus acidum gustauerat: at cum primum in Eleëmofynam B. P. Francisco ab eo consecratum fuit, protinus in bonum, ac generosum mutatur, cæteris in vappam degeneratis: quod is Pacifici Sanctitati deinceps adscribere haud veritus fuit. Obijt Sanctus Vir in eodem Castrî Veterani Conuentu, communi apud omnes Sanctimonie famâ celebris: cuius etiam Deus post ipsius obitum testimonium tulit. Nobilis enim quædam eiusdem Urbis Mulier, Laura Gambacurta nomine, quæ cum plurimos cum coniuge, absque prole, annos transegerat, cum Sancti Viri tunicam, summo studio quæsitam, à Fratribus accepisset, mox vt eam induit, protinus vim ad procreandos liberos diuinâ virtute assecuta est. Obijt Anno 1577.

FRATRIS VITI à MONTE, LAICI
VITA, & GESTA.



RATER VITVS à Monte, Laicus, Vir Sanctimonie famâ illustris, huius tam ardens, ac assiduum Orationis studium fuit, vt eo maximè Dæmones cruciarentur: quapropter, ab his varijs modis infestabatur: sed cum bella ab ijs tentata, ipsius victoriam augerent, multas illi in morte coronas peperere. Sui obitus diem diuinitus sibi reuelatum, Tertiario cuidam moribundo aperuit, cui extremum agenti, cum adhuc ipse incolumis esset: Vade, inquit, Frater, præcede, te ego ante quartum diem sequar. Itaque cum se diuinis Sacramentis, ac deuotissimo mentis affectu, in supremam diem pararet, tertiâ die, repentino morbo correptus, cum Panormitanam Prouinciam suauis virtutum odore compleuisset, morti tandem pensum exoluit.

Anno 1577.

**

*

FRA -

FRATRIS IOACHIMI à LEVANTO,
LAICI, GVARDIANI
VITA, & GESTA.



IRATER IOACHIMVS à Levanto, Laicus, admirabilis austeritatis Vir, carnem, ac sensus castigans, ac sub Spiritus imperio redigens, animum ad æternorum contemplationem confert: vilissimo, ac breui habitu, qui ad medias vsque tibias profluebat, perpetuò contentus, inter brumalia frigora, glacialesque boreæ flatus, nunquam, aut rarò, membra tametsi frigore rigentia calefacit: at his non contentus, insolentem hostem duris flagellis, ac verberibus per singulas noctes, nè superbiat, atterit, atque hinc sæpè accidit; vt cum Dæmon fortiora sibi arma carnalia, nimirum ad bellandum, subripi videret, in illum fremens, varijs se figuris illi conspiciendum obijceret. strepitusque in Ecclesiâ ederet, vt illum ab institutâ carnis flagellatione auocaret: at bonus Christi miles, his interdum vocibus Dæmoni ignauiam exprobrabat: Tu Dæmon strepitum edis, ego quoque strepitum edam, iam contendamus inter nos, quis maiori strepitu personet, num tu inuisibili rerum motu, an ego visibili flagello? Tum validius carnem flagello cædens, confusum Dæmonem expellebat. His quotidiana ieiunia addebat, quæ toto anni tempore obseruans, actiori tamen ieiunio B. P. Francisci Quadragesimas colebat. Quamobrem, cum Vigueriæ Guardianus esset (quo sæpè munere ob singularem prudentiam fungebatur) cum totâ Familiâ condicit, vt Epiphaniæ Quadragesima ab ijs in solo pane, & aquâ ieiunetur. Insomnes aliquandò in Oratione noctes ducit, quo tempore, varijs modis à Dæmone infestatur: quandoque enim in foricis modum, per lampadis funiculum, qui in Ecclesiâ pendet, descendens, lampadem extinguebat: interdum verò, quasi mortuus Infans ab Ecclesiæ culmine ante ipsius oculos delapsus, eum ab oratione diuertere conabatur: at his Ioachimus haudquaquam permotus, immotum ab oratione Spiritum non distrahebat. Inter hæc, tanto diuini amoris æstu agitabatur; vt cum solitarius esset, crebris Coelum suspirijs pulsaret, nemora gemitibus compleret, tamque inflammato vultu conspiceretur; vt Seraphicum intus animum gerere videretur. Plerumque etiam accidit, vt in Refectorio cum cæteris discumbens, dum piam aliquam lectionem audiret, tam mirè animo

affice-

afficeretur; vt in mentis excessum raptus, dum panis buccellam gustaret, in eo immobilis, triduo aliquandò absque sensu permaneret, quo tempore à Fratribus in cellam delatus, cum inde ad se rediret, totus vultu accensus, quasi qui ex incendio erumperet, videbatur. Hinc charitate seipsum in alios diffundens, vt se tutum ab humanæ gloriæ telis, ac illæsum seruaret, herbas colligebat, quibus Infirmorū (pœnitentiæ Sacramento sæpè inuncto) corporis, animique morbis incurabilibus medebatur. Cùm in Conuentu S. Brigittæ Montis Calerij, Guardiani officioungebatur, Tibaldum quendam, qui à lumbis vsque ad infimos pedes, diu membrorum vsu caruerat, cuique plurima frustra medicamenta adhibita fuerant, maxima cum Medicorum admiratione sanat. Eodem modo Fratrem Ægidium Picensẽ, Laicum, graui apostemate, Mulieremque vlcere pessimo laborantes, incolumitati restituit. In Astensi Conuentu, Mulieris Filium, qui alteram tibiã distortam, alteram adedò tumidam, & ex altera parte deflexam gerebat, vt nullis Medicorum remedijs curari posset, eidem à Deo sanitatem impetrat. Ibidem, germanum Medici Fratrem (qui in genitalibus partibus tam graui morbo afflictabatur, vt Physicorum consilio, ac iudicio incurabilis censeretur) eodem modo, orationi lachrymas miscens sanat, breuique tempore pristinam ægrotus sanitatem recuperat. Anum denique Mulierem, quæ surditatem morbo, ac senectute contraxerat, à surditate liberat. Hoc etiam charitatis Spiritu inflammatus, peste laborantibus omni charitate ministrans, cæteris peste sublati, solus is diuinâ potius, quàm humanâ virtute superstes euadit. Cùm in Conuentu S. Brigittæ Montis Calerij, Guardiani munus administraret, copiosissima nix altitudine ad hominis staturam è Cœlo delapsa, cunctos Fratribus ad quotidiani victus mendicationem aditus præcludebat, vixque quinque exigui panes, & pauca legumina, ad totius Familiæ victum supererant: quapropter Ioachimus Fratres verbis hortatur, vt in diuinæ Proidentia spe animum erigant, isque interim propensius pro ijs Deum rogabat, à quo certam sibi, ac suis, Dei misericordiam expectabat. Erat autem in Montis Calerij Oppido, Vir Nobilis Ioffredus nomine, Caburreti Dominus, cui Coniux, quæ nuper decesserat, anniculum Puerum adhuc lactentem reliquerat, nocteque (quâ Fratres omni humanâ spe destituti, absque intermissione orabant) illi in proprio lecto sterni iusserat. Infans igitur qui inter fascias colligatus, in Patris lecto iacebat, nonnullos vagitus edere coepit, quibus Pater à somno excitatus, dum eum demulcere, ac sedare stu-

det, is

det, is clarâ, atque articulatâ voce : Pater inquit, Pater. Cui Pater nouâ voce obstupefactus, ait : Quid vis fili? Tum is subdit : Cur de Capucinis nostris S. Brigittæ non cogitas qui pane, & omni humano victu carent, tantaque nix è Coelo venit, vt illum sibi mendicare non possint? Eo nuncio, ac liberâ Infantis loquelâ mirum in modum obstupescens Pater, multaquesecum animo versans, cum tandem sibi redditus ab Infante quæreret, quis hæc sibi reuelauerit? Infans ad pristinam Infantium ignorantiam rediens, nec Patri respondet, nec vllum rationis, nedum Superiorum dictorum deinceps sensum præfert. Quamobrem, die vix illucescente, Ioffredus, equum cataphractarium pane, vino, caseo, ac alijs vitæ necessarijs onustum ad Conuentum mittit. Mirabile dictu, equum famulus onustum conscendit, iterque ad Monasterium carpit, currit, gradatim equus niuem quæ mollis, ac tenera erat, & haud secus quàm puluerem solidum, ac constantem calcat: tandem ad Conuentum peruenit, cuius fores niue obstructas offendens, ex equo descendit, niuem perfringit, ac tintinabulum pulsat: stupent Fratres, qui tunc Orationi vacabant, aperitur ianua, equusque, Conuentus foribus altior apparet: niue tamen effossâ, panis, ac reliqua annona ex alto à famulo demittitur, omnesque Dei Miracula agnoscentes in his supremum eorum Authorem glorificant. In Vmbriæ etiam Prouinciâ, Bettonæ, aliquandò Guardiani munus exercens, cum proximâ ante Quadragesimam die, nihil prorsus obsonij Fratrum Familiæ esset, quo antè ieiunium recrearentur, iam dies ad vesperum declinabat, cum qui Eliæ carnes ministrauerat. Felis quoque ministerio, vt Fratres carnibus pasceret, vtitur: domesticus enim Ælurus ad Ioachimum Guardianum quasi festiuis accedit, crebrisque præter morem vocibus interpellat, atque vti poterat, nunc eundo, nunc redeundo, vt eum præeuntem sequatur, prouocat: Felem sequitur Ioachimus, qui eum ad lignile ducit, vbi vngulis terram fodiens, Turdorum illic multitudinem, quâ is sibi ex prædâ parauerat, ostendit: Turdos recenset Guardianus, totque numero esse comperit, quot in Familiâ Fratres numerabantur: quare Familiâ conuocatâ, Turdos ostendit, cunctosque ad diuina laudis præconia efferenda inuitat. Denique ex Vmbriæ Prouinciâ, in Genuensem rediens, cum iam septuagenarius esset, in Astenfi Conuentu varijs morbis afflictari cœpit, in quibus admirabilis eius patientia, & resignatio mirum in modum eluxit. Morbo tandem ingrauescente, cum supremum vitæ occasum sibi imminere animaduerneret, Psalmum illum recitans : *Verba mea auribus percipe Domine,*

intelli.

intellige clamorem meum, post omnia in eo Ecclesiæ Mysteria completa, à mortali, ad immortalem vitam migrat venustioremq; post mortem, quàm cum viueret, formam ostendit. Obijt Vir Sanctus. Anno 1578.

FRATRIS PETRI ENNEI, LAICI

VITA, ET GESTA.



RATER PETRVS Enneus, Laicus, omnium opinione, inter perfectiores illius ætatis viros, qui Syracusanam Prouinciam suâ virtute, ac Sanctimoniâ illustrârunt, habitus fuit: cui etiam Euangelista Canobius, Generalis, suos calculos deferens, hunc velut totius Religiosæ disciplinæ exemplar, ac nemini virtute secundum, alijs sæpè commendare solebat. Obedientiâ enim, paupertate, Regularis obseruantia studio, abstinentiâ, orat. maximè inter alios effulsit. Otium velut animi pestem fugiens, interdium, vel labori, vel orationi vacabat. Nunquam tempus vanis in rebus, aut sermonibus conterere visus fuit: sed in eloquio parcus, si quando eum loqui contingeret, nullos præterquam de diuinis rebus sermones miscebat. Corpus à delitijs omnibus abstrahens, ieiunijs, vigilijs, flagellis, atque alijs macerationibus asperrimè castigare consueuerat. Dum sic curreret, non quasi in incertum, sicquæ pugnaret, non quasi aërem verberans, sed corpus suum castigaret, & in Spiritus seruitutem redigeret; Iustitiæ tandem coronam, sibi repositam consequitur. Duobus post ipsius obitum annis elapsis, cum Fr. Ioannino Enneo Sacerdoti, qui ei à confessionibus fuerat, in somno apparuisset, ab eo interrogatur, quonam in statu ipsius res se haberent? Cui ille: Optimè, inquit, mihi est ex Dei gratiâ, ac benignitate; fruor enim ineffabilibus bonis, quæ præparauit Deus diligentibus eum: veruntamen Fratres admone, vt sibi in præcipuis Domini, ac Sanctorum Solemnitatibus à Dæmone caueant: Is enim eo præsertim tempore circuit, quærens quem deuoret, omnemquæ lapidem mouet, quo Fratrum animos perturbet, atque à dierum illorum Religione auocet. Obijt Anno

1578.



Hhh

FRA-

FRATRIS ONVPHRII BONONIEN-
SIS, LAICI
VITA, ET GESTA.

RATER ONVPHRIVS Bononiensis, Laicus, cū plurima singularis Sanctitatis testimonia, vitæ integritate, morum innocentia, ac omnium virtutum præstantiâ exhibuisset; eadem quoque D. O. M. Miraculorum maiestate illustravit: nam Hieronymam quandam Mulierem Maceratensem, grauissimâ hydropysii laborantem, quæ illius Sanctitatis famâ commota, ab eo Crucis Signo consignari postulauerat, eo adhibito, tam perfectę incolumitati restituit; vt Signo peractō, morbus protinus aufugeret. Alterum quoque in eadem Vrbe, Franciscum Ricium, Peditem Ducem, qui morbo articulari afflictabatur; inter ipsos podagræ dolores, Signo Crucis munitum, ab insanabili morbo liberat. Hic tandem cū vitæ cursum in perfectō Regulæ cultu, ac summis virtutibus confecisset; Macerata à Deo virtutis præmium, gloriam accipit. Anno 1579.

FRATRIS PAULI CATANENSIS,
LAICI
VITA, ET GESTA.

RATER PAVLVS Catanensis, Laicus Prouinciæ Syracusanæ, inter perfectissimos Regulæ cultores, ac Sanctitate illustres in eâ Prouinciâ celebratur. Huic à Domino Fr. Basilij, qui ad Christianos redimendos, Algerium profectus fuerat, mors reuelata fuit, ac purgatoria quædam poena illi à Deo post mortem inflicta, quam etiam Fratribus retulit, vt pro eo Deo suffragia offerrent. Illud quoque singulare à Deo donum acceperat; vt intimas sæpè hominum cogitationes penetraret; quod hoc, inter alia, exemplo manifestum fuit. Erat Catanæ Nobilis quidam Vir, Paulo familiaris, qui cū primū prauum aliquod consilium, ac deliberationem in animo versaret, statim à Paulo reprehendebatur, qui totius illi consilij sui seriem, occultumque animi propositum, quod solus animo conceperat, perindè ac si mentem ipsius inspexisset, aperiebat: Contraque, si quæ optima consilia animo succederent, ea velut sibi perspecta illi commendabat: id sæpè Nobilis ipse testatus fuit, qui ob id maximè à scelerib. cauebat, quod ea Paulo haud ignota esse intelligeret. Sæpè orans in mentis excessum rapitur. Se-

tur. Semel verò cùm extasi correptus, in eà velut exanimis perstitit isset, ad sensus rediens exclamare cœpit : Heû! Fratres, heû! quàm dura, quàmque formidabilia Dei iudicia sunt ijs reposita, qui cœlesti vocatione neglectâ, segnius Regulari obseruantiae incumbunt. Cumque de ijs diligentius interrogaretur : Sat est, inquit, Fratres, ea mihi effari non licet: neque vltius verbum protulit, sed vsque adeò attonitus videbatur, vt post hæc, diuturno tempore, quasi continuò mente excederet. Denique, cùm vsque ad canos vitam magnâ cum Sanctimoniae laude perduxisset; hinc meritis clarus, Catanæ, ad beatas (vt credimus) sedes migravit. Anno 1579.

FRATRIS GREGORII GENVENSIS, LAICI

VITA, & GESTA.

GRATER GREGORIUS Genuensis, Laicus, summus paupertatis, ac humilitatis amator, nullâ re magis, quàm sui contemptu, atque abiectiōe gaudere videbatur. Abstinentiâ ferè quotidianâ, vigilijs, flagellis carnem macerans, seuerissimâ sensus suos disciplinâ perpetuò rexit. Tam mirè affabilis erat, tantaque eloquij suauitate præstabat; vt nemo ad eum aliquâ angustia pressus accederet, qui illius verbis recreatus, vel ab eo se tribulationis pondere subleuatum, vel ad aduersa æquanimiter toleranda, animo vires sibi auctas non experiretur. Accidit aliquandò, vt Nobilis quædam Matrona Genuensis, ex Sixtorum Familiâ, ita mortis memoriâ terreretur; vt nè quidem de eâ sibi mentionem fieri, aut illius nomen audire sustineret. Hæc cùm aliquandò in grâuem morbum incidisset, nullus erat qui de mortis memoriâ, aut animæ præparatione, nè verbum quidem effutire auderèt : at, eam Gregorius, tanta sermonis suauitate de vitæ huius ærumnis, de Sæculi labentis fluxu, de cœlestis Patriæ æternitate, & Paradisi gaudijs eloqui cœpit; vt mente ipsius protinus immutatâ, tam ardens in eâ mortis desiderium excitauerit, quo Cœli tandem fœlicitate frui posset; vt nihil illi deinceps iucundius esset, quàm de morte agere. Neque etiam huius Viri ergà omnes, ac præsertim Sæculares homines, charitas silentio prætereunda est: quâ fiebat, vt cùm in Genuensi Conuentu, Eleëmofynarius esset, si quis aliquo animi dolore, aut tristitiâ affectus, illius se precibus commendâset, simulatque à mendicatione ad Conuentum redierat, in Ecclesiam pro eo oraturus secederet,

H h h 2

neque

neque oratione contentus, flagellationem quoque post orationem adderet. Porro in hoc orationis studio tam vehemens erat; ut non modo sepe animo, ac sensibus supra humana raptus excederet; verum etiam corpore in aëra attolleretur. Obiitum suum longe antequam accideret, preñuncians; corpus suum non in communi Fratrum Sepulchro condendum, sed in extraneam sepulturam raptandam fore prædixit: quod hoc deinde modo contigit: Cum enim Anno 1579. pestilentie morbus in Genuensi Vrbe ita grassaretur, ut multos quotidie lues absque Sacramentorum, ac necessariorum rerum administratione absumere; Gregorius, cum alijs Conuentus Genuensis Fratribus, sese pio operi addicit, quo in ministerio, cum is in hospitali domo, que Lazaretum nuncupatur, extra Urbem diem suum obiisset, fune illius pedibus post mortem alligato, ad sepulturam (uti prædixerat) à vespillionibus raptatur; dum interim anima, Angelorum manibus in Cælum deuecta, Deo Coronatori, charitatis Martyrij coronam coronanda, offertur. Anno 1579.

FRATRIS AMBROSII LOCRENSIS,
LAICI
VITA, ET GESTA.

RATER AMBROSIVS Locrensis, Laicus. Huius multiplex virtus fuit, vitaque præclaris Sanctimonie exemplis ornata: cum enim ad sensus perfecte edomandos, perpetuo carnibus, ac vino se abstinens, plurimis quoque alijs carnem macerationibus afflixisset, animumque melioribus virtutibus imbuisset; tandem à Domino vocatus, dum cum morte conflictatur, vultu hilari, ac serenâ facie, vocem repente attollit, exclamans: O summum bonum meum! ô pulcherrimum bonum meum! Tum breui tempore elapso, quasi elanguens: Heu, ait, mihi dextram porrige. Ab eo cum Guardianus percunctaretur, quid ea verba præferrent: Ne mirere, inquit, video enim hinc arborem speciosissimam usque ad Cælum assurgere, cuius truncus, ac rami sunt aurei, flores, ac fructus pulcherrimi: at quod omnem pulchritudinem superat, in eius fastigio Vir gloriosissimus, ac Maiestate plenus sedet, qui omne cordis bonum, ac delicias complectitur: ad hunc ego suspiro, ad hunc clamo, ô bonum meum! ô delicia mea! porrige manum, ut splendidam arborem conscendam, apprehendam fructus eius, & per eam ad te veniam. Hæc cum dixisset, vix quattam ho-

tam horæ partem sustinuit, cū ad Dominum, in supremo aureæ, ac
Seraphicæ Religionis apice sedentem (id enim arboris illius simula-
cro significabatur) ac præmia Victoribus largientem conscendit, in
Conuentu Cassiani. Anno 1579. vbi etiamnum il-
lius Sanctimonix memoria
florete.





FRATER LEO CATANENSIS FRATRVM
CAPVCINORVM LAICVS.

FRATRIS LEONIS CATANENSIS,
LAICI
VITA & GESTA.



ERATER LEO Catanensis, Laicus, cum primùm Seraphicæ Religionis militiæ, apud Capucinos nomina dedit; multiplicatâ virtutum ornamenta velut armorum Panopliam sibi accumulare studuit, tamque alta coelestis ædificij fundamenta iecit; vt quasi altera Turris Dauid, quæ ædificata est cum propugnaculis, mille heroicarum virtutum clypei ex eo penderent, omnisque fortium pugilum armatura, in eo collecta conspiciebatur: Ex eo namque inprimis erumpere videbatur perfecta humilitas, simplex obedientia, altissima paupertas, candidissima honestas, ac pudicitia, indita quoque quædam vultui, ac moribus inerat modestia, ac mansuetudo. Postremò, in eo potissimùm elucebat feruentissimum quoddam Orationis studium, ac frequentia, quâ se leonis instar tartareorum hostium copijs formidabilem reddebat. In hanc orationem cum diu, noctuque totâ animi vi intenderet, plerumque fiebat, vt in mentis excessum raptus, vi extatici feruoris, sæpè etiam corpore in aëra extolleretur. Dum enim aliquandò in Conuentu Tyracensi, Vir Sanctus, in Ecclesiâ ante auroram moras traheret; Fr. Chrispinus, Nouitius, ad eum accedens, Leonem magno splendore emicantem, sex à terrâ cubitis elatum conspicit. At neque id Leoni nouum, ac insolitum erat: etenim cum in eodem Conuentu, vnâ cum Fr. Andrea Catanensi, Laico, haud sanè minoris Sanctitatis Viro, noctu oraret, quidam Agricola, cuius domus haud longè à Monasterio aberat, sæpè quendam splendidissimum lucis globum, velut Solis iubar, sese in Ecclesiæ culmine efferentem conspiciebat, quod cum factum admiraretur, propius aliquandò accedens, duo clarissima lumina sese ex Ecclesiâ in Coelum vsque attollentia cernebat: rem adhuc magis admirans, Conuentus tintinnabulum pulsabat. Hora erat antelucana, cum is vt Fratribus notus, nullâ nocturni illius gemini splendoris Ianitori mentione factâ, iter cum Ianitore ad Ecclesiam carpit: vix autem Ecclesiam ingressi, Leonem, & Andream, ante Sacrosanctæ Eucharistiæ Altare orantes, mente in Deum absorptos, ac corpore in sublime elatos intuentur, ac tunc primum quid duo illa luminaria in Coelum sese efferentia præsefer-

rent, eo

rent, eo aspectu agricola discit. Hos orationis æstus quibus Leo magis indies accendebatur, cum Dæmon ferre non posset, sæpe strepitus, ac fragores edebat, ut eum ab oratione exterreret: at qui Sathanæ artes, ac insidias nouerat, ijs haudquaquam mouebatur. Semel Fratribus de Clerici cuiusdam, Cypriani nomine, salute dubitantibus, suspicionemque non parum augente, quod is post mortem alijs Clericis, sub horrendâ quâdam vultus specie apparuisse diceretur: cum res omnibus incerta esset, Frater Saluator Meisanensis, qui tunc Catanæ Ministerio præerat, Leoni (cuius Sanctitas haud illi ignota erat) sub obedientiæ merito præcipit; ut rei veritatem à Deo oratione exquirat. Humilitas quidem in eo reluctabatur, indignum se Dei reuelatione obtestans: at cum Guardiani præceptum vrgeret, ad orationem se confert, in eaque triduo perseverans, tandem à Deiparrâ Virgine, quam singulari Religione prosequabatur, sibi in oratione apparente, audit: Cyprianum ob illius singularem erga illam deuotionem, salutem consecutum: quod cum is Guardiano retulisset, noua Guardiano dubitatio suboritur, num ea Leonis apparitio à Deo, vel à Dæmone emanaret: cumque in eâ animo non parum hæsitaret, en Cyprianus defunctus, noctu Guardiano vigilanti apprens, Leonis visionem veram esse, seque B. V. merito salutem consecutum affirmat. Accidit quoque hoc tempore, ut cum Leo Catanæ degeret, Fr. Dominicus Rhodientis, Sacerdos, cui vita omni virtutum genere instructa fuerat, extremum morte diem conficeret, cuius animam is sub candidæ Columbæ specie, rectâ nubes penetrantem, atque in Cælum euolantem conspicit. Interea, tanta de Leonis Sanctitate, præsertim Tyraceni, apud Sæculares homines opinio percrebuerat; ut cum Eleëmofynarij munus per Urbem obiret, certatim omnes ad eum contenderent, furtimque ex ipsius pallio panni frustra præscinderent. Solo etiam Crucis signo, quamplurimos à varijs egritudinibus curabat, ipsiusque virtus, in eos præsertim, qui capitis languore corripiebantur, enitebat, quos velut mater amplexans, ac Crucis signo benedicens, à morbo liberos demittebat. Cum autem D. O. M. iam ipsius vitæ curriculo metam statuere decreuisset; Catanæ in supremum morbum incidit. Quo tempore, cum Infirmorum Præfectus, circa noctis medium ad ipsius visitationem accederet, vix ad ipsius cellam peruenit, quin splendorem indè erumpere, eumque, quasi cum altero contenderet, verbis altercantem percipit. Præfectus rem admirans, moræ impatiens, cellam aperit, neminem cum Leone adesse cernit, lumen euanescere conspicit, ac tandem à

• Leone

Leone discit, se à Dæmonibus exagitatum, Beatissimæ V. auxilio, quæ ei fulgentissimâ luce apparuerat, à Tartareis illis Dæmonum nebulis liberatum fuisse, summaque animum consolatione affectum fuisse. Posthæc, mentem ad superna colligens qui vitam omni cum Iustitiâ, & Sanctitate vsque ad canos traduxerat, Iustorum somno consopitus, Domini hæreditatem, iustis repromissam accipit. Anno 1580.





FRATER IOSEPHVS A CORLEONE FRATRVM
CAPVCINORVM LAICVS.

FRATRIS JOSEPHI à CORLEONE, LAICI

VITA, & GESTA.



ERATER IOSEPHVS à Corleone, Laicus, Vir Sanctitate celebris, à suæ conuersionis exordio, tam admirandum vitæ genus instituit; vt potius seipsum interficere, quàm diuino cultui præparare videretur. Abstinētiā primū, ac temperantiā sibi in cibo, ac potu seuerissimā indicit. Corpus quotidiani fermē ieiunij penuriā affligit, atque in B. P. Francisci ieiunijs (quæ quinque numerantur) nihil omninō præter panem, & aquam, rei coctæ admittit: à vino verò, & carnibus, velut legitimo sempiterno abstinet. Diris quoque flagellis corpus vsque ad Sanguinem cædens, cilicioque asperrimo castigans, vix nudas illi tabulas, ligno capiti supposito, ad somnum indulget: quem tamen ad tam breue temporis spatium contrahere solitus est; vt cum oculis foedus pepegisse videatur, nè ei tertiam horam excedant. Denique tam seuerā Euangelici odij, ac similitatis lege, in proprium corpus defauit; vt vix vllam vnquam illi requiem tribuat, die laboribus, nocte vigilijs, ac oratione illud exercens, ita vt nunquam nisi in mensā sedere videatur. Hoc modo, dum carnis vitia, abstinentiā, ac summis austeritatibus persequitur, præstantiores illi in animo virtutes oriuntur. Hinc profundissima humilitas, simplex obedientia, hinc eminens erumpit paupertas, hinc rosea pullulat castitas, quæ cum eum in carne præter carnem viuere ostendit; Angelis simillimum, & ad diuina contemplandum magis idoneum præstat: hinc benigna, ac parata quædam mansuetudo emanat, quæ illius animum, haud secus quàm suprema quædam æris regio, ab omni prorsus mutatione, ac peregrinā rerum impressione immunem seruat: hinc denique sese attollit oratio, ac rerum diuinarum contemplatio, quæ hominem à terrenis abstractum, vsque adeo ad cœlestes delicias vehit; vt sepius mente excedens, extrā seipsum agatur. Cum verò semel Fr. Iosephus à Vibonā, apud se statuisset, ea præsertim, quæ nocte ab eo agerentur, explorare; eum primā noctis horā, quamprimū ante Augustissimum Eucharistiæ Sacramēta genua flectentem obseruauit, in mentis excessum raptum, facieque in Cœlum sublatā, immobilemque totā nocte permanentem, quoad luce exortā, primæ Horæ signum pulsaretur, conspicit. Lachrimæ illi

tam familiares erant, ut iuges illi (tum in oratione. tum in Sacra Eucharistiae Communione, quam quotidie reficiebatur) ex oculis fluere. Quo fit, ut cum ex ingenti lachrymarum copia, quam saepe effundere solebat, oculorum morbum contraxisset; in Agrigentino Conuentu, aliquando illi in Ecclesia oranti, Beatissima Virgo apparuerit, eique post familiare colloquium, quo ille saepe in oratione frui solebat, Phialam, coelesti liquore plenam obtulerit, ut eo sibi oculos inungens à morbo curaretur: oculorum itaque languore diuinam virtute effugato. Iosephus ad maiores, ac illustriores se quotidie virtutum ascensus prouocabat. Tam ardentes, hic Dei Seruus, ex assidua diuinarum rerum contemplatione, velut ex perpetuo consortio sermonis Dei, in se diuini amoris flammam excitabat, ut cum hæc in angusto corporis sinu contineri minime possent, in voces, & cantus plerumque se diffundere cogeretur: tantoque interdum Spiritus ardore agebatur, ut cum in nemore oraret, arbores, ac truncos ob amoris vehementiam complecteretur. Miramur charitate erga ægrotos ferebatur, ac Prophetiae dono clarus, quamplurima diuino Spiritu prenoscens, prædicebat. At illustrissimum illud factum silentio haud prætereundum est, quod in Agrigentino Conuentu accidit. Hortulani munus, Vir Dei in eo Conuentu sibi impositum agebat, ubi cum ob assidue orationis studium, cui potissimum vacabat, hortus herbis, ac frugibus destitutus minusque necessaria erant Fratribus ministraret; eum aliquando Guardianus in Refectorij Capitulo reprehendit, quod plus orationi, quam præscripto muneri tribuens, minus Familiae satisfaceret. Cui Seruus Dei: Nè vereare, Pater inquit, citò hortus herbis, ac frugibus implebitur: cumque noctu ad orandum in Ecclesiam secessisset, res planè admiranda accidit: nam mane illucescente, hortus tot herbis, radicibus, frugibus redundare visus fuit: ut vix prior ille esse agnosceretur: Fratres verò factum admirati, quam potens, ac fecunda illius oratio esset præclaro testimonio agnouerunt. Id altero quoque exemplo manifestum fuit: cum enim in Castri Veterani Conuentu, aliquando Vir Dei febre laboraret, Purificationis Deiparæ festo imminente, cum is ad Sacram Synaxin accedere summopere optaret, Beatissimam Deiparam multis lachrymis rogat, ut tantisper febris ardorem compescat, donec illam diuinam refectione frui liceat. Nocte igitur quæ diem festum præcedebat, Purissima Virgo, Iosepho apparet, candidissimis vestibus amicta, coruscantique vndique lumine circumfusa: quæ cum Iosephum consolata fuisset; aquam illi è Phiala quam manu gerebat, gustandam

præbet,

præbet. quam ubi Iosephus ebibit, mox febris ardore sedato, à morbo conualescit, cœlesti pane reficitur, summasque suæ liberatrici grates refert. His itaque, ac plurimis alijs Dei donis, quibus Sanctus hic Vir abundè cumulatus erat, eam sibi apud omnes existimationem conciliauerat; ut à cunctis, Sanctus prædicaretur. Denique Agrigenti, anginae morbo correptus, breui ad supremum vitæ occasum perducitur. Quo tempore, gloriosa Coelorum Regina, multis Sanctorum agminibus stipata, morienti apparens, pleraque alterius vitæ arcana illi aperit, quibus Iosephi Spiritus velut inebriatus, exclamare coepit: Vnde hoc mihi, ô Domina mea, vnde tanta benignitas, vnde indigno seruulo tuo tanta rerum diuinarum foecunditas? Sat est, ô Beatissima, sat est, iam me in sinum tuum recipe: his dictis, supremum effudit halitum. Cumque post obitum, asperrimo cilicio contactus apparuisset, factum illius dictum expleuit, qui olim dixit: *Pœnitentem Virum haud debere nisi in cinere, & cilicio emori.* Obijt An-

no 1580.





FRATER ANTONIVS CINCIANENSIS FRATRVM
CAPVCINORVM LAICVS

FRATRIS ANTONII CINCIANEN-
 SIS, ETRVSCÆ PROVINCIÆ
 DEFINITORIS, LAICI
VITA & GESTA.



RATER ANTONIVS Cincianensis, Laicus, Vir tam-
 etsi rudis, ac illiteratus, eâ tamen à naturâ, prudentiâ
 præditus erat; vt consilio plurimum valens, sæpè
 Guardiani, ac Definitoris in Ethruriâ Prouinciâ præ-
 clare munus obiret. Nouitiorum quoque multo
 tempore curam egit, quo in munere, tot Virtutum
 exemplis, omnibus eluxit; vt eum cuncti velut paupertatis, humilita-
 tis, abstinentiæ, austeritatis, silentij, mortificationis, ac totius Regu-
 laris disciplinæ, ac perfectioris vitæ normam suspicerent. Vir erat o-
 rationis, ac diuinarum rerum meditationis tantoperè studiosus; vt
 quanquam nullo vnquam tempore ab oratione vacare videretur,
 nocte tamen potissimum, prolixas in ea vigilias duceret. Hinc mirè
 sese efferebat illius orationis virtus, cuius illud argumentum fuit.
 Cum enim Fr. Marianus à Cinciano, Nouitius, quo tempore Anto-
 nius Magistri officio fungebatur, ob quandam aurium ægritudi-
 nem, quâ à diuino officio impediabatur, ad Sæculum redire cogita-
 ret, re cum Magistro communicatâ, Antonias eum ad peccatorum
 confessionem, ac communionem iubet accedere: intereâ Deum pro
 illo rogans, protinus aurium infirmitas abscedit, Nouitiusque deïn-
 cept in Religione incolumis perseuerat. Cum aliquandò à Fr. quo-
 dam interrogaretur, quamdiu Capucinatorum Religio integra, ac sar-
 ta tecta permansura esset? Respondit: Religionem tam diu incolu-
 mem futuram, quàm diu Orationis studium in eâ sospes futurum
 esset: ruinæ verò tunc proximùm fore, cum Orationis Spiritus in
 eâ institutus elanguerit. Quamobrem, Sæcularium hominum, ac
 Fratrum familiaritates fugiens, quibus orationis calorem tepescere,
 ac vim hebetari sentiebat, Solitudinem Orationi amicam quærere
 solitus erat, in quâ sæpè singultus, ac lachrymas fundens, illius mens
 diuinæ charitatis æstu colliquefieri videbatur. Satanas verò, cum eo
 nihil magis iniquè ferret, Dei Virum varijs modis, atque interdum il-
 latâ vi laceffebat; vt ab oratione auocaret: frequenter enim de manu
 ipsius, coronam, quam in honorem B. Virginis quotidie recitare soli-
 tus erat,

tus erat,

tus erat, auellens diuersa sæpè eum in loca propellebat, ac innumeris prope modis infestabat : At vniuersos Satanæ insultus patientissimè ferens, insignem de Tartareo hoste triumphum referebat. Solebat quoque Antonius, sæpissimè arcta panis, & aquæ ieiunia obseruare, at cum aliquandò post morbum conualescens imbecilles corporis vires instaurare cuperet calicem mero plenum aliquandò hausit, ex quo aliquam sensus oblectationem cœpit: porrò eodem tempore, Dæmon illi apparens quasi sentus delitias admisisset, factū cachinno prosequabatur; vt eo ostenderet, in perfectis Viris, in ipsâ quoque egritudine, labe non carere, quidquid sensui magis, quàm necessitati indulgetur. Inter pleraquæ dona, quæ Antonius in veræ Sanctitatis testimonium acceperat, illud inprimis fuit; quod sæpè occulta velut præsentia intueretur : quo fit, vt dum Generale Capitulum Neapoli sub Bernardino Senensi, congregatum celebraretur; is Cortonæ maximas Dæmonum turmas conspiceret, quæ tartareo Conuentu coacto, de Religione dissipandâ, inter se mutua consilia agitabant: cuius rei veritatem, paulò post exitus probauit. Dæmonem, orantibus Fratribus somnum excitantem, cernit : spiritu quoque Prophetico præditus, Fratrem Michaëlem Angelum, Sacerdorem, adhuc incolumem, ac beneualentem monet, vt quàm primum peccata sua Generali Confessione debeat, purumque se in extremum diem paret, quem breui illi futurum esse prænunciat : cuius cum ille dictis fidem adhiberet, consilio acquiescit, vixquæ confessionem absoluit, cum morbo correptus, post aliquot dies res humanas deserit. Hic, post obitum Antonio apparens, se quidem ex Dei misericordiâ salutem consecutum fuisse asseuerat; attamen quàm districta, & seuera post mortem Dei Iudicia sint, narrat. At quandoquidem D. O. M. illustriores Seruos suos tentationibus probare soleat; hinc, cum Antonium plurimis cœlestibus donis exornasset, haud absquæ tentatione quâ illius virtutem velut igne examinatam perficeret, esse voluit. Quamobrem, illum falsâ criminis cuiusdam suspitione pulsari permittit : cuius cum nè odor quidem animum illius attigisset, diu tamen iniusti criminis ignominiam inabstersam patienter sibi tolerandam proposuerat : Verùm cum ex eo scandalum inter Fratres suboriri, diuinumquæ honorem in discrimen vocari cerneret, criminis maculam, tandem non humano, sed diuino testimonio abstergere parat. Brumæ tempus erat, cum Fratribus, vt frigus depellerent, ignē circumstantibus, de Ant. crimine murmur agitari cœpit: Antonius verò, cum oblatam sibi temporis opportunitatem censeret, quo

scandalum

scandalum à Familiâ auerteret; vtramque manum ad ignem extendens, eas prunis ardentibus implet, tum ad Fratres conuersus, ait: Ecquodnam Fratres hoc scandalum est, quod mei causâ vestrum animum pulsât? Si verum est scelus quod mihi obiectum fuit, ac reuerà à me patratum, æquum profectò est, vt hæc me prunæ tanquam sceleris vindices torreant, crimenque à me patratum fuisse cunctis aperiant: at verò si falsum, ac impositum crimen est, planè diuinâ virtute fiet, vt manus prunarum, nec ardorem, nec calorem sentiant. Cumque per quartam horæ partem prunas ardentes manibus continuisset, cunctis factum admirantibus, nullum non modò ab ijs dolorem, aut ardorem contrahere visus est; sed illæ potius inter manus, absque vllâ illarum læsione extinctæ, certam illius innocentiae fidem, ac testimonium reddidère. Posthæc autem cum iam senio confectus, in Senarum Conuentu, grauiori morbo correptus esset, oransque à Deo salutis suæ certitudinem accepisset; die obitus prædicto, Anno 1580. qui illi foelicissimus fuit, in beatæ æternitatis sinum euolauit.

FRATRIS BARTHOLOMÆI à MAR-
CIANO, LAICI
VITA, ET GESTA.

BRATER BARTHOLOMÆVS à Marciano, Laicus. Huius animi candor, ac simplicitas, in Sancti Francisci Prouinciâ etiamnum apud omnes commendatur, quæ tum ex naturæ dono illi indita, tum à sedulâ virtutum exercitatione ab eo comparata, in eo tantoperè elucebat; vt primum innocentiae statum assecutus videretur. Quò fiebat, vt vix in horto appareret, quum aues circa ipsum volitantes, familiariter cum eo versabantur, quas ille proprio nomine appellans, nunc vni, nunc alteri colludebat, panisque micis quas è mensâ secum ferebat, quasi filias pascebat. Hic Anno 1580. purus ad purissimos æternitatis fontes peruenit.





FRATER ILLUMINATUS A NVRTIA FRATRVM
CAPVCINORVM LAICVS.

FRATRIS ILLVMINATI à NVRRIA,
LAICI
VITA, & GESTA.

BRATER ILLVMINATVS à Nurfia, Laicus, eximiae Sanctitatis, ac simplicitatis Vir, quæ inde facile cunctis enotuit, quod sæpè cum auibus Coeli ludere visus est, quæ cum hominem planè coelestem agnoscerent, ipsius iussis, diuino nutu obtemperabant. Die quâdam cum in Ciuitate Plebis, consueto Eleëmofynarij officio incumbens, ciuis cuiusdam domum ingressus esset; Gallum gallinaceum sibi obuium habet, à quo cum domus familiares propterea cauendum esse admonerent, quod rostro homines inuaderet: Quid, inquit, Gallum hunc mihi tam terribilem effingitis? Nequaquam tam ferox, ac immansuetus est. Tum protinus Gallum ad se vocat, qui in illius statim humerum aduolans, quasi domestica auis esset, singularia illi familiaritatis signa ostendere coepit. Rursum cum ægrotans, Syllanâ, Casciam proficisceretur, volucrem quandam volantem cernens, ait: Heûs, Auis soror, oro te vt ad me venias, ac languentem consoleris, simulque iter hoc conficiamus. Mox dicto citius, Auis in ipsius sinum aduolans, ac garriens, nunquam toto eo itineris spatio ab eo diuelli voluit, vt Viro Dei, ea quæ poterat, solatia præstaret. Hoc quoque modo, cum in Conuentu Meuania, horticuram gereret, sæpissimè inter culturæ labores, volucres ad se vocans, velut amicas excipiebat. quæ super ipsius humeros, brachia, caput volitantes, cum eo familiariter, velut amico, colludebant. Hæc cum Dei Virum maximâ tum mentis puritate, tum simplicitate præditum indicarent, haud vulgarem procul dubio ipsius Sanctitatem commendabant. Maximâ Sanctus hic Vir erga omnes, præsertim Defunctorum animas, charitate flagrabat: quo fiebat, vt pro ijs quotidianum, centum Orationum dominicalium, ac totidem Salutationum Angelicarum suffragium, Deo deuotissimè persolueret. Prophetiæ quoque eum Spiritu claruisse, id inter alia declarauit. Nam cum in Agro Citernensi, Mulieri, cuius filius interfectus fuerat, nullâ ratione persuadere posset; vt iniuriam interfectori condonaret, odiumque in eum conceptum deponeret; diuino tandem Spiritu percitus: Audi Mulier, & expauesce, quandquidem inimico, qui à te pacem exquirat, Dei causâ ignoscere recusas, nec tibi profe-

Etò Deus ipse parceret; Asellus enim tuus hic (ducebat tunc illa forte manu Asellum) quem nunc mitem experiris, tibi ferox ac fatalis erit, teque celerius, quàm tu tibi auxiliari queas, sub pedibus conteret, ac è medio tollet. Res non multò post, infaustum quem prædixerat exitum fortita est: nam cum Mulier Asino insidens, in vineam proficisceretur, Asellus in Dominam præter morem, & expectationem ferociens, eam dentibus inuadit, dilacerat, atque humi deiectam tam diu pedibus conterit, donec ea crudelem animam ageret: Deo ita poenam compensante, vt mite animal, immitis animi scelus vlcisceretur. Tandem is post complures annos magnâ cum pietatis, ac virtute laude transactos, Anno. 1580. piorum præmia, ex humanis mirans adipiscitur.

FRATRIS HUMILIS à SPOLETO,

LAICI

VITA, & GESTA.

FRATER HUMILIS à Spoleto, Laicus, huius obedientia, abstinentia, austeritas, charitas, simplicitas, ac Regularis obseruantia cultus, tam admirabilis fuit; vt Deum testem habere meruerit: cum enim in his, plerosque Religionis annos, magnâ vitæ Sanctimoniâ duxisset; sub mortalis vitæ finem, Fratri Bernardo à Spoleto, Sacerdoti, qui illius confessiones audiebat, secreto reuelat: se per octo integros annos, quoties in Missâ Sacrum Domini Corpus spectandum attollebatur, Dominum his verbis rogasse: Domine Iesu Christe, meis quæso propitius esto peccatis, vt te semper laudare queam cum Angelis beatis. Ex his cum priores quatuor anni elapsi essent, reliquis posterioribus annis hanc semper Domini vocem, toties è Sacramento sibi respondentem audiuisse affirmat: En Ego propitius ero tuis peccatis, meque semper laudabis cum Angelis beatis. Postremò, in Conuentu Porcaria, Anno 1580. carnis sarcinam deponit, in æternum cum Angelis Deum laudaturus.



FRATRIS BERNARDINI EVGVBINI,
LAICI
VITA, ET GESTA.

BRATER BERNARDINVS Eugubinus, Laicus Vir omnium opinione præstantissimus, atque antiquæ Religionis exemplar. Huius spectata virtus, non solum vitæ, quamdiu mortalem inter nos duxit, sed ipsi quoque morti splendorem, ac dignitatem contulit. Hic cum in Conuentu Mentolæ, ad mortem ægrotaret, atque ab omni cibi appetitu abhorreret, accidit; vt præsentem Guardianum, cibi illi ministrarentur, qui ad ægrotum conuersus, ait: Bernardine, carnes illas comede, nè tantillum quidem ex his supersit. Id Guardianus non præcipiens, sed vt ægrotum ad comedendum alliceret, abundantius dixerat. Bernardinus verò qui verbo tenus sibi obediendum esse persuaferat (quanquam sibi omnem vim subtulisset) haud tamen integrè toto illo carniū obsonio vesci potuit. Exiguo tempore elapso, en Satanas illi palam visibilis apparet, eumque à Deo, ob id damnatum esse affirmat, quod Guardiani præceptum de integro esu carniū, implere contempserit. Bernardinus contrà, voluntatem haud præcepto defuisse, sed sensum ægritudine oppressum, resiliisse respondet. At Satanâ præceptum Superioris inculcante, inter maximas animi angustias Bernardinus versabatur: cum Guardianus re intellectâ, quæ illi mens fuerit declarat, omnemque ab eo violati præcepti suspensionem aufert: quo cum Satan victus aufugisset, protinus Coelorum Regina sese illi spectanda offert, quâ præsentem, Bernardinus exclamare cœpit: O benedicta; ô præ omnibus speciosa; ô Miserorum Mater, quàm opportunè venisti! Post hæc Sacri corporis viatico relictus, cum iam animam ageret; Fratribus ipsius animam (vti fieri solet) Deo commendantibus, Litanie pro moriente decantabantur, quibus cum is ad singula sensibus integris respondens, ad finem vsque peruenisset; repente Dominum ad se venientem conspiciens, mox è strato surgit, atque in ipsius occursum festinare curat. Id verò cum Fratres prohiberent: Quid me detinetis, inquit, finite, vt in Domini mei occursum pergam. An non illum huc ingredientem cōspicitis? Quo dicto, cum nullum prorsus morientis signum ederet, viuis eripitur, atque ad Dominum, æternum victurus migrat.

Reter hos, aliorum quoque Virorum Illustrium Sanctimoniam celebratur.

FRATER BENEDICTVS à Brixia, Laicus abstinentiâ, & oratione potissimum insignis fuit, quem cum Dæmon ab oratione exturbare conaretur, cum eo sæpè contendere, ac velut cominus digladiari videbatur. Tandem quotidianis ieiunijs, atque alijs corporis asperitatibus confectus, multa quoque à Dæmone perpeffus, cum ex hostibus, salutis sibi triumphum parâisset, Anno 1560. mortalia deferens, ad immortales coronas peruenit.

FRATER quoque Benedictus à Modia, Laicus, cuius Caput post multos sepulturæ annos, cum recenter Sanguine perfusum, reperi- tum fuisset; apud omnes venerationem sibi comparauit. Obijt Anno 1560.

FRATER BONAVENTVRA Gallus, Laicus, feruentiori Spiritu præd- itus, ac Sanctitate in Religione conspicuus, in Neapolitanâ Pro- uinciâ miris laudibus effertur. Obijt Anno. 1563.

FRATER BONAVENTVRA Bercellensis, Laicus, præstantioris San- ctimoniæ, à Bononiensi Prouinciâ commendatur. Obijt Anno. 1563.

PICENI Prouinciâ, illustrè cuiusdam Laici Fratris, Viri virtute e- minentis, post mortem factum celebrat, qui cum vultu ad Sepulchri solum conuerso, Sepulchro conditus esset, quasi ea corporis figura. ac positio minus illi congrueret, qui in Cœlum concesserat, totâ spectante Familiâ, quæ illi suprema persoluebat, supinus faciem ad Cœlum conuertit; vt, quo abierat Spiritus, & corporis vultus spe- ctaret. Obijt Anno 1563.

FRATER ÆGIDIVS Tarentinus, Laicus, apud Salentinos clarum Sanctimoniæ nomen adeptus, Tarenti Anno 1566. mortales exu- uias deponit.

FRATER ÆGIDIVS ab Aquis Porretanis, Laicus, cœlestis sapientiæ dono claruit. Quò fiebat, vt quamuis literas ignoraret, profundos nihilominus Scripturæ sensus attingeret. Prophetico quoque Spiri- tu à Deo præditus, Maceratæ sancto fine quieuit. Anno 1566.

FRATER IVLIANVS à Desio, Laicus, Magnæ orationis, paupertatis, ac humilitatis Vir; æternæ memoriæ ab Ethruriæ Prouinciâ commendatur, ac inter perfectos illius tempestatis Regulæ cultores collocatur. Obijt Anno 1566.

FRATER ÆGIDIVS Syracusanus, Laicus, multâ apud nostros sui nominis,

nominis, ac virtutis famâ relictâ, Trainæ è viuis excessit. Anno 1567.

FRATER SIMON Monticulensis, & Fr. Pacificus Materensis, vterque Laicus, Viri Sanctimoniâ illustres, eorum vita maximis virtutibus ornata prædicatur, sed cum temporum obliuio eorum gesta deleuerit, eos hic tantum indicare libuit. Obierunt Anno 1569.

FRATER DOMINICVS à Molochio, cum Angelicam puritatem, ac Virginitatem, ad Capucinatorum Religionem attulisset, eam plurimâ in Religione virtutibus auctam, ac illustratam, velut duplicatum talentum Domino reddidit. De eo, Sacerdos, qui Generalem illius confessionem ab incunabulis cœptam in morte audiuit, olim testatus est, nullâ eum vnquam mortali culpâ labefactatum offendisse. Rhegijs ex humanis excedit. Anno 1555.

FRATER IOANNES Andreas, & Mattheus Veneti, Anno 1569. 2d Beatarum animarum (vt credimus) domicilium concedunt, quorum vitam virtutibus plenam, mors pretiosa secuta est. Prior enim Apostolos Petrum, & Paulum, alios quoque Sanctos, sibi in morte obuantes conspicit. Alter cum B. Virgine colloquens, inter hymnos, & diuinas laudes animam exhalat.

FRATER PETRVS Ponceneranus, Laicus, cui ante obitum B. P. Franciscus apparet, eumque ad cœlestia anhelantem, ad Coronam prouocat; Regulari obseruantia, ac multâ virtutum segete diues ad Superos euolat. Anno 1572.

FRATER IOSEPHVS Drepanensis, Laicus, huius vita tot, tamque præclaris virtutum ornamentis cõtexta fuit, vt amplissima illi in Religione, glorię monumenta constituta sint. Hic (que Dei in rudes, ac simplices homines benignitas esse solet) oratione, ac rerum diuinarum contemplatione ita præcelluit, vt totius ipsius vitę decursus, perpetuus quidam orãtis animi sopor esse videretur. Cœlestiũ tãdẽ rerum sopori intentum, cum mortis somnus occupasset; rerum æternarum, non quidem per speculum in ænigmate, sed facie ad faciem, spectatorem præstitit. Anno 1575.

FRATER SEBASTIANVS Vibonensis, Laicus, cum vitæ austeritate, abstinentiâ, ac plurimis virtutibus præcelleret, charitate potissimum celebris fuit: quâ incensus, cum peste laborantibus omni studio, ac diligentia ministraret, pestilentia & ipse correptus, in eo charitatis ministerio, Deo corpus, animamque grato Sacrificio immolat. Anno

1577.

INDEX

INDEX



VIRORVM ILLVSTRIVM

Virtutum, & Miraculorum Sanctimoniâ Insignium,
Quorum Vita, & Gesta, in præsent
FLORVM SERAPHICORVM TOMO
Exarantur,

INDEX TRIPLEX.

Quorum

- I. Continet Apparitiones, ac Reuelationes nonnullas B^m, Virginis.
- II. Virorum Illustrium Ordinem Hierarchicum.
- III. Alphabeticum, cum numero Annorum Christi, Religionis & pagina.

INDEX REVELATIONVM & APPARITIONVM nonnullarum Beatissimæ Virginis Mariæ.

	Annus Christi.	Annus Reform.	Pagina
R ater Thomas Tiphernas, Sacerdos, Generalis.	1576.	52.	4
F rater Hieronymus à Monte Florum, Sacerd. Generalis.	1579.	55.	10
F rater Hieronymus Pistoriensis, Sac. Prædicator, Definitor Generalis.	1570.	46.	5 & 8
Fr. Seraphinus Saonensis, Sac. Prouincialis.	1574.	50.	8
Fr. Franciscus Sacciensis, Sac. Definitor Prouin- cialis.	1575.	51.	13
F. Petrus à Martina, Sac. Guardianus.	1559.	55.	6

Fr. Ioan-

VIRORVM ILLVSTRIVM

	Annus Christi.	Annus Reform.	Pagina
<i>Pacificus Fanestris, Sacerd. Guardianus.</i>	1566.	42.	9.
<i>Pacificus à Spoleto Sacerd. Guardianus.</i>	1580.	56.	10.
<i>Sebastianus à Gratterio, Sacerd. Guardianus.</i>	1572.	48.	14. & 40.
<i>Hieronimus à Butunto, Sacerd. & Prædicator.</i>	1580.	56.	5.
<i>Hieronimus à Foro-luio, Sacerd. & prædicator.</i>	1556.	42.	31.
<i>Cosmas à Martinâ Sacer. Magister Nouitio- rum.</i>	1576.	52.	39.
<i>Ioannes Pedemontanus, Sacerdos.</i>	1459.	25.	4.
<i>Franciscus à Cartoceto Sacerdos.</i>	1526.	2.	14.
<i>Eusebius à Sanctâ Catharinâ, Sacerdos.</i>	1537.	13.	17.
<i>Bonauentura Cremonensis, Sacerdos.</i>	1571.	47.	18.
<i>Joannes Baptista ab Apiro, Sacerdos.</i>	1575.	51.	51.
<i>Vincentius à Flauiano Sac.</i>	1573.	49.	18.
<i>Ioannes Sorianus, Sacerdos.</i>	1541.	17.	21.
<i>Vincentius Cassanensis Sac.</i>	1567.	43.	17.
<i>Sebastianus Engiensis, Sacerdos.</i>	1576.	52.	21.
<i>Leo Genuensis, Sacerdos.</i>	1571.	47.	27.
<i>Alexander à Butrio Sac.</i>	1580.	56.	13.
<i>Alexius à Cunio.</i>	1551.	27.	52.
<i>Leonardus Augustanus, Clericus.</i>	1548.	24.	21.
Fr. <i>Bernardinus Cataciensis, Clericus.</i>	1567.	43.	22.
<i>Antonius Lusitanus, Clericus.</i>	1545.	21.	25.
<i>Bernardinus Vrbinas, Clericus.</i>	1568.	44.	25.
<i>Arsenius Bergomensis, Clericus.</i>	1580.	56.	26.
<i>Felix à Carauasio, Clericus.</i>	1572.	48.	29.
<i>Iulianus Camerinenis, Clericus.</i>	1568.	44.	29.
<i>Petrus Vrbinas, Clericus.</i>	1572.	48.	30.
<i>Paulus à Pedonâ, Clericus.</i>	1573.	49.	54.
<i>Anselmus Aletinus, Clericus.</i>	1580.	56.	34.
<i>Felix Messanensis, Clericus.</i>	1576.	52.	34.
<i>Angelus Saonensis, Clericus.</i>	1574.	50.	35.
<i>Ioannes Baptista Asculanus, Clericus.</i>	1572.	48.	39.
<i>Humilis à Paterno, Clericus.</i>	1580.	56.	43.
<i>Modestus Foroliuiensis, Clericus Nouitius.</i>	1568.	44.	26.
<i>Paulus ab Alcamo, Clericus Nouitius.</i>	1577.	53.	49.
<i>Quidam Anonymus, Nouitius, Vrbinas.</i>	1568.	44.	23.
<i>Laurentius à Sarnano, Laïcus.</i>	1569.	45.	15.
<i>Vincentius à Colleario, Laïcus.</i>	1548.	24.	31.
<i>Vincentius Calaritanus, Laïcus.</i>	1541.	17.	36.
<i>Gernasius Hyrminiensis, Laïcus.</i>	1574.	50.	17.
<i>Iosephus à Corleone, Laïcus.</i>	1580.	56.	43. & 47
<i>Vincentius Platiensis, Laïcus.</i>	1568.	44.	& 52.

INDEX.

	Annus Christi.	Annus Reform.	Pagina
<i>Bernardus Offidanus, laicus.</i>	1558.	34.	35.
<i>Matthæus Venetus.</i>	1569.	45.	55.
<i>Franciscus à Chio, laicus.</i>	1578.	54.	33.
<i>Franciscus Maceratensis, laicus.</i>	1568.	44.	40.
<i>Donatus Aletinus, laicus.</i>	1539.	15.	42.
<i>Leo Catanensis, laicus.</i>	1580.	56.	42. & 57.
Fr. <i>Bernardinus Eugubinus, laicus.</i>	1580.	56.	44.
<i>Augustinus à Lateritia, laicus.</i>	1580.	56.	46.
<i>Philippus à Monte veteri, laicus.</i>	1575.	31.	46.
<i>Bernardinus à Murciano, laicus.</i>	1580.	56.	47.
<i>Jacobus à Nursia, laicus.</i>	1566.	42.	57.
<i>Ioanninus Florentinus, laicus.</i>	1573.	49.	58.

INDEX

FLORVM SERAPHICORVM

siue

VIRORVM ILLVSTRIVM

SECVNDVM ORDINEM HIERARCHICVM.

Vicarij Generales.



<i>Rater Matthæus à Bassio, Primus Generalis.</i>	1551.	27.	1.
<i>Franciscus Æsinus, Generalis.</i>	1549.	25.	12.
<i>Bernardinus Astensis, Generalis.</i>	1554.	30.	17.
<i>Eusebius Anconitanus, Generalis.</i>	1569.	45.	24.
<i>Thomas Tiphernas, Generalis.</i>	1576.	52.	29.

Procuratores Generales in Curiâ Romanâ.

Fr. <i>Petrus à Ciuitate Ducali, Procurator Ordinis.</i>	1566.	42.	31.
<i>Bonauentura Rhegiensis, Procurator Ordinis.</i>	1577.	53.	34.

Definitores Generales.

<i>Ioannes à Fano, Defnitor Generalis.</i>	1539.	15.	38.
<i>Josephus Fernensis, Def. Gen.</i>	1559.	35.	43.
<i>Bernardinus à Monte Vlmo, Def. Gen.</i>	1565.	41.	49.
<i>Hieronimus à Pistorio, Def. Gen.</i>	1570.	46.	55.
<i>Alfonsius Suesanus, Def. Gen.</i>	1575.	51.	58.
<i>Urbanus à Manfredonia, Def. Gen.</i>	1578.	54.	60.
<i>Hieronimus Panormitanus Def. Gen.</i>	1579.	55.	62.

Commiffa-

VIRORVM ILLVSTRIV M.

	Annus Christi.	Annus Reform.	Pagina
Commissarij Generales.			
<i>Honorius à Monte Granario Comm. Gen.</i>	1569.	45.	65.
Fr. <i>Ignatius ab Apero, Comm. Gen.</i>	1569.	45.	69.
<i>Pacificus à Sancto Geruasio, Comm. Gen.</i>	1575.	51.	71.
Vicarij Prouinciales.			
<i>Bernardinus Rheginus, Prouincialis.</i>	1536.	12.	74.
<i>Ludouicus Rheginus, Prou.</i>	1537.	12.	79.
<i>Franciscus Titelmannus, Belga, Prou.</i>	1537.	13.	87.
<i>Hieronymus à Monte Politiano, Prou.</i>	1546.	22.	94.
<i>Petrus à Mazara, Prou.</i>	1550.	26.	97.
<i>Leo Veronensis, Prou.</i>	1555.	31.	101.
<i>Ægidius Turianus, Prou.</i>	1558.	34.	102.
<i>Matthaus à Schio, Prou.</i>	1563.	39.	103.
<i>Ioannes Fassatus, Prou.</i>	1565.	41.	106.
<i>Augustinus Gallus, Prou.</i>	1566.	42.	107.
<i>Laurentius à Funiano, Prou.</i>	1566.	42.	109.
Fr. <i>Angelus à Castalanetâ, Prou.</i>	1567.	43.	110.
<i>Amadeus ab Anteniatto, Prou.</i>	1568.	44.	111.
<i>Ioannes Viterbiensis, Prou.</i>	1569.	45.	111.
<i>Joannes Iarratensis, Prou.</i>	1570.	46.	112.
<i>Hieronymus Rheginus, Prou.</i>	1572.	48.	112.
<i>Anselmus Panormitanus, Prou.</i>	1573.	49.	113.
<i>Ludouicus Nethinus, Prou.</i>	1574.	50.	113.
<i>Martinus à Sanctâ Victoriâ, Prou.</i>	1576.	52.	114.
<i>Ægidius Luppiniensis, Prou.</i>	1578.	54.	114.
<i>Franciscus Luppiensis, Prou.</i>	1579.	55.	115.
<i>Iacobus Aletinus, Prou.</i>	1580.	56.	115.
<i>Petrus de Quarterijs, Prou.</i>	1580.	56.	116.
Definitores Prouinciales.			
<i>Franciscus Sacciensis, Def. Prou.</i>	1575.	51.	118.
Fr. <i>Petrus à Seminaria Def. Prou.</i>	1576.	52.	120.
Guardiani.			
<i>Petrus Tudertinus, Guardianus.</i>	1540.	16.	121.
<i>Franciscus à Palemone, Guardianus.</i>	1544.	20.	125.
Fr. <i>Iacobus Florentinus, Guard.</i>	1548.	24.	127.
<i>Ioannes Baptista à Nursia, Guard.</i>	1549.	25.	129.
<i>Ignatius de Valle Duplici, Guard.</i>	1551.	27.	131.

INDEX

	Annus Christi.	Annus Reform.	Pagina
<i>Iulianus Salodiensis, Guard.</i>	1551.	27.	131.
<i>Matthæus à Leonissâ, Guard.</i>	1553.	29.	134.
<i>Lucas Narinus, Guard.</i>	1555.	31.	142.
<i>Ludouicus Fulginas, Guard.</i>	1557.	33.	144.
<i>Iosephus à Colleamato, Guard.</i>	1557.	33.	147.
<i>Bernardinus à Balbano, Guard.</i>	1558.	43.	152.
<i>Paulus de Arenario, Guard.</i>	1559.	35.	153.
<i>Petrus à Martinâ, Guard.</i>	1559.	35.	156.
<i>Angelus Astensis, Guard.</i>	1560.	36.	159.
<i>Iacobus à Melphiceto, Guard.</i>	1561.	37.	159.
Fr. <i>Bartholomæus Hispellensis, Guard.</i>	1562.	38.	162.
<i>Ioannes à Corleone, Guard.</i>	1562.	38.	163.
<i>Alexander à Fano, Guard.</i>	1564.	40.	163.
<i>Pacificus Fanestris, Guard.</i>	1566.	42.	166.
<i>Nicolaus ab Antio Nouo, Guard.</i>	1569.	45.	167.
<i>Sebastianus à Gratterio, Guard.</i>	1572.	48.	169.
<i>Paulus Ferrariensis, Guard.</i>	1574.	50.	172.
<i>Ioannes Baptista Saonensis, Guard.</i>	1575.	51.	173.
<i>Hieronymus à Pedonâ, Guard.</i>	1576.	52.	175.
<i>Archangelus Panormitanus, Guard.</i>	1577.	53.	177.
<i>Antonius Monopolitanus, Guard.</i>	1579.	55.	179.
<i>Paulus Bercellensis, Guard.</i>	1579.	55.	180.
Magistri Nouitiorum.			
<i>Antonius à Monte Sicardo, Magister Nouitiorum.</i>	1550.	26.	182.
<i>Franciscus Nouariensis, Mag. Nou.</i>	1562.	38.	188.
<i>Bartholomæus Gallus, Mag. Nou.</i>	1566.	42.	190.
Fr. <i>Ruffinus à Sancto Vrso Mag. Nou.</i>	1575.	51.	192.
<i>Ioannes Andreas à Rodigio, Mag. Nou.</i>	1576.	52.	194.
<i>Angelus Ferrariensis, Mag. Nou.</i>	1576.	52.	197.
<i>Valerianus à Castro Bono, Mag. Nou.</i>	1576.	52.	198.
<i>Ioannes à Foroliuio, Mag. Nou.</i>	1580.	56.	198.
Prædicatores.			
<i>Matthæus Leopoltanus, Prædicator.</i>	1531.	7.	199.
<i>Marianus Cyrneus, Prædicator.</i>	1540.	16.	202.
<i>Ioannes Baptista Florentinus, Præd.</i>	1540.	16.	202.
<i>Humilis Offidanus, Præd.</i>	1541.	17.	204.
Fr. <i>Ioannes à Metymniâ, Præd.</i>	1551.	27.	207.
<i>Angelus Saonensis, Præd.</i>	1556.	32.	213.
<i>Ludouicus Vrbinas, Præd.</i>	1560.	36.	214.
<i>Nicolaus Anconitanus, Præd.</i>	1563.	39.	215.

Ioannes

VIRORVM ILLVSTRIVM.

	Annus Christi.	Annus Reform.	Pagina
<i>Joannes à Leonissâ, Præd.</i>	1565.	41.	217.
<i>Hieronymus à Foroliuio, Præd.</i>	1566.	42.	220.
<i>Franciscus à Soriano, Præd.</i>	1567.	43.	225.
<i>Pacificus Luganensis, Præd.</i>	1568.	44.	228.
<i>Angelus à Ferno, Præd.</i>	1568.	44.	229.
<i>Franciscus à Montepolitiano, Præd.</i>	1571.	47.	230.
<i>Sebastianus Agriciensis, Præd.</i>	1571.	47.	230.
Fr. <i>Angelus à Sancto Martino, Præd.</i>	1572.	48.	232.
<i>Joannes à Terra Noua, Præd.</i>	1575.	51.	236.
<i>Syluester Vinensis, Præd.</i>	1576.	52.	238.
<i>Joannes Illiricus, Præd.</i>	1577.	53.	238.
<i>Bartholomeus à Luciniano, Præd.</i>	1579.	55.	239.
<i>Franciscus à Funiano, Præd.</i>	1579.	55.	241.
<i>Hieronymus à Butunto, Præd.</i>	1580.	56.	245.
<i>Michael à Neapoli, Præd.</i>	1580.	56.	247.
Sacerdotes.			
<i>Franciscus à Cartoceto, Sacerdos.</i>	1526.	2.	249.
<i>Paulus Clodiensis, Sac.</i>	1531.	7.	252.
<i>Michael Aprustensis, Sacerd.</i>	1537.	13.	253.
<i>Angelus à Castro sancti Petri, Sac.</i>	1538.	14.	254.
<i>Bernardus Assisias, Sac.</i>	1547.	23.	256.
<i>Antonius Cyræus, Sac.</i>	1548.	24.	260.
<i>Dominicus Bononiensis, Sac.</i>	1551.	27.	265.
<i>Bonauentura à Monte Regali, Sac.</i>	1555.	31.	269.
<i>Franciscus à Sinagria, Sac.</i>	1560.	36.	272.
<i>Hieronymus à Tipherno, Sac.</i>	1560.	36.	311.
<i>Bartholomeus Nitiensis, Sac.</i>	1560.	36.	311.
<i>Petrus Nitiensis, Sac.</i>	1560.	36.	311.
Fr. <i>Hieronymus à Georgia, Sac.</i>	1561.	37.	273.
<i>Hieronymus à Monteforia, Sac.</i>	1561.	37.	273.
<i>Ludovicus à Stronconio, Sac.</i>	1562.	38.	275.
<i>Bernardinus Assanensis, Sac.</i>	1563.	39.	311.
<i>Joannes Baptista Laritionensis, Sac.</i>	1564.	40.	276.
<i>Deodatus à Ripa Trazona, Sac.</i>	1566.	42.	311.
<i>Pacificus à Forosempronio, Sac.</i>	1568.	44.	278.
<i>Antonius à Spinatiola, Sac.</i>	1568.	44.	279.
<i>Paulinus Pistoriensis, Sac.</i>	1568.	44.	278.
<i>Franciscus Racalensis, Sac.</i>	1568.	44.	311.
<i>Ioannes Baptista à Cherio, Sac.</i>	1568.	44.	312.
<i>Angelus à Tipherno, Sac.</i>	1569.	45.	280.
<i>Franciscus à Canobio, Sac.</i>	1570.	46.	281.
<i>Julius à Casali Pistorum.</i>	1570.	46.	298.

Gabriel

INDEX

	Annus Christi.	Annus Reform.	Pagina
Gabriël à Jaueno, Sac.	1570.	46.	282
Angelicus Bocheriensis, Sac.	1570.	46.	312
Stephanus Bocheriensis, Sac.	1570.	46.	312
Sylueſter Bocheriensis, Sac.	1570.	46.	312
Bonauentura Cremonensis, Sac.	1571.	47.	285
Leo Genuensis, Sac.	1571.	47.	286
Otho à Sancto Germano, Sac.	1571.	47.	288
Franciscus à Canobio, Sac.	1572.	48.	281
Ruffinus Libunatensis Sac.	1572.	48.	289
Antonius à Lacu Nigro, Sac.	1572.	48.	289
Paulus à Francà villa, Sac	1572.	48.	289
Augustinus Pactensis, Sac.	1572.	48.	312
Alexander Interamnensis, Sac.	1572.	48.	312
Iuo Meſſanensis, Sac.	1572.	48.	268
Vincentius à Flauiano, Sac.	1573.	49.	292
Fr. Franciscus à Sancto Martino, Sac.	1574.	50.	297
Gratus Septempedanus, Sac.	1575.	51.	298
Benedictus Galeratensis, Sac.	1575.	51.	298
Iulius à Caſali Piſtorum, Sac.	1575.	51.	298
Blasius de Hali, Sac.	1576.	52.	299
Damianus Bergomas, Sac.	1576.	52.	299
Hieronymus à Paradifonio, Sac.	1577.	53.	300
Duo anonymi.	1577.	53.	301.
Ludouicus Agrigentinus, Sac.	1577.	53.	300
Franciscus à Sancto Petro, Sac.	1578.	54.	311
Angelus à Canobio, Sac.	1579.	55.	303
Andreas Burgundus, Sac.	1580.	56.	304
Stephanus Fulginas, Sac.	1580.	56.	305
Bonauentura Panormitanus, Sac.	1580.	56.	307
Alexander à Butrio, Sac.	1580.	56.	305
Franciscus à Caſtro veteri, Sac.	1580.	56.	308
Thadeus à Monte Petriolo, Sac.	1580.	56.	309
Clerici.			
Antonius Luſitanus, Clericus.	1545.	21.	313
Bernardus Enneus, Cler.	1554.	30.	314
Daniel Leontinus, Cler.	1554.	30.	314
Matthaus Rheginus, Cler.	1555.	31.	316
Fr. Antonius Senensis, Cler.	1560.	36.	317
Benedictus Vercellensis, Cler.	1565.	41.	317
Sauinus Firmanus, Cler.	1566.	42.	318
Bernardinus Cataciensis, Cler.	1567.	43.	320.
Quidam Anonymus, Cler.	1567.	43.	323.

Bernardi-

VIRORVM ILLVSTRIVM

	Annus Christi.	Annus Re form.	Pa gina
<i>Seraphinus Panormitanus, Cler.</i>	1567.	43.	318.
<i>Bernardinus Vrbinas, Cler.</i>	1568.	44.	323.
<i>Iulianus Camerinensis, Cler.</i>	1568.	44.	324.
<i>Arsenius Picens, Cler.</i>	1569.	45.	325.
<i>Modestus Placentinus, Cler.</i>	1570.	46.	325.
<i>Ioannes Baptista de Castro Sancti Petri, Cler.</i>	1571.	47.	325.
<i>Bernardinus à Lauro, Cler.</i>	1571.	47.	326.
<i>Alexander Catanensis, Cler.</i>	1572.	48.	326.
<i>Ludonicus Parmensis, Cler.</i>	1574.	50.	327.
<i>Paulus à Pedona, Cler.</i>	1575.	51.	328.
<i>Ioannes Baptista Fossanensis Cler.</i>	1575.	51.	329.
<i>Felix Messanensis, Cler.</i>	1576.	52.	331.
<i>Franciscus Abillinensis, Cler.</i>	1577.	53.	332.
<i>Archangelus. à Sacca, Cler.</i>	1577.	53.	333.
<i>Gratia Septempedanus, Cler.</i>	1578.	54.	333.
<i>Ioannes Baptista Ferrariensis, Cler.</i>	1580.	56.	334.
<i>Gregorius Gallipolitanus, Cler.</i>	1580.	56.	335.
Laici.			
<i>Iuniperus à Campo, laicus.</i>	1537.	13.	336.
<i>Donatus Aletinus, laicus.</i>	1539.	15.	337.
<i>Bernardus Forosempronianus, laicus.</i>	1539.	15.	336.
<i>Ioannes de Via, laicus.</i>	1541.	17.	338.
<i>Valerianus Viterbiensis, laicus.</i>	1545.	21.	338.
<i>Franciscus. Belga, laicus.</i>	1545.	21.	338.
<i>Ioannes Maria Brixienfis, laicus.</i>	1545.	21.	338.
<i>Iustinus à Panigaleo, laicus.</i>	1547.	23.	341.
<i>Antonius à Polio, laicus.</i>	1550.	26.	362.
<i>Martinus Belga, laicus.</i>	1550.	26.	344.
<i>Rogerus ab Enna laicus.</i>	1550.	26.	345.
<i>Ioannes Appulus, laicus.</i>	1551.	27.	347.
<i>Albertus Neopolitanus laicus.</i>	1551.	27.	351.
<i>Petrus Clodiensis, laicus.</i>	1555.	31.	356.
<i>Bonaventura Reginus, laicus.</i>	1555.	31.	354.
<i>Antonius Siculus, laicus.</i>	1555.	31.	356.
<i>Ioannes Candela, laicus.</i>	1555.	31.	357.
<i>Franciscus Curenfis, laicus.</i>	1555.	31.	357.
<i>Dominicus à Molochio.</i>	1555.	31.	447.
<i>Bernardus Offidanus, laicus.</i>	1558.	34.	360.
<i>Matthaus Avinionensis, laicus.</i>	1560.	36.	363.
<i>Iacintus à Fano, laicus.</i>	1560.	36.	365.
<i>Benedictus à Brixia, laicus.</i>	1560.	36.	446.

Bene di

INDEX.

	Annus Christi.	Annus Reform.	Pagina
<i>Benedictus à Modià, laicus.</i>	1560.	36.	446.
<i>Iacobus Reginus, laicus.</i>	1561.	37.	366.
<i>Baptista Faentinus, laicus.</i>	1562.	38.	370.
<i>Benedictus Mutinensis, laicus.</i>	1562.	38.	367.
<i>Stephanus Mediolanensis, laicus.</i>	1562.	38.	367.
<i>Quidam Anonymus, laicus.</i>	1563.	39.	374.
<i>Bonaventura Gallus, laicus.</i>	1563.	39.	446.
<i>Bonaventura Bercellensis, laicus.</i>	1563.	39.	446.
<i>Bernardus Mediolanensis, laicus.</i>	1563.	39.	377.
<i>Massens Tridentinus, laicus.</i>	1565.	41.	379.
<i>Victor Bergomas, laicus.</i>	1566.	42.	383.
<i>Iacobus à Nursià, laicus.</i>	1566.	42.	380.
<i>Egidius Tarentinus, laicus.</i>	1566.	42.	446.
<i>Egidius ab Aquis Porretanis, laicus.</i>	1566.	42.	446.
<i>Iulianus à Desio, laicus.</i>	1566.	42.	446.
<i>Angelus Tiphernas, laicus.</i>	1566.	42.	
<i>Bonaventura Picens, laicus.</i>	1567.	43.	385.
<i>Antonius à Potentià, laicus.</i>	1567.	43.	386.
<i>Egidius Siracusanus, laicus.</i>	1567.	43.	446.
<i>Franciscus Maceratensis, laicus.</i>	1568.	44.	388.
<i>Antonius Lochiensis, laicus.</i>	1568.	44.	393.
Fr. <i>Franciscus à Matteolâ, laicus.</i>	1569.	45.	393.
<i>Simon Monticalensis, laicus.</i>	1569.	45.	447.
<i>Ioannes Andreas Venetus.</i>	1569.	45.	447.
<i>Matthaeus Venetus.</i>	1569.	45.	447.
<i>Ludovicus à Monte Sancti Savini, laicus.</i>	1570.	46.	396.
<i>Ioannes à Nicosia, laicus.</i>	1570.	46.	397.
<i>Valentinus Drepanensis, laicus.</i>	1570.	46.	398.
<i>Nicolaus à s. frondibus, laicus.</i>	1570.	46.	400.
<i>Massens Genuensis, laicus.</i>	1571.	47.	401.
<i>Andreas à Crotonè, laicus.</i>	1571.	47.	401.
<i>Martinus Reginus, laicus.</i>	1571.	47.	402.
<i>Augustinus Dipiannensis, laicus.</i>	1572.	48.	403.
<i>Bernardinus Asculanus, laicus.</i>	1572.	48.	403.
<i>Petrus Ponceneranus, laicus.</i>	1572.	48.	447.
<i>Prosper à Sancto Angelo, laicus.</i>	1573.	49.	
<i>Antonius Aletinus, laicus.</i>	1573.	49.	403.
<i>Geruasius Hyrminiensis, laicus.</i>	1574.	50.	406.
<i>Alexius à Petrâ Rubea, laicus.</i>	1574.	50.	410.
<i>Bonaventura à Raticina, laicus.</i>	1575.	51.	412.
<i>Philippus à Monte veteri, laicus.</i>	1575.	51.	416.
<i>Iosephus Drepanensis, laicus.</i>	1575.	51.	417.


Thomas

VIRORVM ILLVSTRIVM.

	Annus Christi.	Annus Reform.	Pagina.
Thomas Taurinensis.	1575.	51.	417
Bernardinus à Latertiâ.	1575.	51.	417
Ioannes Gallus, laïcus.	1576.	52.	418
Julianus ab Amestrata, laïcus.	1576.	52.	418
Clemens à Bocherio, laïcus.	1577.	53.	419
Pacificus Calaber, laïcus.	1577.	53.	419
Vitus à Monte, laïcus.	1577.	53.	420.
Sebastianus Vibonensis, laïcus.	1577.	53.	447
Ioachimus à Leuanto, laïcus.	1578.	54.	422.
Petrus Enneus, laïcus.	1578.	54.	425.
Fr. Onuphrus Bononiensis, laïcus.	1579.	55.	426.
Paulus Catanensis, laïcus.	1579.	55.	426.
Gregorius Genuensis, laïcus.	1579.	55.	427.
Ambrosius Locrensis, laïcus.	1579.	55.	428.
Leo Catanensis, laïcus.	1580.	56.	431.
Josephus à Corleone, laïcus.	1580.	56.	435.
Antonius Cincinianensis, laïcus.	1580.	56.	493
Bartholomæus à Murciano, laïcus.	1580.	56.	441
Illuminatus à Nursiâ, laïcus.	1580.	56.	443
Humilis à Spoleto, laïcus.	1580.	56.	444.
Bernardinus Eugubinus, laïcus.	1580.	56.	445

INDEX ALPHABETICVS.

A

	Annus	Pagina
 Egidius ab Aquis Porretanis lai.	1566.	446.
Egidius Turrianus Prou.	1558.	102
Egidius Siracusanus laic.	1567.	446.
Egidius à Molâ laic.	1576.	
Egidius Tarentinus laic.	1566.	446.
Egidius Luppensis. Prou.	1578.	114
Albertus Neapolitanus laic.	1551.	351.
Alexander à Fano Guard.	1564.	163.
Alexander Catanensis Clericus.	1572.	326.
Alexander ab Interamnea	1572.	312.
Alexander à Butrio. sac.	1580.	305
Alexius à Petrâ Rubea laic.	1574.	410.
Alexius à Cunio.	1551.	52.
Alphonsus Suesanus Def. Gen.	1575	58.
Ambrosius Locrensis laic.	1579.	428.
Amadeus ab Anteniato Prou.	1566	111.
Angelicus à Bocherio Sac.	1570.	312.

Mmm

Angelus

INDEX

	Annus	Pagina
<i>Angelus Saonensis, Prad.</i>	1556.	213.
<i>Angelus Tiphernas laic.</i>	1566.	
<i>Angelus Astenfis Guard.</i>	1560.	159.
<i>Angelus à Ferno Prad.</i>	1568.	229.
<i>Angelus á Tipherno Sac.</i>	1569.	280.
<i>Angelus à Castro sancti Petri Sac.</i>	1538.	254.
<i>Angelus à Sancto Martino Prad.</i>	1572.	232.
<i>Angelus à Castellanea Prou.</i>	1567.	110.
<i>Angelus saonensis Clericus.</i>	1574.	35. A
<i>Angelus Ferrariensis Mag. Nou.</i>	1576.	197.
<i>Angelus à Canobio Sacerdos.</i>	1579.	303.
<i>Andreas Crotoniensis laic.</i>	1571.	401.
<i>Andreas Burgundus sac.</i>	1579.	304.
<i>Anonymi Duo Martyres.</i>	1557.	311.
<i>Anselmus Aletinus Cler.</i>	1580.	34. A
<i>Anonymus Clericus.</i>	1567.	323.
<i>Anselmus Panormitanus Prou.</i>	1573.	113.
<i>Anonymus laicus.</i>	1562.	374.
<i>Antonius Lusitanus Clericus.</i>	1545.	313.
Fr. <i>Antonius Cyrnaus Sac.</i>	1548.	260.
<i>Antonius à Monte Sicardo, Mag. Nou.</i>	1550.	182.
<i>Antonius Politianus laicus.</i>	1550.	362.
<i>Antonius Siculus laic.</i>	1555.	356.
<i>Antonius à Lacu Nigro sac.</i>	1572.	289.
<i>Antonius à Potentia laic.</i>	1568.	386.
<i>Antonius Senensis, Cler.</i>	1567.	317.
<i>Antonius Lochiensis laic.</i>	1560.	393.
<i>Antonius á Spinatiola Sac.</i>	1568.	278.
<i>Antonius Aletinus laicus.</i>	1573.	403.
<i>Antonius Monopolitanus Guard.</i>	1579.	179.
<i>Antonius à Cianciano laic.</i>	1580.	
<i>Archangelus Panormitanus Guard.</i>	1577.	177.
<i>Archangelus Saccensis Cler.</i>	1577.	333.
<i>Arsenius Picens Cler.</i>	1569.	325.
<i>Arsenius Bergomas Cler.</i>	1580.	26.
<i>Augustinus Dipinianensis laic.</i>	1572.	403.
<i>Augustinus à Latertia laic.</i>	1580.	46.
<i>Augustinus Pactensis Sac.</i>	1572.	312.
<i>Augustinus Gallus Prou.</i>	1566.	107.
B		
Fr. <i>Baptista Laritionensis Sac.</i>	1564.	276.

Baptista

VIRORVM ILLVSTRIVM.

	Annus	Pagina.
Fr. Cosmas à Martina Mag. Nou.	1577.	39. A
D		
Damianus Bergomas Sac.	1576.	299.
Daniel Leontinus Clericus.	1554.	314.
Fr. Deodatus à Ripa Trasona Sac.	1566.	311.
Dominicus bononiensis Sac.	1551.	265.
Dominicus à Molochio.	1555.	447.
Donatus Aletinus laicus.	1539.	337
E		
Fr. Eusebius à Sancta Catharina.	1537.	17. A
Eusebius Anconitanus Generalis.	1569.	24.
F		
Felix à Carauasio Cler.	1572.	29. A
Felix Messanensis Cler.	1576.	331.
Franciscus Belga laic.	1545.	338.
Franciscus Titelmannus Prou.	1537.	87.
Franc. à Palemone Guard.	1544.	125.
Franc. Aesinus Generalis.	1549.	11.
Franc. Curensis laicus.	1557.	357.
Franc. à Sinagria Sac.	1560.	272.
Franc. Nouariensis Mag. Nou.	1562.	188.
Franc. à Soriano Prad.	1567.	225.
Franc. Maceratensis laicus.	1568.	388.
Franc. Matteolensis laicus.	1569.	393.
Fr. Franc. à Canobio Sac.	1570.	281.
Franc. à Monte Politiano Prad.	1571.	230.
Franc. à Sancto Martino Sac.	1574.	297.
Franc. à Sancto Petro Prad.	1574.	301.
Franc. Sacciensis Def. Prou.	1575.	118.
Franc. Abillinensis Cler.	1577.	332.
Franc. à Chio gracus laicus.	1578.	38. A
Franciscus à Sancto Petro Sac.	1578.	311.
Franciscus Luppiensis Prou.	1579.	115.
Franciscus à Funiano Prad.	1579.	241.
Franc. à Castro veteri Sac.	1580.	308.
Franc. Racalensis Sac.	1568.	311.
Franciscus à Cartoceto Sac.	1526.	249.

INDEX

	Annus	Pagina
<i>Baptista Fauentinus laicus.</i>	1562.	370.
<i>Bartholomaeus Nitiensis Sac.</i>	1560.	311.
<i>Bartholomaeus Hisspellensis Guard.</i>	1562.	162.
<i>Bartholomaeus Gallus Mag. Nou.</i>	1566.	190.
<i>Bartholomaeus à Luciniano Præd.</i>	1579.	239.
<i>Bartholomaeus à Murciano laicus.</i>	1580.	432.
<i>Benedictus Galeratenfis.</i>	1575.	298.
<i>Benedictus Brixianus laicus.</i>	1560.	446.
<i>Benedictus Vercellensis Cler.</i>	1565.	317.
<i>Benedictus Mutinensis laic.</i>	1552.	367.
<i>Benedictus à Nodiâ laic.</i>	1560.	446.
<i>Bernardinus Astensis secundus Generalis.</i>	1554.	17.
<i>Bernardinus Rheginus Prou.</i>	1536.	74.
<i>Bernardinus à Monte Vlmi Def. Gen.</i>	1565.	49.
<i>Bernardinus Vrbinas Cler.</i>	1568.	323.
<i>Bernardinus à Lauro Cler.</i>	1571.	326.
<i>Bernardinus Asculanus laic.</i>	1572.	403.
<i>Bernardinus à Latertiâ.</i>	1575.	417.
<i>Bernardinus à Murciano laicus.</i>	1580.	47. A
Fr. <i>Bernardinus Eugubinus laicus.</i>	1580.	445.
<i>Bernardinus à Balbano Guard.</i>	1558.	52.
<i>Bernardinus Assanensis Sac.</i>	1563.	311.
<i>Bernardinus Cataciensis Cler.</i>	1567.	320.
<i>Bernardus Offidanus laic.</i>	1558.	360.
<i>Bernardus Enneus Cler.</i>	1554.	314.
<i>Bernardus Forosempronianus laic.</i>	1539.	336.
<i>Bernardus Asisias Guard.</i>	1547.	256.
<i>Bernardus Mediolanensis laic.</i>	1563.	377.
<i>Bernardus Cataciensis Cler.</i>	1567.	
<i>Blasius de Hali.</i>	1576.	299.
<i>Bonauentura Rheginus laic.</i>	1555.	354.
<i>Bonauentura à Monte Regali Sac.</i>	1555.	269.
<i>Bonauentura à Raticinâ laic.</i>	1575.	412.
<i>Bonau. Panormitanus Sac.</i>	1580.	307.
<i>Bonauentura Picens laic.</i>	1567.	385.
<i>Bonauentura Bercellensis laic.</i>	1563.	446.
<i>Bonauentura Cremonensis Sac.</i>	1571.	285.
<i>Bonauentura Rhegiensis Proc. Gen.</i>	1572.	34.
<i>Bonauentura Gallus laicus.</i>	1563.	249.
C		
Fr. <i>Clemens à Bocherio laicus.</i>	1577.	419.

Cosmas

VIRORVM ILLVSTRIVM.

	Annus	Pagina.
G		
Gabriel à Jaueno Sac.	1570.	282.
Gervasius Hyrminiensis laicus.	1574.	406.
Fr. Gratus Septempedanus Sac.	1575.	498.
Gratia Septempedanus Clericus.	1578.	333.
Gregorius Genuensis laic.	1579.	427.
Gregorius Gallipolitanus Cler.	1580.	334.
H		
Hieronimus à Georgia Sac.	1561.	273.
Hieron. à Monte Politiano Prou.	1546.	94.
Hieron. à Monte sorio Sac.	1563.	275.
Hieron. à Foroliuio Prad.	1566.	220.
Hieron. Pistoriensis Def. Gen.	1570.	55.
Hieron. Rheginus Prou.	1572.	112.
Hieron. à Pedonâ Guard.	1576.	175.
Hieron. à Paradisio Sac.	1577.	300.
Fr. Hieron. Panormitanus Def. Gen.	1579.	62.
Hieron. à Butunto Prad.	1580.	245.
Hieron. à Tipherno Sac.	1560.	311.
Honorius à Monte Granario Comm. Gen.	1569.	65.
Humilis Offidanus Prad.	1541.	204.
Humilis à Spoleto laicus.	1580.	444.
Humilis à Paterno Cler.	1580.	43. A
Hyacinthus Faneſtris laicus.	1560.	365.
I		
Jacobus Rheginus laicus.	1561.	366.
Jacobus à Melphicto Guard.	1561.	159.
Jacobus Florentinus Guard.	1548.	127.
Jacobus de Nursiâ laicus.	1566.	380.
Jacobus Aletinus Prou.	1580.	115.
Ignatius ab Apiro Comm. Gen.	1569.	69.
Fr. Ignatius de valle duplici Guard.	1571.	131.
Illuminatus à Nursiâ laicus.	1580.	443.
Ioannes à Fano Def. Gen.	1539.	38.
Ioannes à Metymniâ Martyr Prad.	1551.	207.
Ioannes Appulus laicus Martyr.	1551.	347.
Ioannes Candela laic.	1555.	557.
Ioannes à Corleone Guard.	1562.	163.
Ioannes Fassatus Prouincial.	1565.	106.

Mmm 3

Ioannes

INDEX

	Annus	Pagina
<i>Ioannes à Leonisâ Prad.</i>	1565.	217.
<i>Ioannes Viterbiensis Prou.</i>	1569.	111.
<i>Ioannes Jarratensis.</i>	1570.	112.
<i>Ioannes Sorianus.</i>	1572.	21. A
<i>Ioannes de via laicus.</i>	1541.	338.
<i>Ioannes Gallus laic.</i>	1576.	418.
<i>Ioannes à Nicosia laic.</i>	1570.	397.
<i>Ioannes Jlliricus.</i>	1577.	238.
<i>Ioannes à Foroliuio Mag. Nou.</i>	1580.	198.
<i>Ioanninus Florentinus laic.</i>	1569.	58. A
<i>Joannellus à Terra noua Prad.</i>	1573.	236.
<i>Ioannes Andreas Venetus Sac.</i>	1569.	447.
<i>Ioannes Andreas à Rodigio Mag. Nou.</i>	1577.	194.
<i>Ioannes Baptista Laritionensis Sac.</i>	1564.	276.
<i>Ioannes Baptista Florentinus Prad.</i>	1540.	202.
<i>Ioannes Baptista Pedemontanus Sac.</i>	1549.	4. A
<i>Ioannes Baptista à Nursia Guard.</i>	1549.	129.
<i>Ioannes Baptista Asculanus Cleric.</i>	1572.	39. A
Fr. <i>Ioannes Baptista Saonensis Guard.</i>	1575.	173.
<i>Ioannes Baptista Fossanensis Clericus.</i>	1575.	329.
<i>Ioannes Baptista de Castro Sancti Petri Cler.</i>	1571.	325.
<i>Ioannes Baptista Cheriensis Sac.</i>	1568.	312.
<i>Ioannes Baptista ab Apiro Sac.</i>	1575.	51. A
<i>Ioannes Baptista Ferrariensis Clericus.</i>	1580.	334.
<i>Ioannes Maria Brixienis laicus.</i>	1545.	338.
<i>Ioachimus à Leuanto laicus.</i>	1578.	422.
<i>Iosephus à Ferno Def. Gen.</i>	1556.	43.
<i>Iosephus Drepanensis laicus.</i>	1575.	417.
<i>Iosephus à Colleamato Guard.</i>	1577.	147.
<i>Iosephus à Corleone laicus.</i>	1580.	433.
<i>Iulianus Salodiensis Guard.</i>	1551.	131.
<i>Iulianus à Desio laicus.</i>	1566.	446.
<i>Iulianus ab Amestrata laicus.</i>	1576.	418.
<i>Iulianus Camerinensis Clericus.</i>	1568.	324.
<i>Iulius a Casali Pistorum Sac.</i>	1570.	298.
<i>Iuo Messanensis Sac.</i>	1572.	268.
<i>Luniperus à Campo laic.</i>	1537.	336.
<i>Iustinus à Panigaleo laic.</i>	1547.	341.
L		
Fr. <i>Laurentius à Funiano Prou.</i>	1566.	110.
<i>Laurentius à Sarnano laic.</i>	1569.	85. A

VIRORVM ILLVSTRIVM.

	Annus	Pagina
<i>Leo Genuensis Sac.</i>	1571.	286.
<i>Leo Veronensis Prou.</i>	1555.	101.
<i>Leo Catanensis laic.</i>	1580.	431.
<i>Leonardus Augustanus Cler.</i>	1548.	21. A
<i>Lucas Narinus Guard.</i>	1555.	142.
<i>Ludouicus Nethinus Prou.</i>	1574.	113.
Fr. <i>Ludouicus Rheginus Prou.</i>	1537.	79.
<i>Ludouicus Fulginas Guard.</i>	1557.	144.
<i>Ludouicus Vrbinas Prad.</i>	1560.	214.
<i>Ludouicus à Monte Sancti Sauini laic.</i>	1570.	396.
<i>Ludouicus Parmensis Cler.</i>	1574.	327.
<i>Ludouicus Agrigentinus Sac.</i>	1577.	300.
<i>Ludouicus a Stronconio Sac.</i>	1562.	275.
M		
<i>Marianus Cyrnaus Prad.</i>	1540.	202.
<i>Marinus à Sanctâ victoria Prou.</i>	1576.	114.
<i>Martinus Rheginus laic.</i>	1571.	402.
<i>Martinus Belga laic.</i>	1550.	344.
<i>Masseus Tudertinus laic.</i>	1565.	379.
<i>Masseus Genuensis laic.</i>	1571.	401.
<i>Matthaus à Bassio primus Generalis.</i>	1552.	1.
<i>Matthaus Venetus.</i>	1569.	55. A
Fr. <i>Matthaus Leopoltanus Prad.</i>	1531.	199.
<i>Matthaus à Leonissâ Guard.</i>	1553.	134.
<i>Matthaus à Schio Prou.</i>	1563.	103.
<i>Matthaus Rheginus Cler.</i>	1555.	316.
<i>Matthaus Auinionensis laic. Def.</i>	1564.	363.
<i>Michaël Angelus Florentinus Prad.</i>	1572.	
<i>Michaël Aprustensis Sac.</i>	1557.	253.
<i>Michaël à Neapoli Prad.</i>	1580.	247.
<i>Modestus à Foroliuio Cler.</i>	1568.	26. A
<i>Modestus Placentinus Cler.</i>	1570.	325.
N		
<i>Nicolaüs Anconitanus Prad.</i>	1563.	215.
Fr. <i>Nicolaüs ab Antio Nouo Guard.</i>	1569.	167.
<i>Nicolaus à Quinque frondibus laic.</i>	1570.	400.
<i>Nouitius quidam.</i>	1568.	23. A
O		
Fr. <i>Onuphrus Bononiensis laic.</i>	1579.	426.

INDEX

Fr. { Otto à Sancto Germano, Sac.

Annus	Pagina
1571.	288.

P

Pacificus à Fanestris Guard.	1566.	166.
Pacificus à Forosempronio Sac.	1568.	268
Pacificus Lugavensis Præd.	1568.	228.
Pacificus à Sancto Gervasio Comm. Gen.	1575.	71.
Pacificus Calaber laicus.	1577.	419
Pacificus à Spoleto laic.	1580.	10. A
Paulinus Pistoriensis Sac.	1568.	278
Paulus Clodiensis Sac.	1531.	252.
Paulus à Francauillâ Sac.	1572.	289
Paulus à Pedona Cler.	1573.	328.
Paulus ab Arenaria Guard.	1575.	153.
Paulus Ferrariensis Guard.	1574.	172.
Paulus à Nicosia laic.	1576.	
Fr. Paulus ab Alchamo Nou.	1577.	49. A
Paulus Bercellensis Guard.	1579.	180.
Paulus Catanensis laic.	1579.	426.
Petrus Tudertinus Guard.	1540.	321.
Petrus Nitiensis Sac.	1560.	311.
Petrus à Mazara Prou.	1550.	98.
Petrus Vrbinas Cler.	1572.	30. A
Petrus à Martinâ Guard.	1559.	156.
Petrus Ponsueranus Genuensis laic.	1572.	447.
Petrus Clodiensis laic.	1555.	356.
Petrus à Cuiate Ducali Proc. Gen.	1566.	31.
Petrus Enneus laicus.	1578.	425
Petrus de Quarterijs Prou.	1580.	116
Philippus à Monte veteri laicus.	1575.	416
Prosper à Sancto Angelo laicus.	1573.	

R

Rogerus Enneus.	1550.	345.
Fr. { Ruffinus à Sancto Vrsò Mag. Nou.	1575.	192.
Ruffinus Libunatensis Sac.	1572.	289.

S

Sauinus Firmanus Clericus.	1566.	318.
Fr. { Sebastianus Agriciensis Præd.	1570.	230.
Sebastianus à Gratterio Guard.	1572.	169.
Sebastianus Engiensis Sac.	1576.	21. A

Seba-

VIRORVM ILLVSTRIVM.

	Annus	Pagina
<i>Sebastianus Vibonensis laic.</i>	1577.	447.
<i>Seraphinus Panormitanus Cler.</i>	1567.	318.
<i>Seraphinus Saonensis Sac.</i>	1547.	8. A
<i>Syluester Bocherensis Sac.</i>	1570.	312.
Fr. <i>Syluester Vtinenſis Præd.</i>	1576.	238.
<i>Simon Monticalensis laicus.</i>	1569.	447.
<i>Stephanus Fulginas Sac.</i>	1580.	315.
<i>Stephanus Bocherensis Sac.</i>	1570.	312.
<i>Stephanus Mediolanensis laic.</i>	1562.	367.
T		
<i>Thadaus à Monte Petriolo Sac.</i>	1580.	309.
Fr. <i>Thomas Taurinensis.</i>	1575.	417.
<i>Thomas Tiphernas Generalis.</i>	1576.	29.
V		
<i>Valerianus Viterbiensis laic.</i>	1545.	338.
<i>Valerianus à Castro Bono Mag. Non.</i>	1576.	198.
<i>Valentinus Drepanensis laic.</i>	1570.	398.
<i>Victor Bergomas laic.</i>	1566.	323.
<i>Vincentius Calaritanus laic.</i>	1541.	36. A
Fr. <i>Vincentius à Colleario laic.</i>	1548.	31. A
<i>Vincentius Cassanensis Sac.</i>	1567.	17. A
<i>Vincentius Platiensis laic.</i>	1568.	54. A
<i>Vincentius à Flausiano Sac.</i>	1573.	290.
<i>Vitus à Monte laicus.</i>	1577.	420.
<i>Vrbanus à Manfredoniâ Def. Gen.</i>	1578.	60.

Errata sic corrige.

Pag. 2. Apparit. eum lege eam. Pag. 9. Apparit. l. 6. effudentem lege effundentem. Pag. 27. Apparit. lineâ 7. postulâſſet lege præſtitiffet. Pag. 39. Apparit. lineâ 19. acceſſit lege acceſſit, lineâ 20. eâ lege eo. Pag. 49. Apparit. lineâ 5. dum lege tum, lineâ 22. circumfulſa lege circumfuſa. Pag. 54. Apparit. lineâ 26. B. Virgo lege B. Virginem, lineâ 27. expellentes lege expellentem. Pag. 77. lin. 38. incorruptum lege incorruptum. Pag. 83. lineâ 26. Fratri lege Fratre lineâ 32. ingauſcente lege ingroſſante. Pag. 84. lineâ 10. miniſtrat, lege miniſtrabat. P. 104. lineâ 3. flores lege fores. Pag. 106. lineâ 14. propignat lege progignat. Pag. 110. lineâ 11. Campanaticorum lege Campanacciorum. Pag. 127. lineâ 21. quanquam lege quanquam. Pag. 159. lin. 4. rimat lege rimatur. Pag. 177. lin. 9. Iam lege Tum. Pag. 179. lineâ 5. meliori lege melioris. Pag. 197. lineâ 16. collidiſſet lege collidiſſet. Pag. 356. lineâ 21. clarus lege charus. Pag. 378. lineâ 1. roties lege totus, vt lege ac. Pag. 389. l. 18. tam lege iam. Pag. 397. l. 34. exuiri lege exuri. Pag. 410. l. 35. inuncta lege iniuncta. Pag. 427. l. 26. eloqui lege alloqui. Pag. 428. lin. 7. raptandam lege lenſis lege monticalenſis. Pag. 431. lin. 17. & 20. marciano lege murciano. Pag. 447. lin. 3. montiu.

FINIS.



L. K. g. a. P.

